

LUKE & JOHN  
—  
SANGUIR

LIBRARY OF THE  
Massachusetts  
Bible Society

Catalog No. A.U. 214.8(1)/LJ 1880

Family AUSTRIC

Sub-Family AUSTRONESIAN

Branch INDONESIAN

Group MALAY

Language SANGIR

Dialect SIAU  $125^{\circ}E - 2^{\circ}30'N$

Locality Siau & Tagulandang islands

Contents Luke, John, & Isaiah 55

Version Reprint in one volume of the  
separate 1875, 1877 editions

Translator F. Kelling

Published by B.F.B.S.

Place LONDON

Date 1880

Accession No. 1242

Accession Date May 31, 1934

Price # 0.24

This edition supervised by H. E. Shawe





INDJIL KO SUSI,  
KO NIWOHE I  
LUKAS.

---

NISALIN SU BAHASANG SANGIHE BOU I  
F. KELLING.

---

PRINTED FOR THE  
BRITISH AND FOREIGN BIBLE SOCIETY IN LONDON,  
FOR THE USE OF THE DUTCH MISSION IN THE  
SANGIR ISLANDS,  
BY  
HARRISON AND SONS, ST. MARTIN'S LANE.

Mawu Jesus nēberae :

Pamariksako suratu Elkitab, karna i kumu ma-kaēna, humoneu suralungu ene i kumu makahombang pētatembiahe kakal; ute enee kai mesaksingu Ia.—Joh. 5 : 39.

Tengade kasasalamate si sire ene, ko mēdar-ingihe bawerangu Ruata dingangu mēsempi ene.—Luk. 11 : 28.

---

Mapiawe manga rario mēndeso u patiku ajat ene, ko su wiwihe sualungu nomoru ajat pia tandangu kruis †.

# INDJIL KO SUSI,

KO NIWOHE I

# LUKAS.

---

## FATSAL I.

- 1 Sedang mauli taumata seng nanaluka, nangarangu habaru perkara-perkara ene, ko i kami
- 2 mangiman kahengang-hengang; \* kere seng nisarakan si kami bou i sire ene, ko bou tetae kai saksi matamata, dingangu paprentangu
- 3 Bawera ene; \* tagal ene ia lai seng namariksa kahengang-hengang patiku ene bou tetae, dingangu nanipire kai mapia, mamohe u ene si
- 4 kau, ei Theofilus, ko lēadateng! \* tadeau i kau makahombang katantuangu hale ene, ko seng nitentiro si kau.
- 5 Su tempong i Herodes, ratungu Judea, pia senkatau imam, arenge i Zacharias, bou tundungu ēlong i Abia, dan kawinge, arenge i Elisabeth, ene kai bou ana-ana i Aron bawine.
- 6 \* I redua ene kai adil su tengongu Ruata, dingangu dudaleng kere patute tinuhu patiku titi dingangu tatanatangu Mawu kaselahenge.
- 7 \* Tetapi i redua ene takoae ana, karna i Elisabeth kai wanto, lai i redua senbeng magurang.
- 8 \* Woue nariadie, sedang i sie tinuhu atorangu ēlone, měkěkoa kardjahangu pangkattu imam
- 9 su tengongu Ruata, \* humoneu nitantu si sie

bou lahuri, tinuhu narangu kardjahangu imam,  
 tadeau i sie simue su kabangu Mawu kasela-  
 10 henge, manawungu sasēmba. \* Tetapi kalawo  
 u taumata dudarisi su likude, měkěkaliomaneng  
 11 su orasu panawungangu sasēmba. \* Ute nikas-  
 silone senkatau Malaikat u Mawu kaselahenge,  
 ko dudarisi su senběka koanengu meda-pana-  
 12 nawungangu sasēmba. \* Woue i Zacharias,  
 sedang nakasilo si sie ene, limendie dingangu  
 13 nilohongu katataku. \* Tetapi Malaikat ene  
 něberae si sie : Ariebe kataku, ei Zacharias !  
 karna kaliomanengu seng nitarima, dan ka-  
 wingu i Elisabeth sarung mahana u ana-ese  
 senbau si kau, dan i kau haruse pěsebba u  
 14 arenge i Johannes. \* Woue sarung mariadi  
 karaluase dingangu raliage si kau, lai taumata  
 mauli sarung mahuliage wangu karariadine.  
 15 \* Karna i sie sarung malabo su tengongu Mawu  
 kaselahenge ; i sie ta sarung manginung ang-  
 gor, atau inuman makawukan, dan bou gando-  
 ngang i ninae i sie sarung penengu Roch  
 16 limembong susi. \* Woue i sie sarung mapě-  
 tobatu taumata mauli bou hentong i Israel su  
 17 Mawu Ruatane. \* Lai i sie sarung dumaleng  
 su tengong i Sie suralungu roch dingangu  
 kakakuati Elias, sarung mapětobatu naung i  
 jamang-jamang sarang ana-ana, dan taumata  
 durhaka su kapapandengu taumata adil, sarung  
 mendiahingu umate senggapang ko nisadia su  
 18 Mawu kaselahenge. \* Woue něberae i Zacha-  
 rias su Malaikat ene : Bou apa wue ia botouge  
 masingka u ene ? karna ia seng magurang, lai  
 19 kawingku seng umure marange. \* Woue  
 simimbahe Malaikat dingangu něberae si sie :  
 Ia ini kai Gabriel, ko dudarisi su tengongu  
 Ruata, dan ia niroi pěbisara si kau, dingangu  
 26 papěhabaru hale ini si kau. \* Nau pangingate,

- i kau sarung iapakarémase, dingangu tawotonge makawera sarang ēlo ene, suapang hale ene mariadi ; sebab i kau seng ta nangiman baweraku, ko sarung maganape su tempone.
- 21 \* Woue kalawo u umate ene kapahedone si Zacharias, dingangu nananiangke, sebab i sie  
 22 kere karengue natana suralungu kaba. \* Dan  
 sertau i sie nasēbangke, ute i sie tawotonge na-  
 kawera si sire ; woue i sire nakaēnae, humoneu  
 i sie seng nakasilo manga karalahe suralungu  
 kaba ; woue i sie nanuladae si sire, dingangu  
 23 natana bobo. \* Dan sertau ēloēlo pěkakardja-  
 hange seng naganape, ute i sie napulee su  
 24 walene. \* Samuri bou ēloēlo ene, i Elisabeth,  
 kawinge, něpohiamae ; woue i sie někum-  
 bungu batangenge lima bulan karengue,  
 25 dingangu nangulie : \* Kerene Mawu kasela-  
 henge seng někoa si sia su ēloēlo ini, suapang  
 i Sie seng někakella si sia, sarung mapakailangu  
 meaku bou taloarangu taumata.
- 26 Woue su kaēnungu bulange, ute Malaikat  
 Gabriel niroi u Ruata su soa senbau, ko arenge  
 27 Nazaret, su tana Galilea, \* su senkatau prawan,  
 ko tunangangu senkatau ese, arenge i Josef,  
 bou hentong i Daud ; dan arengu prawan ene  
 28 i Maria. \* Woue Malaikat ene simue dingangu  
 dimenta su koae dingangu něberae : Salamate si  
 kau ! i kau seng nanarima u nimet ! Mawu ka-  
 selahenge kai ringangu, i kau kai nipěberkate  
 29 su taloarangu patiku bawine. \* Nau sertau i  
 sie nakasilo Malaikat ene, ute i sie tumanju  
 limendie waugu bawerane ene, dingangu nani-  
 30 pire : kereapa tabea ene. \* Woue něberae  
 Malaikat ene si sie : Ariebe kataku, ei Maria !  
 karna i kau seng nakahombang nimet suten-  
 31 gongu Ruata. \* Pangingate ! i kau sarung  
 měpohiamma dingangu mahana u Ana-ese

- senbau, dan i kau haruse pĕsebba u arenge i  
 32 Jezus; \* i Sie ene sarung malabo dingangu  
 iseppa Ahusu Mawu ko limembong karange-  
 rangetange, dan Mawu Ruata sarung man-  
 gonggo si Sie kaderangu-mararatu bou i Daud,  
 33 jupunge. \* Ute i Sie sarung maratu su taloara-  
 ngu hentong i Jakob sarang kakal, dan karad-  
 34 jaange takoae pangingsuenge. \* Woue nĕberae  
 i Maria su Malaikat ene: Kereapa ene sarung  
 mariadi, sedang takoae manga ese nĕtingka-  
 35 sandigu ia? \* Woue simimbahe Malaikat  
 dingangu nanguli si sie: Roch limembong susi  
 sarung dumenta si kau, dan kakakuatu Mawu  
 ko limembong karange-rangetange sarung ma-  
 nirung si kau; ute sebab ene, i Sie ko limem-  
 bong susi, ko sarung ipahana bou i kau, sarung  
 36 iseppa Ahusu Ruata. \* Pangingate! i Elisa-  
 beth, ko geu, ko nipĕralahabare, humoneu i sie  
 kai wanto, lai seng nĕpohiamangu ana-ese  
 senbau su ēlong kagagurange; dan inie seng  
 37† kaēnungu bulange; \* karna su Ruata tawe  
 38 manga perkara ko tawotonge mariadi. \* Woue  
 nĕberae i Maria: Kakellae, ia kai ēlangu Mawu  
 kaselahenge; kariadie si sia, kere pinĕberanu.  
 Woue Malaikat ene nanentangkeng i sie.  
 39 Woue i Maria nĕbuæ su tempo ene, dingangu  
 nataraie masahawu su wulude, sorong soangu  
 40 Juda; \* dan nĕdatingke su waleng i Zacharias,  
 dingangu nangonggo u tabea si Elisabeth.  
 41 \* Woue nariadie, sertau i Elisabeth nakaringihe  
 tabea i Maria, ute nĕbinsokohe ana ene sura-  
 lungu kaluwaenge; woue i Elisabeth nipene-  
 42 ngu Roch limembong susi; \* sewuhu nĕberae  
 dingangu tingihe maiha, angkunge: I kau kai  
 nipĕberkate su taloarangu patiku bawine, dan  
 43 nipĕberkate pepapohiamanu! \* Bou apa wue  
 nariadi kerene si sia, humoneu i nina u Mawuku

- 44 dimenta su koaku? \* karna kakellae, sertau tuliku nakaringihe tingihu tabea u, ute něbinso-kohe ana ene bou raliage suralungu kalu-  
 45 waengku. \* Kasasalamate si sie ini, ko seng nangiman; karna patiku ene, ko seng niuli u Mawu kaselahenge si sie, sarung maganape.
- 46 Woue i Maria něberae : Djiwaku mapakawan-  
 47 tugu Mawu kasalahenge, \* dan rochku lumiage  
 48 su Ruata, ko Pungu-salamatku, \* sebab i Sie seng nakasilo kasasana u ēlange bawine; karna kakellae, bou inie patiku hentongu umate sa-  
 49 rung měsebba u ia nasalamate; \* karna i Sie,  
 † ko limembong kawasa, seng někoa perkara labo  
 50† si sia ; dan Arenge kai limembong susi; \* dan karaēluge ene matana tatape bou hento sarang  
 51 hentong i sire ene, ko matakū i Sie. \* I Sie  
 † seng někoa pěkakardjahang makuate bou Takiahe; i Sie seng napapěsaliawuhu taumata  
 52 maobote su pangangěnangu naunge. \*I Sie seng  
 † něnawo taumata kawasa bou kaderangu mara-  
 ratu, dan i Sie seng napakarange u taumata  
 53† masana. \*I Sie seng namene taumata mahutung dingangu hagi-hagingu kapapia, dan taumata kala nipakapulee ta nakatarima u apa-  
 54 apa. \* I Sie nakaambang ēlange i Israel,  
 55 karna i Sie mětahendung su karaēluge, \* kere i Sie seng něbera su jupung i kite, si Ibrahim dingangu hentone, sarang kakal.
- 56 Woue i Maria natanae ringang i Elisabeth masandige tělu bulan karengue, sewuhu i sie něsulee kapia su walene.
- 57 Woue naganape tempong i Elisabeth sarung mahana, ute i sie nahana u ana-ese senbau.
- 58 \* Dan sertau silam-pungan dingangu senkalipohone nakaringihe, humoneu Mawu kasalahenge seng někoa karaēluge labo si sie, ute i sire nahuliage ringange.

- 59 Woue nariadie su kuwalu ēlone ; humoneu i sire dimentae manunate ana ene, dingangu nēsebba i sie ene i Zacharias, tinuhu areng i jamange. \* Tetapi simimbahe i ninae, dingangu nēberae : Tala, i sie isebba si Johannes.
- 60 \* Woue nēberae i sire si sie : Takoae manga senkatau su taloarangu asalu nēsangarengu areng ini. \* Woue i sire nangonggo u tanda si jamange, kereapa kapulune mēsebba i sie ene. \* Ute i sie nēdorongke pēpale pamohkan, sewuhu winohee, angkunge : Areng ene i Johannes. Woue i sire patiku nanani-angke ; \* karna su senkakonda ene moħonge dingangu lilane nawuka ; ute i sie nakapēberae, nēpudingu Ruata. \* Woue patiku taumata silampungang ene niralohongu katataku : dan su senkawuludangu Judea nēralahabarengu patiku perkara ini. \* Dan i sire patiku, ko nakaringihe ene, nēmpēndeso u ene suralungu naunge, dingangu nēberae : Apae wue ana ini sarung mariadi ? karna limangu Mawu kaselahenge kai ringang i sie.
- 67 Woue i Zacharias, jamange, nipenengu Roch limembong susi, dingangu namituae, angkunge :
- 68† \* Mēpudingu Mawu kaselahenge, Ruatangu tau Israel, karna i Sie seng nētiwo dingangu 69† nanubuse umate. \* I Sie seng napararisi u tandu-salamate si kite, suralungu waleng i 70† Daud, ēlange ; \* kere i Sie mankeng horo seng nēbera bou mohongu nabi-nabine ko susi,
- 71 \* sarung mēliung i kite bou musu-musung i † kite, lai bou limang i sire patiku, ko mēbēbinsi i 72 kite ; \* tadeau i Sie mēkoa karaēluge su jupung i kite, dingangu pētatahēndungang su pēdaria-
- 73 ndine ko susi, \* dingangu su tewa ene, ko seng pinētewane si Ibrahim, jupung i kite, sarung 74 mangonggo si kite, \* tadeau i kite, maliu bou

- † limangu musumusung i kite, mětahamawu si  
 75† Sie takoae takue, \* suralungu kasasusi dinga-  
 ngu karaadile su tengone, patiku ēlongu pēta-  
 76 tembiahi kite. \* Tetapi i kau, ei ana! i kan  
 sarung iseppa nabingu Mawu ko limembong  
 karange-rangtetange : karna i kau sarung  
 dumaleng su tengong Ghatingu Mawu kase-  
 lahenge, sarung papanadia daralengange;  
 77 \*sarung mangonggo su umate kasasinka u sala-  
 78 mate ene, su kalaampungu dosa-dosane, \* bou  
 karaēlugu-naungu Ruatang i kite, dingangu  
 apang Katatualage bou tampa karange-range-  
 79 tange seng nētiwo si kite ; \* sarung sumenang  
 si sire ene, ko kukaiang suralungu ko maren-  
 dung, dan suralungu kinkaungu papate; sarung  
 mangaha u laedi kite su daralengangu pē-  
 darame.  
 80 Woue ana ene nataguapise timūwo, dingangu  
 niapakakuat suralungu roch, dan natanae su  
 kēhu, sarang ēlong karalahee su tau Israel.

## FATSAL II.

- 1 Woue nariadie su ēlo-ēlo ene, humoneu i  
 kaisar Augustus napasēbaangu tita senbau,  
 2 tadeau patiku kawanuane pakirole. \* Pēn-  
 darole himotongange ini seng nariadi tempong  
 3 i Kirenius kai Governor su Sijrie. \* Woue  
 natamaie i sire patiku sarung ipakirole, sen-  
 4 katau-senkatau su soane. \* Ute natamaie  
 lai i Josef bou Galilea, bou soangu Nazaret,  
 sorong Judea, su soang i Daud, arenge Beth-  
 lehem, (sebab i sie ene bou bangsa dan hentong  
 5 i Daud,) \* tadeau i sie ipakirole ringang i  
 Maria, ko tunangange, ko piae pohiama.  
 6 \* Woue nariadie sertau i sire paisene, hu-  
 moneu naganape tempone, sarung mahana.

7 \* Ute i sie nahana u Anae-ese humotonge, dan  
 nangenggungu heka si Sie, dingangu nang-  
 gulidi Sie su malaf; karna i sire ene ta  
 nakahombang tampa suralungu wale-kawa-  
 8 wunakeng. \* Nau su wanua ene pia manga  
 gombala su kĕhu, ko kapĕlukade hĕbi su  
 9 gapange. \* Nau kakellae, senkatau Malaikat u  
 Mawu kaselahenge dudarisi su tengong i sire,  
 dan kawawantugu Mawu kaselahenge sime-  
 nang kuliling i sire, woue i sire natakue  
 10 dingangu katatakue labo. \* Woue Malaikat  
 † ene nĕberae si sire: Ariebe kataku, karna,  
 pangingate, ia mĕhabare si kumu raliage  
 labo, ko sarung dumenta su patiku umate;  
 11 \* karna su ēlo ini, su soang i Daud, seng  
 † pinahana si kumu Pungu-salamate, enee i  
 12 Kristus, Mawu kaselahenge. \* Dan inie tanda  
 † si kumu: i kumu sarung makasombang Ana  
 kadio ene malaenggungu heka, dingangu  
 13 karaulide su malaf. \* Ute senkilendiu piae  
 ringangu Malaikat ene kalawo u buntuangu  
 (Malaikat) bou Sorga, ko nĕpu dingu Ruata,  
 14 angkunge: \* Hormat su Ruata su tampa ka-  
 † range-rangetange, pĕdarame suwowong bumi,  
 karaluase su taumata!  
 15 Woue nariadie, sertau Malaikat-Malaikat ene  
 seng nanentang i sire, napule sorong Sorga,  
 humoneu gombala-gombala ene nahumbisara  
 senkatau su senkatau: Weite i kite tamai  
 sorong Bethlehem sarung kumakella hale ene,  
 ko seng nariadi, ko seng nihabaru Mawu  
 16 kaselahenge si kite. \* Woue dimentae i sire  
 masahawu, dan nakasombangke si Maria  
 dingangu i Josef, dan Ana kadio ene, ko kara-  
 17 ulide su malaf. \* Woue sertau i sire seng  
 nakasilo si Sie, ute nipĕralahabari sire bawera  
 ene, ko seng niuli si sire bou hale u Ana kadio

- 18 ene. \* Woue i sire patiku, ko nakaringihe  
ene, nananiangke waugu hale ene, ko nihabaru  
19† gombala-gombala ene si sire. \* Tetapi i  
Maria nēndeso u patiku bawera ini, dingangu  
20 nanipire ene suralungu naunge. \* Woue  
gombala-gombala ene napulee, napakawan-  
tuge dingangu nēpuдинgu Ruata waugu  
patiku ene, ko seng nikaringihe dingangu  
nikasilong i sire, kere seng niuli si sire.  
21 Dan sertau seng naganape kuwalu ēlone,  
sarung manunate Ana kadio ene, ute nisebbae  
arenge i Jesus, ko seng nisebba u Malaikat  
ene, tempong i sie bodang ta nipēpohiama su  
kaluwaeng.  
22 Dan sertau seng naganape ēlo-ēlongu kasasu-  
sine, tinuhu titang i Musa, ute niwawae i Sie  
sorong Jerusalem, tadeau i Sie iapasiло su  
23 Mawu kaselahenge; \* kere kabawohe suralu-  
ngu titangu Mawu kasalahenge: "Patiku  
ana-ese, ko su himotonge mamuka gan-  
dongang i niniae, haruse iseбba susi su Mawu  
24 kasalahenge; \* dan tadeau i sire mangonggo  
u sasēmba, tinuhu enee ko niuli suralungu  
titangu Mawu kasalahenge: paluma senpare,  
25 atau paluma dadio rarua. \* Nau kakellae, pia  
taumata senkatau su Jerusalem, arenge i  
Simeon; i sie ene kai adil dingangu takutangu  
Ruata, dingangu kapahedone panghiborangu  
tau Israel, dan Roch limembong susi kai  
26 ringange. \* Ute si sie ene senbeng nilahe u  
Roch limembong susi, humoneu i sie neng ta  
makasilo papate, kamageng i sie neng ta  
makasilo si Kristus u Mawu kasalahenge.  
27 \* Woue i sie dimenta niah u Roch simu suralu-  
ngu kaba. Dan sertau gagurange ene nēbawa  
Ana-kadio ene, i Jesus, simu suralungu kaba,  
tadeau i sire mēko dingangi Sie tinuhu atora-

28 ngu tita ; \* ute i Simeon nanaruru si Sie,  
 dingangu něpu dingu Ruata, dingangu ně-  
 29 berae : \* O Mawu ! † inie i Kau mapakaliungu  
 † ēlangu dingangu pědarame, tinuhu bawer-  
 30 anu ; \* karna matak seng nakasilo Salamatu,  
 31 †\* ko seng niriahinu su tengong ghatingu  
 32 patiku umate, \* senbau katatualage sarung  
 † manualage patiku umate kafir, dan sarung  
 33 kawawantugu umatu Israel. \* Ute i Josef  
 dingangu i ninae nananiangke waugu patiku  
 34 ene, ko seng niuli bou hale i Sie. \* Nau i  
 Simeon napěberkate i sire ene, dingangu  
 nanguli si Maria, i ninae : Pangigate ! i Sie  
 ini itantu su kananawong dingangu pěbawa-  
 ngungu taumata mauli su taloarangu tau  
 Israel, dan su tanda senbau, ko sarung ipěda-  
 35 rendehe ; \* (lai spada senbau sarung maneka  
 temepase su djiwanu,) tadeau pangangēnangu  
 36 naungu taumata mauli iapakalahe. \* Lai  
 paisene pia nabi-bawine i Hanna, ko ana i  
 Panuel, bou hentong i Aser ; i sie ene seng  
 umure marange, dan seng nětembiahe di-  
 ngangu kawinge pitu taun karengue bou  
 37 temping i sie prawan. \* Woue i sie kai balu,  
 ko umure ene masandigu uwalung-pulo-ēpa su  
 taunge, ko tawe nanentangu kaba, nahamawu  
 su Ruata dingangu měpěpuasa dan měkěka-  
 liomaneng ēlo hēbi. \* Nau su orase ene i  
 sie lai himaung sene, dingangu nangaku lai  
 Arengu Mawu kaselahenge, dingangu něberae  
 bou i Sie su patiku taumata, ko kapahedone  
 38 katatubuse ene su Jerusalem. \* Nau sertau i  
 sire seng něngganape patiku ene, tinuhu titangu  
 Mawu kasalahenge, ute napulee i sire sorong  
 39 Galilea, su soane Nazaret. \* Woue Ana ene  
 mataguapise timuwo, dingangu niapakakuat  
 suralungu Roch, dingangu napene u kapa-

- pande; dan nimetu Ruata kai ringang i Sie.
- 41 Woue gagurange natamaie sentaun-sentaun  
 42 sorong Jerusalem, su hari-besar paska. \* Dan sertau i Sie ene umore mapulo-dua su taunge, ute natamaie i sire sorong Jerusalem, tinuhu  
 43 narangu hari-besar ene. \* Dan sertau ēlo-ēlo ene seng naliu, tempong i sire napulee kapia, ute natanae Dario ene, i Jesus, su Jerusalem; tetapi i Josef dingangu i ninae bēgangu ene;  
 44 \* kaiso sedang i sire nangēna, humoneu i Sie ene sutaloarangu gapangu taumata su daralengang, natamaie i sire sēngēlo karaune, dingangu nēdeae si Sie sutaloarangu asale, dingangu  
 45 sutaloarangu manga gawene. \* Dan sedang i sire tawe nakasombang si Sie, ute nēsulee i sire sorong Jerusalem, dingangu nēdea si Sie.  
 46 \* Woue nariadie, sertau naliung tēlu ēlo, humoneu i sire nakasombang si Sie suralungu kaba, kukaiang sutaloarangu manga mananentiro, kapēndaringihe si sire, dingangu  
 47 kapakiwarone si sire. \* Nau i sire patiku, ko dudaringihe si Sie, nananiangke waugu ka-  
 48 pandene dingangu sasimbahe. \* Woue i redua naherangke, sertau nakasilo si Sie; dan i ninae nēberae si Sie: O Ana! sebab apa i Kau seng nēkoia kerene si kami? kakellae, i jamangu dingangu ia seng nēdea si Kau dingangu susa.  
 49 \* Woue simimbahe i Sie si sire: Sebab apa i † kumu seng nēdea si Sia? ute i kumu bēga, humoneu Ia mambeng ene su hale i Iamangku? \* Tepati i sire ta nakaēna bawera ene,  
 50 51 ko nipēberane si sire. \* Woue natamaie i Sie ringangi sire, dan dimentae su Nazaret, dingangu sumasumelung si sire. Tetapi i ninae nēadeso u patiku perkara ene suralungu naunge. \* Nau i Jesus nahuntinamba su

kapapande dingangu tatuwo, dan su nimet su Ruata dingangu taumata.

### FATSAL III.

- 1 Woue su taun kapulo-limane su prentangu kaisar Tiberias, su tempo i Pontius Pilatus kai governor su Judea, dan Herodes kai ratu su Galilea, dan ana u senkataune, i Filippus, kai ratu su Iturea dingangu su Trachonitis, dan
- 2 Lijsanias kai ratu su Abilena; \* su tempo i Annas dingangu i Kajafas kai imam labo: ute dimentae bawerangu Ruata si Johannes, ko
- 3 ana i Zacharias, suralungu kēhu. \* Woue i sie dimentae su patiku wanua ko masandigu Jordan, dingangu něhabaru hale u pěndareno
- 4 u tobate su kalaampungu dosa-dosa. \* Kere kabawohe suralungu buke u bawerang i nabi Jesaias, angkunge: “Ene kai tingihu senkatau mamobang suralungu kēhu: Pakariahiete daralengangu Mawu kaselahenge, pakatulide
- 5 lenga-lengane. \* Patiku kebae sarung iapakarange, dan patiku wulude dingangu běngkue sarung iapakasana, dan apang ko bengko, sarung iapakatulide, dan apang ko běngku-běngku, sarung mariadi daraiengang malewawa-
- 6† lewa; \* dan patiku daging sarung makasilo
- 7 salamatu Ruata.” \* Woue i Johannes něberae su gapang-gapangu umate, ko dimentae sarung makireno bou i sie: Ei pěgolu biludak! i sai seng nanulada si kumu, humoneu i kumu botonge makatalang maliu bou ralangehe ene
- 8 ko sarung dumenta? \* Pěbawae bua-buangu
- † tobate kahenganghengang; dan kumbahanbe maneta měbera su batangeng i kumu: I Ibrahim ene kai jamang i kami; karna ia manguli si kumu, humoneu Ruata kai kawasa mapěbangungu ana-ana si Ibrahim bou batubatu ini.

- 9 \* Lai baliung ene seng mapapelo su hamu u  
 † kalu ; ute patiku kalu, ko ta mĕbua mapia,  
 sarung tuwangeng dingangu iwahung su pu-  
 10 tung. \* Woue taumata mauli nakiwaloe si sie,  
 angkunge : Apae wue haruse koateng i kami ?  
 11 \* Woue simimbahe i sie dingangu néberae si  
 † sire : I sai ko pia lakue rarua, pangonggoe  
 senbau si sie ene ko takoae ; dan i sai ko pia  
 12 kang, pĕkoae kerene lai. \* Woue dimentae  
 lai manga mĕdarorong-bea, sarung makireno,  
 dingangu néberae si sie : O mananentiro ! apae  
 13 wue haruse koateng i kami ? \* Woue néberae  
 † i sie si sire : Kumbahanbe manuntu limembo-  
 14 ngu enee ko seng nitantu si kumu. \* Lai  
 † manga suldado nakiwaloe si sie, angkunge : O  
 i kamibe, apae wue haruse koateng i kami ?  
 Woue néberae i sie si sire : Kumbahanbe mani-  
 laka manga senkatau, dan kumbahanbe ma-  
 ngala darotongu manga senkatau dingangu  
 mulinga, dan pĕketae batangeng i kumu su-  
 walawuhi kumu.  
 15 Nau sedang taumata mauli kapahedone, lai i  
 sire patiku kapanipere suralungu naunge bou  
 hale i Johannes, minsang i sie aramanung kai  
 16 i Kristus : \* ute simimbahe i Johannes si sire  
 † patiku, angkunge : Ia mĕndeno si kumu di-  
 ngangu ake ; tetapi i Sie dumenta, ko kai  
 kawasa limembongu ia, hakiu ia tawe haruse  
 mamuka laiki u sapatune ; ute i Sie ene sarung  
 mĕndeno si kumu dingangu Roch limembong  
 17 susi. \* Dan nihunge kai su limane, ute i Sie  
 † sarung manaluahé bukute ; dan i Sie sarung  
 mangomolu lumbihase suralungu godonge,  
 tetapi kepa ene sarung tutungang i Sie su  
 18 putung ko ta masasebu. \* Lai mauli perkara  
 waline nipanasane dingangu néhabaru indjil  
 19 su umate. \* Tetapi sertau ratu Herodes nisa-

- sange, waugu sebab i Herodias, kawingu ana u senkataune, i Filippus, lai waugu patiku ka-  
20 ralarai, ko nikoa i Herodes, \* ute nanambae i sie lai ini su patiku ene, humoneu i sie nakitaho i Johannes suralungu tahungku.
- 21 Woue nariadie, sertau kalawo u umate ene nakireno, su tempo i Jesus nakireno, dingangu  
22 nēkaliomaneng, humoneu Sorga nawuka, \* dan Roch limembong susi natentung si Sie, ko gahie nikasilo kere paluma, lai nikaringihe tingihe senbau bou ralungu Sorga, ko nēberae : I Kau ini kai Anaku ko ikēkendage, si Kau ini Ia pia daliageku !
- 23 Nau su tempo i Jesus nanetae (nanentiro) ute umore ene lēnang tēlumpulo su taunge, ko ene (kere itutika u taumata) ana i Josef, ko ana  
24 i Heli, \* ko ana i Matthat, ko ana i Levi, ko ana i Melchi, ko ana i Janna, ko ana i Josef,  
25 \* ko ana i Mattathias, ko ana i Amos, ko ana i  
26 Naum, ko ana i Esli, ko ana i Naggai, \* ko ana i Maath, ko ana i Mattathias, ko ana i  
27 Semei, ko ana i Josef, ko ana i Juda, \* ko ana i Johannes, ko ana i Rhesa, ko ana i Zoroba-  
28 bel, ko ana i Salathiel, ko ana i Neri, \* ko ana i Melchi, ko ana i Addi, ko ana i Kosam, ko  
29 ana i Elmodam, ko ana i Er, \* ko ana i Joses, ko ana i Elieser, ko ana i Jorim, ko ana i Mat-  
30 that, ko ana i Levi, \* ko ana i Simeon, ko ana i Juda, ko ana i Josef, ko ana i Jonan, ko ana i  
31 Eljakim, \* ko ana i Meleas, ko ana i Mainan, ko ana i Mattatha, ko ana i Nathan, ko ana i  
32 Daud, \* ko ana i Jessai, ko ana i Obed, ko ana i Booz, ko ana i Salmon, ko ana i Nahasson,  
33 \* ko ana i Aminadab, ko ana i Aram, ko ana i  
34 i Esrom, ko ana i Fares, ko ana i Juda, \* ko ana i Jakob, ko ana i Isak, ko ana i Ibrahim,  
35 ko ana i Thara, ko ana i Nachor, \* ko ana i

36 Saruch, ko ana i Ragau, ko ana i Falek,  
 36 ko ana i Heber, ko ana i Sala, \* ko ana i  
 Kainan, ko ani i Arfaxad, ko ana i Sem, ko  
 37 ana i Noah, ko ana i Lamech, \* ko ana i Ma-  
 thusala, ko ana i Enoch, ko ana i Jared, ko ana  
 38 i Malaleel, ko ana i Kainan, \* ko ana i Enos,  
 ko ana i Seth, ko ana i Adam, ko ana u Ruata.

## FATSAL IV.

1 Woue i Jesus, napene u Roch limembong susi,  
 napulee bou Jordan, dingangu niaha u Roch  
 2 suralungu kēhu ; \* ute i Sie nisalukatengu  
 setan ēpa u pulo su ēlone karengue, dingangu  
 ta kimang apaapa su ēlo-ēlo ene; woue su  
 kasuenge, sertau ēlo-ēlo ene naliu, i Sie  
 3 nahutungke. \* Woue nēberae setan si Sie :  
 Kamageng i Kau kai Ahusu Ruata, ute  
 pēberae su batu ini, tadeau ene mariadi kang.  
 4 \* Tetapi i Jesus simimbahe si sie, angkunge :  
 † Kai kabawohe : “Taumata mēbiahe tawe  
 samatan bou kang, kaiso bou patiku bawera-  
 5 ngu Ruata.” \* Woue setan nangaha i Sie  
 suwowong wulude marange, dingangu na-  
 nulada si Sie patiku karadjaangu dunia,  
 6 senkakonda karengue ; \* dan setan nēberae si  
 Sie : Patiku kawasa dingangu kawawantuge  
 ini ia mapulu mangonggo si Kau ; karna enee  
 seng nisarakan si sia, dan enee daku ionggo su  
 7 manga i sai ko ikapuluku ; \* kamageng i Kau  
 mapulu wue mēkaliomaneng si sia, ute i Kau  
 8 sarung managuang kalawo u ini. \* Woue  
 † simimbahe i Jesus dingangu nēberae si sie :  
 Pamehoe bou Ia, ei setan ! karna kai ka-  
 bawohe : I kau haruse pēkaliomaneng su  
 Mawu Ruatanu, dingangu pētahamawu sama-  
 9 tan si Sie. \* Woue i sie nangaha i Sie sorong  
 Jerusalem, dan niapararisie i Sie su wowong

kaba, dingangu něberae si Sie : Kamageng i  
 Kau kai Ahusu Ruata, ute tumpae i Kau bou  
 10 ini sorong tana; \* karna kai kabawohe: I  
     Sie sarung mēprenta Malaikat-Malaikate wau-  
     gu i Kau, tadeau i sire mětanude si Kau;  
 11 \* dan tadeau i sire manalendeng si Kau,  
     tadeau i Kau kumbahan su manga tempo  
 12 masangkongu laedu su batu. \* Woue sim-  
     † imbahe i Jesus, dingangu něberae si sie:  
     Seng piněbera: Kumbahan i kau manaluka  
 13 Mawu, Ruatanu. \* Dan sertau setan seng  
     nasue patiku sasaluka, ute namehoe i sie bou i  
     Sie senkatempo karengue.  
 14 Woue i Jesus napulee, dingangu kakakuatu  
     Roch, sorong Galilea: dan habare bou hale i  
     Sie nimenee su kalawo u wanua kuliling.  
 15 \* Woue i Sie kai kapanentirone suralungu  
     gaheda-gahedang i sire, dan i sire patiku  
 16 něpuding i Sie. \* Woue i Sie dimentae su  
     Nazaret, suapang seng nipamiarang si Sie, nau  
     i Sie simue suralungu gaheda su ēlong sabbat  
     kere narange, dan i Sie rimarisie sarung mēba-  
 17 sa. \* Woue nionggoe si Sie buke i nabi  
     Jesaias; dan sertau i Sie namuka buke ene,  
     ute i Sie nakasombang tampa ene, suapang kai  
 18 kabawohe: \* Roch u Mawu kaselahenge kai  
     † ringangku, karna i Sie seng nělanise si Sia;  
     i Sie seng něndoi u Ia sarung papēhabaru  
     indjil su taumata kasian, sarung mapakauleng  
 19 i sire ko naunge natatuno; \* sarung papēha-  
     † baru karaleso si sire, ko suralungu tahungku,  
     dan papēkellangu taumata buta, dan karaliwere  
     si sire, ko niakaleng; sarung papēhabaru taun  
 20 karaluase bou Mawu kaselahenge. \* Dan  
     sertau i Sie seng nanaka u buke ene dingangu  
     nisulene su muhinu, ute naiangke i Sie; dan  
     matang i sire patiku, ko suralungu gaheda,

- 21 mētuhungke si Sie. \* Woue i Sie nanetae  
nēbera si sire : Su ēlo ini kai naganape bawera-  
22 ngu wohe ini su tuling i kumu. \* Woue i sire  
patiku nangonggo u kasaksian bou i Sie,  
dingangu nananiangke waugu bawerangu  
kakendage, ko simēbang bou hengetange ;  
woue i sire nēberae : Karakai i Sie ini ana i  
23 Josef ? \* Woue nēberae i Sie si sire : I kumu  
tengade sarung mēmpēbera si Sia pinintu ini :  
Ei mangangundang ! pētulungke batangengu ;  
patiku ene, ko seng nikaringihi kami apang ko  
nakoa su Kapernaum, koaete ene lai sini sur-  
24 alungu soang-asalu. \* Tetapi i Sie nēberae :  
Tengade Ia manguli si kumu, humoneu takoae  
manga nabi itarima mapia suralungu soang-  
25 asale. \* Tetapi suralungu kabeneran Ia  
manguli si kumu : Su tempong i nabi Elias pia  
mauli bawine balu su taloarangu tau Israel,  
tempongu langi seng nikunsi tēlu taun ēnunu  
bulan karengue, hakiu nariadi kalahutung labo  
26 su kalawo u wanua ene. \* Tetapi i Elias seng  
ta niroi su manga senkatau bou i sire patiku,  
kaiso sorong Sarepta su Sidon, su senkatau  
27 bawine balu. \* Dan su tempong i nabi Elisa  
pia mauli taumata masaki u paro sutaloarangu  
tau Israel ; dan takoae manga senkatau bon i  
sire ene nisusine, kaiso i Naaman bou Sijrie.  
28 \* Woue i sire patiku, ko suralungu gaheda  
napene u ralangehe, sedang i sire nakaringihe  
29 ene ; \* woue dimarisie i sire, sewuhu nanuhude  
si Sie bou ralungu soa, dingangu nangentudi  
Sie su pusungu wulude ene, suapang ko  
nipēkoateng soang i sire, sarung panuhudang i  
30 Sie su towae ene. \* Tetapi i Sie natamaie  
limiu bou taloarang i sire.  
31 Woue i Sie dimentae su Kapernaum, ko soa  
senbau su Galilea, dingangu mēmanentiro si

- 32 sire su ēloēlong sabbat; \* woue i sire dimalinau waugu tentirone, karna bawerane kai  
 33 kawasa. \* Nau suralungu gaheda ene pia taumata senkatau, ko niwaliuangu setan makotore, ute i sie ene kimiae dingangu tingihe maiha, \* angkunge : Pakawalae! apae kinoa i kami si Kau, o Jesus bou Nazaret! Ute i Kau dimenta maminasa si kami? Ia nakkirala si Kau, i sai i Kau ini, enee Kasasusingu  
 35 Ruata. \* Tetapi i Jesus nangolae si sie, dingangu nēberae : Pakarēmase, dingangu sēbangke bou ralung i sie ini! Ute setan namahungkeng i sie ene su taloarane, dingangu simēbang bou ralungi sie, dan tawe nēndusa apa-apa si sie.  
 36 \* Woue i sire patiku rimalinau, dingangu nahumbisarae senkatau su senkatau: angkunge: Ute kereapa bawera ini, humoneu i Sie dingangu kawasa dan kakakuatē nēprenta su roch-roch kotore, hakiu i sire simēbang?  
 37 \* Woue nimenee habare bou i Sie su patiku wanua kuliling.  
 38 Nau sertau i Sie simēbang bou gaheda, ute natamaie i Sie simu su waleng i Simon; tetapi i nina u kawing i Simon kai masaki lahabe matedu: woue i sire nēdōrongke si Sie waugu  
 39 i sie ene. \* Woue i Sie dimarisie su tengong i sie ene, dingangu nangolae lahabe, ute lahabe ene nanentangkeng i sie; ute i sie nēbangung su orase ene, dingangu nētenggue si sire.  
 40 \* Dan sertau nawawēlo, ute i sire patiku, ko pia taumata masaki dingangu hagi-hagingu saki, nēbawae i sire ene su koae; woue i Sie nanelidu limane su senkatau-senkatau bou i  
 41 sire ene, dingangu nipakaulene i sire. \* Lai setan-setan simēbangke bou ralungu taumata mauli, dingangu kimia, angkunge: I Kau kai i Kristus, Ahusu Ruata! Tetapi i Sie nangolae

si sire, dingangu ta napakawalang i sire mēbera; sebab i sire masingka, humoneu i Sie kai i Kristus.

- 42 Nau sertau namalukade, ute simēbangke i Sie dingangu natamaie sorong kēhu; tetapi gapangu umate ene nēdea si Sie, dingangu dimentae su koae, dingangu nangantara si Sie, tadeau i Sie kumbahan panentang i sire.
- 43 \* Tetapi i Sie nēberae si sire: Ia mambeng mēhabaru indjil karadjaangu Ruata lai su soa-soa waline; karna waugu hale ene Ia kai
- 44 niroi. \* Woue i Sie kapanentirone suralungu gaheda-gahedangu Galilea.

### FATSAL V.

- 1 Woue nariadie, sertau taumata mauli nahēndentae nēsasengkili Sie, mapulu mēdarangihe bawerangu Ruata, humoneu i Sie dudarisi su
- 2 apengu danong Gennesaret; \* ute i Sie nakasiloe sakaen duang gesa kasasilade su apeng ene, sedang manga mamanoma ene seng
- 3 timumpa, dingangu nanebang somae. \* Woue i Sie simakee su senggesa, ko sakaen i Simon, dingangu nēdorongke si sie, tadeau i sie pakisewehe kadio bou rulunge; nau i Sie naiangke dingangu nanentiroe gapangu tau-
- 4 mata ene bou ralungu sakaen. \* Dan sertau i Sie nangedoe, ute nēberae i Sie si Simon: Sasaeko sorong ko maralung, dan panentang
- 5 kengu soma u, sarung makaala! \* Ute simimbahe i Simon dingangu nēberae si Sie: O Mananentiro! i kami seng nēkardjahang si hēbi matiwatu, dingangu ta nakaala apa-apa; tetapi ituhu baweranu ia mapulu manentang
- 6 kengu soma. \* Nau sertau i sire nēkoa ene, ute i sire nakaliwungke kina tumaniu mauli,
- 7 hakiu soma natatingkase. \* Woue i sire

nangalapee manga taumata ringange, ko su sakaen waline, tadeau i sire paparenta měsa-sumbala si sire. Ute i sire dimentae, sewuhu nělurangke su sakaen duang gesa, haku i sire  
 8 masandige mawontole. \* Nau sertaui Simon nakasilo ene, ute namulangengke i sie su tengongu wukung i Jesus, dingangu něberae : O Mawu ! sěbangke tamai bou koaku, karna ia  
 9 kai senkatau berdosa. \* Karna i sie kai tumaniu rimalinai dingangu i sire patiku ko ringange, waugu karaala u kina ene, ko seng naala  
 10 si sire ; \* ute kerene lai i Jakob dingangu i Johannes, ana i Zebedeus, ko gaweng i Simon. Woue něberae i Jesus si Simon : Ariebe kataku ; bou mintehang ini i kau sarung makasoma  
 11 taumata. \* Nau sertaui i sire něndumpasu sakaen su rulunge, ute i sire nanentangkengu  
 12 patiku ene, sewuhu timuhu si Sie. \* Woue nariadie, sertaui i Sie kai suralungu soa senbau, kakellae, paisene pia senkatau ese, ko napene u saki u paro ; nau sertaui i sie ene nakasilo si Jesus, ute i sie něsubangu ghatine sutana, dingangu nědorongke si Sie, angkunge : O Mawu ! kamageng i Kau mapulu wue, ute i  
 13 Kau botonge manusi si sia. \* Woue i Sie něhengkee limane, nanelide si sie, dingangu něberae : Ia mapulu, kariadie masusi ! Ute su senkakonda ene nailangke saki paro ene bou i  
 14 sie. \* Woue i Sie timanatae si sie ene, tadeau i sie kumbahan manguli ene su manga senkatau ; kaiso dakoe, papasilongu batangengu su imam, dingangu panumbae waugu hale u kasasusinu, kere i Musa seng timanata, sarung  
 15 kasaksian si sire. \* Tetapi habare bou hale i Sie nahuntinamba nimene ; dan gapangu tau-mata mauli dimentae mapulu mědarcingihe si Sie, dingangu ipěkaulene bou hagi-hagi-

- 16 ngu sakie. \* Tetapi i Sie nĕbuae natamai su kĕhu, dingangu nĕkaliomanengke.
- 17 Woue nariadie su sengĕlo, humoneu i Sie kapanentirone, sedang senee kukaiang manga taumata farisi dingangu manga mananentiro-ngu tita, ko seng dimenta bou patiku soangu Galilea, dingangu Judea, dan bou Jerusalem ; ute pia kakakuatu Mawu kaselahenge, mapauleng i sire. \* Nau kakellae, pirangkatau ese nĕbawae su wawilae senkatau masaki bahaga, dingangu kapĕdeae mapasu i sie, sarung mamele i sie su tengone. \* Dan sedang i sire ta nakasombang, suapang i sire botonge mapasu i sie, waugu gapangu taumata ene, ute nawie i sire su wowong wale ene, sewuhu nanguluheng i sie dingangu wawilae ene napatiralang bou tataka u wale su taloarane su
- 20 tengong i Jesus. \* Nau sertau i Sie nakasiloe pangangimang i sire, ute nĕberae i Sie si sie ene : Ei taumata ! dosa-dosanu seng naampung
- 21 si kau. \* Woue katib-katib dingangu taumata farisi nanetae nanipere, angkunge : I saie i Sie ini, ko nĕberangu hodate ? i saie botonge makaampung dosa-dosa, melainkan samatan
- 22 Ruata ? \* Tetapi sedang i Jesus nakaëna sipirang i sire, ute simimbahe i Sie dingangu nĕberae si sire ene : Apae lēenang i kumu
- 23 suralungu naung i kumu ? \* Apae magampangeng ? mĕbera : Dosa-dosanu seng naampung si kau ? atou mĕbera : Pĕbangungke dingangu
- 24 dalengke ? \* Tetapi tadeau kasingkateng i kumu, humoneu Ahusu-taumata kai kawasa mangonggo u ampungu dosa-dosa su wowong bumi, ute nĕberae i Sie su taumata masaki bahaga : Ia mĕbera si kau, pĕbangungke, pasangke bawilau, dingangu tamaie sorong
- 25 walenu. \* Ute su senkakonda ene i sie nĕba-

- ngungke su tengong i sire dingangu namasangke bawilae, ko seng niralokange, sewuhu napulee sorong walene, dingangu nēpuдину  
 26 Ruata. \* Woue i sire patiku kai tumaniu rimalinau, dingangu nēpuдину Ruata, dingangu nilohongu katataku, dingangu nēberae : Su ēlo ini i kite seng nakasilo perkara tumaniu naka-herang.  
 27 Nau samuri bou ene i Sie siměbangke, dingangu nakasiloe senkatau mēdarorong bea, arenge i Levi, ko kukaiang suralungu waleng-pabeean, dingangu nēberae si sie ene : Tuhue si Sia ! \* Ute i sie nanentankeng patiku perkara, dingangu rimarisie, sewuhu timuhue si  
 28 29 Sie. \* Woue i Levi nēndiahı su walene perdjamuan labo si Sie ; ute senggapang labo, taumata mēdarorong bea dingangu taumata  
 30 waline, mahunkangiang ringange. \* Woue manga katib dingangu taumata farisi nēsugale su muritmurite dingangu nēberae : Sebab apa i kumu kumang dan manginung dingangu taumata mēdarorong bea dan taumata ber-  
 31†dosa ? \* Woue simimbahe i Jesus dingangu nēberae si sire ene : Taumata takoae tedue, ta wahaluasu mēpake u mangangundang, kaiso  
 32 taumata masaki. \* Ia tawe dimenta mēkui † taumata adil, kaiso taumata berdosa su tobate.  
 33 \* Woue nēmpēberae i sire ene si Sie : Sebab apa murit-muriti Johannes masau mēpuasa, dingangu mēkoा kaliomaneng, kerene lai murit-muritu taumata farisi ; tetapi murit-muritu  
 34 kumang dingangu manginung ? \* Tetapi i Sie nēberae si sire : Botongewe i kumu mapakawalangu dario-dario u saliwangu kawing ipēpuasa sedang kagiang-ese kai ringangi  
 35 sire ? \* Tetapi ēlo-ēlo ene sarung dumenta, suapang kagiang-ese sarung alakeng bou i sire,

- ute su ēlo-ēlo ene i sire sarung mēpuasa.
- 36 \* Woue i Sie lai nanguli u pinintu senbau si sire : Takoae senkatau manēmpelu tatēmpele heka buhu su laku tēbe, karna kerene ko buhu makagede ko tēbe ene, lai tatēmpele ko buhu ta musulungu ene ko tēbe. \* Lai takoae senkatau manatungu anggor buhu suralungu bawanuang-pisi ko tēbe, karna kerene anggor buhu makagede bawanuang ene, ute anggor ene
- 37 38 mēboso, dan bawanuang ene marusa. \* Tetapi anggor buhu haruse itatu suralungu bawanuang ko buhu, ute raruia ene sarung
- 39 senkapalihara. \* Dan takoae senkatau ko nanginung anggor tēbe, tamarēna meningu ko buhu ene; karna i sie mēbera : Ko tēbe] ene kai kapiange.

## FATSAL VI.

- 1 Woue nariadie su ēlong sabbat karuane, samuri bou ko himotonge, humoneu i Sie karalenge su taloarangu baele; ute murit-murite namosoe kaene, dingangu nikusungu limane, sewuhu
- 2 kimang ene. \* Tetapi pirangkatau taumata farisi nēberae si sire : Sebab apa i kumu mēkoia ene, ko ta haruse koateng su ēlong sabbat ?
- 3 \* Woue simimbahe i Jesus dingangu nēberae si sire : Ute i kumu lai ta nēbasa, apang seng nikoa i Daud, tempong i sie nahutung, dinga-
- 4 ngu i sire ene ko ringange ? \* Kereapang i sie seng simu suralungu walengu Ruata, dingangu nangalae brote-papasilo, sewuhu kimang ene, dingangu nangonggo u ene lai si sire, ko ringange, ko tawe haruse manga senkatau kumang, melainkan imam-imam samatan.
- 5 \* Ute i Sie nēberae si sire : Ahusu-taumata ene kai lai Mawungu ēlong sabbat.

- 6 Woue nariadie lai su ēlong sabbat ko waline,  
 humoneu i Sie simue suralungu gaheda, dingangu  
 nanentiroe. Nau sene kai pia taumata  
 senkatau, ko limane koaneng kai pinatene.
- 7 \* Woue manga katib dingangu taumata farisi  
 nangantibe si Sie, minsang i Sie sarung ma-  
 pakaulengu taumata su ēlong sabbat; tadeau  
 i sire makahombang wue manga kalake ila-  
 wan si Sie. \* Tetapi i Sie masingka u pang-  
 ngēnang i sire, dingangu nēberae su tāumata  
 ko limane pinatene: Darisie, dingangu dentae  
 su taloarane! Ute i sie dimarisie, dingangu  
 9 dimentae sene. \* Woue nēberae i Jesus si  
 sire: Ia makiwalo si kumu: Ute apae haruse  
 su ēlong sabbat? mēko a mapia, atou mēko a  
 dalai? mēpalihara atou mapakarusangu tau-  
 mata? \* Nau sertau i Sie seng nētuhung  
 kuliling si sire patiku, ute nēberae i Sie su  
 taumata ene: Tedeko limanu! Ute i sie nēko a  
 kerene; woue limane naule kere ko waline.
- 11 \* Tetapi i sire napene u ributu, dingangu  
 nahumbisarae senkatau su senkatau, apae  
 sarung koateng i sire si Sie.
- 12 Woue nariadie su ēlo-ēlo ene, humoniu i Sie  
 tarai sorong wulude senbau, mapulu mēkalio-  
 maneng; ute i Sie natana su hēbi ene suralungu  
 13 kaliomaneng su Ruata. \* Dan sertau seng  
 naēlo, kimuie i Sie murit-murite su koae, dingangu  
 namilee mapulo-dua bou i sire, ko nisebbae  
 14 lai rasul. \* Enee i Simon, ko lai nisebbae si  
 Petrus, dingangu i Andreas, ana u senkataune,  
 i Jakob dingangu i Johannes, i Filippus dingan-  
 gu i Bartholomeus, \* i Mattheus dingangu i  
 Thomas, i Jakob, ko ana i Alfeus, dan i Simon,  
 15 ko nisebba si Zelotes, \* i Judas, ko ana u sen-  
 kataung i Jakob, dan i Judas Iskariot ko lai  
 seng nariadi mētētula.

- 17 Nau sertau i Sie seng dimesung ringang i sire ene, ute i Sie dudarisi su tana malewa, dingangu gapangu murite, dingangu umate mauli bou kalawo u tana Judea dingangu Jerusalem, dan bou daruduhangu Tirus dingangu Sidon ;
- 18 \* ko seng dimenta, mapulu mēdarinihe si Sie, dan sarung ipakaule bou hagihagingu sakie, dingangu i sire ene, ko niwaliuangu manga
- 19 roch kotore ; ute i sire nipakaulene, \* Dan kalawo u gapang ene nening mamisile si Sie ; karna kakakuate simēbang bou i Sie, ute i sire patiku nipakaulene.
- 20 Woue i Sie nēhengkee matane su murit-murite,  
 † dingangu nēberae : Kasasalamate si kumu, tau-mata kasian : karna i kumu managuang kara-
- 21 djaangu Ruata. \* Kasasalamate si kumu, ko  
 † inie mēmahutung : karna i kumu sarung ipaka-laede. Kasasalamate si kumu, ko inie suisangi :
- 22 karna i kumu sarung lumege. \* Kasasalamate  
 † si kumu, kamageng i kumu ipēbinsi u taumata,  
 dan kamageng i sire mētalake dingangu mano-nsong si kumu, lai areng i kumu irēme kere
- 23 dalai, waugu Ahusu - taumata. \* Pahuliage  
 † i kumu su ēlo ene, dingangu pahuluase : karna,  
 pangingate, bawalese si kumu kai labo suralun-gu Sorga ; karna jamang-jamang i sire seng
- 24 nēkao kerene su nabi-nabi. \* Tetapi kaangkē-  
 † hang si kumu, taumata kala ! karna pangibo-
- 25 rang i kumu seng nasue. \* Kaangkēhang si  
 † kumu, ko nikalaedang ! karna i kumu sarung  
 kalunusang. Kaangkēhang si kumu, ko inie  
 kapahulegene ! karna i kumu sarung sumindo-
- 26 kan dingangu sumangi. \* Kaangkēhang si  
 † kumu, kamagengu patiku taumata mēdalo si  
 kumu ! karna kerene seng nikoa i jamang-
- 27 jamang i sire su nabi-nabi malaleo. \* Tetapi  
 † Ia mēbera si kumu, ko mēdarinihe : Kenda-

geko musu-musung i kumu ; pangapia si sire  
 28 ene, ko mēbēbinsi i kumu. \* Papēberkate si  
 † sire ene, ko mēmangane si kumu, dan pēkalio-  
 manengke waugu i sire ene, ko susingking si  
 29 kumu. \* Si sai, ko mameru pipi u senbēka,  
 † bihuengu lai pipi u ko waline ; dan si sai, ko  
 mangala kingkaengu, ariebe sēding, kamageng  
 30 i sie mangala lai laku. \* Pangonggoe si sie  
 † ene, ko mēdorong si kau ; dan si sai, ko ma-  
 ngala darotongu, ariebe sulene kapia ene bou i  
 31 sie. \* Dan kere kapulunu, tadeau taumata  
 † mēkoia mapia si kumu, ute pēkoae lai kerene si  
 32 sire ene. \* Dan kamageng i kumu kumendagi  
 † sire ene, ko kukendagi kumu, ute apae tarima-  
 kaseh i kumu ? karna lai taumata berdosa ku-  
 mendagu taumata ene, ko kukendagi sire.  
 33 \* Dan kamageng i kumu mangapia si sire ene,  
 † ko mēkoia mapia si kumu, ute apae tarimakaseh  
 i kumu ? karna lai taumata berdosa mēkoia  
 34 kerene. \* Dan kamageng i kumu mangonggo  
 u edang si sire ene, bou i sai-sai harapeng i  
 kumu, sarung manarima u ene kapia, ute apae  
 tarimakaseh i kumu ? karna lai taumata berdo-  
 sa mangonggo u edang su taumata berdosa,  
 35 tadeau i sire manarima suponge kapia. \* Te-  
 † tapi kendageko musu-musung i kumu, dingan-  
 gu pekoae mapia, dan pangonggo u edang,  
 dingangu ta mēharape manarima u apa-apa  
 kapia ; ute wawalise si kumu sarung malabo,  
 dan i kumu sarung mariadi ana u Mawu-  
 Karangerangetange ; karna i Sie kai maēluge  
 su taumata, ko ta mapatarimakaseh dingangu  
 36 taumata dalai. \* Tagal ene pakatalentu wue,  
 37 † kere lai Iamang i kumu kai matalentu. \* Dan  
 † kumbahan mēhukung, ute i kumu lai tawe  
 ihukung ; kumbahan mētena, ute i kumu lai  
 tawe itena ; pangonggo u ampung, ute si

- 38 kumu lai sarung onggolangu ampung; \* pa-  
 † ngonggoe, ute lai sarung onggolang si kumu ;  
 kula ko mapia, ko naseda, dingangu nagio, di-  
 ngangu nētumpe, sarung ionggo ipakiambing  
 si kumu ; karna dingangu kula ene, ko  
 pangukurang i kumu, sarung iukure kapia si  
 kumu.
- 39 Woue i Sie nanguli u senbau pinintu si sire :  
 Botongewe senkatau buta mangaha u raleng  
 su taumata buta ? bēgangu iredua ene sarung
- 40 manawo suralungu kali ? \* Murit ene tawe  
 limembongu mananentirone ; kaiso senkatau  
 ko masuku, ene mēsulungu mananentirone.
- 41 \* Ute sebab apa i kau kumakella puling ene,  
 † ko suralungu matangu anausenbau u, tetapi  
 balke ene, ko suralungu matanu sesanu, ene ta
- 42 ingatengu ? \* Atou kereapawe i kau botonge  
 † mēbera su anausenbau u : Ei anausenbau ! pa-  
 katanae, tadeau ia mangala puling ene, ko  
 suralungu matanu ; sedang i kau sesane tawe  
 kumakella balke ene, ko suralungu matanu  
 sesanu ? Ei taumata pura-pura ! dēmeko horo  
 balke ene, ko suralungu matanu sesanu, dan  
 buhue i kau pēkakella, sarung mangala puling  
 ene, ko suralungu matangu anausenbau u.
- 43 Karna ene takoae kalu mapia, ko mēbēbuangu  
 † dalai, dan ene takoae kalu dalai, ko mēbēbu-  
 44 ngu mapia. \* Karna hagi-hagingu kalu ene  
 † ikakirala bou buane sesane : karna taumata  
 tawe manipo buangu ara bou wulanta-wula-  
 nta, lai taumata tawe mamoto buangu ang-  
 45 gore bou sūmpini. \* Taumata mapia ene ma-  
 † pasēbangu kapapia bou artae mapia ko su-  
 ralungu naunge ; dan taumata dalai ene ma-  
 pasēbangu kararalai bou artae dalai ko sura-  
 lungu naunge ; karna bou kapapene u naung
- 46 ene ipēberangu mohong. \* Sebab apa i kumu

† měsebba u Ia, Mawu, Mawu ! dingangu tawe  
 47 měko aapang ko Daku binera ? \* I sai ko  
 † dumenta su koaku, dan mědaringihe bawer-  
 raku, dingangu měko a ene, ute Ia sarung  
 48 manulada si kumu, ko i sie ene isulung si  
 † tau, ko něko a wale senbau, dingangu někali  
 nipakaralung, dingangu namelo u laalase su  
 dapela ; nau sertau rintangu lanabe, maralung,  
 ute wale ene niěmpisangu leba ene, tetapi tawo-  
 tonge nakagio ene ; karna ene seng nialase su  
 49 dapela. \* Tetapi i sai ko nakaringihe dingangu  
 † tawe měko a ene, i sie ene isulung su taumata  
 senkatau, ko něko a wale senbau su tana takoae  
 laalase ; nau sertau leba nangempise ene, ute  
 nagogahe ene su orase ene, dan kagagogahu  
 wale ene kai labo.

## FATSAL VII.

- 1 Nau sertau i Sie seng nasueng berane su umate  
 ene ko mědědarngihe, ute i Sie simue su Ka-
- 2 pernaum. \* Woue senkatau člangu těmbona-  
 ngu suldado mahasu, ko kapiange si sie ene,
- 3 kai nasaki masandige mate. \* Nau sertau  
 těmbonang ene nakaringihe darentang i Jesus,  
 ute niroie manga penatuangu tau Jehudi su  
 koae, sarung pědorong si Sie, tadeau i Sie
- 4 paparenta, mapakaulengu ēlange ene. \* Dan  
 sertau i sire seng nēdating su koa i Jesus, ute  
 nēdorongke i sire si Sie kahengang, angkunge :  
 I sie ene kai haruse, tadeau i Kau měko a ene si
- 5 sie ; \* karna i sie makendagu umati kite, dan
- 6 seng namangung gahedang i kami. \* Woue i  
 Jesus natamaie ringangi sire. Dan sertau i Sie  
 seng nasandigu wale ene, ute těmbonang ene  
 nēndoi u manga gawene su koae, dingangu

- niapanguli si Sie: O Mawu! ariebe pēting-kasagedu batangengu: karna ia tawe haruse, tadeau i Kau sumu sualungu atu u waleku;
- 7 \* tagal ene ia lai seng nangēna, ko ia sesaku ta haruse, dumenta su koa u; kaiso pēberae wue bawera senkamohong, ute ēlangku sarung
- 8 mule. \* Karna ia lai senkatau ko sualungu kawasangu taumata waline, dan sualungu parentaku pia manga suldado, dan kamagengu ia mēbera su senkatau : Dakoe! ute i sie tamai; dan su ko waline : Dentae! ute i sie dumenta; dan su ēlangku : Pēkoae ene! ute i sie mēkoae
- 9 ene. \* Nau sertau i Jesus nakaringihe ene, nananiangke i Sie waugu i sie ene, dan i Sie nēbihue dingangu nēberae su gapangu tau-mata ene ko tutuhu si Sie: Ia manguli si kumu, pangangiman ko labo kere ini, Ia seng ta nakasombang su taloarangu tau Israel.
- 10 \* Nau sertau i sire ene ko seng niroi nēsulee kapia su wale, ute ēlang ene ko nasaki, seng
- 11 nule. \* Woue nariadie su senkamēlone, humoneu i Sie natamai sorong soa senbau, ko arenge Nain, dan mauli murite dingangu tau-mata senggapang labo natamai ringange.
- 12 \* Nau sertau i Sie nasandigu sasukangu soa ene, kakellae, senkatau-nate pētētatimbangeng isēbang, ko ana mansenbau ese si ninae, ute i sie ene kai balu, dan taumata senggapang labo
- 13 bou soa ene tutuhu ringange. \* Nau sertau Mawu nakasilo si sie, ute kimanoae naunge dingangu kakendage waugu i sie ene, dan i
- 14 Sie nēberae si sie : Ariebe sangi! \* Woue i Sie himaungke, dingangu nanelide pananendengan ene, ute manga taumata ko mētētatimbang ene dimarisie, woue i Sie nēberae: Ei dario, Ia
- 15 mēbera si kau, pēbangungke! \* Ute taumata nate ene naiangke, dingangu nanetae na-

- kawera. Woue nionggoe i sie si ninae.
- 16 \* Tetapi i sire patiku nilohongu katataku, dingangu nēpu dinggu Ruata, dingangu nēberae: Senkatau Nabi ko labo seng nēbangung su taloarang i kite, dan Ruata seng nētiwo umate. \* Woue nimenee habare bou hale i Sie su kalawo u tana Judea dingangu su patiku wanua kuliling.
- 18 Woue manga muriti Johannes nēhabarengu patiku perkara ini si sie ene. \* Ute i sie kimui ruangkatau bou murite ene, dingangu niroie i sire su koa i Jesus, papakiwalo: Ute i Kau i Sie ene, ko sarung dumenta, atou haruse i kami mahedo senkatau waline? \* Nau ese-e ene dimenta su koa i Jesus, dingangu nangulie: I Johannes mēndareno seng nendoi i kami su koa u, papakiwalo: Ute i Kau i Sie ene, ko sarung dumenta, atou haruse i kami mahedo senkatau waline? \* Nau su orase ene i Sie napakaulengu taumata mauli bou hagi-hagingu saki, dingangu langguhe, dan roch-roch daralai, lai nionggoe papēkella su mauli taumata buta. \* Woue simimbahe i Jesus dingangu nēberae si sire: Dakoe tamai dingangu pēhabare si Johannes hale ene, ko seng kinasil dingangu kinaringhi kumu; humoneu taumata-taumata buta mēkella, taumata-taumata peose nakaraleng, taumata-taumata nasaki paro ipakasusi, taumata-taumata wengele nakaringihe, taumata-taumata nate iapēbangung, dan indjil ene ihabare su taumata-taumata kasian; \* dan kasasalamate si sie ene, ko ta masaki u naung waugu Ia.
- 24 Woue serta daroi i Johannes seng naparuse, ute i Sie nanēta nēbera su gapangu umate ene bou hale i Johannes: Sebab apa i kumu seng simēbang natamai su kēhu mēkakella? tiwo

- senbua, ka nagio u angin kaihi koaneng ?
- 25 \* Atou sebab apa i kumu seng siměbang mēkakella ? taumata senkatau, ko měpěpake u pakean alu-aluse ? kakellae, i sire ene, ko měpěpake u pakean mawantuge dingangu mētētembiahe suralungu kainginan, kai su wale-
- 26 ngu manga ratu. \* Atou sebab apa i kumu seng kumu seng siměbang mēkakella ? senkatau nabi ? Ore, Ia manguli si kumu, i sie ene kai limembo-
- 27 ngunabi. \* I sie kai enee, bou hale i sai kai kabwohe : Kakellae, Ia měndoi u malaikatku su tengong Ghatinu, ko sarung měndiahi darale-
- 28 ngangu su horonu. \* Karna Ia manguli si kumu : sutaloarang i sire patiku, ko seng pinahana u bawine, takoae senkatau nabi, ko limembong i Johannes měndareno ; tetapi i sai ko kakadiokange suralungu karadjaangu
- 29 Ruata, i sie ene kai limembong i sie. \* Nau kalawo u umate, ko nakaringihe, dingangu manga mědarorong-bea, ko seng nireno u rareno i Johannes, seng nangonggo u hormat
- 30 su Ruata ; \* tetapi taumata-taumata farisi dingangu katib-katib seng něnděme u bisarangu Ruata, nilawan su batangeng i sire sesane, sedang i sire ta nanarima u rareno bou i sie.
- 31 \* Woue Mawu něberae : Dingangu i sai wue Ia haruse manihingu bangsa ini ? ute i sire ene
- 32 isihing si sai ? \* I sire ene kai musulungu manga dario, ko kukaiang su pasare, dingangu měkěkakui senkatau su senkatau, angkunge : I kami seng něsuling si kumu, tetapi i kumu seng ta něsalai ; i kami seng nangalanto si
- 33† kumu, tetapi i kumu seng ta simangi. \* Karna i Johannes měndareno seng dimenta, dingangu ta kimang brote, dingangu ta nanginung anggor, ute nipěbisarang i kumu : I sie ene
- 34 niwaliuangu setan. \* Nau Ahusu taumata

- seng dimenta, dingangu kumang dingangu manginung; ute ipēbisarang i kumu: Kakel-lae wue, taumata ene kai makombang dingangu tahainung anggor, senkatau gawengu manga mēdarorong bea, dingangu taumata berdosa. \* Tetapi kapapande ene seng niseba adil bou patiku anae.
- 36 Woue senkatau farisi nēdorongke si Sie, tadeau i Sie kumang ringange; ute i Sie simue su walengu taumata farisi ene, sewuhu kimaiang su meda. \* Nau kakellae, suralungu soa ene pia senkatau bawine berdosa; dan sedang i sie ene nakaringihe, humoneu i Sie kukaiang su meda suralungu walengu taumata farisi ene, ute i sie nēbawae senbau bawanuang lohongu lana mawēngi; \* dan dimarisie su likude su laedu Mawu, dingangu simangie, hakiu laedu Mawu nanetae nalamudu ellone, woue niēmuen-gu utae, sewuhu nangimbu laede ene, dingangu nangapungu lana mawēngi. \* Nau serta taumata farisi, ko seng nēnotesi Sie, nakasilo ene, nēberae i sie suralungu naunge, angkunge: Kiko i Sie ini kai senkatau nabi, ute i Sie ma-beng masingka, i saie dan kereapae kai ba-wine ini, ko kapamisele si Sie: karna i sie ene 40 kai senkatau berdosa. \* Woue simimbahe i Jesus dingangu nēberae si sie: Ei Simon! Ia haruse mēbisarangu apa-apa si kau. Ute simimbahe i sie: O Mananentiro! pēberae wue.
- 41 Nēberae i Jesus: Senkatau pinangutangeng kai pia ruangkatau nangutang; senkatau ene kai nangutang lima hasu denare,‡ dan ko wa-42 line limang pulo. \* Woue sedang iredua ene takoae apa-apa ipamaehe, ute niampunge utang ene siredua. Pangulie wue, i saie bou iredua 43 ene sarung limembong kumendagi sie? \* Ute

‡ 1 denare = 37 cents.

simimbahe i Simon, angkunge : Su ēnaku, i sie  
 ene, ko seng nakahombang ampung limem-  
 bong labo bou i sie. Woue nēberae i Sie si  
 44 sie : I kau seng nangēna betule. \* Woue i  
 Sie nēbihue su bawine ene, dingangu nēberae  
 si Simon : Ute i kau nakasilo bawine ini ? Ia  
 seng dimenta suralungu walenu, i kau seng ta  
 nangonggo u ake ipanguhase laedeku : tetapi  
 i sie ini seng nulamude laedeku dingangu el-  
 45 lone, dingangu niēmuengu utae. \* I kau seng  
 ta nangimbu si Sia ; tetapi i sie ini, bou tempo-  
 ngu darentane, seng ta nangedo nangimbu  
 46 laedeku. \* I kau seng ta nangapungu lana su  
 temboku ; tetapi i sie ini seng nangapungu  
 47 lana mawēngi su laedeku. \* Tagal ene Ia ma-  
 nguli si kau : Dosane ko mauli, seng naampung  
 si sie ; karna i sie seng kimendage mauli ; te-  
 tapi si sai ko naampung kadio, ute i sie ene lai  
 48 kumendage kadio. \* Woue i Sie nēberae su  
 bawine ene : Dosa-dosanu seng naampung si  
 49 kau. \* Woue i sire ene ko kukaiang ringange  
 su meda, nanetae nēbera suralungu naunge : I  
 saie i Sie ini, ko lai makaampungu dosa-dosa ?  
 50 \* Tetapi i Sie nēberae su bawine ene : Pa-  
 ngangimangu seng nakatulung i kau, dakoe  
 tamai dingangu pēdarame.

## FATSAL VIII.

- 1 Samuri bou ene nariadie, humoneu i Sie dima-  
 leng bou soa sorong soa, mēmanentiro dingan-  
 gu mēlēhabaru indjil karadjaangu Ruata ;  
 dan murite mapulo-dua ene kai ringange ;
- 2 \* lai manga bawine, ko seng niapakaulene bou  
 roch-roch daralai dingangu sakie, arenge i  
 Maria, ko isēsebba si Magdalena, bou i sie ene
- 3 nisēbangengu setan pitu ; \* dan i Johanna,  
 kawing i Chusas, ko duru-kunsi i Herodes, dan

i Susanna, dingangu mauli bawine waline, ko nētētenggue si Sie dingangu pēdararotonge.

4 Woue sertau taumata senggapang labo seng nēkomole, sedang i sire nahudentae su koae bou patiku soa, ute nangulie i Sie pinintu

5 senbau : \* Senkatau mēnanawuhe simēbang, sarung manawuhu winene ; dan sedang i sie nanawuhe ene, ute senggah nanawoe su wiwihi daralengan, sewuhu nikatotokang, dingangu nasue nikangu manu-manu sualungu

6 langi. \* Dan senggah nanawoe suwowong dapela ; nau sertau ene timuwo, ute nahegue

7 ene, sebab takoae ko nakananta. \* Dan senggah nanawoe sutaloarangu wulanta-wulanta ; ute wulanta-wulanta ene timuwo ringange,

8 sewuhu nakatepu ene, \* Dan senggah nanawoe su tana mapia, dingangu timuwo, sewuhi mēbuangu mahasu su hawenge. Nau sertau i Sie seng nēberangu ene, ute namohangke i Sie : I sai ko pia tuli, sarung maka-

9 ringihe, i sie ene pēndaringihe. \* Woue muritmurite nēmpakiwaloe si Sie, angkunge : Ute

10 apae mangalengu pinintu ini ? \* Woue i Sie nēberae : Si kumu ene nionggolang, sarung makaēna kapapēnisu karadjaangu Ruata : tetapi su taumata waline, Ia manguli u manga pinintu, tadeau i sire ene, sedang mēkakella, ta makasilo, dan sedang makaringihe, ta makaēna.

1 \* Ute mangalengu pinintu ene kai ini : Wine

12 ene kai bawerangu Ruata. \* Dan enee, ko su  
† wiwihi daralengang, kai i sire ene, ko nakaringihe ; tetapi samuri bou ene rentangu setan, dingangu mangala bawera ene bou ralungu naung i sire, tadeau i sire kumbahan mangi-

13 man dingangu masalamate. \* Dan enee ko  
† suwowong dapela, kai i sire ene, ko, sedang nakaringihe, nanarima u bawera ene dingangu

- daliage; tetapi ene ta mēhamu, i sire mangiman samatan senkate tempo karengue, dan su  
 14 tempongu sasaluka i sire manoho. \* Dan enee  
 † ko nanawo su taloarangu wulanta-wulanta,  
 kai i sire ene, ko sertau seng nakaringihe ene,  
 matamai dumaleng, dingangu mētingkatepu  
 bou kasasusa, dan kakakala dingangu kabira-  
 hingu pētatembiahe ini, hakiu i sire ta mēbuā.  
 15 \* Dan enee ko nanawo su tana mapia, kai i  
 † sire ene, ko, sedang nakaringihe bawera ene,  
 mēndeso u ene suralungu naung ko tulase  
 dingangu mapia, dan mēbuā suralungu kata-  
 tatape.  
 16 Takoae senkatau, ko nēndiko u solo, lenku-  
 bang ene dingangu bawanuang, atou mamelo  
 u ene sualungu tampa-katatikilang; kaiso i sie  
 mamelo u ene su sasangetange, tadeau i sire  
 ene, ko sumu, makasilo katatualage ene.  
 17 \* Karna takoae apa-apa käpapenise, ko ta  
 † sarung iapakalahe, atou kabawuni, ko ta sa-  
 rung kasingkateng dingangu irenta su kata-  
 18 tualage. \* Tagal ene pangingate, kereapa i  
 † kumu makaringihe; karna i sai ko pia, ute si  
 sie ene sarung onggolang; tetapi i sai ko ta-  
 koae, ute bou i sie ene lai sarung alakeng enee,  
 ko su ēnane i sie taguange.  
 19 Woue i ninae dingangu manga anausenbau e  
 ese dimentae su koae tetapi tawotonge maka-  
 sandige si Sie, waugu gapangu taumata ene.  
 20 \* Woue nihabarengke i Sie: I nina u dingan-  
 gu manga anausenbau u dudarisi su likude,  
 21 mapulu kumakella si Kau. \* Tetapi i Sie si-  
 † mimbahe dingangu nēberae si sire: I ninaku  
 dingangu ana-anausenbauku kai i sire ene, ko  
 mēdēdarangihe bawerangu Ruata dingangu mē-  
 koa ene.  
 22 Woue nariadie su sēngēlo bou ēlo-ēlo ene,

- humoneu i Sie simake su sakaen dingangu murit-murite ; ute i Sie nēberae si sire : Beite i kite dumaki su senbēkangu dano. Woue i 23 sire nēbuae. \* Dan sertau i sire kasakaenge, ute i Sie nētikie. Kuteu nirentangu angingu rēlang su rano ene, hakiu i sire nikatakatengu bulade, woue i sire kai suralungu kasasusa 24 labo. \* Ute i sire himaungke si Sie dingangu namukoe si Sie dingangu nēberae : O Mananentiro, Mananentiro ! i kami mawontole ! Woue i Sie nēbangungke sewuhu nangolae angin dingangu bēlade, ute nangedoe ene di- 25 ngangu nalenehe. \* Woue i Sie nēberae si sire : Suapae pangangimang i kumu ? Tetapi i sire ene nēnkatakue dingangu rimalinau, dingangu nēbisara senkatau su senkatau : I saie i Sie ini, ko lai makaprenta angin dingangu bēlade, dan enee sumasumelong si Sie.
- 26 Woue i sire nēsakaengke sorong wanuangu tau Gadara, ko kai su mētatengongu Galilea.
- 27 \* Dan sertau i Sie seng timumpa su rulunge, ute nakasinsomahe si Sie senkatau ese bou ralungu soa ene, ko seng marengu niwaliuangu setan ; ko ta nēpēpake u pedete, lai ta natana su wale, kaiso su manga kubure.
- 28 \* Nau sedang i sie ene nakasilo si Jesus, ute i sie kimia maiha, dingangu nēsuba su tengong i Sie, dan nēberae dingangu tingihe maiha : Apae kinoaku si Kau, o i Jesus, i Kau kai Ahusu Ruata, ko karangerangetange ! ia mēdorong si Kau, ariebe panangsara si sia !
- 29 \* Karna i Sie seng nēprenta su roch kotore ene, tadeau i sie pasēbang bouralungu taumata ene : karna seng marengu i sie nanangsara si sie ; lai i sie seng nihapusu hante dingangu mantung, tadeau i sie kalukadeng ; tetapi i sie namamesu lahapuse ene, dan niaha u setan su

30 kēhu. \* Woue i Jesus nakiwaloe si sie, angku-  
 nge: I sai arengu? Ute simimbahe i sie:  
 Hiwu-hiwu. Karna mauli setan seng nasu  
 31 suralunge. \* Woue i sire ene nědorongke si  
 Sie, tadeau i Sie kumbahan mangoro si sire  
 32 papatumpa su pahumpang. \* Nau paisene pia  
 senggapang wawi mauli, ko kapēdeae kange  
 su wulude ene; ute setan-setan ene nědoro-  
 ngke si Sie, tadeau i Sie mapakawalang i sire  
 sumu suralungu wawi-wawi ene. Ute i Sie  
 33 napakawalang i sire ene, \* Woue simēbangke  
 setan-setan ene bouralungu taumata ene,  
 sewuhu simue suralungu wawi-wawi; ute  
 nahuntumpae gapang ene bou wowong tigialu  
 34 suralungu dano, dingangu nalemise. \* Nau  
 sertau i sire ko pakiri, nakasilo apang ko  
 nariadi, ute nahuntalangke i sire, dingangu  
 natamai něhabaru ene suralungu soa dingangu  
 35 su darukutang. \* Woue i sire ene nahunsēba-  
 ngke, sarung měkakella apang ko seng nariadi,  
 dingangu dimentae su koa i Jesus, dan naka-  
 sombangke taumata ene, bou i sai ko seng  
 nisēbangengu setan-setan, kukaiang su tengo-  
 ngu laedi Jesus, dingangu měpěpake u pedete,  
 dan ēnane kai nabetule; ute i sire ene ně-  
 36 nkatakue. \* Nau i sire, ko seng nakasilo ene,  
 nanuture si sire ene, kereapa i sie ko niwaliua-  
 37 ngu setan, seng niapakaliu. \* Woue kalawo  
 u gapangu taumata, bou patiku wanuangu  
 Gadara, nědorongke si Sie, tadeau i Sie  
 pamehoe bou koa i sire; karna i sire seng  
 nilohongu katataku labo. Ute i Sie simakee  
 38 su sakaen dingangu napulee. \* Tetapi ese  
 ene, bou i sai ko seng nisēbangengu setan-  
 setan ene, nědorongke si Sie, tadeau i sie  
 botonge matana ringange. Tetapi i Jesus  
 39 něndoi i sie apatamai, dingangu něberae: \* Pě-

- † sulee su walenu, dingangu pēhabaru hale labo ene, ko seng nikoa u Ruata si kau. Woue i sie natamaie dimaleng napatirralang su entern soa ene, dingangu nēhabaru hale labo ene, ko seng nikoa i Jesus si sie.
- 40 Woue nariadie, sertau i Jesus nēsule kapia, humoneu gapangu taumata naninsomahe si Sie; karna i sire patiku kapahedone si Sie.
- 41 \* Nau kakellae, senkatau ese, arenge i Jairus, ko tēmbonangu gaheda, dimentae dingangu nēsuba su tengongu laedi Jesus, dingangu nēdorongke si Sie, tadeau i Sie dumenta su
- 42 walene. \* Karna i sie ene pia anae bawine mansenbau, ko lēnang mapulo-dua su taunge umore, ute i sie ene kai masaki masandige mate. Nau sertau i Sie natamaie paisene, kuteu i Sie nisese u gapangu taumata ene.
- 43 \* Nau pia senkatau bawine, ko seng mapulo-dua su taunge karengue masaki dudalengangu raha, ko seng nangonggo u patiku pēdararotonge su manga mangangundang, tetapi seng tawotonge niapakaulengu manga senkatau;
- 44 \* nau i sie ene dimentae bou likude su koa i Jesus, dingangu namisele wiwihi lakue; ute su senkakonda ene nangedoe daralengu rahane. \* Woue i Jesus nēberae: I saie seng namisile si Sia? Tetapi sedang i sire patiku bēgangu ene, nēberae i Petrus dan i sire ko ringange: O Mananentiro! gapangu taumata ini nanēse si Kau, ute i Kau mēbera: I saie
- 46 seng namisele si Sia? \* Tetapi i Jesus nēberae: Pia senkatau, ko seng namisele si Sia. karna Ia seng nakapundang, humoneu kakakuat seng simēbang bou Ia. \* Nau sedang bawine ene nakasilo, humoneu i sie tawotonge makakumbuni, ute himaungke i sie dingangu kakende, dingangu nēsuba su tengong i Sie,
- 47

dan nētingkalahe si Sie su tengongu patiku  
 umate ene, waugu sebab apa i sie seng na-  
 misele si Sie, dan kereapa i sie su senkakonda  
 48 ene seng nule. \* Woue nēberae i Jesus si sie :  
 Pakaluase, ei ana bawine ! pangangimangu  
 seng nakatulung i kau ; dakoe tamai dingangu  
 49 pēdarame, \* Dan sedang i Sie bodang kapē-  
 berane, dimentae senkatau bou walengu tēm-  
 bonangu gaheda, dingangu nangulie si sie ene :  
 50 Ana u bawine ene seng nate ; ariebe map-  
 kasagedu Mananentiro ini. \* Tetapi sertau i  
 Jesus nakaringihe ene, simimbahe i Sie si sie :  
 Ariebe kataku : pangimangke samatan, ute i  
 51 sie ene sarung kapaliharang. \* Nau sertau i  
 Sie nasu suralungu wale ene, ute i Sie ta na-  
 malangu manga senkatau iapasu melainkan  
 samatan i Petrus, dingangu i Jakob, dingangu  
 52 i Johannes, dingangu jamang dan i nina u  
 dario bawine ene. \* Nau i sire patiku ka-  
 pahunsangie dingangu susindokang waugu i  
 sie ene. Tetapi i Sie nēberae : Ariebe sangi ;  
 53 i sie ini tawe nate, kaiso i sie katikie.\* Woue  
 i sire nahulegeng i Sie, karna i sire masingka,  
 54 humoneu i sie ene seng nate. \* Tetapi i  
 Sie nanokoli sire patiku, sewuhu nangumbele  
 limane dingangu nēkuie, angkunge : Ei dario,  
 55 pēbangungke ! \* Ute roche nēsulee kapia, dan  
 i sie nēbangungke su orase ene. Woue i Sie  
 nēprentae, tadeau i sie pakionggolengu kange.  
 56 \* Woue gagurange ene rimalinai ; tetapi i Sie  
 timanata si sire, tadeau i sire kumbahan ma-  
 nguli su manga senkatau, apang ko seng  
 nariadi.

## FATSAL IX.

- 1 Woue i Sie nēkuie murite mapulo-dua pěkomoile, dan nangonggo u kakakuat dingangu kawasa si sire su wowong patiku setan, lai
- 2 sarung mapakaulengu patiku saki, \* sewuhu niroie i sire sarung papēhabaru karadjaangu Ruata, dingangu napakaulengu taumata ma-
- 3 saki; \* woue i Sie nēberae si sire : Kumbahan mēbawa apa-apa su daralengan, kumbahan tek king, atou peta, atou brote, atou kupang, dan kumbahan manga senkatau bou i kumu pia
- 4 laku rarua. \* Nau su wale ene, suapang su-kang i kuimu, pakatanae sene sarang i kumu
- 5 sēmēbang bou tampa ene. \* Dan kamageng i sire ta manarima i kumu, ute sēbangke bouralungu soa ene, dan pakasapue lai ēbung ene bou laedi kumu, sarung kasaksian si sire ene.
- 6 \* Woue i sire simēbangke dingangu natamai di-maleng napatiralang su patiku soa ene, nēhabaru indjil, dingangu napakaulengu taumata masaki su kalawo u wanua ene.
- 7 Nau patiku ene ko nikoa i Jesus, nikaringihu ratu i Herodes; woue i sie nēbingue, sedang pirangkatau nangulie: I Johannes seng nēba-
- 8 ngung bou taloarangu taumata nate; \* dan pirangkatau: I Elias seng nikasilone; dan pirangkatau waline: humoneu senkatau nabi
- 9 bou horo-horo seng nēbangung. \* Woue i Herodes nēberae: Ia seng namoto tēmbo i Johannes; tetapi i saie i Sie ini, bou i sai ia nakaringihe perkara-perkara ene? Woue i sie mēmening kumakella si Sie.
- 10 Nau sertau rasul-rasul ene nēsulee kapia, ute i sire nēmpēhabare si Sie patiku ene, ko seng nikoa i sire. Woue i Sie nēbawae si sire sesane niringange, dingangu natamai sorong

- tampa kĕhu masandigu soa ene, ko areng  
 11 Bethsaida. \* Nau sedang gapangu umate na-  
 kaēna ene, ute timuhue i sire si Sie, dan i Sie  
 nanarima i sire, dingangu nangulie si sire bou  
 karadjaangu Ruata, dan napakauleng i sire ene  
 12 ko masaki. \* Dan sertau ēlo seng kasedae, ute  
 himaungke murite mapulo-dua su koae, dingan-  
 gu nangulie si Sie : Pakawalaе gapangu tau-  
 mata ene bou koau, tadeau i sire tamai sorong  
 soa-soa dingangu darukutang, sarung měti-  
 ngkahēbi, dingangu makarea kang; karna sini  
 13 i kite kai suralungu kĕhu. \* Tetapi i Sie ně-  
 berae si sire: I kumue pangonggo u kang i  
 sire ene. Woue i sire něberae: Si kami pia  
 samatan lima bua brote dingangu kina darua;  
 endou i kami tamai mēluang kang waugu pa-  
 14 tiku umate ini. \* Tetapi i Sie něberae su  
 murit-murite: Papakaiangke i sire sensihe-  
 15 sensihe limampulo. \* Ute i sire někoae ke-  
 rene, dingangu napakaiangu patiku taumata  
 16 ene. \* Woue i Sie nangalaе lima bua brote  
 dingangu kina raruа ene, sewuhu naningara  
 su langi, dingangu napēberkattu ene, sewuhu  
 nangangompeng ene, dingangu nangonggo u  
 ene su murit-murite, tadeau i sire pakipamelo  
 17 u ene su tengongu gapangu umate ene. \* Nau  
 i sire patiku kimangke dingangu něngkalaede;  
 sewuhu niemongke lumbene mapulodua su  
 loto.  
 18 Woue nariadie, sertau i Sie sesane kapēkalio-  
 maneng, sedang murit-murite kai ringange,  
 humoneu i Sie nakiwaloe si sire, angkunge:  
 Ute kereapa pěbēbisarangu taumata, ko Ia kai  
 19 i sai? \* Woue i sire simimbahe, angkunge: I  
 Johannes měndareno; dan manga taumata waline:  
 I Elias; tetapi manga taumata waline,  
 humoneu senkatau nabi bou tau horo seng ně

- 20 bangung. \* Woue i Sie něberae si sire : Tetapi i kumuwe, ute kereapa pěběbisarang i kumu, ko Ia kai i sai ? Woue simimbahe i Petrus, angkunge : I Kau kai i Kristus bou
- 21 Ruata. \* Woue i Sie timanatae si sire kahengang-hengang, tadeau i sire kumbahan manguli u ene su manga senkatau ; \* dingangu něberae : Ahusu-taumata mambeng mětatahangu sangsara mauli, dingangu irēme u manga těmbonang, dingangu imam-imam dalabo, dingangu katib-katib, lai pateng, dan su
- 22 23 katēlu ēlone iapēbangung. \* Woue něberae i † Sie si sire patiku : I sai ko mapulu tumuhu si Sie, i sie ene pēsunialu batangenge, dingangu pamasangke kruise ēlo-ēlo, dingangu tuhue si
- 24 Sia. \* Karna i sai ko mapulu mēpalihara pēta-  
† tembiahe, ute i sie sarung mailang ene ; tetapi i sai ko mailang pētatembiahe waugu Ia,
- 25 ute i sie sarung mēpalihara ene. \* Karna  
† apae gunane ene su taumata, kamageng i sie makauntung kalawou dunia. tetapi mapakailangu batangenge, atou mēndugi batangenge ?
- 26 \* Karna i sai ko mamea waugu Ia, dan waugu  
† baweraku, ute Ahusu-taumata lai sarung mamea waugu i sie ene, tempong i Sie sarung duminta suralungu kawawantuge, dingangu kawawantugi Iamange, dingangu Malaikat-
- 27 Malaikat ko susi. \* Tetapi tengade Ia manguli si kumu : pia pirangkatau sutaloarang i sire ini, ko dudarisi sini, ko tawe sarung makapundang papate, sarang i sire makasilo karadjaangu Ruata.
- 28 Woue lēenang kuwalu ēlone samuri bou bawera ini, nariadie, humoneu i Sie něbawa si Petrus, dingangu si Johannes, dingangu si Jakob niringange, sewuhu simakae suwowong
- 29 wulude senbau, sarung mēkaliomaneng. \* Woue

nariadie, sedang i Sie kapēkaliomanenge, humoneu gahiu ghatine nēbalue, dan pakeange  
 30 nariadi mawira, dingangu mēkēkerong. \* Nau kakellae, ruangkatau ese mēbēbisarang i Sie,  
 31 enee i Musa dingangu i Elias; \* ko nikasiloe suralungu kawawantuge, dingangu nēmpa-  
 nguli u hale u kasuenge, ko i Sie sarung  
 32 maganape su Jerusalem. \* Tetapi i Petrus, dingangu iredua ko ringange, nakapundang tikie; dan sertau i sire ene nēngkapuko, ute i sire nakasiloe kawawantugi Sie, dingangu ruangkatau ese ene, ko dudarisi ringangi Sie.  
 33 \* Woue nariadie, sedang iredua mapulee bou koa i Sie, humoneu i Petrus nēberae si Jesus: O Mananentiro! mapia i kite sinie; pakawalae i kami mēkoa sabua tatēlu, senbau si Kau, senbau si Musa, dingangu senbau si Elias; karna  
 34 i sie ene bēgangu apang ko nipēberane. \* Tetapi sedang i sie mēbēbi sarangu ene, ute nirintangu winawa senbau, dingangu nanirung si sire; ute i sire ene nēnkatakue, sedang i sire  
 35 nasu suralungu winawa ene. \* Woue nikari-  
 † ngihe senbau tingihe bouralungu winawa ene, angkunge: I Sie ini kai Anaku ko ikēkendage,  
 36 pēdaringihe si Sie ene! \* Nau sedang nikaringihe tingihe ene, ute i Jesus nikasombangeng sesane. Woue i sire ene narēmase, dingangu ta nēralahabare su ēlo-ēlo ene su manga senkatau, apang ko seng nikasilong i sire.  
 37 Woue nariadie su senkamēlone, sertau i sire dimesung bou wulude ene, humoneu sengga-  
 38 pang umate mauli naninsomahe si Sie. \* Nau kakellae, senkatau ese bou gapang ene kimuie, angkunge: O Mananentiro! ia mēdorong si Kau, kakellako anaku ese ini, karna i sie kai  
 39 anaku mansenbau. \* Nau kakellako, i sie ene

niala u roch senbau, ute senkianu i sie kimia,  
woue roch ene nēralahingku si sie, hakiu i sie  
simēbu, dan i sie dioe ta manentang i sie dinga-

40 ngu kapēndulene si sie. \* Nau ia seng nēdo-  
rong su manga muritu, tadeau i sire pēndēme i  
sie ene, tetapi i sire ene seng tawotonge.

41 \* Woue simimbahe i Jesus, angkunge: Ei ba-  
ngsa ko ta mangangiman dingangu tahapan-  
ngaliu! singapang karengue Ia lai haruse  
matana dingangu kumu, dingangu mētatahan

42 i kumu? Bawae ana u ramahi. \* Nau sedang  
i sie ene nētingkasandige si Sie, ute setan ene  
lai nēralahingku dingangu nēnggaginggo si  
sie; tetapi i Jesus nangolae roch kotore ene,  
dingangu napakaulengu ana ene, dan nango-

43 nggoeng i sie kapia si jamange. \* Woue i  
sire patiku limendie waugu kaselahu kawasa-  
ngu Ruata. Dan sedang i sire patiku rima-  
linau waugu patiku perkara ene, ko seng  
nikoa i Jesus, ute nēberae i Sie su murit-

44 murite: \* Desokong i kumu bawera ini su-  
ralungu tuling i kumu; karna Ahusu-taumata

45 sarung isarakan su limangu taumata. \* Te-  
tapi i sire ta nakaēna bawera ene, dan enee kai  
mabawuni su tengong i sire, hakiu i sire ta  
nakaēna ene; lai i sire nēnkataku nakiwalo si  
Sie waugu mangalengu bawera ene.

46 Woue timimbule pangangēna senbau sutaloa-  
rang i sire, mangalene, i saie nangilembo

47 sutaloarang i sire? \* Tetapi sedang i Jesus  
nakasilo pangangēnangu naung i sire, ute  
nangalae i Sie dario kadio senbau, dingangu

48 nipararisie ene masandigi Sie, \* sewuhu nē-  
berae si sire ene: I sai ko nanarima u dario  
kadio ene suralungu Arengku, i sie ene ma-  
narima u Ia; dan i sai ko manarima u Ia, i sie  
ene manarima i Sie ene, ko seng nēndoi u Ia.

- Karna i sai ko kakadiokange sutaloarang i  
 49 kumu, i sie ene mariadi labo. \* Woue i Johannes simimbahe, angkunge : O Mananentiro !  
 i kami seng nakasilo senkatau, ko nēndēme u  
 setan suralungu Arengu, ute i kami seng nē-  
 larangu ene si sie, sebab i sie ta tumuhu dinga-  
 50 ngi kami. \* Woue nēberae i Jesus si sie :  
 Kumbahan mēlarangu ene ; karna i sai ko ta  
 lumawan si kite, i sie ene kai ringangi kite.  
 51 Woue nariadie, sertau ēlongu kasasapuae seng  
 masandige, humoneu i Sie nanumangu ghatine  
 52 matamai sorong Jerusalem. \* Woue i Sie nē-  
 ndoi u manga raro i su tengong ghatine ; ute i  
 sire natamai dimaleng, dingangu dimentae su-  
 ralungu soangu tau Samaritaan, sarung mē-  
 53 ndiah pangangindulenge. \* Tetapi i sire ene  
 ta nanarima i Sie, sebab i Sie seng nanumangu  
 54 ghatine matamai sorong Jerusalem. \* Nau  
 sertau murite, i Jakob dingangu i Johannes,  
 nakasilo ene, nēberae iredua : O Mananentiro !  
 ute i Kau mapulu, i kami mēbera, tadeau  
 putung apakanawo bou langi, dingangu mapak-  
 katutung i sire ene, kere lai seng nikoa i Elias ?  
 55 \* Tetapi i Sie nēbihue, sewuhu nangolae siredua,  
 dingangu nēberae : I kumu bēga, bou roch apa  
 56 i kumu ene. \* Karna Ahusu-taumata seng ta  
 † dimenta mapakawinasangu djiwangu taumata,  
 kaiso sarung mēpalihara ene. Woue i sire  
 natamaie sorong soa waline.  
 57 Woue nariadie su daralengang ene, sedang i  
 sire kadalenge, humoneu taumata senkatau nē-  
 bisara si Sie : O Mawu ! ia mapulu tumuhu si  
 58 Kau, suapang tamaiangu wue. \* Woue nē-  
 † berae i Jesus si sie : Longko-longko pia liang,  
 dan manu-manu sualungu langi pia salehe ;  
 59 tetapi Ahusu-taumata takoae apa-apa, suapang  
 pangulelengang tēmboe. \* Woe i Sie nēberae

su senkatau waline : Tuhue si Sia ! Tetapi i sie  
 ene nēberae : O Mawu ! pakawalako ia neng  
 60 tamai horo, mēlēbingi jamangku. \* Tetapi i  
 Jesus nēberae si sie : walae taumata nate mē-  
 lēbingu taumatane ko nate ; tetapi i kau,  
 dakoe daleng pēhabaru karadjaangu Ruata.  
 61 \* Lai senkatau waline nēberae : O Mawu ! ia  
 mapulu tumuhu si Kau, tetapi pakawalako ia  
 neng mēkata horo si sire ene, ko suralungu  
 62 waleku. \* Tetapi i Jesus nēberae si sie ene :  
 † I sai ko mamelo u limane su patjeko, sewuhu  
 kumakella sorong likude, i sie ene ta mē-  
 berguna su karadjaangu Ruata.

## FATSAL X.

1 Nau samuri bou ene Mawu namilee lai pitung-  
 pulo murit waline, sewuhu niroie i sire  
 taharuangkatau su tengong ghatine, patamai  
 sorong patiku soa dingangu tampa ene, sua-  
 2 pang i Sie mapulu dumenta ; \* dingangu nē-  
 berae si sire : Panipong ene kai labo, tetapi  
 taumata mēkakardjahang mang kadio ; tagal  
 ene pēdorongke su Mawu ko tataguangu pa-  
 nipong, tadeau i Sie mēndoi u taumata-tau-  
 3 mata mēkakardjahang su paniponge. \* Dakoe  
 † daleng : pangingate, Ia mēndoi i kumu kere  
 4 ana u domba sutaloarangu binatang dalai.  
 \* Ariebe pēbawa patoka, atou peta, atou  
 sapatu ; dan ariebe pangonggo u tabea su  
 5 manga senkatau su daralengang. \* Dan ka-  
 † mageng i kumu sumu suralungu wale senbau,  
 6 ute pēberae horo : Pēdarame su wale ini !  
 † \* Nau kamageng sene pia senbau ana u pē-  
 darame, ute pēdarameng i kumu sarung  
 matana si sie ene ; tetapi kamagengu takoae.  
 ute pedarame ene sarung masule kapia si

- 7 kumu. \* Tetapi pakatanae suralungu wale  
ene, lai kangke dingangu panginungke apang  
ko ene si sire ; karna taumata mēkakardjahang  
haruse manarima u wawalise ; ariebe pan-  
8 galing bou wale sarang wale. \* Nau kama-  
geng i kumu sumu suralungu manga soa, dan  
i sire ene manarima i kumu, ute kangke apang  
9 ko ipelo si kumu ; \* dan apakauleko sene tau-  
mata masaki, dingangu pangulie si sire : Kara-  
djaangu Ruata seng dimenta masandigi kumu.  
10 \* Tetapi kamageng i kumu sumu suralungu  
manga soa, dan i sire ta manarima i kumu, ute  
sēbangke tamai su daralengange, dingangu  
11 pēberae : \* Lai ēbung ene, ko dimeke si kami  
bou soanu, i kami manapu su wowong i kumu ;  
tetapi kasingkae inie, humoneu karadjaangu  
12 Ruata seng dimenta masandigi kumu. \* Ia  
manguli si kumu, humoneu hukumangu Sodom  
sarung mahangenang limembongu hukumangu  
13 soa ene su ēlong herate. \* Kaangkēhang i  
kau, ei Korazin ! kaangkēhang i kau, ei Beth-  
saida ! karna kiko suralungu Tirus dan Sidon  
seng nariadi patiku kakakuat ene, ko seng  
nariadi suralungu, ute marengu i sire seng  
nēpedetu karong dingangu naiang su awu,  
14 dingangu nētobate. \* Tetapi Tirus dan Sidon  
sarung mahangenang suralungu hukuman ene,  
15 limembong i kumu. \* Dan i kau, ei Kaper-  
naum ! ko seng niapakarange sarang Sorga, i  
16 kau sarung isuhude sarang naraka. \* I sai ko  
† mēdarangihe si kumu, i sie ene mēdarangihe si  
Sia ; dan i sai ko mēndēme i kumu, i sie ene  
mēndēme u Ia ; dan i sai ko mēndēme u Ia, i  
sie ene mēndēme i Sie, ko seng nendoi u Ia.  
17 Woue i sire pitung-pulo seng nēsule kapia di-  
ngangu karaluase, dingangu .nangulie : O  
Mawu ! suralungu Arengu, lai setan-setan seng

- 18 simasumelung si kami. \* Woue i Sie nēberae  
si sire ene : Ia seng nakasilo setan ene nanawo  
19 bou langi kere kila. \* Pangingate, Ia mango-  
† nggo u kawasa si kumu papatoto katoang  
dingangu kalatjingking, lai suwowong patiku  
kakakuatu musu ene ; dan takoae manga per-  
20 kara sarung makarusa si kumu. \* Tetapi  
† kumbahan i kumu lumuase waugu hale ene,  
humoneu roch-roch ene simasumelung si kumu,  
kaiso pahuliage i kumu, sebab areng i kumu  
21 kai kabawohe suralungu Sorga. \* Su orase  
† ene limuase i Jesus suralungu roch, dingangu  
nēberae : Ia mapatarimakaseh si Kau, o  
Iamang ! Mawungu Sorga dingangu bumi !  
sebab i Kau seng namuningu hale ene su tau-  
mata pande dingangu taumata tahasipirang,  
tetapi seng napakalahe u ene su ana-ana ; ore  
o Iamang ! karna kerene kai raluase ikapulunu.  
22 \* Patiku perkara seng nisarakang i Iamangku  
† si Sia ; dan takoae manga senkatau masingka,  
i sai kai Ahuse ene, melainkan Iamang sama-  
tan ; dan i sai kai Iamang ene, melainkan  
Ahuse samatan, dingangu i sie ene, si sai ko  
23 Ahuse mapulu mapakalahe u ene. \* Woue  
nēbihue i Sie su murit-murite, dingangu nē-  
berae nituntu si sire : Kasasalamatu mata-  
mata ene, ko makasilo, apang ko nikasilongi  
24 kumu ; \* karna Ia manguli si kumu, humoneu  
mauli nabi dingangu ratu sengnening kuma-  
kella, apang ko nikasilong i kumu, tetapi seng  
ta nakasilo ene ; dan mēdarisingihe, apang ko  
nikaringihe i kumu, tetapi seng ta nakaringihe  
ene.  
25 Nau kakellae, senkatau mananentirongu-tita  
dimarisie, nanaluka si Sie, dingangu nēberae :  
O Mananentiro ! apae haruse daku koateng,  
tadeau ia pusakatengu petatembiahe kakal ?

- 26 \* Woue i Sie nēberae si sie ene : Apae kabawohe suralungu tita ? kereapa nibasanu ?
- 27 \* Woue simimbahe i sie, angkunge : I kau † haruse kendagu Mawu, Ruatanu, dingangu kalawo u naungu, dingangu kalawo u djiwanu, dingangu patiku kakakuatu, dingangu kalawo u sipirangu ; dan taumata sensinnulungu kere
- 28 batangengu. \* Woue i Sie nēberae si sie ene : I kau seng simimbahe betule ; pēkoae ene, ute
- 29 i kau sarung mēbiahe. \* Tetapi i sie ene mapulu mangadilu batangenge, dingangu nēberae si Jesus : Ute i saie taumata sensinnulu-
- 30 ngku ? \* Woué simimbahe i Jesus, angkunge : Taumata senkatau rimesung bou Jerusalem sorong Jericho, dingangu nanawo sutaloarangu tau tahapulingu, ko nanintalang si sie, dingangu namukule si sie, sewuhu natamai rimaleng. nanentang i sie ene pēduangu mate.
- 31 \* Woue senkianu rimesongke senkatau imam su daralengang ene, dan sertau i sie nakasilo si
- 32 sie ene, ute natamaie i sie limihi si sie. \* Dan kerene lai senkatau Levi, sertau i sie nēdatingu tampa ene, ute damahie i sie, dingangu nakasilo si sie ene, sewuhu natamae limihi si sie.
- 33 \* Tetapi senkatau Samaritaan, ko kadalenge, dimentae sene, dan sertau i sie nakasilo si sie ene, ute nēgarakee naunge bou kakendage ;
- 34 \* nau i sie himaungke si sie, dingangu namekise lese-lesee, lai niwosongu lana dingangu anggor suralunge ; sewuhu niruie i sie suwong binatange, dan nangentudi sie su wale
- 35 laotongan dingangu nēpiara si sie. \* Woue su senkamēlone, tempong i sie mēbuae, nangalaе i sie dua denare dingangu nangonggo u ene su tēmbonangu wale ene, dingangu nēberae si sie : Piaraiko pakapia i sie ini, dan apang ko limembong ipētulungu, ute ia sarung mamaehe

36 ene si kau, tempongu ia mesule kapia. \* Ute  
     su ēnanu, i saie bou tēlungkatau ene kai sen-  
     sinnulung i sie ene, ko seng nanawo sutaloara-  
 37 ngu tau tahapulingu? \* Woue simimbahe i  
     sie: I sie ene ko seng kimendagi sie. Ute  
     nēberae i Jesus si sie: Dakoe tamai, dingangu  
 38 pēkoae kerene. \* Woue nariadie, sedang i sire  
     dimaleng, humoneu i Sie dimenta su soa sen-  
     bau; woue senkatau bawine, arenge i Martha,  
 39 nanarima i Sie suralungu walene. \* Nau i sie  
     ene pia anausenkataune, ko isēsebba si Maria,  
     ko naiang masandigu laedi Jesus, mēdē-  
 40 daringihe bawerane. \* Tetapi i Martha kai  
     makēhage su hale u pētatenggue; nau i sie  
     himaungke dingangu nēberae: O Mawu! ute  
     i Kau ta mēsempi, humoneu anausenkatauku  
     mapakawalangu ia sesaku mētenggue? Ulike-  
 41 ko i sie, tadeau i sie mēsumbala si sia. \* Te-  
     tapi i Jesus simimbahe dingangu nēberae si  
     sie: Ei Martha, Martha! i kaumētingkasusa  
     dingangu mētingkasagedu batangengu su per-  
 42 kara mauli; \* tetapi samatan perkara senbau  
     mēberguna hahengang: ute i Maria seng  
     namile bagean ko kapiange, ko ta sarung  
     maala bou i sie.

## FATSAL XI.

1 Woue nariadie, humoneu i Sie kapēkalioman-  
     nge su tampa senbau. Dan sertau i Sie na-  
     ngedo, ute senkatau bou manga murite nēberae  
     si Sie: O Mawu! tentiroiko i kami mēka-  
     liomaneng, kere lai i Johannes seng nanentiro  
 2 murit-murite. \* Woue nēberae i Sie si sire:  
     Kamageng i kumu mēkali omaneng, ute  
     pēberae: O Iamang i kami, ko ene suralungu  
     Sorga! Arengu iapakasusi. Karadjaangu den-

tako wue. Kapulunu kariadie, kereapang suralungu Sorga, kerene lai suwowong bumi.

3 \* Kang i kami ēlo-ēlo, onggoe si kami sentinia  
 4 ēlo. \* Dan ampungete patiku dosang i kami :  
 karna lai i kami mangonggo u ampung su  
 patiku taumata ko nēsalage si kami. Dan  
 5 kumbahan mangaha i kami su sasaluka, kaiso  
 liuko i kami bou daralai ene. \* Woue i Sie  
 nēberae si sire ene : I saie bou i kumu pia  
 gawene senkatau, nau kamageng i sie ene  
 dumenta su koae kakalorane, dingangu na-  
 ngulie si sie : Ei gaweku, ia mangēdangko  
 6 brote tatēlu si kau ; \* karna gaweku seng di-  
 menta bou daralengang su koaku, tetapi ia  
 7 takoae apa ipēsake si sie. \* Ute i sie ene ko  
 suralunge, sarung sumimbahe : Ariebe pa-  
 nagede si sia ; ngara kai kakakunsi, dan ana-  
 anaku kai ringangku suralungu katatikilang ;  
 ia tawotonge makapēbangung, sarung ma-  
 8 ngonggo u ene si kau. \* Ia manguli si kumu :  
 kamageng i sie ta mēbangung mangonggo u  
 ene si sie, sebab i sie ene kai gawene, ute i sie  
 sarung mēbangung, sebab i sie ene takoae  
 9 hunggee, sewuhu mangonggo si sie ene apang  
 ko kakurangange. \* Tagal ene Ia manguli si  
 † kumu : Pēdorongke, ute sarung ionggo si  
 kumu ; pēdeae, ute i kumu sarung makarea ;  
 10 panenkohe, ute sarung iwuka si kumu. \* Kar-  
 na i sai ko mēdorong, i sie ene makatarima ;  
 dan i sai ko mēdea, i sie ene makarea ; dan i  
 sai ko manenkohe, si sie ene sarung iwuka.  
 11 \* I sai ko jamang sutaloarang i kumu, ka-  
 magengu anae mēdorong kang si sie, ute i sie  
 sarung mangonggo u batu si sie ene ? atou  
 kina, ute i sie sarung mangonggo u katoang  
 12 si sie gantingu kina ? \* atou kamageng i sie  
 mēdorong tēluhe senbau, ute i sie sarung

- 13 mangonggo u kalatjingking si sie ene? \* Nau † kamageng i kumu, ko dalai, masingka mangonggo u laonggo mapia su ana-ana i kumu, ute napaliunee Iamang ene ko suralungu Sorga sarung mangonggo u Roch limembong susi si sire ene, ko mědorong si Sie.
- 14 Woue i Sie něnděme u setan senbau ko bobo. Nau nariadie, sertau setan ene seng nasěbang, humoneu taumata bobo ene nakawerae; ute
- 15 rimalinaue gapangu umate ene. \* Tetapi pirangkatau sutaloarang i sire ene němpěbisarae: I Sie něnděme u setan-setan bou tulu-
- 16 mang i Beelsebul, ko pangaha u setan. \* Tetapi manga taumata waline nanalukae si Sie, dingangu nědeae bou i Sie tanda senbau
- 17 bournalungu langi. \* Tetapi sedang i Sie masingka u pangangēnang i sire, ute něberae i Sie si sire: Karadjaan senbau-senbau ko měralahae lumawan batangenge, enee marusa; lai senbaleng, ko měralahaengu batangenge,
- 18 ene magogahe. \* Ute kamagengu setan lai měralahae lumawan batangenge, kereapae karadjaange botonge rumarisi? Sedang i kumu něbisara, humoneu Ia něnděme u setan-setan
- 19 bou tulumang i Beelscbul. \* Dan kamagengu Ia něnděme u setan-setan bou tulumang i Beelsbul, ute bou tulumang i sai ana ana i kumu něnděme i sire? Tagal ene i sire ene sarung
- 20 mariadi hakim-hakim i kumu. \* Tetapi kamagengu Ia bou talimedongu Ruata něnděme u setan-setan, ute kerene karadjaangu Ruata
- 21 seng dimenta su koa i kumu. \* Kamagengu senkatau makuate ko měpapangagide měndiaga walene, ute patiku ene ko tētaguanenge
- 22 matana su pědarame; \* tetapi kamageng dentangu senkatau ko makuate napaliung i sie, dingangu makawata i sie, ute i sie ene manga-

la kalawo u agide ene, suapang ko pinēharape-  
 23 nge, dan mēpapahia u apang ko nihampase. \* I  
 sai ko tawe ringangku, i sie ene lumawan si  
 Sia ; dan i sai ko tawe mangomole ringangku,  
 24 i sie ene mangaliaise. \* Kamagengu roch  
 † kotore seng nasēbang bouralungu taumata,  
 ute i sie dumaleng su manga tampa linggi,  
 mēdēdea pangangindulenje ; dan sedang i sie  
 ta nakahombang ene, ute nēberae i sie : Ia  
 mapulu mēsule kapia sumu suralungu waleku.  
 25 bou apang ko daku nisēbangeng. \* Nau  
 † sertau i sie dumenta, ute nikasombangenge ene  
 26 napiang kaehe dingangu nilegaheng. \* Woue  
 † i sie matamaie, mangala ringange lai pitu roch  
 waline, ko dalai napaliung i sie sesane, nau  
 kamageng i sire seng simue, ute i sire matana  
 senee ; woue pangengsuenge taumata ene  
 mariadi dalai limembong pinanetakenge.  
 27 Woue nariadie, sedang i Sie mēbēberangu hale  
 ene, humoneu senkatau bawine su taloarangu  
 gapangu taumata ene, nēhengke u tingihe,  
 dingangu nēberae si Sie : Kasasalamatu ka-  
 luwaeng ene, ko seng nēpohiamang i Kau,  
 28 dan susu ene, ko nisuangu. \* Tetapi i Sie  
 † nēberae : Tengade kasasalamate si sire ene,  
 ko mēdarangihe bawerangu Ruata, dingangu  
 29 mēsempi ene. \* Nau sertau gapangu taumata  
 nēkomole nēsasēse, ute i Sie nanetae nēbera :  
 Bangsa ini kai dalai ; i sire mēdea tanda  
 senbau ; tetapi takoaे manga tanda sarung  
 ionggo si sire, melainkan tandang i Jonas, ko  
 30 nabi ene ; \* karna kere i Jonas seng nariadi  
 tanda senbau su tau Nineve, kerene lai Ahusu-  
 31 taumata sarung mariadi su bangsa ini. \* Ratu  
 bawine ene bou timuhe sarung rumarisi dingan-  
 gu taumatangu bangsa ini su hukuman, dingan-  
 gu mēhukung i sire ene, karna i sie seng di-

menta bou pondolu bumi, sarung mēdarisinghe  
 kapapandeng i Soleiman; nau kakellae, i Sie  
 32 ko limembong i Soleiman kai sini! \* Tau Ni-  
 neve ene sarung rumarisi dingangu bangsa ini  
 su hukuman, dingangu mēhukungu bangsa ini:  
 karna i sire ene seng nētobate timuhu penga-  
 djarang i Jonas; nau kakellae, i Sie ko limem-  
 33 bong i Jonas kai sini! \* Takoae senkatau, ko  
 nēndiko u solo, mamelou ene su tampa mapē-  
 nise, atou sualungu gantang, kaiso su sasan-  
 getange, tadeau i sire ene ko sumu, makasilo  
 34 katatualage ene. \* Mata ene kai solongu  
 † badan: nau kamagengu matanu kai tulase, ute  
 entero badangu ene nitualageng; tetapi ka-  
 magengu matanu kai dalai, ute lai badangu  
 35 ene marēndung. \* Sebab ene pangingate,  
 † tadeau katatualage ene, ko suralungu, kumba-  
 36 han marēndung. \* Tetapi kamageng entero  
 bandangu nitualageng, hakiu takoae manga  
 bagean ko marēndung, ute kalawo u batan-  
 gengu ene matualage, kere kamagengu kata-  
 tualage ene manualage si kau bou senange.  
 37 Nau sedang i Sie kapēberanengu ene, ute sen-  
 katau farisi nēdorongke si Sie, tadeau i Sie ku-  
 mang kalihae ringange. Woue i Sie simue,  
 38 dingangu naiangke su meda. \* Nau sertau  
 taumata farisi nakasilo ene, ute i sie nanania-  
 ngke, sebab i Sie ene kimang, ta nanguhase  
 39 horo. \* Tetapi Mawu nēberae si sie: Ei tau-  
 mata farisi! i kumu manguhase apang ko suli-  
 kudu panganginumang dingangu pinggang;  
 tetapi apang ko suralungi kumu, ene kai na-  
 40 pene u lahampase dingangu daralai. \* Ei  
 taumata longong! bēgangu i Sie, ko seng  
 nēko apan ko sulikude, lai seng nēko apan  
 41 ko suralunge? \* Tetapi pangonggoe sedeka  
 bou ene ko suralunge; dan kakellae, patiku

- 42 ene kai susi si kumu. \* Tetapi kaangkēhang i kumu, ei taumata farisi ; karna i kumu mangonggo u bagean kapulone bou salasi, bou buho dingangu bou patiku duku ; tetapi i kumu sumahe karaadile dingangu kakendagu Ruata. Ene ko humotonge haruse koateng, dan ko
- 43 waline kumbahan itentang. \* Kaangkēhang i kumu, ei taumata farisi ! karna i kumu meningku kakaianeng su horone suralungu gaheda, di-
- 44 ngangu manarima u hadate su pasare. \* Ka- angkēhang i kumu, ei katib-katib, dingangu taumata farisi, ei i kumu taumata pura-pura ! karna i kumu kai kere manga lebing ko ta nikakirala, ute taumata ko dudaleng su wo-
- 45 wone, bēgangu ene. \* Woue senkatau sutaloarangu katib-katib ene simimbahe dingangu nēberae si Sie : O Mananentiro ! sedang pinēberanu hale ini, ute i Kau lai manelore si kami.
- 46 \* Tetapi i Sie nēberae : Kaangkēhang lai i kumu, ei taumata masasingka u tita ! karna i kumu mēlulurangu lurang su taumata, ko napaliung mabēha pēbawanenge, tetapi i kumu sesane ta
- 47 mamilselu talimedonu su lurang ene. \* Ka- angkēhang i kumu ! karna i kumu nēko a kubur-kuburu nabi-nabi ene, ko seng nipateng i
- 48 jamang-jamang i kumu. \* Ute kerene i kumu mēsaksi, humoneu i kumu lumuase su kakaoa i jamang-jamang i kumu ; karna i sire ene seng namate si sire, dan i kumu nēko a kubur-kubur
- 49 i sire. \* Tagal ene kapandengu Ruata nē- berae : Ia mēndoi u nabi-nabi dingangu rasul-rasul su koa i sire, tetapi pirangkatau bou i sire ene sarung pateng i sire, dan pirang- katau sarung iuseri sire ; \* tadeau rahangu patiku nabi ene tuntukan bou bangsa ini, ko seng timēdo naneta bou karariadingu dunia ;
- 50 \* naneta bou rahang i Habel, sarang rahang i

Zacharias, ko seng nipate sutaloarangu meda pananembang dingangu kaba; tengade Ia manguli si kumu, enee sarung tuntukan bou 52 bangsa ini! \* Kaangkēhang i kumu, ei tau-mata masasingka u tita! karna i kumu seng nangala kakunsi u singka ene; i kumu sesane ta sumu, dan i sire ene ko sumu, seng nisēding 53 i kumu. \* Nau sedang i Sie kapēberanengu hale ene si sire, ute katib-katib dingangu tau-mata farisi sasauneng nanaluka si Sie, tadeau i Sie sumimbahe hagi-hagingu kakiwalo; \* sedang i sire namelo u bawera sasaung si Sie, sarung maname apa-apa bou mohonge, tadeau i sire botonge mangalake i Sie.

## FATSAL XII.

- 1 Nau sedang su tempo ene taumata senggapang su hiwu-hiwune nēkomole, hakiu i sire tumoto senkatau su senkatau, ute i Sie naneta nēberae su murit-murite: Su himotonge, pakategangu batangeng i kumu bou haisu-brote u taumata 2 farisi, enee purapuraan. \* Karna takoae apa-apa karalenkube, ko ta sarung iapakalenkede, atou kabawuni, ko ta sarung kasingkateng.
- 3 \* Tagal ene patiku ene ko nipēberang i kumu suralungu marendung, enee sarung ikaringihe suralungu katatualage; dan apang ko niwurung i kumu su tuli, suralungu kamare, enee 4 sarung ihabare bou wowong wale. \* Tetapi † Ia manguli si kumu, ei gawe-gaweku: Kumbahan i kumu matak i sire, ko mamate badan, dan samuri bou ene, tawotonge makakoa apa- 5 apa napaliungu ene. \* Tetapi Ia manulada si † kumu, si sai haruse ikataku i kumu: Katakueng i Sie ene, ko, kamageng i Sie seng namate, kai kawasa, mēndēme suralungu naraka: tengade

- Ia manguli si kumu, katakueng i Sie ene !
- 6 \* Bēgangu lima manu pipit niwalu argane dua cent? tetapi takoae senbau bou i sire ene ni-
- 7 timbulengu Ruata. \* Lai kalawo u uta su tembo i kumu seng nirekeng. Tagal ene ariebe kataku ; i kumu ene mapia limembongu
- 8 manu pipit mauli. \* Tetapi Ia manguli si † kumu : I sai ko mangakungu Ia su tengongu taumata, i sie ene lai sarung iakungu Ahusu-taumata su tengongu Malaikat - Malaikatu
- 9 Ruata ; \* tetapi i sai ko mēsunialu Ia su tengon- † gu taumata, i sie ene sarung ipēsuniale su
- 10 tengongu Malaikat-Malaikatu Ruata. \* Dan i sai ko mēbisarangu bawera senkamohong ilawan Ahusu-taumata, enee sarung kaampung-ang si sie ; tetapi i sai ko mēhodate Roch limembong susi, enee ta sarung kaampungang
- 11 si sie. \* Dan kamageng i sire sarung mēbawa si kumu suralungu pēkakomolange, dingangu su tengongu mamamarenta dingangu mēkēka-wasa, ute ariebe i kumu kasusa, kereapa atou
- 12 apae haruse ipēberang i kumu ; \* karna Roch limembong susi sarung manentiro si kumu su orase ene, apang ko haruse ipēberang i kumu.
- 13 Woue senkatau sutaloarangu gapang ene nēberae si Sie : O Mananentiro ! uliko wue su ana u senkatauku ese, tadeau i kami dua mēpapahia
- 14 u pusaka. \* Tetapi i Sie nēberae si sie ene : Ei taumata ! i saie seng nēndui u Ia pakakoa hakim atou hukum sutaloarang i kumu ?
- 15† \* Woue i Sie nēberae si sire : Pakategang dingangu pakalukade batangeng i kumu bou kapapuhi ; karna tawe waugu sebab kapapaliu ene taumata mēbiahe bou pēdararotonge.
- 16 \* Woue i Sie nanguliu pinintu senbau si sire, angkunge : Bailu senkatau kala seng nēbua

- 17 mauli ; \* woue i sie nanipere suralungu naunge, angkunge : Apae haruse daku koateng ? karna takoea tampa, suapang daku pangomolangu
- 18 bua-buaku. \* Ute nēberae i sie : Inie kapulu daku koateng : ia menggogahe gadong-gadongku, dingangu mēko waline ko limembong labo, ute sene sarung daku pangomolangu kalawo u buaku, dingangu kalawo u darotong-
- 19 ku ; \* sewuhu ia sarung mēbera su djiwaku : Ei djiwaku ! i kau pia darotong mauli, ko nikomole su taun mauli, ute pangiroloe, kangke,
- 20 panginungke, dingangu pakaluase. \* Tetapi Ruata nēberae si sie : Ei taumata longong ! su hēbi ini djiwanu sarung alakeng bou i kau ; ute i saie sarung managuang ene, apang ko
- 21 niriahinu ? \* Kerenee i sie ene, ko mangomolu arta-arta su batangenge, dan tawe kala sura-
- 22† lungu Ruata. \* Woue i Sie nēberae su murit-murite : Tagal ene Ia manguli si kumu : kumbahan mētingkasusa waugu pētatembiahi kumu, apae sarung kanengang i kumu, atou waugu badan ene, apae sarung ipēpapedeti kumu ;
- 23† \* karna pētatembiahe ene kai limembongu kang, dan badan ene limembongu pakean.
- 24 \* Kakellako manu-manu woka, i sire ta manana-wuhe, dingangu ta mananipo, lai takoea pēndaresong atou gadong i sire, tetapi i sire pēpiarangu Ruata ; ute napaliue i kumu, ko mapia limembongu manu-manu ene. \* Ute i saie sutaloaarang i kumu dingangu mētingkasusa botonge makatamba sentipang su pētatem-
- 26 biahe ? \* Nau kamageng i kumu tawotonge makakoa manga apa ko kakadiokange, sebab apa i kumu mētingkasusa waugu perkara-
- 27 perkara waline ? \* Kakellako bunga-bunga lilin, kereapa i sire tutuwo ; i sire ta mēkakard-jahang, lai ta mananingkahe ; tetapi Ia man-

guli si kumu : lai i Soleiman suralungu kalawo  
 u kawawantuge seng ta něpapedete kere senbau  
 28 bou i sire ene. \* Nau kamagengu Ruata  
 kerene mamedete děmpuge ene, ko su ēlo ini  
 dudarisi su tana, dan senkamēlone irěme su  
 rapuhang, ute napaliunee i kumu, ei taumata  
 29 ko kurang pangangiman ! \* Tagal ene kumba-  
 han i kumu makiwalo : apae sarung kanengang  
 i kumu, atou apae sarung inumang i kumu ;  
 30 dau kumbahan i kumu měbimbang : \* karna  
 patiku perkara ini dědeakengu taumatangu  
 dunia ini; tetapi Iamang i kumu masingka u  
 31† patiku kakurangang i kumu. \* Tetapi pěmpě-  
 deae karadjaangu Ruata, woue kalawo u perk-  
 32† ara ene sarung ipahěntinamba si kumu. \* Ari-  
 ebe kataku, ei gapang kadio! karna ene kai  
 karaluasu kapulung i Iamang i kumu, sarung  
 mangonggo u karadjaan (Sorga) si kumu.  
 33† \* Balue apang ko ene si kumu, dingangu pan-  
 gonggo u sedeka. Pěkoae patoka si kumu, ko  
 ta matěbe, arta ko ta magahing, suralungu  
 Sorga, suapang ta kasandigangu tahatako, lai  
 34 tahuwu ta makawinasa. \* Karna suapang pia  
 35† arta i kumu, senee lai naung i kumu.  
 Pěgongke kaluwaeng i kumu, dan solo-solong i  
 36† kumu haruse papahenna. \* Haruse i kumu kai  
 kere manga taumata, ko kapahedone Mawune,  
 tempong i Sie sarung měsule bou perdjamuan-  
 gu pěkawingang, tadeau, kamageng i Sie  
 dumenta dingangu manoki, i sire masaha-  
 37† wu mamuka si Sie. \* Kasasalamate su ēlang-  
 ēlang ene, ko su darentangu Mawune kahom-  
 bangeng kapělukade. Tengade Ia manguli si  
 kumu, i Sie sarung maměgong kaluwaenge,  
 dingangu mapakaiang i sire ene su meda,  
 sewuhu i Sie sarung mětingkasandige, dingan-  
 gu měseliwire si sire. \* Nau kamageung i Sie

dumenta su mēralukade karuane, atou su mēralukade katēlune, dingangu makahombang si sire kerene, kasasalamate su ēlang-ēlang ene.

39 \* Tetapi kasingkae ini, humoneu, kamagengu tataguangu wale senbeng masingka u orase ene, suapang dentangu tahatako, ute i sie senbeng nakalukade, tadeau kumbahan walene matope. \* Tagal ene i kumu lai haruse pakariahi ; karna Ahusu-taumata sarung dumenta su

40 manga orase, ko ta niēnang i kumu. \* Woue nēberae i Petrus si Sie: O Mawu ! ute i Kau nanguliu pinintu ini si kami, atou lai su patiku

41 taumata ? \* Woue simimbahe Mawu : I saie wue durūkunsi u wale ko satiawan dingangu pande, ko irui u Mawune su wowong manga ēlange, sarung papangonggo si sire kange ko

42 patute su tempone ko nitantu ? \* Kasasalamate su paprentang ene, ko su dentangu Mawune

43 kahombangeng mēkēkoa kerene. \* Tengade la manguli si kumu, humoneu i Sie sarung mēndui i sie ene su wowong kalawo u daroton-

44 ge. \* Tetapi kamagengu paprentang ene sarung mēbera suralungu naunge: Mawuku neng ta rumenta ; ute i sie nanenta mamukule ēlang-ēlang ese dingangu ēlang-ēlang bawine, lai kimang dingangu manginung dingangu

45 mētimbukan ; \* ute Mawungu paprentang ene sarung dumenta su ēlo ene, suapang i sie ta nangingate, dan su orase ene, ko nikawēgange ; sewuhu mēhaeng i sie, dingangu mangonggo u

46 bageange ringangu taumata makumbala. \* Nau † paprentang ene, ko seug masingka u kapulungu Mawune, tetapi ta nēndiah batangenge, lai ta nēko timuhu kapulune, i sie ene sarung maka-

47 pundang papukule mauli ; \* tetapi i sai ko † bēgangu ene, dan lai nēko enee, ko haruse makapukule, i sie ene sarung makapundang

papukule kadio. Dan si sai ko seng nionggo-lang mauli, ute bou i sie ene sarung tuntukan mauli; dan si sai ko seng nikapelonang mauli, ute bou i sie ene sarung tuntukan lai limembong 49 mauli. \*Ia seng dimenta nēbawa putung suwo-wung bumi, dan Ia tumaniu mapulu, tadeau ene 50 dikonang! \* Tetapi Ia mambeng makireno dingangu rareno senbau; dan kereapa Ia 51 ēmpisang sarang makaganape ene! \* Ute lēēn-ang i kumu, humoneu Ia seng dimenta mēbawa pēdarame suwowong bumi? Ia manguli si 52 kumu, tala, kaiso mapēralahae. \* Karna bou mentehang ini limangkatau suralungu wale sen-bau sarung mēralahae, tēlungkatau lumawan 53 darua, dan ruangkatau lumawan tatēlu. \* Ia mang ene sarung lumawan ana-ese, dan ana-ese lumawan si jamange; i ninae lumawan ana-bawine, dan ana-bawine lumawan si ninae; i ēmpo-bawine lumawan manuhang-bawine, dan manuhang-bawine lumawan si ēmpo-bawine. 54 Woue i Sie nēberae lai su gapangu umate ene: Kamageng i kumu makasilo binawa senkompen- 55 eng simēbang bou pungu wahe, ute su tempo ene i kumu manguli: Sarung dentangu tahiti; 56 sewuhu mariadi kerene. \* Dan kamageng i kumu makasilo angin timuhe tumiu; ute i kumu manguli: Sarung mapedise; sewuhu 57 mariadi kerene. \* Ei tau mata purapura! i kumu masingka mamariksa gahi u bumi dingan-gu langi; ute sebab apa i kumu ta mamariksa 58 u waktu ini? \* Dan sebab apa i kumu ta mamariksa u batangeng i kumu, apang ko betule? \* Tetapi kamageng i kau dingangu † doka u tamai su tengongu mamamarenta, ute pētingkaradingke batangengu su daralengan, sarung mētingkaliu bou i sie ene, tadeau i sie kumbahan mamoleng si kau su tengongu

hakim, dan hakim ene manarakang i kau su durukunsi u tahungku, dan durukunsi u tahungku ene mēndēme i kau suralungu tahungku ;  
 59 \* Ia manguli si kau : i kau sarung ta makasē-  
 † bang bou ene, sarang i kau makawaehe lai cent pangengsuenge.

### FATSAL XIII.

- 1 Nau su tempo ene pia paisene pirangkatau, ko nēhabare si Sie bou hale u manga taumata Galilea, ko dahang i sire seng nilau i Pilatus dinga-
- 2 ngu sasēmbang i sire. \* Tetapi i Jesus simimbahe dingangu nēberae si sire : Ute lēēnang i kumu, humoneu manga taumata Galilea ene seng nēberdosa limembongu patiku tau Galilea,
- 3 sebab i sire seng nakapundang ene ? \* Ia manguli si kumu : Tala ! kaiso kamageng i kumu ta mētobate, ute i kumu patiku lai sarung
- 4 mailang kerene. \* Atou mapulo-uwalu su kataune, ko seng nikahakangu tjandi su Siloam dingangu nakapate si sire ; ute lēēnang i kumu, humoneu i sire ene seng nēsalage limembongu
- 5 patiku taumata, ko natana su Jerusalem ? \* Ia manguli si kumu : Tala ! kaiso kamageng i kumu ta mētobate, ute i kumu patiku lai
- 6 sarung mailang kerene. \* Woue i Sie nangu-  
liu pinintu ini : Senkatau seng pia ara senkalu, ko nisuang suralungu kobongu anggore ; woue i sie dimentae nēdea buane, tetapi ta nakasom-
- 7 bang ene. \* Ute nēberae i sie su mēralukadu kobongu anggore : Kakellae, seng tēlu taun karengue ia dimenta nēdea buangu ara ini, tetapi ta nakasombang ene ; tuwangke ene, sebab apa ene lai manuhepe tana ta nēberguna
- 8 apa-apa ? \* Tetapi i sie ene simimbahe dingangu nēberae si sie : O tuan ! balako lai ene su

- taun ini, sarang daku likutangu kaline, dingangu  
 9 ipanahutawa ene; \* minsang ene sarung mě-  
 bua; tetapi kamagengu tala, ute tuwangke  
 ene samurine.
- 10 Woue i Sie nanentiro su ēlong sabbat su ga-  
 11 heda. \* Nau kakellae, paisene pia senkatau  
 bawine, ko seng niwaliuangu senbau roch  
 nakasaki mapulouwalu su taunge karengue,  
 woue i sie kai betu, hakiu i sie tawotonge  
 12 makararisi matei. \* Nau sertau i Jesus nakasilo  
 si sie ene, ute i Sie nēkuie si sie su koae, dingan-  
 gu nēberae si sie: Ei bawine, kaliuete bou  
 13 saki u! \* Woue i Sie nanelidu limane si sie;  
 ute su senkakonda ene i sie nakararisie matei,  
 14 dingangu nēpu dingu Ruata. \* Tetapi tēm-  
 bonangu gaheda ene nēsugale, sebab i Jesus  
 su ēlong-sabbat napakaulengu taumata, dan  
 simimbahe dingangu nēberae su gapangu  
 taumata ene: Kai ēnunu ēlo, suapang tauma-  
 ta mambeng pēkardjahang; dentae su ēlo-ēlo  
 ene, tadeau i kumu iapakaule, dan kumbahan  
 15 su ēlong-sabbat. \* Tetapi Mawu simimbahe  
 si sie, angkunge; Ei taumata pura-pura!  
 bēgangu senkatau-senkatau sutaloarang i ku-  
 mu su ēlong sabbat mamelou sapine atou kali-  
 dene bou kuhung, dingangu mangentudi sie  
 16 ene su ake pakipanginung? \* Nau bawine  
 ini, ko ana i Ibrahim, ko seng nihapusu setan,  
 pangingate, seng mapulo-uwalu su taunge  
 kerengue, bēgangu i sie ene mambeng luka-  
 teng bou lahapuse ene su ēlong-sabbat?  
 17 \* Nau sedang i Sie nēberangu ini, ute nēngka-  
 meae i sire patiku, ko seng limawan si Sie;  
 tetapi kalawo u gapangu umate ene nahuluase,  
 waugu patiku kakanoa ko mawantuge, ko  
 nikoa i Sie.  
 18 Woue i Sie nēberae: Karadjaangu Ruata kai

isihing suapa ? dingangu apa wue Ia haruse  
 19 manihingu ene ? \* Enee kai isulung su waki  
 u sasawi, ko seng niala u senkatau dingangu  
 nisuang ene su baile ; ute ene timuwo nariadi  
 senkalu labo, dan manu-manu sualungu langi  
 20 nakapēsalehe su lelang-lelange. \* Woue i  
 Sie nēberae kapia : Dingangu apa Ia haruse  
 21 manihingu karadjaangu Ruata ? \* Enee kai  
 isulung su haisu-brote, ko seng niala u senkatau  
 bawine, dingangu napēralau ene su galēmpung  
 tēlung kula. sarang patiku ene nahaise.  
 22 \* Woue i Sie dimalengke bou soa sorong soa  
 ko labo dan dadio, dingangu mēmanentiro ;  
 sedang i Sie mēmanumang daralenge sorong  
 23 Jerusalem. \* Woue senkatau nēberae si Sie : O  
 Mawu ! ute mahali taumata ene ko makahombang  
 salamate ? Tetapi i Sie nēberae si sire :  
 24 \* Pakagising batangeng i kumu, tadeau i  
 † kumu makasu su sasukan ko mahepo ; karna Ia  
 manguli si kumu, mauli taumata sarung mēdea  
 25 sumu, tetapi tawotonge makasu ; \* karna bou  
 tempo ene, ko Tataguangu wale seng dimarisi,  
 nangunsi u ngara i kumu sarung dumarisi suli-  
 kude, dingangu manoki ngara, dingangu mē-  
 bera : O Mawu, Mawu, bukako wue si kami !  
 tetapi i Sie sarung sumimbahe dingangu mē-  
 bera si kumu : Ia ta nakakirala si kumu, bou  
 26 apa i kumu ene. \* Tempo ene i kumu sarung  
 mēbera : I kami seng kimang dingangu na-  
 ngingung se tengonu, dan i Kau seng nanentiro  
 27 su daralengang i kami. \* Tetapi i Sie sarung  
 mēbera : Ia manguli si kumu, Ia ta nakakirala  
 si kumu, bou apa i kumu ene ; pamehoe bou  
 Ia, ei i kumu patiku, ko tahapēko, dalai.  
 28 \* Ute paisene sarung pia mēkakahuang di-  
 ngangu kadedongu isi, kamageng i kumu  
 sarung makasilo si Ibrahim, si Isak, dingangu

si Jakob, dingangu patiku nabi ene suralungu karadjaangu Ruata, tetapi i kumu irēme suli-  
 29 kude. \* Lai sarung dumenta taumata bou  
 † raki dingangu bou wahe, bou sawēnahe dingan-  
 gu bou timuhe, ko sarung kumaiang suralungu  
 30 karadjaangu Ruata: \* Dan pangingate, pia  
 taumata ko kasamuriange, ko sarung mariadi  
 kahorokange; lai pia taumata ko kahorokange,  
 ko sasung mariadi kasamuriange.  
 31 Nau su ēlo ene dimentae perangkatau farisi, di-  
 ngangu nangulie si Sie: Dakoe pamēho, pēbua  
 bou ini; karna i Herodes mapulu mamate si  
 32 Kau. \* Tetapi i Sie nēberae si sire: Dakoe  
 tamai, dan pangulie su longko ene: Kakellae,  
 Ia mēndēme u setan-setan, dingangu mapakau-  
 lengu taumata-taumata su ēlo ini dan diēlo,  
 33 dan su ēlo katēlune ia mangingsue ene. \* Te-  
 tapi ēlo ini, dan diēlo, dan karumaheng Ia  
 maimbeng dumaleng; karna tawe nariadi, hu-  
 moneu senkatau nabi pateng sulikudu Jerusa-  
 34 lem. \* Ei Jerusalem, Jerusalem! i kau ko  
 tahapate nabi-nabi ene, dingangu nēndina u  
 batu-batu si sire ene, ko seng niroi su koa u!  
 kereapa kasaune Ia seng napulu mangomolu  
 ana-ana u, kere manu senbau mangomolu ana-  
 anae suralungu tatelae; tetapi i kumu seng  
 35 nadidi! \* Pangingate, waleng i kumu sa-  
 rung iwala kagagogahe. Tengade, Ia manguli  
 si kumu, i kumu ta makasilo si Sia, sarang  
 tempo ene, suapang i kumu sarung mēbera:  
 Berkate si Sie ene, ko dumenta suralungu  
 arengu Mawu kaselahenge.

## FATSAL XIV.

1 Woue nariadie, sertau i Sie seng dimenta sumu  
 suralungu walengu senkatau tēmbonangu tau-

- mata farisi su ēlong sabbat, sarung kumang brote, humoneu i sire ene nangantibe si Sie.
- 2 Nau kakellac, paisene pia su tengone taumata  
 3 senkatau ko masaki u solog. \* Woue i Jesus simimbahe dingangu néberae su manga tau-mata masasingka u tita dingangu taumata farisi, angkunge: Ute haruse mapakaulengu  
 4 taumata su ēlong-sabbat ? \* Tetapi i sire narémase. Woue i Sie nangumpaede si sie ene, dingangu napakauleng i sie, sewuhu napa-  
 5 kawalang i sie patamai. \* Woue i Sie simimbahe si sire ene, angkunge : I sai sutaloarang i kumu, ko, kamagengu kalidene atou sapine nanawo suralungu pahigi, tawe mēsasahawu  
 6 matatung ene su ēlong-sabbat ? \* Woue i sire tawotonge nakasimbahe si Sie su hale ene.  
 7 Woue i Sie nanguliengu pinintu senbau si sire ene ko seng ninote, sedang i Sie nakaēna, kereapang i sire namile kakaiāneng su horone,  
 8 dingangu néberae si sire : \* Kamageng i kau seng ninote u manga senkatau su perdjamuwangu-kawin, ute ariebe kumaiang su kakaiāneng su horone; tadeau kumbahan aramanung pia lai manga senkatau, ko limembong i kau, ko  
 9 lai seng ninote i sie; \* hakiu i sie, ko seng nēnote si kau dingangu i sie ene, dumenta dingangu manguli si kau : Onggoe tampa ini si sie ini; ute kerene i kau dingangu mea sarung  
 10 kumaiang su tampa kapondolange. \* Tetapi kamageng i kau seng ninote, ute kaiangke su tampa kapondolange, tadeau, kamageng du-menta i sie ene, ko seng nēnote si kau, manguli si kau : Ei gawe! pangalingke su horone; ute enee sarung makoa hormat si kau su tengong i sire, ko kukaiang ringangu su meda.  
 11 \* Karna i sai ko mētingkarange u batangenge,

- i sie ene sarung iapakasana ; dan i sai ko mētingkasana u batangenge, i sie ene sarung iapakarange.
- 12 Woue i Sie nēberae lai su taumata ene, ko seng nēnote si Sie : Kamageng i kau mēndiahi perdjamuan ēlo atou hēbi, ute ariebe mēnote u gawegawenu, atau manga anausenbau u, atou asalu, atou manga taumata silampungangu ko kala, tadeau i sire ariebe aramanung mēnote lai si kau kapia, dingangu mamalise ene si kau.
- 13 \* Tetapi kamageng i kau mēndiahi perdjamuan, ute pēnoteengu manga taumata kasian, taumata mahēntedu, taumata penda, taumata buta ; \* ute i kau sarung masalamate, sebab i sire ene takoae apa-apa ipamalise si kau ; karna enee sarung iwalise si kau su ēlo pēbangunangu taumata-taumata adil. \* Nau sedang enee nikaringihu senkatau bou i sire ene, ko kukaiang su meda, ute nēberae i sie si Sie : Kasasalamate si sie ene, ko kumang brote sura-lungu karadjaangu Ruata ! \* Tetapi i Sie nēberae si sie ene : Taumata senkatau seng nēndiahi perdjamuan labo hēbi, dingangu nē-note u taumata mauli. \* Woue su orasu perdjamuan hēbi, i sie nēndoi u paprentange, ipapanguli si sire ko seng ninote : Dentae, karna kalawo u ene seng nariahi ! \* Tetapi i sire patiku senkahendo nanetae nēmpagēle. Ko himotonge ene nangulie si sie : Ia seng nakaluang tana senbau, ute ia haruše matamai kumakella ene ; ia mēdorong si kau, pakawala-ko ia. \* Dan senkatau waline nangulie : Ia seng nakaluang lima pare sapi, ute ia matamai mapulu manaluka si sire ; ia mēdorong si kau, pakawalako ia. \* Dan senkatau waline nangulie : Ia seng nēkawin senkatau bawine, tagal ene ia towotonge makarenta. \* Nau serta

paprentang ene nēsule, nēhabare i sie hale ene su mawune. Ute limangehe mawu ko tata-gangu wale, dingangu nēberae su paprentange: Dakoe tamai, pakasahawu, sutaloarang soa dingangu sutaloarang kampong, dan ahako ramahi papasu manga taumata kasian, dingangu taumata mahēntēdu, dingangu taumata penda, dingangu taumata buta. \* Woue nangulie paprentang ene : O mawu ! seng nariadi, kere prentanu, tetapi neng pia tampa lai. \* Ute nēberae mawu su paprentang ene: Dakoe tamai su daralengang dingangu su pagar-pagare, dan panihasa si sire ene papasu, tadeau waleku ipakapene. \* Karna Ia manguli si kumu, humoneu takoae manga senkatau bou i sire ene, ko seng ninote, sarung makateng perdjamuaniku.

25 Woue gapangu taumata mauli dimalengke dingangi Sie; ute i Sie nēbihue, dingangu  
 26 nēberae si sire ene. \* Kamagengu manga senkatau dumenta su koaku, dan tawe mēbinsi jamange, dingangu i ninae, dingangu kawinge, dingangu ana-anae, dingangu ana-anauenbaue ese, dingangu ana-anauenbaue bawine, lai batangenge sesane, ute i sie ene  
 27 tawotonge mariadi muritku. \* Dan i sai ko † tawe mamasang kalu kruise, dingangu tumuhu si Sia, i sie ene tawotonge mariadi muritku.

28 \* Karna i sai sutaloarang i kumu, ko mapulu mēkoia tjandi senbau, tawe kumaiang horo, mēndeken onkose ene, minsang i sie pia ene  
 29 ko haruse sarung ipēngganape ene ? \* Tadeau kumbahan aramanung, sertau i sie seng namelo u laalase, tetapi tawotonge makasue ene, i sire patiku, ko makasilo ene, maneta manahumea si  
 30 sie, \* angkunge: Taumata ini seng naneta u munarane, tetapi tawotonge makasue ene.

31 \* Atou i sai ratu ene, ko matamai su pēseketang, mēndoka ratu waline, tawe kumaiang horo dingangu mētimbang, minsang i sie kai kawasa dingangu mapulo hiwu taumata ipendoka si sie ene, ko dumenta dingangu ruangpu-  
 32 lo su hiwune lumawan si sie? \* Dan kamage ngu tawotonge ene, ute i sie nēndoi u manga raroit, sedang dokae bodang marau, dingangu  
 33 mēdea pēdarame. \* Kerenee lai senkatau-sen-  
 † katau sutaloarang i kumu, ko ta manentangu patiku ene, ko tētaguanenge, i sie ene tawo-  
 34 tonge mariadi muritku. \* Asing ene kai mapia; tetapi kamagengu asing seng nailang pēhade, ute dingangu apa ene botonge mapē-  
 35 hadé kapia? \* Ute ene ta mēberguna apa-apa su tana, atou su pamamungkengu onase; kaiso ene haruse ireme. I sai ko pia tuli ko makaringihe, i sie ene pēdaringhe.

## FATSAL XV.

- 1 Woue nētingkasandige si Sie patiku taumata mēdarorong bea dingangu taumata berdosa.
- 2 mapulu mēdaringihe si Sie. \* Tetapi taumata-taumata farisi dingangu katib-katib nēsugale, dingangu nēberae: I Sie ini manarima u tau-mata berdosa, dan kumang dingangi sire.
- 3 \* Tetapi i Sie nanguli u pinuntu ini si sire,
- 4 angkunge: \* Taumata i sai sutaloarang i kumu, ko pia dumba mahasu, kamageng kailangengu senbau bou patiku ene, ta manentangu siōng pulo sio ene suralungu kēhu, sewuhu tamai mēdea ene ko nailang, sarang ikareae?
- 5 \* Dan kamageng seng uikareae ene, ute iruie
- 6 ene su wumbange dingangu karaluase. \* Dan kamageng i sie duminta su walene, ute i sie mukuie manga gawene dingangu taumata

- silampungange měkomole, dingangu měberae  
 si sire : Pahuliage ringangku, karna ia seng  
 7 nakarea dumbaku, ko seng nailang. \* Ia  
 † manguli si kumu, humoneu kerene mariadi  
 raliage suralungu Sorga, waugu sebab senka-  
 tau berdosa ko nětobate, limembougu siong  
 pulo sio taumata adil, ko ta wahaluasu měto-  
 bate.  
 8 Atou i sai bawine ene, ko pia mapulo denare,  
 kamageng i sie kailangengu senbau, ta měndi-  
 ko u solo, sewuhu manapu wale, mědea kahe-  
 9 nganghengang sarang ikareae ? \* Dan kama-  
 geng seng nikareae ene, ute i sie měkuie  
 manga gawene dingangu taumata silampu-  
 ngange měkomole, dingangu měbera : Pahu-  
 liage ringangku, karna ia seng nakarea denare-  
 10 ku, ko seng nailang. \* Ia manguli si kumu :  
 Kerenee mariadi raliage sutaloarangu Malaikat-  
 Malaikatu Ruata, waugu sebab senkatau ber-  
 dosa ko nětobate.  
 11 Woue i Sie něberae : Taumata senkatau pia  
 12 anae rarua ese. \* Nau ko tuari ene něberae si  
 jamange : O jamang ! onggoe si sia bagean  
 pědararotong ene ko natantu si sia. Woue i  
 sie namahiae pědararotong si redua ene.  
 13 \* Nau tanarēna samuri bou ene, sertau ko  
 tuari ene seng nangomolu patiku ene, nata-  
 maie i sie sorong tana marau, ute paisene i sie  
 seng něgagolo u pědararotonge, sedang i sie  
 14 nětembiahe dingangu kapapaliu. \* Nau ser-  
 tau i sie seng nangingsue patiku ene, ute na-  
 riadie kalahutung labo su tana ene, hakiu i sie  
 15 naneta nakapundang kakurangan. \* Woue i  
 sie natamai simasumelungu batangenge su sen-  
 katau borgor su tana ene, ko něndoi i sie su  
 16 darukutange, pěpakiri wawi-wawi. \* Ute i sie  
 meningkengu manga onase ene, ko kěkane-

ngangu wawi, ipētaho tiange; tetapi takoae  
 17 manga senkatau nangonggo u ene si sie. \* Ute  
 su tempo ene i sie nakatahendum batangenge,  
 dingangu nēberae: Kereapa kaulie taumata su  
 sewang i jamangku pia kange napaliu, tetapi  
 18 ia ini mawinasangu kalahutung? \* Ia mapulu  
 † mēbangung, dingangu matamai su koa i jama-  
 ngku, dingangu manguli si sie: O jamang! ia  
 seng nēberdosa su Sorga dingangu si kau;  
 19 \* ute ia ta haruse lai isebba ana u; koae ia  
 20 kere senkatau su sewangu. \* Woue i sie  
 nēbangung, dingangu natamai su koa i jama-  
 nge. Dan sertaui sie bodang marau, ute  
 jamange seng nakasilo si sie, dan naunge nē-  
 garake u kakendage; dan i sie timalangke  
 naninsomahe si sie, dingangu nēlahekue lehee,  
 21 dingangu nangimbu si sie. \* Nau anae ene  
 nangulie si sie: O jamang! ia seng neber-  
 dosa su Sorga dingangu si kau, ute ia tawe  
 22 haruse lai isebba ana u. \* Tetapi jamang ene  
 nēberae su manga paprentange: Bawako ra-  
 mahi pakean kapiange, dan lohoko ene si sie;  
 dan lohokengu sinsang su talimedone, dan  
 23 sapatu su laede; \* lai bawae sapi manguda  
 ko matawa, dan poto ene; dan beite i kite  
 24 mahunkang dingangu mahuliage; \* karna  
 anaku ini seng nate, tetapi nēbiahe kapia; i sie  
 seng nailang, dan seng nikarea! Ute i sire  
 25 nanetae nahuliage. \* Tetapi anae ko iakan  
 kai su darukutang; nau sertaui i sie dimenta  
 masandigu wale, ute i sie nakaringihe kantare  
 26 dingangu karaluase ene; \* woue i sie kimuie  
 senkatau paprentang, nipakiwalonge, apa seng  
 27 nariadi? Ute i sie ene simimbahe si sie: Tua-  
 rinu seng dimenta, woue jamangu seng naki-  
 poto u sapi mangudo ko matawa, sebab i sie  
 28 seng nēsau nanarima i sie mapia. \* Tetapi i

sie limangehe dingangu nadidi sumu. Ute jamange simēbangke, dingangu nēloke si sie.  
 29 \* Tetapi i sie simimbahe dingangu nēberae si jamang: Kakellae, kereapang karengue su taunge ia seng nahamawu si kau, dingangu bodang ta limempang titanu, tetapi i kau bodang ta nangonggo u senbau kambing kadio si sia, tadeau ia maraluase ringangu gawe-gaweku. \* Tetapi sedang seng dimenta ana u ini, ko seng nēgagolo pēdararotongu dingangu pēsasundale, ute i kau seng nakipoto u sapi  
 30 manguda ko matawa waugu i sie ene. \* Tetapi i sie nēberae si sie: Ei ana! i kau sentinia ene dingangku, dan patiku ene ko daku tētaguaneng, ene i kau tataguange, \* ute i kite haruse lumuase dingangu raliage: karna tua-rinu ini seng nate, tetapi nēbiahe kapia; i sie seng nailang, dan seng nikarea.

## FATSAL XVI.

- 1 Woue i Sie nēberae lai su murit-murite: Pia senkatau kala, ko piae durukunsi senkatau; nau i sie ene seng nikalake si sie, kere i sie nēgagolo pēdararotonge. \* Woue i sie kimui si sie ene, dingangu nēberae si sie: Ute kereapa ene, ko daku nikaringihe bou kakanoa u? onggoe sasimbahe bou hale u pangkatu; karna
- 2 i kau tawotonge lai matana durukunsi. \* Woue durukunsi ene nēberae suralungu naunge: Ute apae sarung daku koateng, sedang mawuku mēlohosu ia bou pangkat ini? mēkali tana, ia bēga, dan mēdorong - mēdorong, ia mamea.
- 3 \* Nau ia masingka, apae sarung daku koateng, tadeau, kamagengu ia ilohose bou pangkat ini, ia itarima i sire ene suralungu waleng i
- 4 \* Nau ia masingka, apae sarung daku koateng, tadeau, kamagengu ia ilohose bou pangkat ini, ia itarima i sire ene suralungu waleng i
- 5 \* Woue i sie kimui su koae senkatau-sen-

katau ko nangutang su mawune, dingangu  
 néberae su ko himotonge : Singapa utangu su  
 6 mawuku ? \* Nau i sie nanguli: Pipa mahasu  
 lohongu lana. Ute néberae i sie si sie ene:  
 Alae suratu, kaiangke, pakasahawu pamohe u  
 7 limampulo. \* Samuringu ene i sie néberae su  
 senkatau waline : O i kaube, singapa utangu ?  
 Nau i sie mangulie : Gendom mahasu su  
 pikole. Ute néberae i sie si sie ene: Alae su-  
 ratu, dingangu pamohe u uwalung - pulo.  
 8 \* Woue mawu ene nédalongu duru-kunsi ene  
 ko ta i adile, sebab i sie seng kimanoa dinga-  
 ngu katatiho ; karna ana-ana u dunia ini kai  
 matatiho limembongu ana-ana u katatualage,  
 9 su bageange. \* Ute Ia manguli si kumu : Pē-  
 † koae gawe-gawe si kumu bou mamon ko ta i  
 adile, tadeau, kamageng i kumu mate, i sire  
 manarima i kumu suralungu wale ko kakal.  
 10 \* I sai ko ta satiawan su hale u kakadiokange,  
 † i sie ene lai ta satiawan su hale ko labo ; dan i  
 sai ko ta i adile su hale u kakadiokange, i sie  
 11 ene lai ta i adile su hale ko labo. \* Nau kama-  
 geng i kumu tawe satiawan su hale u mamon  
 ko ta i adile, ute i saie sarung manoke si kumu  
 12 hale ene ko benar kahengang ? \* Dan kama-  
 geng i kumu seng tawe satiawan su hale u  
 taumata waline, ute i saie sarung mangonggo  
 si kumu hale ene ko sarung tētaguaneng i  
 13 kumu ? \* Senkatau ēlang tawotonge mēta-  
 † hamawu su mawu raru ; karna kerene i sie  
 sarung mēbinsi u senkatau, dingangu kumen-  
 dagu ko waline ; atou i sie sarung mētingka-  
 reke su senkatau, dingangu ta mēndekengu ko  
 waline. I kumu tawotonge mētahamawu su  
 14 Ruata dingangu su mamon. \* Nau patiku ini  
 lai nikaringihu manga taumata farisi, ko ma-  
 15 puhi, ute i sire néhegese si Sie. \* Woue i Sie

něberae si sire : I kumu ini mangadilu bata-  
ngeng i kumu su tengongu taumata, tetapi  
Ruata masingka u naung i kumu ; karna apang  
ko marange sutaloarangu taumata, enee ikē-  
16 kamantungu Ruata. \* Suratu tita dingangu  
nabi-nabi ene namitua sarang i Johannes; ute  
bou tempo ene nihabare karadjaangu Ruata ;  
dan senkatau-senkatau sumu dingangu kakā-  
17 kuate. \* Tetapi nagampangeng langi dingan-  
† ngu bumi mailang, sulungu sentitige bou  
18 tita-tita ene manawo. \* I sai ko manindo  
† kawinge, dingangu mēkapapung bawine wa-  
line, i sie ene mawuang ; dan i sai ko mēka-  
papung bawine ene ko nisindongu esee, i sie  
ene lai mawuang.  
19 Pia senkatau kala, ko mēpēpake u pakean ma-  
hamu mahole-hole, dingangu heka ko alu-  
aluse, dingangu mētembiahe sentinia ēlo sura-  
20 lungu karaluase dingangu kawawantuge. \* Lai  
pia senkatau kasian, arenge i Lazarus, ko nia-  
paraloka sutengongu ngarane, napēpidu bisule.  
21 \* Ute i sie neningke mētingkalaedu rondose  
dadadio, ko nanawo bou medangu taumata  
kala ene ; tetapi dimentae lai kapuna-kapuna,  
22 ko nēlewa bisul-bisole. \* Woue nariadie, hu-  
moneu taumata kasian ene natee, dingangu  
niwawa u Malaikat - Malaikat su hiwang i  
23 Ibrahim. \* Woue natee lai taumata kala ene,  
sewuhi nilebingke. Nau sertaui sie ene kai  
suralungu naraka, suralungu sangsara ene, ute  
i sie nēhenkeengu matane, dan nakasiloe si  
Ibrahim bou marau, dingaugu si Lazarus su  
24 hiwane ; \* ute i sie kimuie, angkunge : O  
jamang Ibrahim ! talentuko ia, dingangu doiko  
i Lazarus, tadeau i sie mangunongan pondolu  
talimedone su ake, dingangu mapakatenongan  
lilaku ; karna ia makapundang sangsara sura-

- 25 lungu henna ini. \* Tetapi i Ibrahim něberae :  
 Ei ana! pětahendungke, humoneu i kau seng  
 nanarima u kapapianu su tempongu pětatem-  
 bahu, tetapi i Lazarus seng nakahombang  
 kasasusa ; ute inie i sie ipakaibore, tetapi i kau  
 26 ipakasangsara. \* Dan limembongu patiku ini,  
 su pětaloarang i kami dingangu i kumu, kai  
 pia tinggilihange labo, hakiu i sire ene, ko ma-  
 pulu mangaling bou ini su koa i kumu, enee  
 tawotonge, kerene lai i sire ko paisene, tawo-  
 27 tonge makapangaling su koa i kami. \* Woue  
 něberae i sie : Ute ia mēdorong si kau, o  
 jamang! tadeau i kau pěndoi i sie sorong wa-  
 28 leng i jamangku ; \* karna ia pia lai limanka-  
 tau ana u senkatauku ; tadeau i sie mēsaksi-  
 ngu ene si si sire, tadeau i sire kumbahan lai  
 29 dumenta su tampa u sangsara ini. \* Simim-  
 † bahe i Ibrahim si sie : I sire ene pia i Musa  
 dingangu nabi-nabi ene ; ute i sire haruse  
 30 pědaringihe si sire ene. \* Tetapi i sie něberae :  
 Tala, o jamang Ibrahim ! kaiso kamagengu  
 manga senkatau bou taloarangu taumatanate  
 matamai su koa i sire, ute i sire sarung mēto-  
 31 bate. \* Tetapi i Ibrahim něberae si sie : Ka-  
 mageng i sire ta mēdaringihe si Musa dingangu  
 nabi-nabi ene, ute i sire lai ta sarung mangi-  
 man, maning manga senkatau měbangung bou  
 taloarangu taumata nate.

## FATSAL XVII.

- 1 Woue i Sie něberae su murit-murite : Ta  
 † mariadi, humoneu ta timbulangu kasangkonan ;  
 tetapi kaangkēhang i sie ene, bou i sai timbu-  
 2 langu ene. \* Ute limembong berguna si sie  
 † ene, kamagengu senbau batu-gilingan iiki su  
 lehee, sewuhu i sie iwontole su laude, sulungu

- i sie mangonggo u kasangkonan su manga  
 3 senkatau bou taumata dadadio ini. \* Pakat  
 † tegangu batangeng i kumu! Tetapi kamagengu ana u senbau u néberdosa si kau, ute  
 sasai i sie ene; dan kamageng i sie nésasesile, ute pangonggo u ampunge si sie.  
 4 \* Dan kamageng i sie sēngēlo pitu sule néber-  
 † dosa si kau, dan lai sēngēlo pitu sule mēsule  
 si kau, dingangu mēbera: Ia mēsasesilu ene;  
 ute i kau haruse pangonggo u ampunge si  
 5 sie. \* Woue néberae rasul-rasul ene su Mawu:  
 6 Tambaiko pangangiman i kami! \* Tetapi  
 Mawu néberae: Kiko i kumu pia pangangiman  
 kere waki u sasawi kalaboe, ute i  
 kumu sarung mēbera su kalu kratu ini: Ka-  
 riadie kaēbu, dingangu pētingkasuangke su  
 laude! ute i sie ene sarung tumuhu baweranu.  
 7 \* Nau i sai sutaloarang i kumu, ko pia sen-  
 katau ēlang ese, ko mēkēkardjahang su tana,  
 atou pakiringu binatang, ute i sie ene mapati-  
 ralang mēbera si sie, tempong i sie nēsule bou  
 8 darukutang: Mahie, kaiang, kangke? \* Bē-  
 gangu i sie sarung mēbera si sie: Diahieko  
 apang ko daku kanengang hēbi, pēgongke ka-  
 luwaengu, dingangu pēseliwiree si sia, sarang  
 ia masueng kange dingangu manginung; se-  
 wuhu i kau kangke, dingangu panginungke?  
 9 \* Ute i sie lai mapatarimakaseh su ēlang ene,  
 sebab i sie seng nēkoa apang ko seng niorone?  
 10 su ēnaku, tala. \* Kerenee lai i kumu, kamageng i kumu seng nēkoa patiku ene apang ko  
 seng nioro si kumu, ute pēmpēberae: I kite  
 kai ēlang ko ta néberguna, karna i kite seng  
 nēkoa samatan enee, ko niutang i kite sarung  
 koateng.  
 11 Woue nariadie, sertau i Sie natamai sorong  
 Jerusalem, humoneu i Sie dimaleng napatira-

lang sutaloarangu Samaria dingangu Galilea.

12 \* Nau sertaui Sie dimenta su tampa senbau,  
ute i Sie nipēsombangkengu mapulongkatau

13 ese ko masaki u paro, ko dudarisi marau ; \* ute  
i sire ene kimuie, angkunge : O i Jesus, Mana-

14 nentiro, talentuko wue i kami ! \* Nau sertaui  
i Sie nakasilo si sire, ute néberae i Sie si sire :  
Dakoe tamai, dingangu papasilongu batangeng  
i kumu su imam-imam. Woue nariadi, se-  
dang i sire natamai, humoneu i sire nariadi

15 susi. \* Tetapi senkatau sutaloarang i sire,  
sertau i sie ene nakasilo, humoneu i sie seng  
niapakaule, nésulee kapia, něpuдинgu Ruata

16 dingangu tingihe maiha ; \* dingangu něsuba-  
ngu ghatine su tengongu laedu Mawu, dingan-  
gu napatarimakasch si Sie ; ute i sie ene kai

17 senkatau Samaritaan. \* Tetapi i Jesus si-  
mimbahe, angkunge : Karakai mapulongkatau  
seng niapakasusi ? suapawe i sire sio ene ?

18 \* Ute takoae kasombangeng lai manga senka-  
tau, ko mēsule kapia dingangu mangonggo u  
hormat su Ruata, melainkan samatan taumata-

19 nailau ini ? \* Woue i Sie néberae si sie ene :  
Pēbangungke, dakoe tamai ; pangangimangu

20 seng nakatulung i kau. \* Nau sedang i Sie  
nipakiwalongu manga taumata farisi, tempo  
apa sarung dumenta karadjaangu Ruata, ute  
simimbahe i Sie si sire dingangu néberae :

21 likude ; \* lai takoae manga senkatau sarung  
mēbera : Pēkakellako sini, atou pēkakellako  
sene ! karna, pangingate, karadjaangu Ruata

22 kai suralunge, sutaloarang i kumu. \* Woue i  
Sie nangulie su murit-murite : Ute ēlo-ēlo sa-  
rung dumenta, suapang i kumu sarung mening  
mēkakella sēngēlo bou ēloēlongu Ahusu-tauma-  
ta, tetapi i kumu sarung ta makasilo ene.

23 \* Woue manga taumata sarung mēbera si  
 kumu : Pēkakellako sini, atou pēkakellako sene  
 i sie ene ; kumbahan i kumu matamai paisene,  
 24 dan kumbahan tumuhu. \* Karna kere kila,  
 † ko sumenang bou pungu langi, dingangu ku-  
 merong su wowong patiku ene ko sualungu  
 langi ; ute kerene lai Ahusu-taumata ene su  
 25 ēlone. \* Tetapi horo u ene i Sie mambeng  
 mētētahangu sangsara mauli, dingangu irēme  
 26 bou bangsa ini. \* Dan kere seng nariadi su  
 ēlo-ēlong i Noah, kerene lai sarung mariadi su  
 27 ēlo-ēlongu Ahusu-taumata : \* i sire kakange, i  
 sire kapanginunge, i sire nēkawin, i sire naki-  
 kawin, sarang ēlo ene, suapang i Noah nasake  
 suralungu batara ; ute dalukung ene dimintae,  
 28 dingangu napakawinasangi sire patiku. \* Kere  
 lai seng nariadi su ēlo-ēlong i Lot : i sire kak-  
 nge, i sire kapanginunge, i sire kapēraluange, i  
 sire kapahumbalue, i sire nahunsiuang, i sire  
 29 kapamunarane ; \* tetapi su ēlo ene, suapang i  
 Lot nasēbang bou Sodom, ute rimasehengu  
 putung dingangu malela bou langi, dingangu  
 30 napakawinasangi sire patiku ; \* kerene sarung  
 mariadi su ēlo ene, suapang Ahusu-taumata  
 31 sarung iapakalahe. \* Ute su ēlo ene, i sai ko  
 suwowong wale, sedang pēdararotonge kai  
 suralungu wale, kumbahan i sie ene lumintu,  
 mangala ene ; dan i sai ko su darukutang,  
 kumbahan i sie ene mēsule sorong ene ko  
 32 sulikude. \* Pētahendungke si kawing i Lot !  
 33 \* I sai ko sarung mēdea mēpalihara pētatemb-  
     i ahe, i sie ene sarung mailang ene ; dan i sai ko  
     sarung mailangu ene, i sie ene sarung mēpal-  
 34 hara ene. \* Ia manguli si kumu : Su hēbi ene  
     sarung pia duangkatau su katatikilang senbau ;  
     senkatau sarung itarima, dan ko waline sarung  
 35 itentang. \* Duangkatau sarung kapunggili-

nge; senkatau sarung itarima, dan ko waline  
 36 sarung itentang. \* Duangkatau sarung ene su  
 darukutang; senkatau sarung itarima, dan ko  
 37 waline sarung itentang. \* Woue i sire simim-  
 bahe dingangu nēberae si Sie: O Mawu!  
 suapae ene? Ute i Sie nangulie si sire: Sua-  
 pang pia kasuan, senee kasjahe-kasjahe mēko-  
 mole.

## FATSAL XVIII.

- 1 Woue i Sie nangulie lai pinintu senbau si sire.  
 bou hale ene, humoneu taumata sentinia haruse  
 pēkaliomaneng, dingangu kumbahan mēma-  
 2 lase; \* angkunge: Pia senkatau hakim sura-  
 lungu soa senbau, ko ta matataku u Ruata, lai  
 3 ta mēndarekengu manga taumata. \* Nau pia  
 senkatau bawine-balu suralungu soa ene, ute i  
 sie ene dimentae su koae, dingangu nēberae:  
 Aribangeko ia bou i sire ene, ko dulawan si  
 4 sia! \* Nau su pira tempo karengue i sie  
 mamadidi; tetapi samurine i sie nēberae sura-  
 lungu naunge: Maning ia ta matak u Ruata,  
 5 lai ta mēndarekengu manga taumata; \* tetapi  
 sedang bawine-balu ini managede si sia, ute ia  
 sarung mangambang si sie, tadeau kumbahan  
 su kasuenge i sie dumenta manedu temboku.  
 6 \* Woue Mawu nēberae: Daringihe, apang ko  
 7 pinēberangu hakim ene ko ta i adile! \* Ute  
 † Ruata ta sarung mangambang patiku taumata  
 pilene, ko mēdēdorong si Sie ēlo hēbi, maning  
 8 i Sie manandu u naung waugu i sire? \* Ia  
 † manguli si kumu, humoneu i Sie masahawu  
 sarung mangambang si sire. Tetapi su rentangu  
 Ahusu-taumata, ute i Sie sarung makahombang  
 9 pangangiman su wowong bumi? \* Tetapi su  
 pirangkatau ko mēlēharape su batangenge,

- humoneu i sire kai adile, dingangu ta mĕsase-  
mpi taumata waline, i Sie nanguliu pintu ini :
- 10 \* Taumata ruangkatau natarai su kaba ma-  
pulu mĕkaliomaneng ; enee senkatau farisi, di-  
11 ngangu senkatau mĕdarorong-bea. \* Nau  
taumata farisi ene rimarisie sesane, dingangu  
nĕkaliomanengke kereini : O Ruata ; ia map-  
tarimakaseh si Kau, sebab ia ini tawe kere tau-  
mata waline, ko tahapĕhampase, ko ta i adile,  
ko mĕmawuan. atou lai kere taumata mĕdaro-  
12 rong-bea ini ; \* ia mĕpĕpuasa rua sule pĕsenka-  
misa, ia mangonggo u bagian kabulone bou  
13 patiku apang ko tĕtaguanengku. \* Tetapi  
† taumata mĕdarorong-bea ene dimarisie marau,  
dingangu nadidi năningara sorong langi, kaiso  
namepele dokone, dingangu nĕberae : O Ruata !  
14 talentuko wue ia taumata berdosa ! \* Ia ma-  
nguli si kumu : i sie ini nĕsule su walene niapa-  
kaadile limembong bou i sie ene ; karna i sai  
ko mapakarange u batangenge, i sie ene sa-  
rung ipakasana ; dan i sai ko mĕtingkasana u  
batangenge, i sie ene sarung ipakarange.  
15 Woue i sire nĕbawae lai ana-ana dadadio su  
koae, tadeau i Sie manelide si sire ene ; tetapi  
murit-murite, sedang nakasilo ene, nĕsĕding-  
16 keng i sire. \* Tetapi i Jesus nĕkuie ana-ana  
† ene su koae, dingangu nĕberae : Pakawalaе  
ana-ana aparenta su koaku, dan kumbahan  
mĕsĕding i sire ; karna i sire ene managuang  
17 karadjaangu Ruata. \* Tengade Ia manguli si  
† kumu : i sai ko ta manarima u karadjaangu  
Ruata kere ana dadadio, i sie ene tawotonge  
masu suralungu ene.  
18 Woue senkatau tĕmbonang nakiwaloe si Sie,  
angkunge : O Mananentiro mapia ! ute apae  
haruse daku koateng, tadeau ia pusakatengu  
19 pĕtatembiahe kakal ? \* Tetapi i Jesus nĕberae

si sie : Sebab apa i kau mēsebba u Ia mapia ?  
 takoae senkatau mapia, melinkan samatan Ru-  
 20 ata. \* I kau masingka u tita-tita ene : Kum-  
 bahan i kau mawuan ; kumbahan i kau ma-  
 mate ; kumbahan i kau manako ; kumbahan i  
 kau mēsahiringu leo : pakahormate si jamangu  
 21 si nina u. \* Woue i sie ene nangulie : Patiku  
 ene seng daku nisempikan bou kangangudaku.  
 22 \* Tetapi sertau i Jesus nakaringihe ene, nēbe-  
 rae i Sie si sie ene : Pia lai perkara senbau, ko  
 kurange si kau ; balue patiku apang ko tēta-  
 guanengu, sewuhu pahiae ene su taloarangu  
 taumata kasian, ute i kau sarung makahombang  
 arta suralungu Sorga ; sewuhu mahie tuhue si  
 23 Sia. \* Tetapi sertau i sie nakaringihe ene,  
 ute i sie nariadie tumaniu nasusa : karna i sie  
 24 kai tumaniu kala. \* Nau sedang i Jesus naka-  
 silo, humoneu i sie seng nariadi tumaniu nasusa,  
 ute nēberae i Sie : Kereapa kasukare i sire ene  
 ko kala masu suralungu karadjaangu Ru-  
 25 ata ! \* Karna magampangeng ontake senbau  
 † masu su tulingu rarahung, sulungu taumata  
 kala masu suralungu karadjaangu Ruata.  
 26†\* Woue i sire ko nakaringihe ene, nēberae : Ute  
 27 i saie wotonge masalamate ? \* Tetapi i Sie  
 † nēberae : apang ko tawotonge makoa bou tau-  
 mata, enee wotonge mariadi bou Ruata.  
 28 \* Woue nēberae i Petrus : Kakellae, i kami  
 seng nanentangu kalawo u ene, dingang  
 29 seng timuhu si Kau ! \* Tetapi i Sie nēberae si  
 † sire : Tengade, Ia manguli si kumu, humeneu  
 takoae senkatau, ko seng nanentangu wale, atou  
 gagurange, atou ana-anausenbau, atou kawi-  
 nge, atau ana-anae, waugu karadjaangu Ruata,  
 30 \* ko tawe sarung manarima u ene mēralaha-  
 † weng mauli su tempo ini, dan samurine pēta-  
 tembiahe kakal su herate.

- 31 Woue i Sie nangalea mapulo dua murite su koae, dingangu nēberae si sire: Panginate, i kite tarai sorong Jerusalem, ute apang ko seng niwohe u nabi-nabi, patiku ene sarung maga-  
 32 nape su Ahusu-taumata; \* karna i Sie sarung isarakan su tau kafire, dan i Sie sarung ipēta-gunalang, dingangu sonsongang, dingangu  
 33 eduang; \* lai i sire sarung mamukule dingangu mamate si Sie; tetapi su katēlu ēlone i  
 34 Sie sarung mēbangung kapia. \* Tetapi i sire ta nakaēna apa-apa bou hale ene; dan bawera ene kai mapapenise su tengong i sire, haku i sire ta nakaēna ene ko nipēberane.  
 35 Woue nariadie sertau i Sie dimenta masandigu Jericho, humoneu senkatau buta kukaiang su  
 36 wiwihi daralengang, mēdēdorong. \* Nau sertau i sie ene nakaringihe, humoneu gapangu taumata susahe, ute nakiwaloe i sie, apae ene?  
 37 \* Nau i sire nēhabare si sie, humoneu i Jesus  
 38 bou Nazareth susahi. \* Woue kimuie i sie, angkunge: O i Jesus, Ahusi Daud, talentuko  
 39 wue ia! \* Tetapi i sire, ko simahe horo, namoka si sie, tadeau i sie pakarēmase. Tetapi i sie sasaunengke kimui: O Ahusi Daud, ta-  
 40 lentuko wue ia! \* Ute i Jesus dimarisie, dingangu nangoroe si sire, papēbawa si sie ene su koae; nau sertau i sie nasandige su koae,  
 41 nakiwaloe i Sie si sie ene, angkunge: \* Ute apae kapulunu, Daku koateng si kau? Woue i sie nangulie: O Mawu! tadeau ia makasilo  
 42 wue. \* Woue nēberae i Jesus si sie: Karia-die makasilo! pangangimangu seng naka-  
 43 tulung i kau. \* Ute bou senkakonda ene i sie nakasiloe, dingangu timuhue si Sie, dingangu nēpudingu Ruata. Dan kalawo u umate ene, ko nakasilo ene, nēdalongu Ruata.

## FATSAL XIX.

- 1 Woue i Sie simue dingangu rimaleng napatira-  
 2 langu Jericho. \* Nau kakellae, senee pia senka-  
 tau ese, arenge i Zacheus ; i sie ene kai tēmbo-  
 nangu mēdarorong-bea, dan i sie kai kala.  
 3 \* Nau i sie ene mēdēdea kumokella si Jesus,  
 minsang i Sie kai i sai ; tetapi tawotonge wa-  
 ugu sebab gapangu taumata ene ; karna i sie  
 4 kai masana tatuwone. \* Woue i sie timalangke  
 nēhoro, dingangu nawie su kalu arangu-kēhu,  
 tadeau i sie makasilo si Sie ; karna i Sie sumahe  
 5 sene. \* Nau sertau i Jesus nēdatingu tampa  
 ene, ute i Sie nētuhungke tarai, dingangu na-  
 kasilo si sie, dingangu nēberae si sie : Ei Za-  
 cheus ! naee lintu, pakaliga ; karna ēlo ini Ia  
 6 haruse mawuna su walenu. \* Ute i sie limintue  
 masahawu, sewuhu nanarima i Sie dingangu  
 7 daliage. \* Woue i sire patiku, ko nakasilo ene,  
 nēsugare, angkunge : I Sie seng notong su  
 8 koau senkatau berdosa. \* Tetapi i Zacheus  
 rimarisie, dingangu nangulie su Mawu : O  
 Mawu ! kakellae, mēloara bou pēdararotongku  
 daku ionggo su tau kasian ; dan kamagengu  
 ia seng nangala apa-apa dingangu linga bou  
 manga senkatau, enee daku isule ēpa u ha-  
 9 weng. \* Woue nēberae i Jesus si sie : Su ēlo ini  
 kasasalamate seng dimenta su wale ini, sedang  
 10 i sie ini lai kai ana i Ibrahim. \* Karna Ahusu-  
 † taumata seng diminta mēdēdea dingangu ma-  
 pakasalamatu apang ko nailang.  
 11 Nau sertau i sire nakaringihe ene, ute i Sie na-  
 nambae lai pinintu senbau ; sedang i Sie kai  
 masandigu Jerusalem, dan sebab i sire nangēna,  
 humoneu karadjaangu Ruata sarung iapaka-  
 12 lahe su tempo ene ; \* ute i Sie nangulie : Pia

senkatāu tuhase, ko nēbua sorong tana marau,  
 tadeau i sie sesane manarima u karadjaan sen-  
 13 bau, sewuhu mēsule kapia. \* Ute i sie kimuie  
 ēlange ese mapulongkatau, dingangu nangonggo u salaka mapulo kati si sire, dingangu  
 nēberae si sire: Pēmpēdagangke, sarang ia  
 14 mēsule. \* Tetapi kawanuane nēbinsi i sie, dingangu nēndoi u manga raro i papanahusa si  
 sie, dingangu nēberae: I kami madidi, i sie ini  
 15 maratu su koa i kami. \* Woue nariadie, ser-  
 tau i sie nēsule kapia, sedang i sie seng naka-  
 tarima u karadjaan ene, humoneu i sie nakirea  
 u manga ēlang ene, paparenta su koae, si sai-  
 sai seng nionggolangu salaka ene; tadeau i  
 sie masingka, kereapa pēdaragangu senkatau-  
 16 senkatau nēberuntung. \* Nau ko himotonge  
 dimentae, dingangu nanguli: O mawu! sikati-  
 17 nu seng nakauntung mapulo kati. \* Woue i  
 sie nēberae si sie ene: Mapia, ei ēlang ko  
 mapia! sedang i kau seng satiawan su kakadiokange,  
 ute panarimaengu kawasa su soa  
 18 mapulo. \* Woue dimentae ko karuane di-  
 ngangu nanguli: O mawu! sikatinu seng  
 19 nakauntung lima kati. \* Woue i sie nēberae  
 lai si sie ene: Ute i kau ini kai matēmbonang  
 20 su soa lima. \* Woue dimentae senkatau wa-  
 line dingangu nanguli: O mawu! kakellako  
 sikatinu ini, ko seng daku nireso su lensongu  
 21 lima; \* karna ia mataku i kau, sebab i kau  
 kai taumata mahēgise; i kau mangala ene, ko  
 ta nipelo u, dan i kau manipo ene, ko ta nisu-  
 22 angu. \* Tetapi i sie nēberae si sie ene: Ei  
 ēlang dalai, bou mohongu i kau daku ihukung!  
 i kau seng masingka, humoneu ia kai taumata  
 mahēgise, ko mangala ene, ko ta nipeloku, dan  
 23 manipo ene, ko ta nisuangku; \* ute sebab apa  
 i kau seng ta namelo u salakaku su tampa

pēdaraganeng, tadeau su rarentaku, ia mangala  
 24 ene dingangu untune? \* Woue i sie nēberae  
 si sire ene, ko dudarisi masandigi sie: Alae  
 bou i sie ini sikati ene, sewuhu onggoe ene si  
 25 sie ene, ko pia mapulo kati. \* Ute i sire  
 nangulie si sie: O mawu, i sie ene pia mapulo  
 26 kati! \* Karna ia manguli si kumu: I sai ko  
 † pia apa-apa, si sie ene sarung onggolang;  
 tetapi i sai ko ta i apa-apa, ute bou i sie ene  
 27 sarung alakeng lai apang ko ene si sie. \* Te-  
 † tapi patiku musuku ene, ko nadidi u ia  
 maratu su koa i sire, bewae ramahi, sewuhu  
 pukule pakapate i sire su tengongu ghatiku.  
 28 Nau sertau i Sie seng nanguli ene, ute dima-  
 lengke i Sie su horong i sire, dingangu natarai  
 29 sorong Jerusalem. \* Woue nariadie, sertau i  
 Sie seng kakasandigengu Bethfage dingangu  
 Bethtanie su pento u wulude, ko isēsebba wu-  
 ludu Zeiton, humoneu i Sie nēndoi u murite  
 30 ruangkatau; \* dingangu nēberae: Dakoe  
 tamai su tampa ene ko su patehu ini; dan  
 kamageng i kumu mēdating. ute i kumu sa-  
 rung makasombang senbau kalide manguda ko  
 karaiki, suapang bodang ta manga senkatau  
 naiang; lukae ene, dingangu bawae ene ra-  
 31 mahi. \* Dan kamagengu manga senkatau  
 makiwalo si kumu: Sebab apa i kumu mēluka  
 ene? ute i kumu haruse panguli si sie kereini:  
 32 Sebab enee ipēpake u Mawu. \* Woue nata-  
 maie raroi ene, sewuhu nakasombangke ene.  
 33 kere i Sie seng nanguli si sire. \* Nau sertau i  
 sire kapēlukane kalide manguda ene, ute nē-  
 berae tataguange si sire: Sebab apa i kumu  
 34 mēluka kalide ini? \* Ute i sire nangulie:  
 35 Sebab enee ipēpake u Mawu. \* Woue i sire  
 nēbawae ene su koa i Jesus, dingangu namilau  
 pakeang i sire su wowong kalide manguda ene,

sewuhu nipapakaiangke i Jesus su wowone.  
 36 \* Dan sedang i Sie kadalenge, ute i sire nami-  
 37 lau pakeang i sire su raralengan ene. \* Nau  
 sertau i Sie nēdatingu raresungangu wuludu  
 Zeiton, ute kalawo u gapangu murite nanetae  
 nahuluase, dingangu nempēpu dingu Ruata di-  
 ngangu tingihe maiha, waugu sebab patiku  
 kakanoa makuate, ko seng nikasilong i sire,  
 38 \* angkunge: Berkatu Ratu ini, ko dumenta  
 † suralungu arengu Mawa kaselahenge! Pēdar-  
 ame suralungu Sorga, dingangu kawawantuge  
 39 su tampa karange - rangetange ! \* Woue  
 manga taumata farisi su taloarangu gapang  
 ene nēberae si Sie: O Mananentiro, pētokeko  
 40 manga muritu. \* Tetapi i Sie simimbahe di-  
 ngangu nēberae si sire: Ia manguli si kumu,  
 kamageng i sire ini mētingkarēmase, ute batu-  
 41 batu ene sarung mēluntingihe. \* Nau sertau  
 † i Sie kakasandige dingangu nakasilo soa ene;  
 42 ute i Sie simangie waugu soa ene; \* dingangu  
 † nēberae: O kiko i kau bodang makaēna, lai su  
 ēlonu ini, apang ko mēberguna su pēdaramenu!  
 tetapi inie enee kapapenise bon matanu.  
 43 \* Karna ēlo-ēlo kai kadentane su wowong i  
 † kau, suapang seke-seke u sarung mangam-  
 bungu tana makoa tenda ipēliku si kau, di-  
 ngangu mēliwung si kau, dingangu manese si  
 44 kau bou patiku dulunge; \* sewuhu mapaka-  
 † lenggeng i kau su tana, dingangu ana-ana u  
 ko suralungu; dan i sire sarung ta mēlēmben-  
 gu batu su wowong batu, sebab i kau seng ta  
 45 nangēna tempongu pinētiwong ene. \* Woue  
 i Sie simue suralungu kaba, dingangu naneta  
 nanguseri sire ene, ko kapahumbalue dinga-  
 ngu kapēdaluanje suralunge; \* dingangu nē-  
 berae si sire: Kai kabawohe: Waleku kai  
 walengu-kaliomaneng; tetapi i kumu seng

- 47 nēkoa ene kere liangu tahapēlingu. \* Woue ēlo-ēlo i Sie mēmanentiro suralungu kaba; tetapi manga imam dalabo dingangu katib-katib dingangu tēmbonang-tēmbonangu umate  
 48 ene mēdēdeae mamate si Sie; \* tetapi i sire ta makahombang apang ko ikapulune: karna kalawo u umate mētingkareke si Sie, dingangu mēdarangihe si Sie.

## FATSAL XX.

- 1 Woue nariadie su sēngēlo bou ēlo-ēlo ene, se-dang i Sie mēmanentiro umate suralungu kaba, dingangu mēluhabaru indjil, humoneu imam-imam dalabo, dingangu katib-katib, dingangu manga magagurangu umate ene dimenta su  
 2 taloarane, \*dingangu nēberae si Sie, angkunge: Ulikeko i kami, bou kawasa apa i Kau mēkēko a hale ini; atou, i saie seng nangonggo u kawasa  
 3 ini si Kau? \*Tetapi i Sie simimbahe dingangu nēberae si sire: Ia lai makiwalongu bawera  
 4 senkamohong si kumu, ulikeko Ia: \*Ute hale u pēndareno i Johannes, enee kai bou Sorga,  
 5 atou bou taumata? \*Woue i sire nēralahintaue dingangu nēmpēbisarae: Kamageng i kite manguli: Bou Sorga; ute i Sie sarung mēbera: Sebab apa i kumu seng ta nangiman si sie?  
 6 \* Dan kamageng i kite manguli: Bou taumata; ute kalawo u umate sarung mēndina u batu si kite; karna i sire nangiman kahengang;  
 7 humoneu i Johannes kai senkatau nabi. \*Woue simimbahe i sire, humoneu i sire kai bēga, min-  
 8 sang enee bou apa. \* Woue nēberae i Jesus si sire: Ute Ia lai ta manguli si kumu, bou kawasa apa Ia mēkēko a hale ini.  
 9 Woue i Sie nanetae nanguli u pinintu ini su umate: Taumata senkatau nahangsinuangu

tatanaman anggore, dingangu nanewa ene su  
manga taumata darukutang sewuhu nangaling  
10 marengu su tana waline. \* Woue su kedone i  
sie nēndoi u senkatau paprentang su koau  
taumata darukutang ene, tadeau i sire papa-  
ngonggo si sie bou buangu tatanaman ang-  
gore; tetapi taumata darukutang ene nēmpa-  
mukule si sie, dingangu niapakapulee i sie  
11 tamai ta i apa-apa. \* Woue nēsau i sie nēndoi  
u senkatau paprentang waline; tetapi i sire lai  
nēmpamukule dingangu nanonsong si sie ene,  
dingangu niapakapulee i sie tamai ta i apa-  
12 apa. \* Woue nēsau i sie nēndoi u senkatau ko  
katēlune; tetapi i sire lai nēlese si sie ene  
13 dingangu nēndēme i sie su likude. \* Woue  
Mawu, ko taguangu tatanaman anggore, nē-  
berae : Apae sarung daku koateng? Ia sarung  
mēndoi u anaku ese ko ikēkendage, aramanung i  
sire sarung mahungge i sie ene, kamageng i  
14 sire makasilo si sie. \* Tetapi sedang taumata  
darukutang ene nakasilo si sie, ute nērala-  
hintaue i sire, dingangu nēmpēbisarae : I sie ini  
kai tutune; beite i sie ini pateng i kite, tadeau  
15 i kite managuang pusaka ini. \* Woue i sire  
nēndēme i sie ene bou ralungu tatanaman ang-  
gore, dingangu namate si sie. Ute apae sa-  
rung koatengu Mawu ko taguangu tatanaman  
16 anggore? \* I sie sarung dumenta maminasa  
taumata darukutang ene, sewuhu manarakangu  
tatanaman anggore ene su umate waline. Nau  
sertau i sire nakaringihe ene, nēmpēberae i  
17 sire: Enee parakau! \* Tetapi i Sie nētēhung  
† si sire, dingangu nēberae; Ute apa hale ini, ko  
kai kabawohe: Batu ene, ko seng nirēme u  
manga taumata mamamunara wale, enee seng  
18 nariadi batubawukune? \* I sai ko manawo  
† suwowong batu ene, i sie ene sarung marule;

- 19 tetapi si sai ko kanawongu batu ene, i sie ene sarung matatuma. \* Woue imam-imam dalabo dingangu katib-katib mēdēdea mamele u lima si Sie su orase ene; tetapi i sire matak u umate ene; karna i sire nakaēna, humoneu i Sie seng nanguli u pinintu ini nēhino si sire ene.
- 20 Woue i sire nanguantibi Sie, dingangu nēndoi u manga taumata nipētiga, ko pura-pura maktika u batangenge, kere i sire kai adile ; tadeau i sire makasame si Sie suralungu bawerane, sarung manarakang i Sie su mamamarenta di-
- 21 ngangu kawasangu governor ene. \* Ute i sire ene nakiwaloe si Sie, angkunge: O Mananentiro! i kami masingka, humoneu i Kau mēbera dingangu marentirongu betule, dingangu ta mamamile ghatingu taumata, kaiso i Kau manentirongu daralengangu Ruata kahengang-
- 22 hengang; \* ute haruse i kami mangonggo u bose si kaisar, atou tala? \* Tetapi sedang i Sie masingka u akali sire dalai, nēberae i Sie si sire: Sebab apa i kumu manaluka si Sia?
- 24 \* Pasiloko denare ene si Sia; ute enee tulada dingangu tandangu wohe i sai? Simimbahe i 25 sire, angkunge: I kaisar. \* Woue nēberae i † Sie si sire: Ute pangonggoe si kaisar, apang ko i kaisor tataguange, dan su Ruata, apang ko
- 26 Duata tataguange. \* Woue i sire tawotonge nakapele si Sie suralungu bawerane su tengongu umate ene; ute i sire nananiangke wau-gu samimbahe, dingangu narēmase.
- 27 Woue pirangkatau bou taloarangu taumata saduki, ko ta nangiman, humoneu taumata nate sarung iapēbangung, dimentae su koae, dingangu nakiwaloe si Sie, \* angkunge: O Mananentiro! seng niwohe i Musa si kami: kamagengu manga i sai pia anausenkataune ese, ko

natee, dingangu nanentangu kawinge, sedang takoae ana, humoneu anausenkataune ese haruse mēkawin bawine ene, dingangu mama-  
 29 ngung hentongu anausenkataune ene. \* Nau pia pitungkatau ese ko anausenkatau; woue ko himotong ene seng nēkawin senkatau ba-  
 wine, ute i sie natee, sedang takoae ana.  
 30 Woue ko karuane ene nēkawin bawine ene,  
 31 sewuhu nate lai, takoae ana; \* woue ko katē-  
 lune nēkawin bawine ene, dan kerene lai sarang  
 kapitune, ute i sire nate, man takoae ana.  
 32 \* Woue su kasuengi sire patiku natee lai  
 33 bawine ene. \* Ute su ēlongu pēbawangung, i  
 saie bou i sire patiku sarung managuang  
 bawine ene? karna i sire pitu ene seng nē-  
 34 kawin si sie. \* Woue simimbahe i Jesus di-  
 ngangu nēberae si sire: Ana-ana u dunia ini  
 35 mēkawin dingangu ipēkawin; \* tetapi i sire  
 ene ko sarung kahombangeng haruse manarima  
 u dunia waline, dingangu pēbawangung bou  
 taloarangu taumata nate, i sire ene sarung ta-  
 36 mēkawin, lai ta ipēkawin; \* karna i sire ene  
 tawotonge mate lai; karna i sire kai kere  
 Malaikat; dan i sire kai ana-ana u Ruata,  
 sedang i sire kai ana-ana u pēbawangung ene.  
 37 \* Tetapi humoneu taumata nate sarung iapē-  
 bangung, enee i Musa lai seng nēsaksi masan-  
 digu su heppe u wulanta, sedang i sie nēsebba  
 u Mawu kaselahenge: Ruatang i Ibrahim, di-  
 ngangu Ruatang i Isak, dingangu Ruatang i  
 38 Jakob. \* Tetapi Duata tawe Ruatangu tau-  
 † mata nate, kaiso Ruatangu taumata biahe;  
 39 karna i sire patiku biahe si Sie. \* Woue pirang-  
 katau katib simimbahe, angkunge: O Mana-  
 40 nentiro! i Kau seng nēberangu betule. \* Woue  
 i sire tawotonge makiwalo lai apa-apa si Sie.  
 41 \* Ute i Sie nēberae si sire: Kereapa ipēbē-

bisarangu taumata, humoneu i Kristus kai ana  
 42 i Daud? \* Sedang i Daud sesane něbera sura-  
 lungu buke Masmur: Mawu seng něbera su  
 43 Mawuku: Kaiangke su koanengku, \* sarang Ia  
 mamele u musu-musunu su tatotokangu laedu.  
 44 \* Ute i Daud něsebba i Sie Mawune; kereapa-  
 45 we i Sie kai Anae? \* Nau sedang kalawo u n-  
 mate ene nakaringihe, něberae i Sie su murit-  
 46 murite: \* Pakategangu batangeng i kumu bou  
 katib-katib ene, ko mapulu rumaleng dingangu  
 laku manandu, dan mening manarima u adate  
 47 su pasare, dingangu kakaiyaneng su horone su-  
 ralungu gaheda dingangu su meda; \* i sire  
 kumang mangingsue wale-walengu manga  
 bawine-balu dingangu mēko a pura-pura ka-  
 liomaneng manandu; ute i sire ene sarung ma-  
 narima u hukuman ko limembong mabēha.

## FATSAL XXI.

1 Woue i Sie něhengkeengu matane dingangu  
 nakasiloe manga taumata kala namelo u lao-  
 2 nggoe su kase u kupangu kaba. \* Woue i Sie  
 nakasiloe lai senkatau bawine-balu ko kasian  
 3 namelo u dua sent dadio. \* Woue i Sie něbe-  
 rae: Tengade Ia manguli si kumu, humoneu  
 bawine-balu ini ko kasian seng namelo u li-  
 4 membong i sire patiku; \* karna i sire patiku  
 seng namelo bou kapapaliung i sire su laonggo  
 u Ruata; tetapi i sie ini bou kakurangange,  
 seng namelo u patiku hale u pangangidope ko  
 tētaguanenge.  
 5 Nau sedang pirangkatau kapēdudatonengu  
 hale u kaba ene, humoneu ene nilēgahengu  
 batu-batu mahole dingangu manga laonggoe,  
 6 ute i Sie něberae: \* Su hale ini, ko tētēhu-  
 ngang i kumu, ute sarung dentangu ēlo-ēlo.

suapang takoae itentang batu suwowong batu,  
 7 ko tawe sarung magogahe. \* Woue i sire na-  
 kiwalo si Sie, angkunge : O Mananentiro !  
 tempo apa hale ene sarung mariadi ? dan apae  
 tandane, kamagengu hale ene sarung mariadi ?  
 8 \* Woue i Sie nēberae : Pangigate, tadeau i  
 kumu kumbahan kawinsanaan ; karna mauli  
 taumata sarung dumenta sualungu Arengku,  
 dingangu manguli : Ia kai i Sie ene ; dan  
 tempo ene kai masandige ! tetapi kumbahan  
 9 tumuhu si sire. \* Dan kamageng i kumu  
 sarung makaringihe habaru pēsaseke dingangu  
 huru-hara, ute kumbahan i kumu lumendi ;  
 karna hale ene mambeng mariadi horo ; tetapi  
 10 bodang ta nēdating pangingsuenge, \* Woue  
     i Sie nēberae si sire : Umate sarung mēba-  
     ngung lumawan umate ; dan karadjaan sarung  
 11 lumawan karadjaan ; \* lai sarung mariadi  
     † dinuhe maiha su pira-pira tampa, dingangu  
     kasasusangu - kalahutung, dingangu sahinda  
     matatedu ; lai sarung mariadi perkara-perkara  
     makatataku, dingangu tanda-tanda labo bou  
 12 langi. \* Tetapi horo u patiku ini, i sire sarung  
     mamelo u limane si kumu dingangu mēbatu si  
     kumu, dingangu manarakang i kumu su pē-  
     kakomolange dingangu su tahungku ; lai i  
     kumu sarung bolengan su tengongu manga  
     ratu dan pangganting - datu, waugu sebab  
 13 Arengku. \* Nau enee sarung humombang si  
 14 kumu sarung kasaksian. \* Ute pēkaraki sura-  
     lungu naung i kumu, tadeau i kumu kumbahan  
     manipere horo, kereapa sarung isimbahi kumu ;  
 15 \* karna Ia sarung mangonggo u mohong di-  
     ngangu kapapande si kumu, hakiu i sire patiku,  
     ko mēndoka si kumu, tawotonge makarendeh  
 16 atou makalawan ene. \* Lai i kumu sarung  
     isarakangu manga gagurang, dingangu manga

- anausenbau, dingangu manga asale, dingangu manga gawe; dan i sire sarung mamate pi-  
 17 rangkatau bou i kumu. \* Dan i kumu sarung ipēbinsi i sire patiku waugu sebab Arengku.  
 18 \* Tetapi maning uta senbua tawe sarung mai-  
 19 lang bou tēmbo i kumu. \* Ute paliharaite djiwang i kumu suralungu kasasabare.  
 20 Tetapi kamageng i kumu makasilo, humoneu Jerusalem maliwungu wuntungu seke, ute ka-  
 singkae su tempo ene, humoneu kagagogahe  
 21 kai masandige. \* Nau su tempo ene, i sai ko ene su tana Judea, i sie ene talangke su wu-  
 lude; dan i sai ko ene suralungu soa, i sie ene sēbangke su likude; dan i sai ko ene su daru-  
 kutang, kumbahan i sie ene sumu suralunge;  
 22 \* karna enee kai ēlo-ēlongu pamamalisang, ta-  
 deau maganape patiku ene ko kabawohe.  
 23 \* Tetapi pirua manga bawine ene ko pia ka-  
 luwaeng, dingangu ko mēmapasusu su ēlo-ēlo  
 ene! karna sarung mariadi kassasusa labo su  
 24 tana, dingangu dalangehe su umate ene. \* Ute  
 i sire ene sarung patengu horong-barra, lai ta-  
 wengang sutaloarangu patiku umate; dan  
 Jerusalem sarung dalindangu tau kafir, sarang  
 tempongu tau kafir ene maganape.  
 25 Woue sarung mariadi tanda-tanda su mata-  
 † ngēlo, su bulan dingangu wituing-wituing, di-  
 ngangu katatepungu umate-umate suwowong  
 bumi, dingangu pēbabingo u naung, sedang  
 laude dingangu bulade sarung dumaledu;  
 26 \* dan naungu taumata sarung mapinsang  
 † waugu katataku dingangu palahedongu per-  
 kara-perkara ene, ko sarung humombang su  
 bumi; karna lai kakakuatu langi sarung  
 27 iapakagio. \* Ute su tempo ene i sire sarung  
 † makasilo Ahusu-taumata dumenta su winawa  
 dingangu kakakuat dan kawawantuge labo.

- 28 \* Nau kamagengu hale ene manetae mariadi  
   † ute tatingarae dingangu pēhengkeengu tēmbo  
   i kumu sorong dasi, sebab karaliung i kunū  
 29 kai masandige. \* Woue i Sie nanguliengu  
   pinintu senbau si sire: Kakellako kalu-ara di-  
 30 ngangu kalawo u kalu; \* kamageng i kumu  
   makasilo enee mēsahensong, ute i kumu ma-  
   singka, humoneu musungu pedise kai ma-  
 31 sandige: \* kerene lai i kumu kasingkae, ka-  
   mageng i kumu makasilo perkara-perkara ene  
   mariadi, humoneu karadjaangu Ruata kai  
 32 masandige. \* Tengade Ia manguli si kumu,  
   humoneu bangsa ini tawe mailang, sarang  
 33 patiku ene mariadi. \* Langi dingangu bumi  
   † sarung mailang, tetapi baweraku ta kadio-  
 34 ngeng mailang. \* Tetapi pakalukade bata-  
   † ngeng i kumu, tadeau kumbahan naung i  
   kumu su manga tempo mabēha u karalaede  
   dingangu pētatimbukan dan kainginangu pē-  
   tatembiahe ini, tadeau ēlo ene kumbahan  
 35 humombang si kumu ta mariah; \* karna ēlo  
   † ene sarung dumenta kere ralombo suwowong i  
 36 sire patiku, ko ene suwowong bumi. \* Tagal  
   † ene pakalukade sentinia tempo, dingangu pē-  
   kaliomanengke, tadeau i kumu kasombangeng  
   mariah sarung makatalang maliu bou patiku  
   perkara ini, sarung rumarisi su tengongu  
   Ahusu-taumata.
- 37 Woue su ēlo i Sie mēmanentiroe suralungu  
   kaba; tetapi hēbi i Sie simēbang mētingkahēbi  
   su wulude ene, ko isēsebba wuludu Zeiton;  
 38 \* dan senkamalukade dimentae kalawo u  
   umate su koae suralungu kaba, mapulu mē-  
   daringihe si Sie.

## FATSAL XXII.

- 1 Nau haribesare bou brote ko ta nihaisang, ko  
 2 isēsebba paska, seng masandige. \* Woue  
 imam-imam dalabo dingangu katib-katib mē-  
 dēdea, kereapa i sire sarung mamate si Sie,  
 3 tetapi i sire nataku u umate ene. \* Ute su  
 tempo ene setan seng simue si Judas, ko isēseb-  
 ba si Iskariot, ko senkatau sutaloarangu murite  
 4 mapulo-dua. \* Woue i sie ene natamaie pais-  
 sene, dingangu nēbisarangu imam-imam dalabo,  
 dingangu tēmbonang-tēmbonang, kereapa i sie  
 5 sarung manarakang i Sie si sire ene. \* Ute i  
 sire nahuliage dingangu nēdiandi sarung  
 6 mangonggo u kupang si sie. \* Woue i sie  
 kimiree ene, sewuhu nēdeae tempo, sarung  
 manarakang i Sie si sire ene, ta i huru-harane.  
 7 \* Woue nēdatingkengu ēlongu brote ko ta  
 nihaisang, suapang mambeng pamateng ana u  
 8 dombangu paska. \* Woue i Jesus nēndoieng  
 i Petrus dingangi Johannes, dingangu nē-  
 berae: Dakoe i kumu paisene, dingangu  
 panadiae paska ene si kite, tadeau i kite ku-  
 9 mang ene. \* Ute i sire nakiwaloe si Sie:  
 Suapae kapulunu panadiang i kami ene?  
 10 \* Woue i Sie nēberae si sire: Kakellae, ka-  
 mageng i kumu rumenta suralungu soa ene,  
 ute i kumu sarung ipēsombangu taumata sen-  
 katau, ko kapamasange bawanuangu ake  
 senbau; tuhue si sie sorong wale ene, suapang  
 11 sukange, \* dan pangulie su taguangu wale  
 ene: Manānentiro ene timanata si kau: Suapa  
 tampa u panganganengan ene, suapang Ia  
 botonge kumang paska ene dingangu murit-  
 12 muritku? \* Ute i sie sarung manulada si kumu  
 senbau tampa u panganganengan ko labo, ka  
 13 malaatore, senee panadiai ene. \* Woue i redua

natamaie paisene, dingangu nakasombangke  
 ene, kere seng niulie si sire, dingangu nanadiaē  
 14 paska ene. \* Nau sertau orase ene seng nē-  
 dating, ute naiangke i Sie su meda, dingangu  
 15 mapulo-dua rasul ene ringange. \* Woue i Sie  
 nēberae si sire: Ia seng tumaniu nēberingin  
 kumang paska ene dingangi kumu, horo u Ia  
 16 mētatahangu sangsara. \* Karna Ia manguli  
 si kumu, humoneu Ia lai ta sarung kumang  
 ene, sarang ene maganape suralungu ka-  
 17 radjaangu Ruata. \* Woue i Sie nangalae pa-  
 nganginoman ene, dingangu napatarimakaseh,  
 18 dingangu nēberae: Alae ini, dingangu pa-  
 pahiae ene si kumu; \* karna Ia manguli si  
 kumu, humoneu Ia ta sarung manginung lai  
 bou buangu anggor, sarang dentangu ka-  
 19 radjaangu Ruata. \* Woue i Sie nangalae  
 brote, dingangu napatarimakaseh, sewuhu na-  
 ngompengke ene, dingangu nangonggo u ene  
 si sire, dingangu nēberae: Enee kai Badanku,  
 ko iongo waugu i kumu, pēkoako ene su  
 20 pētatahendum si Sia. \* Kerene lai pang-  
 ginuman ene dolosu kimang; dingangu nē-  
 berae: Panganginuman ini kai pēdariandi  
 buhu suralungu Raħaku, ko timeddo waugu i  
 21 kumu. \* Tetapi kakellako, limang i sie ene  
 ko mētulangu Ia, kai ringangku su meda.  
 22 \* Nau maning Ahusu-taumata matamai pa-  
 sene, kere seng nitantu; tetapi kaangkēhang  
 23 su taumata ene, ko mētulang i Sie! \* Wouē i  
 sire ene nanetae nahunkiwalo senkatau su  
 senkatau, i saie sutaloarang i sire sarung  
 makakoa ene?  
 24 Woue timimbule lai pēdararendehe sutaloarang  
     i sire: I saie sutaloarang i sire ene ko nangi-  
 25 lembo. \* Tetapi i Sie nēberae si sire: Sultan-  
     † sultangu umate kai pētētahamawuangu umate-

- umate ene; dan i sire ene ko mangumbele  
 26 kawasa su umate, isēsebba paduka; \* tetapi i  
 † kumu kumbahanbe kerene! kaiso i sai ko na-  
 ngilembo sutaloarang i kumu, i sie ene paka-  
 riadie kere taumata ko kakadiokange, dan i sai  
 ko pangahae, kere i sie ene ko mētētahamawu.  
 27 \* Karna i saie ko nangilembo, i sie ene ko  
 kukaiang su meda, atou i sie ene ko mēsasili-  
 wire? Begangu i sie ene ko kukaiang su  
 meda? Tetapi Ia ini kai sutaloarang i kumu  
 28 kere senkatau ko mētētahamawu. \* Nau i kumu  
 ini kai taumata ene, ko seng natana tatape ri-  
 29 ngangku suralungu sasalukaku: \* dan Ia ma-  
 nantu u karadjaan ene si kumu, kere Iamangku  
 30 seng nanantu u ene si Sia; \* tadeau i kuñu  
 kumang dingangu manginung su medaku sura-  
 lungu karadjaanku, lai kumaiang su kadera-  
 mawantuge, dingangu mēhukungu mapulu-dua  
 hentong i Israel.  
 31 Woue Mawu nēberae: Ei Simon, Simon! pa-  
 † ngingate, setan seng tumaniu nening i kumu,  
 32 sarung mēndondong si kumu kere gendom; \* te-  
 † tapi Ia seng nēkaliomaneng waugu i kau, ta-  
 deau kumbahan pangangimangu mailang. Nau  
 i kau, kamageng i kau sarung mētobate, ute  
 33 kuateko ana-anausenbau u. \* Woue i sie nē-  
 berae si Sie: O Mawu! ia kai sadia matamaï  
 ringangu suralungu tahungku dingangu sura-  
 34 lungu papate. \* Tetapi i Sie nēberae: Ei  
 Petrns! Ia manguli si kau, su hēbi ini manu  
 neng ta kumuku, sarang i kau tēlu sule mēsu-  
 35 niale, humoneu i kau makakirala si Sia. \* Woue  
 i Sie nēberae si sire: Tempo Ia seng nēndoi i  
 kumu, ta ringangu patoka, dan papeta, dan sa-  
 patu, kuteu i kumu seng nakurang apa-apa?  
 36 Woue i sire simimbahe: Takoae apa-apa. \* Ute  
 nēberae i Sie si sire: Tetapi inie, i sai pia pa-

toka, i sie pēbawae ene, dan kerene lai papeta ;  
 tetapi i sai ko takoae, i sie ene pēbaluengū  
 pakeange, dingangu pēluang bara senbau.  
 37 \* Karna Ia manguli si kumu, humoneu lai  
 enee, ko kabawohe, mambeng maganape si  
 Sia, mangalene : I Sie seng nireken sutaloara-  
 ngu tahapēkoa dalai. Karna lai perkara-per-  
 kara ene, ko kabawohe bou haleku, makahom-  
 38 bang pangingsuenge. \* Woue nēberae i sire :  
 O Mawu ! kakellako, sini pia bara rarua ! Te-  
 tapi i Sie nēberae si sire : Kuhae ene.  
 39 Woue i Sie simebang dingangu natamaie so-  
 rong wuludu Zeiton, kere narange ; dan murit-  
 40 murite lai timuhue si Sie. \* Dan sertau i Sie  
 nēdatingu tampa ene, ute nēberae i Sie si sire :  
 Pēkaliomanengke, tadeau i kumu kumbahan  
 41 masu su sasaluka ! \* Woue i Sie nētingkagae  
 bou i sire, lēnang senkapalo u batu karaune ;  
 sewuhu namulangengke dingangu nēkalioma-  
 42 neng, \* angkunge : O Iamang ! kamageng i  
 † Kau mapulu, pakaliue panganginumang ini  
 bou Ia ; tetapi kumbahanbe kapuluku, kaiso  
 43 kapulunu pakariadi ! \* Woue nikasiloeng i  
 Sie Malaikat senbau bou Sorga, ko napakakuati  
 44 Sie. \* Nau sedang i Sie kai suralungu kasasu-  
 † sangu papate, ute i Sie nahuntinambae nēka-  
 liomaneng ; woue liagane nariadi kere tedo-  
 45 tedo u raha, ka nanawo su tana. \* Dan sertau  
 i Sie seng nēbangung bou kaliomaneng, ute i  
 Sie natamaie su koa u murit-murite, dan naka-  
 sombangke si sire ene kapahuntikie waugu ka-  
 46 sasusa. \* Ute i Sie nēberae si sire : Sebab apa  
 i kumu mahuntiki ? Pēbangungke dingangu  
 pēkaliomanengke, tadeau i kumu kumbahan  
 47 masu su sasaluka. \* Nau sedang i Sie lai  
 kapēberane, kakellae, taumata senggapang di-  
 mentae senee, dan senkatau bou murite ma-

- pulo-dua, ko arenge i Judas, kadalenge su horong i sire, dingangu dimenta masandigi Jesus,
- 48 mapulu mangimbu si Sie. \* Woue i Jesus nēberae si sie : Ei Judas ! ute i kau mētulangu
- 49 Ahusu-taumata dingangu pangangimbu ? \* Nau sertau i sire ene ko ringangi Sie, nakasilo, apang ko mariadi, nēberae i sire si Sie : O Mawu !
- 50 haruse i kami mamili u wara ? \* Ute senkatau bou i sire namilie ēlangu imam labo, dingangu
- 51 nakasahing tuline koaneng. \* Tetapi i Jesus simimbahe, angkunge : Balae ene sarang ini ; ute i Sie namisile tuline, dingangu napakau-
- 52 leng i sie. \* Woue i Jesus nēberae su imam-imam dalabo dingangu tēmbonang-tēmbonangu kaba, dingangu magagurangu umate, ko seng dimenta lumawan si Sie : Ute i kumu nahensēbang dingangu wara dan palo-palo
- 53 kere lumawan senkatau tahapate ? \* Tempo Ia ēlo-ēlo kai ringangi kumu suralungu kaba, ute i kumu seng ta nēhengke u limang i kumu lumawan si Sia ; tetapi inie orasi kumu di-
- 54 ngangu kawasangu ko marēndung. \* Woue i sire nanamee si Sie, dan nangentudeng i Sie, dingangu nēbawa si Sie su walengu imam labo ; tetapi i Petrus timuhue bou marau.
- 55 Nau sertau i sire seng nēhunu u putung sutaloarangu gandaria, ute nahunkaiangke i sire senkahindo, lai i Petrus naiangke sutaloa-
- 56 rang i sire ene. \* Woue sedang senkatau ēlang-bawine nakasilo si sie kukaiang masandi-gu putung ene, ute nētēhungke i sie ene si sie, dingangu nēberae : Lai i sie ini kai ringange.
- 57 \* Tetapi i sie nēsuniali Sie, angkunge : Ei
- 58 bawine ! ia ta nakakirala si Sie. \* Woue ta narennra lai senkatau waline nakasilo si sie, dingangu nēberae : Lai i kau kai bou i sire ene : Tetapi i Petrus nēberae : Ei taumata ! waline-

59 we ia. \* Dan sedang lēnang senkaorase  
 naliu, ute senkatau waline nanahuntengadu  
 ene, angkunge : Man tengade, lai i sie ini kai  
 60 ringange, karna i sie lai tau Galilea. \* Tetapi  
 i Petrus nēberae : Ei taumata ! ia bēgangu  
 apa ipēbēberanu. Ute su tempo ene, sedang i  
 61 sie lai mēbēbisara, kimukue manu. \* Woue  
 Mawu nēbihue, dingangu nētēhungke si Petrus ;  
 ute i Petrus nakatahendungke bawerangu  
 Mawu, kereapa i Sie sang nanguli si sie : Horo  
 u manu kimuku, i kau sarung mēsunialu Ia  
 62 tēlu sole. \* Woue i Petrus natamaie simēbang  
 dingangu simangi matedu.  
 63 Nau ese-esé ene ko nangumbele si Jesus,  
 nētagunalang i Sie, dingangu namukule si Sie.  
 64 \* Dan sertau i sire seng nanimbukung si Sie, ute  
 nēmpamerue i sire si Sie su ghatine, dingangu  
 nakiwalo si Sie, angkunge : Pamituae, i sai  
 65 ene, ko seng namukule si Kau ? \* Lai mauli  
 hodate waline binerang i sire nilawan si Sie.  
 66 \* Woue sertau seng naēlo, ute nēmpēkomole  
 magagurangu umate, dingangu imam-imam  
 dalabo, dingangu katib-katib, sewuhu nēbawa  
 67 si Sie su pēkakomorange. \* dingangu nēberae:  
 Kamageng i Kau kai i Kristus, ulie ene si  
 kami ! Tetapi i Sie nēberae si sire : Kamagengu  
 Ia manguli u ene si kumu, ute i kumu ta  
 68 mangiman ene ; \* dan kamagengu Ia lai ma-  
 kiwalo, ute i kumu ta mēmpēsimbahe, lai ta  
 69 mēliungu Ia. \* Bou inie Ahusu-taumata sa-  
 rung kumaiang su koanengu kawasangu Ruata.  
 70 \* Woue nēberae i sire patiku : Ute i Kau kai  
 Ahusu-Ruata ? Simimbahe i Sie si sire : Kere  
 71 niwerang i kumu, Ia kai i Sie ene. \* Ute  
 nēberae i sire : Ta wahaluasu i kite lai mēdea  
 sahiri, karna i kite sesane seng nakaringihe  
 ene bou mohonge.

## FATSAL XXIII.

- 1 Woue kalawo u taumata ene dimarisie, dingangu nangentudeng i Sie su koa i Pilatus.
- 2 \* Woue i sire nanetae nangalake i Sie, angkunge : Seng nikasombangeng i kami, humoneu i Sie ini mēlēhepping umate, dingangu nēlarang mangonggo u bose si Kaisar, dingangu nēbera, humonen i Sie sesane kai i Kristus, ko Datu
- 3 ene. \* Woue i Pilatus nakiwaloe si Sie, angkunge : Ute i Kau kai Ratungu tau Jehudi ? Woue simimbahe i Sie, dingangu nēberae :
- 4 Kere niweranu. \* Woue i Pilatus nēberae su imam-imam dalabo dingangu su gapangu umate ene : Ia ta nakahombang salage apa-
- 5 apa su taumata ini. \* Tetapi i sire ene sasau-neng dimendehe, angkunge : i Sie mēmano-nngahe umate, dingangu mēmanentiro su kala-wo u wanua Judea, naneta bou Galilea sarang
- 6 damahi sini. \* Nau sedang i Pilatus nakari-ngihe bou Galilea, ute i sie nakiwaloe, minsang
- 7 i Sie ene bou Galilea ? \* Dan sertaui nikahe-nganenge, humoneu i Sie bou wanua ene ko sualungu prentang i Herodes, ute niroie i Sie nipakiwawa su koa i Herodes, ko su ēlo-ēlo ene
- 8 kai su Jerusalem. \* Nau sertaui i Herodes nakasilo si Jesus, ute i sie taumaniu limiage, karna seng marengu i sie nening kumakella si Sie, sedang i sie nakaringihe mauli bou hale i Sie ; lai i sie nēharape, sarung makasilo
- 9 manga tanda-heran, ko sarung koatenge. \* Ute i sie ene nakiwaloe si Sie dingangu bawera mauli, tetapi i Sie ta simimbahu apa-apa si sie
- 10 ene. \* Tetapi imam-imam dalabo dingangu katib-katib nahundarisie, dingangu tumaniu
- 11 nangalake i Sie. \* Tetapi i Herodes dingangu pangalone nēhinakan dingangu nētagunalang

i Sie, dingangu nilohokangke i Sie pakean mawira malenda, sewuhu niroie i Sie nipēsule  
 12 su koa i Pilatus. \* Nau su ēlo ene i Pilatus dingangu i Herodes nariadi gawe ; karna horo i redua ene kai musu senkatau su senkatau.  
 13 \* Nau sertau i Pilatus seng nēkui imam-imam dalabo, dingangu tēmbonang-tēmbonang, dingangu umate ene pakakomole, ute nēberae i  
 14 sie si sire ene : \* Taumata ini seng niwawa i kumu su koaku. kere senkatau ko mēlēhepping umate ; nau kakellae, ia seng namariksa si Sie su tengong i kumu, tetapi ta nakahombang salage apa-apa su taumata ini bou hale ene, ko  
 15 pinangalake i kumu ; \* ore i Herodes lai tala ; karna ia seng nēndoi i kumu su koae, dan kakellae, i Sie seng ta nēko aapa-apa, ko haruse  
 16 ipēhukung i Sie pateng. \* Ute ia sarung mēnggessere si Sie, sewuhu mēliung i Sie.  
 17 \* Karna i sie haruse mēleso u senkatau si sire  
 18 ene su haribesare. \* Tetapi kalawo u taumata ene nēgioe, angkunge : Dēmee i Sie ini, dingangu pēleso i Barabbas si kami ! \* nau i sie  
 19 ene seng nīrēme suralungu tahungku, waugu sebab huru-hara, ko seng nikoa suralungu soa  
 20 ene, dan waugu sebab pamamate. \* Ute i Pilatus nēheangke kapia si sire ene, sedang i  
 21 sie mapulu mēliung i Jesus. \* Tetapi i sire  
 22 ene senkagio rimendehe, angkunge : Gantongke, gantongke i Sie su kalu kruis ! \* Woue i sie nēberae si sire ene su katēlu sulene : Kararalai apa seng nikoa i Sie ini ? ia seng ta nakahombang salage apa-apa ipamate si Sie ; ute ia sarung mēnggessere si Sie, sewuhu  
 23 mēliung i Sie. \* Tetapi i sire ene natatape nēgio dilgangu tingilie labo, dingangu nanuntu, tadeau i Sie pakuan su kalu kruis ; ute pēgagiong i sire dingangu imam-imam dalabo

- 24 nahuntinambae. \* Woue i Pilatus namutuse, tadeau mariadi tinuhu pananuntu i sire.
- 25 \* Woue nipakilesoe taumata ene si sire, ko waugu sebab huru-hara dingangu pamamate seng nirēme suralungu tahungku, ko seng niorongang i sire; tetapi i Jesus nisarakange su kapulung i sire.
- 26 Nau sertau i sire nangentudeng i Sie paisene, ute i sire nanamee si Simon, bou Kirene, ko dimenta bou darukutang; dan nilēngkang i sire kalu kruis ene si sie, tadeau i sie papama-
- 27 sang ene sulikudi Jesus. \* Ute i Sie nituhukangu umate mauli, dingangu manga bawine, ko kapahunsangie dingangu susindokan waugu
- 28 i Sie: \* Tetapi i Jesus nēbihue si sire ene, dingangu nēberae: Ei manga anabawine bou Jerusalem! kumbahanbe sumangi waugu Ia, kaiso pahunsangie waugu betangeng i kumu,
- 29 dan waugu ana-ana i kumu. \* Karna panginate, ēlo-ēlo, sarung dumenta, suapang sarung ipēbera: Kasasalamate su manga bawine ene ko banto, dingangu kaluwaeng ene, ko seng ta nēhento, dingangu susu ene, ko seng
- 30 ta nisusuan. \* Tempo ene i sire sarung maneta mēbera su wulude-wulude: Kaentungke si kami! dan su bēnku-bēnkue: Hembunete i
- 31 kami! \* Karna kamageng i sire mēkoia ene su kalu tamata, ute apae sarung mariadi su kalu
- 32 nahegu? \* Lai nientude ruangkatau waline, ko kai tahapēkoia dalai, sarung pateng ringa-
- 33 nge. \* Nau sertau i sire seng nēdatingu tampa ene, ko isēsebba tampa u darang-tēmbo, ute senee i sire seng namakusi Sie su kalu kruis. dingangu i redua ene ko tahapēkoia dalai, senkatau su koanenge, dan senkatau su kaihine.
- 34 \* Woue i Jesus nēberae: O Iamang! ampu-  
† ngoko si sire, karna i sire ene bēgangu apang

ko nikoa si sire. Woue i sire nēpapahiaengu  
 pakeange dingangu namahungu lahuri waugu  
 35 ene. \* Woue umate ene kai dudarisi, dingan-  
 gu mētētēhung ene. Woue tēmbonang-tēm-  
 bonang dingangu i sire ene nananōmpole si  
 Sie, angkunge : I Sie seng nēleso u taumata  
 waline, kenangko i Sie pētingkaleso u batange-  
 nge, kamageng i Sie kai i Kristus, ko nipilengu  
 36 Ruata. \* Lai manga suldado nahunsandige,  
 nētagunalang i Sie, dingangu nēbawa haise si  
 37 Sie, \* dingangu nēberae : Kamageng i Kau  
 kai Ratungu tau Jehudi, ute pētingkaleso u  
 38 batangengu. \* Lai su wowone seng niwohe-  
 kangu sarakange, su letteru Junani, dingangu  
 Romawi, dingangu Ibrani : I Sie ini kai Ratu-  
 39 ngu tau Jehudi. \* Lai senkatau bou i redua  
 ene, ko tahapēko a dalai, ko magagantong,  
 nēhodate si Sie, angkunge : Kamageng i Kau  
 kai i Kristus, ute pētingkaleso u batangengu  
 40 dingangu i kami. \* Tetapi ko waline simim-  
 bahe, dingangu nanigore si sie, angkunge :  
 Ute i kau lai ta matak u Ruata, sedang i kau  
 41 kai suralungu hukuman kereini ? \* Ute i kite  
 ihukung dingangu karaadile, karna i kite  
 nakahombang hukuman kere patute, tinuhu  
 kakanoa i kite ; tetapi i Sie ini ta nēko salage  
 42 apa-apa. \* Woue nēbisarae i sie si Jesus : O  
 † Mawu ! tahendungeko ia, tempo i Kau dumen-  
 43 ta suralungu karadjaangu. \* Woue nēberae  
 † i Jesus si sie : Tengade Ia manguli si kau : su  
 ēlo ini i kau sarung ene dingangku suralungu  
 44 Firdus. \* Nau kai lēnang orase kaēnunge,  
 ute nariadie narendung su kalawo u bumi,  
 45 sarang orase kasione. \* Ute matang-ēlo na-  
 riadie narendung, lai dalangsengu kaba ene  
 46 natingkase su taloarane. \* Woue i Jesus  
 † kinuie dingangu tingihe maiha, angkunge : O

Iamang, Ia manarakangu Rochku suralungu limanu ! Dan sertau i Sie seng nēberangu ene,

47 ute i Sie napohongke. \* Nau sertau tēmbonangu suldado mahasu nakasilo, apang ko nariadi, ute i sie napakawantugu Ruata, dingangu nēberae : Tengade, Taumata ini kai adile !

48 \* Lai kalawo u gapangu umate ene, ko seng nēkomole mētēhung hale ene, sertau i sire nakasilo apang ko nariadi, ute i sire namepele

49 rokone, dingangu nēsulee kapia. \* Tetapi patiku gawene rimarisie bou marau, lai manga bawine ene, ko senkahindo seng timuhu si Sie

50 bou Galilea, dingangu mētēhung ene. \* Nau kakellae, senkatau ese, areng i Josef, ko kai senkatau tēmbonang, ko mapia dingangu adile,

51 \* ko ene bou Arimathea, senbau soangu tau Jehudi, i sie ene seng tawe nēkire suralungu wisara dingangu kakanoa i sire ene, dan i sie sesane lai kapahedone karadjaangu Ruata ;

52 \* ute i sie ene natamai su koa i Pilatus, dingangu nēdorongke badang i Jesus. \* Woue i sie nangalae badang ene nilintu, sewuhu pinikungke ene dingangu heke aluse, dingangu nitahoe ene suralungu kubure, ko seng nipakan suralungu dapela, suapang bodang takoae

54 senkatau nitahoe. \* Nau ēlo ene kai ēlopananadiaan, dan ēlong sabbat ene kai masanidge. \* Ute lai manga bawine ene, ko seng nahundenta ringang i Sie bou Galilea, timuhue, dingangu nēmpētēhungke kubure ene, dan

55 56 kereapa badange nitaho. \* Woue i sire nēsulee kapia, dingangu nēmpanadiae lanise dingangu lana mawēngi; sewuhu nangiroloe su ēlong-sabbat tinuhu tita ene.

## FATSAL XXIV.

1 Woue su ēlo himotonge bou senkamisa ene,  
 neng kaēlonge, natamaie i sire ene sorong  
 kubure, dingangu nēbawae lanise ere, ko seng  
 nisadiang i sire, lai pirangkatau waline ringa-  
 2 ng i sire. \* Dan nikahombangenge batu ene  
 3 naweho bou kubure; \* woue i sire simue, tetapi  
 4 ta nakasombang badangu Mawu Jesus. \* Wo-  
 ue nariadie, sedang i sire mēmasusa waugu  
 hale ene, kakellae, ruangkatau ese, dingangu  
 pakean mēkēkerong dudarisi masandigi sire.  
 5 \* Nau sedang i sire tumaniu nēnkataku, di-  
 ngangu kimakurungkengu ghatine tanae, ute  
 nēberae i redua ene si sire: Sebab apa i kumu  
 kapedeae si Sie ko biahe sutaloarangu taumata  
 6 nate? \* I Sie tadisi sini, karna i Sie seng  
 nēbangung. Pētahendungke, kereapa i Sie  
 seng nanguli si kumu, tempo i Sie lai su  
 7 Galilea, \* angkunge: Ahusu-taumata ene  
 mambeng isarakan su limangu taumata ber-  
 dosa, dan nipakuan su kalu kruis, dan su ēlo  
 8 katēlune mēbangung kapia. \* Woue i sire  
 9 nētahendungke bawerane ene. \* Woue i sire  
 nēsulee kapia bou kubure dingangu nēmpēha-  
 barengu patiku hale ene su murite mapuloessa,  
 10 dingangu si sire patiku ko waline. \* Nau  
 manga bawine ene kai i Maria Magdalena,  
 dingangu i Johanna, dingangu i Maria, inang  
 i Jakob, dingangu i sire waline ko ringang i  
 sire ene, ko nēmpanguli u ene su rasul-rasul  
 11 ene. \* Tetapi lēnang i sire bawerane ene kai  
 kere bawera sia-sia, dan i sire ta nangiman si  
 12 sire ene. \* Tetapi i Petrus dimarisie, dingangu  
 timalangke sorong kubure, dan sedang i sie  
 kimakurungke tanae, ute i sie nakasiloe heka-  
 sapu ene kapapelo sesane, woue i sie nēsulee

tamai, dingangu nananiangke wāugu enee ko seng nariadi.

- 13 Nau kakellae, ruangkatau bou i sire ene nata-mai su ēlo ene sorong soa senbau ko ēnun-gupulo † stadien karaune bou Jerusalem, ko  
 14 arenge Emmaus. \* Nau i redua ene nēbisarae senkatau su senkatau bou patiku perkara ene  
 15 ko seng nariadi. \* Woue nariadie, sedang i redua kapēbisarane dingangu kapēkakiwalone, humoneu Jesus sesane dimenta masandige, dan  
 16 rimaleng ringang i redua. \* Tetapi matang i redua niheppingang, haku i redua ta nakakir-  
 17 ala si Sie. \* Woue i Sie nēberae si redua : Ute apae ipētē tatuturu ini, ko itētimbang i kumu su daralengang dan sebab apa i kumu  
 18 kai mēmasusa ? \* Woue simimbahe senkatau, ko arenge i Kleopas, dingangu nēberae si Sie : Ute i Kau samatan senkatau ragi su Jerusalem, dan bēgangu hale ene, ko seng nariadi sura-  
 19 lunge su ēlo-ēlo ini ? \* Woue nakiwaloe i Sie si redua : Hale apa ? Ute nangulie i redua si Sie : Bou hale i Jesus bou Nazaret, ko kai sen-katau Nabi, ko kawasa suralungu kakanoa dingangu bawera, sutengongu Ruata dingangu  
 20 kalawo u umate ; \* dan kereapa imam imam dalabo dingangu tēmbonang-tēmbonang i kami seng nanarakang i Sie su hukuman papate, dan  
 21 seng namaku si Sie su kalu kruis. \* Sedang i kami nēharape, humoneu i Sie kai enee, ko sarung mēleso u tau Israel. Tetapi dingangu patiku ene, ēlo ini kei katēlu ēlone, bau tempo  
 22 hale ene seng nariadi. \* Tetapi lai pirangka-tau bawine bou i kami, ko neng kaēlonge seng natamai su kubure, seng napalendi i kami,  
 23 \* sedang i sire ene seng ta nakahombang Bad-ange, ute dimentae i sire dingangu nangulie,

† 60 stadien =  $2\frac{1}{2}$  orase.

humoneu i sire lai seng nakasilo ghatingu Malaikat, ko nanguli u, humoneu i Sie kai biae.

24 \* Lai pirangkatau bou i sire ene, ko ringang i kami, seng natamai sorong kubure, dingangu nakahombangke kerene, kere seng niuli u manga bawine ene; tetapi i Sie sesane ta nikasilong i sire. \* Woue i Sie nēberae si sire: Ei taumata longong, dingangu naung malase, sarung mangiman patiku ene, ko seng nipēber-

25 angu nabinabi! \* Bēgang i Kristus mambeng mētatahangu sangsara ini, sewuhu sumu sural-

26 ungu kawawantuge? \* Woue i Sie nanetae bou i Musa dan bou patiku nabi ene, dingangu nēlahe u patiku surate ene si sire, apang ko

27 kabawohe bou hale i Sie. \* Woue i sire nēda-

tingkengu soa ene, suapang tamaiang i sire, ute i Sie mēnunaungu batangenge, kere i Sie map-

29 ulu matamai dio marau. \* Tetapi i sire nēdor-

ongke si Sie kahengang-hengang, angkunge: Katanae ringang i kami, karna seng bawēlo,

30 dan ēlo seng simedda. Ute i Sie simue, map-

ulu matana dingang i sire. \* Woue nariadie,

sedang i Sie kukaiang su meda dingang i sire,

nangalae i Sie brote ene, dingangu napēberkate u ene, sewuhu nikompenge ene, dingangu nan-

31 gonggo u ene si sire. \* Ute niwukae matang i

sire, hakiu i sire nakakirala si Sie; woue i Sie

32 nagengging bou matang i sire. \* Woue nēbi-

sarae i sire senkatau su senkatau: Karakai

naung i kite natutung suralung i kite, tempo i

Sie kapēberane si kite su daralengang, dingan-

33 gu nēlahe u surat-surate ene si kite? \* Woue

nēbuae i redua su orase ene, dingangu nēsulee

kapia sorong Jerusalem, dan nakahombangke

si sire mapulo-essa komo-komole, dingangu i

34 sire waline ko ringang i sire, \* ko nangulie,

† angkunge: Tengatengade, Mawu seng nēban-

- 35 gung, dan seng nikasilong i Simon. \* Woue i  
redua nanguliengu enee ko seng nariadi su  
daralengang ene, dan kereapa i Sie seng nika-  
kiralang i redua, tempo i Sie kapangompenge  
brote.
- 36 Nau sedang i sire kapēbisaranengu hale ene,  
kuteu i Jesus sesane dudarisi sutaloarang i sire,  
dingangu néberae si sire : Pēdarame sī kumu !
- 37 \* Ute i sire limendie dingangu tumaniu něnka-  
taku, sedang lēēnang i sire, humoneu roch sen-
- 38 bau nikasilong i sire. \* Woue i Sie néberae si  
sire : Sebab apa i kumu limendi? dan sebab  
apa pangangēna kerene timimbule suralungu
- 39 naung i kumu ? \* Pēkakellako limaku dingan-  
gu laedeku, karna Ia sesane kai enee, pamisele  
si Sia, dan kakellako, karna roch takoae gesine  
dingangu duhine, kere ni kasilong i kumu, si
- 40 Sia pia ene. \* Dan sedang i Sie kapēberane-  
ngu ene, ute i Sie napasiloengu limane dingangu
- 41 laede si sire. \* Dan sedang i sire bodang ta  
nangiman waugu sebab karaltiase, dingangu  
nananiang, néberae i Sie si sire : Ute i kumu
- 42 sini pia manga kang? \* Woue i sire nangong-  
go u kina sinanga senpoto, dingangu salehu-
- 43 madu si Sie. \* Ute i Sie nangalae ene dingangu
- 44 kimangke ene sutengong i sire. \* Woue i Sie  
néberae si sire : Inie bawera ene, ko seng Daku  
niuli si kumu, tempo Ia lai kai ringang i kumu,  
humoneu mambeng maganape patiku ene, ko  
seng niwohe bou hale u Ia suralungu titang i  
Musa, dingangu nabi-nabi, dingangu masmur.
- 45 \* Tempo ene i Sie namukae sipirang i sire,  
tadeau i sire makaēna surat-surate ene.
- 46 Woue i Sie néberae si sire : Kerene kai kabā-  
† wohe, dan kerenee i Kristus mambeng mētata-  
hangu sangsara, sewuhu nébangung bou taloa-
- 47 rangu taumata nate su katēlu ēlone; \* dan

† suralungu Arenge ihabare tobate dingangu  
 kalaampungu dosa-dosa, sutaloarangu patiku  
 48 umate, maneta bou Jerusalem. \* Dan i kumu  
 49 kai saksi-saksi bou hale ene. \* Dan pangin-  
 gate, Ia měndoi u pēdarianding i Iamangku si  
 kumu ; tetapi i kuinu haruse katana suralungu  
 soang Jerusalem, sarang i kumu penengu kak-  
 kuate bouralungu tampa karange-rangetange.  
 50 \* Woue i Sie nangentudi sire sorong Bethanie,  
 sewuhu i Sie nēhengkeengu limane, dingangu  
 51 napēberkate i sire. \* Woue nariadie, sertau i  
 Sie napēberkate i sire, humoneu i Sie nanen-  
 tankeng i sire, dingangu nasapuae sorong  
 52 Sorga. \* Woue i sire nēkaliomanengke si Sie,  
 sewuhu nēsulee kapia sorong Jerusalem, dingan-  
 53 gu karaluase labo. \* Woue i sire sentinia kai  
 suralungu kaba, mēpēpudi dingangu mapatar-  
 imakaseh su Ruata. AMIN.

---

# INDJIL KO SUSI, KO NIWOHE I JOHANNES.

---

## FATSAL I.

1† Su pinanětakenge pia Bawera ene, nau  
Bawera ene kai dingangu Ruata, ute Bawera  
2 ene kai Ruata. \* Enee kai su pinanětakenge  
3 dingangu Ruata. \* Patiku diadikan seng niri-  
† dine; ute naliu bou i Sie ene takoae manga  
diadikan seng na riadi, bou patiku ene ko seng  
4 niriadi. \* Suralungi Sie pia pětatembiahe ene,  
† dan pětatembiahe ene kai katatualagu taumata.  
5† \* Nau katatualage ene simenang suralungu ko  
marěndung, tetapi ko marěndung seng ta  
6 nanarima u ene. \* Pia taumata senkatau ko  
7 niroi u Ruata, arenge i Johannes; \* i sie ini  
seng dimenta sarung kasaksian, tadeau i sie  
měsaksingu katatualage ene, tadeau i sire  
8 patiku mangiman wue bou i sie. \* I sie ini  
walinebe katatualage ene, kaiso seng niroi,  
9 tadeau i sie měsaksingu katatualage ene. \* Ute  
† katatualage kahenga-hengang ene, ko mapaka-  
tualagu patiku taumata, seng dimenta sura-  
10† lungu dunia. \* I Sie seng ene suralungu dunia,  
dan dunia seng niriadine; tetapi dunia seng ta  
11 nakakirala si Sie. \* I Sie seng dimenta su

† umate tutune, dan umate tutune seng ta  
 12 nanarima i Sie; \* tetapi si sire ene, ko seng  
 † nanarima i Sie, seng nionggo langengu kawasa,  
 ipakariadi ana-ana u Ruata, mangalene i sire  
 13 ene ko mangiman su Areng. \* I sire ko seng  
 † nipahana, walinebe bou raha, atou bou kapulu-  
 ngu daging, atou bou kapulungu ese, kaiso bou  
 14 Ruata. \* Ute Bawera ene seng nariadi daging,  
 † dan seng natana sutaloarangi kami, (ute i kami  
 seng nakasilo kawawantuge, senbau kawawa-  
 ntuge ko tētaguanengu Ahuse mansenbau bou i  
 15 Iamang) napene u nimet dingangu kabenaran. \*  
 I Johannes seng nēsaksingi Sie, dingangu na-  
 mohang, angkunge : I Sie ini kai enee, bou i  
 Sai ko daku niuli : I Sie ene ko dumenta  
 † samuringu ia, i Sie ene kai horobengu ia.  
 16 \* Ute bou kapapenee lai i kite patiku seng  
 17 nanarima u nimet waugu nimet. \* Karna  
 † atorangu-tita ene seng nionggo bou i Musa ;  
 tetapi nimet dingangu kabenaran seng nariadi  
 18 bou i Jesus Kristus. \* Takoae manga senkatau  
 † seng nakasilo Ruata. Ahuse-ese mansenbau,  
 ko kai su hiwangi Jamang ene, seng napaka-  
 lahe i Sie.  
 19 Ute ini kai kasaksiangi Johannes, tempongu  
 tau Jehudi ene nēndoi u manga imam dingan-  
 gu tau Levi bou Jerusalem, tadeau i sire pa-  
 20 pakiwalo si sie : I saie i kau? \* Woue i sie  
 nangaku dingangu ta nēsunialu ene, ute na-  
 21 ngakue i sie : Ia walinebe i Kristus. \* Woue i  
 sire nakiwaloe si sie : Apae waline? Ute i kau  
 i Elias? Woue i sie nangulie : Ia waline i sie  
 ene. Ute i kau kai Nabi ene? Woue i sie  
 22 simimbahe : Waline. \* Woue i sire nēberae si  
 sie : I saie i kau? tadeau i kami piabe sasim-  
 bahe si sire ene, ko seng nēndoi i kami : apae  
 23 iuli u bou batangengu? \* I sie simimbahe : Ia

kai tingihi sie ene ko mamohang suralungu  
 kĕhu: Tulideko daralengangu Mawu kasela-  
 24 henge! kere seng niuli i nabi Iesaias. \* Nau  
 25 manga raroī ene kai boutaloarangu tau farisi. \*  
 Woue i sire nakiwaloe si sie dingangu nĕberae  
 si sie: Sebab apa i kau mangonggo u rareno,  
 kamagengi kau waline i Kristus, atou i Elias,  
 26 atou Nabi ene? \* I Johannes simimbahe si sire,  
 angkunge: Ia mangonggo u rareno-ake, tetapi  
 sutaloarangi kumu rurarisi i Sie ene, ko ta ika-  
 27 kiralangi kumu: \* ute i Sie kai enee, ko du-  
 mента samuringu ia, ko kai horobengu ia, ko  
 ia man ta haruse makapamuka laiki u sapatune.  
 28 \* Ini seng nariadi su Bethabara, su senbekan-  
 gu Jordan, suapangi Johannes mĕmangonggo  
 u rareno.  
 29 Nau sedang i Johannes su senkamĕlone na-  
 † kasilo si Jesus dimenta su koae, ute nĕberae i  
 sie: Kakellako Anaudumbangu Ruata, ko ma-  
 30 nanggung dosangu dunia ini! \* I Sie ini kai  
 enee, bou i Sai ko seng daku niuli: Samuringu  
 ia dumenta Senkatau-ese, ko kai horobengu  
 31 ia; karma i Sie seng tĕbe horo u ia. \* Ute ia ta  
 nakakirala si Sie; tetapi tadeau i Sie iapaka-  
 lahe su tau Israel, tagal ene ia seng dimenta  
 32 mangonggo u rareno-ake. \* Woue i Johannes  
 nĕsaksie, angkunge: Ia seng nakasilo Roch ene  
 natentung bou langi kere paluma, dingangu  
 33 natana si Sie. \* Ute ia ta nakakirala si Sie;  
 tetapi i Sie ko seng nĕndoi u ia papangonggo  
 u rareno-ake, i Sie ene seng nanguli si sia:  
 Suwowongi Saï ikasilonu katentungangu Roch  
 ene, dingangu matana si Sie, i Sie ini kai enee,  
 ko mangonggo u rareno-Roch limembong susi.  
 34 \* Ute ia seng nakasilo ene dingangu nĕsaksi,  
 humoneu i Sie ini kai Ahusu-Ruata.  
 35 Woue su senkamĕlone dudarisie i Johannes

kapia, dingangu ruangkatau boutaloarangu ma-  
 36 nga murite; \* dan sedang i sie nakasilo si  
 Jesus kadalenge, ute nēberae i sie: Kakellako  
 37 Anaudombangu Ruata! \* Nau i rēdua murite  
 nakaringihe niulie ene, woue i redua timuhue  
 38 si Jesus. \* Ute i Jesus nēbihue, dingangu na-  
 kasilo si rēdua katuhue, sewuhu nēberae si  
 39 rēdua. \* Apae dudeakengi kumu? Woue i  
 rēdua nēberae si Sie: O Rabbi! (ene mangalene,  
 40 kamagengu ene itēpase, Guru) suapawe  
 kinatanakengu? \* I Jesus simimbahe si rēdua:  
 Mahie dingangu pētēhungke! Ute i rēdua di-  
 mentae, dingangu, nētēhungke, suapang ki-  
 natanakenge, sewuhu natanae ringange su ēlo  
 41 ene; nau kai lēnang orase kapulone. \* I  
 Andreas, ko anausenkataungi Simon Petrus, kai  
 senkatau bou i rēdua ene, ko seng nakaringihe  
 ene bou i Johannes, sewuhu seng timuhu si  
 42 Sie. \* I sie ini himotonge nakahombangke ana-  
 usenkataune i Simon, dingangu nangulie si sie:  
 I kami seng nakahombang si Messias, ene  
 mangalene, kamagengu ene itēpase, i Kristus.  
 43 \* Woue i sie nangahaengi si ene su koa i  
 Jesus. Ute i Jesus nētēhungke si sie, dingangu  
 nēberae: I kau kai i Simon, ana i Jonas, i  
 kau sarung isebla si Kefas! ene mangalene  
 44 kamagengu ene itēpase, i Petrus. \* Woue su  
 senkamēlone i Jesus mapulu matamai solong  
 Galilea, dan nakahombang si Filippus, dingan-  
 45 ngu nēberae si sie: Tuhue si Sia! \* I Filippus  
 kai bou Bethsaida, bou soang i Andreas dingan-  
 46 ngu i Petrus. \* I Filippus nakahombang si  
 Nathanael, dingangu nangulie si sie: I kami  
 seng nakahombang si Sie ene, bou i Sai i Musa  
 seng namohe suralungu atorangu-tita, dingan-  
 47 ngu nabi nabi ene, mangalene si Jesus, ana i  
 Josef, bou Nazareth. \* Woue i Nathanael

něberae si sie : Botongewe barang mapia di-  
menta bou Nazareth ? I Filippus něberae si sie:  
 48 Mahie dingangu pětěhungke. \* I Jesus nakasi-  
loe si Nathanael dimenta su koae, dingangu  
něberae bou i sie : Kakellako, senkatau Israel  
 49 kahengang, suralungi sai takoae pěralinga. \* I  
Nathanael něberae si Sie : Kereapa i Kau na-  
kakirala si sia ? I Jesus simimbahe dingangu  
něberae si sie : Horo i Filippus kimui si kau,  
tempongi kau kai sualungu kalu-ara ene, Ia  
 50 seng nakasilo si kau. \* Simimbahe i Nathanael  
dingangu něberae si Sie : O Rabbi ! i Kau kai  
Ahusu Ruata, i Kau kai Ratungu tau Israel.  
 51 \* I Jesus simimbahe dingangu něberae si sie : I  
kau mangiman, sebab Ia seng manguli si kau :  
Ia seng nakasilo si kau sualungu kalu ara ene ;  
i kau sarung makasilo manga perkara ko labo  
 52 limembonggu ini. \* Woue i Sie něberae si sie :  
Tenga-tengade Ia manguli si kumu, bou inie i  
kumu sarung makasilo Sorga nawuka, dingan-  
gu Malaikat-Malaikatu Ruata mawi dingangu  
lumintu su Ahusu-taumata.

## FATSAL II.

1 Woue su katělung ělone pia perdjamuangu  
pěkawingang su soangu Kana su Galilea ; ute  
 2 i nina i Jesus kai paisene. \* Lai i Jesus di-  
ngangu manga murite seng ninote su per-  
 3 djamuangu pěkawingang ene. \* Nau sertau  
nakurang anggor, nangulie i nina i Jesus si  
 4 Sie : Takoae anggor si sire. \* I Jesus něbe-  
rae si sie : E bawine ! Apae Ia ene dingangi  
 5 kau ? oraseku nen ta nědating. \* Woue i ni-  
nae něberae su manga paprentang ene : Apang  
 6 ko i Sie měbera si kumu, pěkoaete ene ! \* Nau  
paisene pia běnsadu-ake čnung, ko nikoa bou

- batu, ko nipelo tinuhu biasangu kasasusingu  
 tau Jehudi, senbau-senbau lohongu raru atou  
 7 tēlung† metrete. \* Ute i Jesus nēberae si sire :  
 Lohoikongu ake manga bēnsade ini ! Ute i sire  
 8 nēlohoe ene napene-pene. \* Woue i Sie nēberae  
 si sire : Panaede inie, dingangu bawae ene  
 su koa u mēpaprentamed ! Úte i sire nēbawae  
 9 ene. \* Nau sertau mēpaprentamed ene naka-  
 temang ake ene, ko seng nipakariadi anggor,  
 (sedang i sie bēga, bou apa kai anggor ene, te-  
 tapi manga paprentang ene, ko seng nanaede  
 ake ene, masingka u ene), ute mēpaprenta-  
 10 meda nēkuie kagiang-ese ene, \* dingangu  
 nēberae si sie : Senkatau-senkatau mangonggo  
 horo anggor ko mapia, dan kamagengi sire  
 seng nēmpanginung, ute ionggoe ene ko ku-  
 rang piane ; tetapi i kau seng nēndeso u ang-  
 11 gor ko mapia ene sarang mēntēhang ini. \* Ini  
 kai tanda heran himotonge, ko seng nikoa i  
 Jesus su soangu Kana su Galilea, dingangu  
 napakalahe u kawawantuge ; ute manga mu-  
 rite nangimanke si Sie.  
 12 Samuringu ene i Sie dimesung sorong Kaper-  
     naum, i Sie, dingangu i ninae, dingangu manga  
     anausenbaue ese, dingangu manga murite ; se-  
 13 wuhu natanae paisene pirang ēlo. \* Wouē  
     paskangu tau Jehudi masandige, ute i Jesus  
 14 natarai sorong Jerusalem. \* Woue i Sie na-  
     kahombangke suralungu kaba manga taumata  
     ko mēbēbalu u sapi-sapi, dumba-dumba, di-  
     ngangu paluma-paluma, lai i sire ene ko mētē-  
 15 tatukaru kupang mēmaiang sene. \* Woue i  
     Sie nēkoa samboke bou talī, dingangu nēto-  
     kolengi sire patiku Bouralungu kaba, lai  
     dumba-dumba dingangu sapi - sapi ene ; dan  
     kupang i sire ene, ko mētētatukare, niwosone,

† 1 metrete = 72 botel.

16 dan manga meda ene niwihune. \* Woue i  
 Sie něberae si sire ene ko měběbalu u paluma-  
 paluma: Alae perkara ene pameho bou mi;  
 kumbahanbe měpake u walengi Iamangku  
 17 kere walengu pahěmbalukan. \* Ute manga  
 murite nakatahendungke, humoneu kai kabab-  
 wohe: Kagagising waugu walenu seng na-  
 18 ngelu si Sia. \* Woue tau Jehudi simimbahe  
 dingangu něberae si Sie: Tanda apa papasi-  
 lonu si kami, humoneu i Kau kawasa měko  
 19 hale ini? \* I Jesus simimbahe dingangu ně-  
 berae si sire: Gogahe kaba ini, ute suralungu  
 20 tělu ělo Ia sarung mamangung ene. \* Woue  
 tau Jehudi ene něberae: Epa u pulo ěnung su  
 taunge karengue seng nipěkao kaba ini, ute i  
 Kau mapulu mamangung ene suralungu tělu  
 21 ělo? \* Tetapi i Sie seng nanguli u ene bou  
 22 kaba badange. \* Nau sertau i Sie seng něba-  
 ngung boutaloarangu taumata nate, ute ma-  
 nga murite nakatahendungke, humoneu i Sie  
 seng nanguli u ene si sire; woue i sire na-  
 ngimanke Elkitab, dingangu bawera ene, ko  
 23 seng niuli i Jesus. \* Nau tempongi Sie kai su  
 Jerusalem, su hari-besar paska, ute mauli tau-  
 mata nangimanke su Areng, sedang i sire  
 nakasi lo tanda-tanda heran ene, ko nikoae.  
 24 \* Tetapi i Jesus sesane ta napakalahe u bata-  
 ngenge si sire ene, karna i Sie nakakirala si  
 25 sire patiku; \* ha kiu ta wahaluasu si Sie,  
 tadeau manga senkatau měsaksingu taumata,  
 karna i Sie sesane masingka u apang ko ene  
 suralungu taumata.

## FATSAL III.

1 Nau pia taumata senkatau boutaloarangu tau  
 farisi, areng i Nikodemus, senkatau těmbona-

- 2 ngu tau Jehudi; \* i sie ene dimenta hēbi su koa i Jesus, dingangu nēberae si Sie: O Rabbi! i kami masingka, humoneu i Kau kai senkatau Guru, ko dimenta bou Ruata; karna takoae manga senkatau botonge makakoa tanda-tanda ini, ko nikoa u, kamagengu Ruata tawe ri-  
 3 ngange. \* I Jesus simimbahe dingangu nēberae si sie: Tenga-tengade Ia manguli si kau: kamagengu manga senkatau ta ipahana kapia, ute i sie tawotonge makasilo karadjaa-  
 4 ngu Ruata. \* I Nikodemus nēberae si Sie: Kereapa taumata botonge ipahana, sedang i sie kai magurang? botongewe i sie sumu kapia su kaluwaengi niniae, sewuhu ipahana?  
 5 \* I Jesus simimbahe: Tenga-tengade Ia manguli si kau: kamagengu manga senkatau tawe ipahana bou ake dingangu Roch, ute i sie tawotonge masu su karadjaangū Ruata.  
 6 \* Apang ko nipahana bou daging, enee kai  
 † daging; dan apang ko nipahana bou Roch,  
 7 enee kai roch. \* Kumbahanbe i kau maheran, humoneu Ia seng nanguli si kau: I kumu  
 8 mambeng ipahana kapia. \* Angin ene tumiu, suapang ikapulune, dan i kau makaringihe duhunge, tetapi i kau bēga, bou apawe nirentange, dan sorong apa tamaiange; kerenee kai  
 9 senkatau-senkatau, ko nipahana bou Roch. \* I Nikodemus simimbahe dingangu nēberae si Sie: Kereapawe hale ini botonge mariadi?  
 10 \* I Jesus simimbahe dingangu nēberae si sie: I kau kai senkatau Guru sutaloarangu tau  
 11 Israel, dan bēgangu hale ini? \* Tenga-tengade Ia manguli si kau: I Kami manguli u apang ko singka i Kami, dingangu mēsaksingu apang ko kinasilongi Kami; tetapi i kumu ta nana-  
 12 rima u kasaksiangi Kami. \* Kamagengi kumu ta nangiiman, sedang Ia nanguli u hale u dunia

si kumu, kereapawe i kumu sarung mangiman,  
 kamagengu la manguli u hale u Sorga si  
 13 kumu? \* Dan takoae manga senkatau nawi  
 su Sorga, melainkan i Sie ene, ko seng limin-  
 tu bouralungu Sorga, mangalene Ahusu-tau-  
 14† mata ene, ko kai suralungu Sorga. \* Ute  
 kere i Musa seng napakarange u katoang ene  
 su tanalinggi, kerenee Ahusu-taumata mam-  
 15 beng iapakarange; \* tadeau senkatau-senkatau  
 † ko mangiman si Sie, kumbahan mawinasa,  
 16 kaiso managuang pētatembiahe kakal. \* Karna  
 † kerenee Ruata seng kimendagu dunia, haku  
 i Sie seng nangonggo u Ahuse-esé mansenbau,  
 tadeau senkatau-senkatau, ko mangiman si  
 Sie, kumbahan mawinasa, kaiso managuang  
 17 pētatembiahe kakal ene. \* Karna Ruata seng  
 † tawe něndoi u Ahuse ene suralungu dunia, ta-  
 deau i Sie měhukungu dunia, kaiso tadeau  
 18 dunia iapakasalamate bou i Sie. \* I sai ko  
 † manginan si Sie, i sie ene tawe ihukung; te-  
 tapi i sai ko ta nangiman, i sie ene seng nihu-  
 kung, sebab i sie ta nangiman su Arengu  
 19 Ahusu Ruata ko mansenbau. \* Ute ini kai  
 † hukuman ene, humoneu katatualage ene seng  
 dimenta suralungu dunia, tetapi taumata-tau-  
 mata ene seng kimendagu ko marěndung li-  
 membongu katatualage ene; karna kakanoa i  
 20 sire kai dalai. \* Karna i sai ko měkoa apang  
 † ko dalai, i sie ene měběbinsi u katatualage, lai  
 tawe dumenta su katatualage ene, tadeau ka-  
 21 kanoae kumbahan ihukung; \* tetapi i sai ko  
 † měkoa kabenaran, i sie ene dumenta su kata-  
 tualage ene, tadeau kakanoae iapakalahe, hu-  
 moneu enee kai nikoa suralungu (arengu)  
 22 Ruata. \* Sanuringu ene i Jesus dingangu  
 manga murite dimentae su tanang Judea, se-  
 wuhu natanae paisene ringangi sire, dingangu

- 23 nangonggo u rareno. \* Tetapi i Johannes lai nangonggo u rareno su Enon masandigu Salim, sedang paisene kai ake mauli; woue i
- 24 sire dimenta paisene, dingangu nirenoe; \* karna i Johannes bodang ta nireme suralungu
- 25 tahungku. \* Woue timimbule kakiwalo senbau sutaloarangu manga muriti Johannes dingangu tau Jehudi ene waugu hale u kasasusi.
- 26 \* Woue i sire dimentae su koa i Johannes, dingangu nangulie si sie: E rabbi! i Sie ene ko seng ringangu su senbékangu Jordan, bou i Sai i kau seng nangonggo u kasaksian, kakkellae, i Sie ene mangonggo u rareno, dan i
- 27 sire patiku dumenta su koae. \* I Johannes simimbahe dingangu něberae: Senkatau tau-mata tawotonge manarima u manga perkara, kamagengu enee ta niongan si sie bouralungu
- 28 Sorga. \* I kumu sesane kai saksiku, humoneu ia seng nanguli: Ia walinebe i Kristus, kaiso
- 29 humoneu ia seng niroi apěhoro si Sie. \* I sai ko pia kagiang-bawine, i sie ene kai kagiang-ese, tetapi gawengu kagiang-ese ene dudarisi dingangu rumaringihe si sie, dingangu mahuliage kahengang waugu tingihu kagiang-ese
- 30† ene. Ute daliageku ini seng naganape. \* I Sie mambeng tumuwo, tetapi ia mambeng
- 31 iapakakurang. \* I Sie ene ko dumenta bou rasi, kai suwowongi sire patiku; i sai ko ene bou bumi, i sie ene kai bou bumi, dingingu měběbisara bou hale u bumi. I Sie ene ko dumenta bouralungu Sorga, kai suwowongi sire patiku;
- 32 \* dan apang ko i Sie seng nakasilo dingangu narkingihe, enee i Sie měsaksi; tetapi kasak-
- 33 siange ta itarima u patiku taumata; \* tetapi i sai ko manarima u ene, i sie ene manahutengade, humoneu Ruata kai benar kahengang,
- 34 \* Karna i Sie ene ko niroi u Ruata, i Sie ene

nanguli u bawerangu Ruata ; karna Ruata mangonggo u Roch ene si Sie tawe dingangu 35 ukurange. \* I Iamang ene makendagu Ahuse † dan seng nanarakangu patiku perkara sura-36 lungu limane. \* I sai ko mangiman su Ahuse † ene, i sie ene managuang pětatembiahe kakal ; tetapi i sai ko lumawan Ahuse ene, i sie ene tawe sarung makasilo pětatembiahe ene, kaiso ralangehu Ruata matana suwowong i sie.

## FATSAL IV.

- 1 Nau sedang Mawu kaselahenge nakaěna humoneu tau-farisi seng nakaringihe, humoneu i Jesus něndui u murit-murit dingangu nangong-
- 2 go u rareno limembongi Johannes, \* (maning i Jesus sesane tawe nangonggo u rareno, kaiso
- 3 manga murite) ; \* ute i Sie nanentangu Judea,
- 4 dingangu natamai kapia sorong Galilea. \* Te-
- 5 tapi i Sie mambeng dumaleng mapatiralandu
- 5 Samaria. \* Ute i Sie nědatingkengu soa sen-
- bau bou Samaria, ko arenge Sichar, masandigu
- tana senpalang ene, ko noingga i Jakob su
- 6 anae i Josef. \* Nau paisene pia pahigingi
- Jakob. Dan sedang i Jesus kai nasagede bou
- daralenge, ute i Sie kimaiangke sene su sen-
- bekangu pahigi ene. Nau kai lěnang orase ka
- 7 ěnunge. \* Woue senkatau bawine bou Sa-
- maria dimentae manuhu ake. I Jesus něberae
- 8 si sie : Onggoleko inumanku. \* (Karna manga
- murite seng natamai suralungu soa ene, ta-
- 9 deau i sire měluang kang.) \* Ute simimbahe
- bawinen Samaritaan ene si Sie : Kereapawe i
- Kau, ko kai senkatau Jehudi, mědorong inu-
- man si sia, sedang ia kai senkatau bawinen
- Samaritaan ? (Karna tau Jehudi tawe měgě-
- 10 gawengu tau Samaritaan.) \* I Jesus simim-

- bahe dingangu něberae si sie : Kiko i kau  
 nakakirała laonggo u Ruata, dan i saie i Sie ini  
 ko něberae si kau : Onggoleko inumanku, ute i  
 kau sarung mědorong si Sie, dan i Sie sarung  
 11 mangonggo u ake biahe si kau. \* Simimbahe  
 bawine ene si Sie : O Mawu ! i Kau takoae  
 apa-apa ipanimba, dan pahigi ini kai maralung ;  
 12 bou apawa i Kau pia ake biahe ? \* Ute i Kau  
 nangilembongi Jakob, jamangi kami, ko seng  
 někali pahigi ini si kami ? dan i sie sesane  
 seng nanginung bou ene; dingangu manga  
 13 anae, lai gapangu binatange. \* I Jesus simim-  
 bahe dingangu něberae si sie : I saiko mangin-  
 ning ake ini, i sie ene sarung měsau marou ;  
 14 \* tetapi i sai ko manginung ake ene, ko sarung  
 † Daku ionggo si sie, i sie ene tawé sarung marou  
 sarang kakal ; kaiso ake ene ko sarung Daku  
 ionggo si sie, sarung mariadi suralunge senbau  
 kalipěpu u ake, ko měmonode sarang pětatem-  
 15 biahe kakal. \* Bawine ene něberae si Sie : O  
 Mawu ! onggoe ake ene si sia, tadeau ia tawe  
 marou, dingangu tawe wahaluasu dumenta  
 16 ramahi manuhu. \* I Jesus něberae si sie : Dakoe,  
 17 deake ko ese u, sewuhu dentae ramahi. \* Si-  
 mimbahe bawine ene, dingangu něberae : Ia  
 takoae eseku. I Jesus něberae si sie : I kau  
 18 seng nanguli betule : ia takoae eseku. \* Karna  
 limangkatau ese seng někawin si kau, dan i  
 sie ko inie ene su koa u, i sie ene walinebe ese  
 u; enee i kau seng nanguli dingangu kabena-  
 19 ran. \* Bawine ene něberae si Sie : O Mawu !  
 ia makasilo, humoneu i Kau kai senkatau nabi.  
 20 \* Jupung-jupung i kami seng měkěkaliomaneng  
 suwowong wulude ini ; tetapi i kumu manguli,  
 humoneu su Jerusalem kai tampa ene, suapang  
 21 taumata mambeng měkaliomaneng. \* I Jesus  
 něberae si sie : E bawine ! pangimanke si Sia,

- orase ene dumenta, suapangi kumu, tawe su-wowong wulude ini, lai tawe su Jerusalem,
- 22 sarung měkaliomaneng si Iamang ene. \* I kumu měkaliomaneng, apang ko běgangi kumu; i kami měkěkaliomaneng, apang ko nikasingkatesti kami: karna salamate ene dumenta bou
- 23 tau Jehudi. \* Tetapi orase ene dumenta, dan inie seng ene, suapangi sire ko měkaliomaneng kahengang, sarung měkaliomaneng suralungu roch dingangu kabenaran si Iamang ene; karna i Iamang ene lai mědědea si sire ene, ko mě-
- 24 kaliomaneng kerene si Sie. \* Ruata ene kai † Roch, ute i sire ene ko měkaliomaneng si Sie, mambeng pěkaliomaneng si Sie suralungu
- 25 roch dingangu kabenaran. \* Bawine ene něberae si Sie: Ia masingka, humoneu Messsias ene dumenta (ko isěsebba si Kristus); kamagengi Sie ene dumenta, ute i Sie sarung mě-
- 26 habaru patiku perkara ini si kami. \* I Jesus neberae si sie: Ia, ko měběbisara si kau, kai i
- 27 Sie ene! Nau su tempo ene dimentae manga murite, dan nananiangke, humoneu i Sie měběbisarangu senkatau bawine; tetapi takoae manga senkatau něbisara: Apae ipakiwalonu?
- 28 atou, apae ipěberanu si sie? \* Woue bawine ene nanentenkengu bawanuangu ake ene, dingangu natamaie suralungu soa ene, dingangu
- 29 nanguli su umate ene: \* Mahie, kakellae Taumata senkatau, ko seng nanguli si sia patiku ene, ko seng daku nikoa: minsang i Sie
- 30 ini kai i Kristus? \* Woue i sire siměbangke bouralungu soa, dingangu dimentae su koae.
- 31 \* Nau sutaloarangu ene manga murite nědorongke si Sie, angkunge: O Rabbi, kangke!
- 32 \* Tetapi i Jesus něberae si sire: Pia kang si Sia, sarung kanengan, ko i kumu běga.
- 33 \* Woue manga murite něbisarae senkatau su

- senkatau : Ute pia manga senkatau, ko seng  
 34 něbawa apa-apa nipakikang si Sie ? \* I Jesus  
 † něberae si sire : Ini kai kangku, tadeau Ia  
 měkoa kapulungi i Sie ene, ko seng něndoi u  
 Ia, dingangu mapakaganapu pěkakardjahange.  
 35 \* Běgangu i kumu měběbisara : Kate lai ēpa u  
 bulan, ute mědatingkengu pananipo ? Kakellae,  
 Ia manguli si kumu : tatingarangu matangi  
 kumu dingangu pětěhungke wanua-wanua ene,  
 karna enee seng maridihe sarung panipong.  
 36 \* Ute i sie ene ko manipo, makatarima u ba-  
 walise, dingangu mangomolu bua-bua su pě-  
 tatembiahe, kakal ; tadeau i sie ene ko nangasi,  
 dingangu i sie ene ko nanipo, mahuliage kěbi-  
 37 kěbi. \* Karna suralungu hale ini kai měhino  
 ajat ini : Senkatau mangasi, dan senkatau  
 38 waline manipo. \* Ia seng něndoi i kumu pa-  
 panipo apang ko ta nikardjahangi kumu ; ma-  
 nga taumata waline seng někardjahang ene,  
 sewuhu i kumu seng simu suralungu pěkakard-  
 39 jahangi sire. \* Woue mauli tau Samaritaan  
 bou soa ene nangimanke si Sie, waugu ba-  
 werangu bawine ene, ko něaksi : I Sie ene  
 seng nanguli si sia patiku ene, ko seng daku  
 40 nikoa. \* Nau sertau tau Samaritaan ene  
 seng dimenta su koae, ute i sire nědorongke si  
 Sie, tadeau i Sie matana wue su koa i sire ;  
 41 woue i Sie natanae duang ēlo sene. \* Woue  
 napaliung kahapee taumata nangimanke wau-  
 42 gu bawerane ; \* dingangu něberae su bawine  
 ene : Inie i kami mangiman tawe samatan  
 waugu baweranu ; karna i kami sesane seng  
 nakaringihe, dingangu masingka, humoneu te-  
 ngade i Sie ini kai i Kristus, ko mapakasala-  
 mata dunia.  
 43 Woue naliu duang ēlo ene i Sie něbuae bou  
 ene, dingangu natamaie sorong Galilea ;

- 44 \* karna i Jesus sesane seng něaksi, humoneu senkatau nabi ta nakahombang hormat suralungu soangu asale. \* Nau sertau i Sie diměnta su Galilea, ute tau Galilea nanarima i Sie, sedang i sire seng nakasilo patiku ene, ko seng nikoa su Jerusalem su hari-besar ene; karna lai i sire seng dimenta su hari-besar ene.
- 45 46 \* Woue i Jesus dimenta kapia su soangu Kana su Galilea, suapangi Sie seng napěbalungu ake nariadi anggor. Nau pia senkatau bubatongu ratu, ko pia anae-ese masaki su Kapernaum;
- 47 \* nau sedang i sie ini nakaringihe, humoneu i Jesus dimenta bou Judea simu su Galilea, ute natamaie i sie su koae, dingangu nědorongke si Sie, tadeau i Sie aparenta paisene, dingangu mapakaulengu anae-ese ene: karna i sie kai masandige mate. \* Tetapi i Jesus něberae si sie: Kamagengi kumu ta makasilo tanda-tanda dingangu barang heran, ute i kumu ta ma-
- 48 ngiman. \* Bubato ene něberae si Sie: O Mawu ! mahiko resung, horo u anaku mate.
- 49 50 \* I Jesus něberae si sie: Dakoe tamai, ana u kai biahe ! Ute taumata ene nangimanke bawera ene, ko binerang i Jesus si sie dingangu natamaie. \* Nau sedang i sie kadesunge, ute dimentae manga paprentange naninsomahe si sie, dingangu něhabare, angkunge: Ana u
- 51 52 kai biahe ! \* Ute i sie nakiwaloe si sire, su orase apa i sie seng naule; ute i sire nangulie si sie: Kahěbi pukule pitu, lahabe seng nan-
- 53 entangi sie. \* Woue i jamang ene nakaěna, humoneu enee seng nariadi su orase ene suapang i Jesus seng něbera: Ana u kai biahe. Ute i sie, nangimanke dingangu patiku tau-
- 54 mata lohong walene. \* Ini kai tanda heran karuane, ko seng nikoa i Jesus kapia, tempongi Sie seng dimenta bou Judea su Galilea.

## FATSAL V.

- 1 Samuringu ene kai hari-besar u tau Jehudi,
- 2 woue i Jesus natarai sorong Jerusalem. \* Nau su Jerusalem, masandigu sasukangu-rumba, pia senbau ake-pěndarenong, ko su bahasang Ibrani isěsebba Bethesda, ko pia gandariane
- 3 lima ; \* suapang dudaloka mauli taumata masaki, tau wuta, tau peose, tau pia hungku,
- 4 ko kapahedone pěgagolangu ake ene ; \* karna su manga tempo senbau Malaikat matentung suralungu ake-pěndarenong ene, dingangu měnggolang ake ene ; ute i sai ko samuringu pěgagolangu ake ene makahoro simu, i sie ene
- 5 iapakaule, maning sakie kereapa wue. \* Nau paisene dudaloka taumata senkatau, ko seng nasaki tělum-pulo-uwalu su taunge karengue.
- 6 \* Nau sertau i Jesus nakasilo si sie ene † dudaloka, dingangu masingka, humoneu i sie kerene karengue seng dudaloka, něberae i Sie
- 7 si sie : Ute i kau mapulu iapakaule ? \* Taumata masaki ene simimbahe si Sie : O Mawu ? takoae manga senkatau si sia, ko mapasu u ia suralungu ake-pěndarenong ene, tempongu ake ene něgolang ; dan kamagengu ia dumenta, ute taumata waline lumintuhe makahoro u ia.
- 8 \* I Jesus něberae si sie : Pěbangungke, pasa-
- 9 ngke bawila u, dingangu dalengke. \* Ute senkaměntěhange taumata ene niapakaule, sewuhu namasangke bawilae, dingangu rimalengke. Tetapi ělo ene kai ělong-sabbat.
- 10 \* Woue tau Jehudi ene něberae su taumata ene ko seng niapakaule : Inie kai ělong-sabbat, ute tawe patute si kau, měbawa bawila ene.
- 11 \* I sie simimbahe si sire : I Sie ene ko seng napakaulengu ia, i Sie ene seng nanguli si sia : Pasangke bawila u, dingangu dalengke.

12 \* Woue i sire nakiwaloe si sie : I saie Taumata  
 ene, ko seng nanguli si kau : Pasangke bawila  
 13 u, dingangu ralengke ? \* Tetapi i sie ene ko  
 seng niapakaule, kai bēga, i saie i Sie ene ;  
 karna i Jesus seng nēbeho, sedang mauli tau-  
 14 mata su tampa ene. \* Samuringu ene i sie  
 † kinahombangengi Jesus suralungu kaba, ute i  
 Sie nēberae si sie : Pangigate, i kau seng  
 niapakaule ; kumbahanbe mēberdosa lai, ta-  
 deau kumbahan apa-apa ko limembong masila-  
 15 ka humombang si kau. \* Woue taumata ene  
 natamaie, dingangu nēhabaru ene su tau  
 Jehudi, humoneu enee kai i Jesus, ko seng  
 16 napakaulengi sie. \* Ute sebab ene tau Jehudi  
 nēmpēbatue si Jesus, dingangu mēdēdea ma-  
 mate si Sie, sebab i Sie nēko a hale ene su  
 17 ēlong-sabbat. \* Tetapi i Jesus simimbahe si  
 sire : I lamangku mēkēkardjahang sarang inie,  
 18 lai Ia mēkēkardjahang. \* Tagal ene tau  
 Jehudi ene kasauneng mēdēdea mamate si Sie,  
 tawe samatan sebab i Sie limempang ēlong-  
 sabbat, kaiso lai sebab i Sie nanguli, humoneu  
 Ruata kai Iamange tutune, dingangu nēndui u  
 19 batangenge mēsulungu Ruata. \* Woue i Je-  
 sus simimbahe dingangu nēberae si sire :  
 Tenga-tengade Ia manguli si kumu : Ahuse  
 ene tawo-tonge mēko a apa-apa bou batangenge  
 sesane, melainkan enee ko i Sie nakasilo nikoa  
 i Iamang ene ; karna apang ko nikoa i Sie ene,  
 20 enee lai koatengu Ahuse ene. \* Karna i  
 † Iamang ene makindagu Ahuse, dingangu  
 manulada si Sie patiku, apang ko koatenge ;  
 dan i Sie sarung manulada si Sie pēkakardja-  
 hang ko labo limembongu ini, hakiu i kumu  
 21 sarung mananiang. \* Karna kere i Iamang  
 † ene mapēbangung dingangu mapēbiahu tau-  
 mata nate, kerene lai Ahuse ene mapēbiahu

- 22 manga i sai ko ikapulune. \* Karna lai i  
 † Iamang ene ta měhukungu manga senkatau,  
 kaiso seng nanarakangu patiku hale u huku-  
 23 man su Ahuse ; \* tadeau i sire patiku měhor-  
 † mati Ahuse ene, kere i sire měhormati si Iama-  
 24 ng. I sai ko ta měhormati Ahuse ene, i sie ene  
 ta měhormati si Iamang, ko seng něndoi i Sie.  
 \* Tenga-tengade Ia manguli si kumu : i sai ko  
 † mědaringihe baweraku, dingangu mangiman si  
 Sie, ko seng něndoi u Ia, i sie ene managuang  
 pětatembiahe kakal, dan tawe masu suralungu  
 hukuman, kaiso i sie seng nangaling bou papate  
 25 suralungu pětatembiahe ene. \* Tenga-tengade  
 † Ia manguli si kumu : orase ene dumenta, dan inie  
 seng ene, tempongu taumata-nate sarung  
 makaringihe tingihu Ahusu-Ruata, ute i sire  
 ene ko mědaringihe ene, sarung měbiahe.  
 26 \* Karna kere i Iamang ene pia pětatembiahe  
 † ene suralungu batangenge sesane ; kerene lai  
 seng nionggoe su Ahuse, tadeau i Sie pia pě-  
 tatembiahe ene suralungu batangenge sesane ;  
 27 \* lai i Sie seng nangonggo u kawasa si Sie,  
 † pangumpaede hukuman ene, sebab i Sie kai  
 28 Ahusu-taumata. \* Kumbahanbe i kumu ma-  
 † naniang waugu ene ; karna orase ene dumenta,  
 suapangi sire patiku, ko suralungu lěbing,  
 sarung makaringihe tingihu Ahusu-Ruata ;  
 29 \* dan sarung suměbang, i sire ene ko seng  
 † němpěko apan ko mapia, sarung měbangung  
 su pětatembiahe ene ; tetapi i sire ene ko seng  
 němpěko apan ko dalai, sarung měbangung  
 30 su hukumangu-laane. \* Ia tawotonge měkoa  
 apa-apa bou batangengku sesaku : kere Daku  
 kinaringihe, kerene Ia měhukung, dan huku-  
 manku kai adil : karna Ia ta mědea kapuluku,  
 kaiso kapulungi Iamang ene, ko seng něndoi u  
 31 Ia. \* Kamagengu Ia (samatan) měsaksingu

- 32 batangengku, ute kasaksianku ta i katengade ;  
 \* pia manga i Sai, ko měsaksingu Ia, dan Ia  
 masingka, humoneu kasaksian ene, ko i Sie  
 33 měsaksingu Ia, kai benar kahengang. \* I  
 kumu seng něndoi su koa i Johannes, dan i sie  
 34 seng něsaksingu kabenaran. \* Tetapi Ia ta  
 mangala kasaksiangu taumata ; kaiso Ia ma-  
 nguli u ini, tadeau i kumu iapakasalamate.  
 35 \* I sie ené kai solo senbau ko mahena dinga-  
 ngu napakatualage ; ute i kumu napulu ma-  
 huluase suralungu katatualage ene senka-  
 36 tempo manimbu. \* Tetapi Ia pia kasaksian  
 senbau, ko limembongu kasaksiangi Johannes :  
 karna patiku pěkakardjahang ene, ko seng  
 nionggo i Iamang si Sia, tadeau Ia měngga-  
 nape ene, patiku pěkakardjahang ene, ko Daku  
 koateng, měsaksingu Ia, humoneu i Iamang  
 37 ene seng něndoi u Ia. \* Lai i Iamang sesane,  
 ko seng něndoi u Ia, seng něsaksingu Ia. I  
 ku mu man ta nakaringihe tingihe, lai man ta  
 38 nakasilo gahie. \* Dan bawerane ta ipakatana  
 i kumu suralungu batangengi kumu karna i  
 kumu ta nangiman si Sie ene, ko seng niroie.  
 39 \* Pamariksako surat-suratu Elkitab, karna i  
 † kumu makaěna, humoneu suralungu enee i  
 kumu managuang pětatembiahe kakal ; ute  
 40 patiku ene kai měsaksingu Ia. \* Tetapi i ku-  
 mu madidi dumenta su koaku, tadeau i kumu  
 41 wue makahombang pětatembiahe ene. \* Ia  
 42 tawe mangala hormat bou taumata ; \* tetapi  
 Ia makakirala si kumu, humoneu i kumu  
 takoae kakendagu Ruata suralungu batange-  
 43 ngi kumu. \* Ia seng dimenta suralungu  
 arengi Iamangku, tetapi i kumu ta manarima u  
 Ia ; kamagengu taumata waline dumenta sura-  
 lungu arenge sesane, ute i sie ene sarung  
 44 itarima i kumu. \* Kereapa i kumu wotonge

mangiman, sedang i kumu mangala hormat senkatau bou senkatau, dingangu ta mēdea hormat ene, ko kai samatan bou Ruata.

- 45 \* Kumbahanbe mangēna, humoneu Ia sarung mangalake i kumu si Iamang ene ; i sie ene ko mangalake i kumu, ene kai i Musa, ko ipē-  
 46 luharapi kumu. \* Karna kamagengi kumu nangiman si Musa, ute i kumu lai sarung mangiman si Sia : karna i sie ene seng namohe  
 47 bou hale u Ia ; \* tetapi kamagengi kumu ta mangiman surat-surate ene, kereapa i kumu wotonge mangiman baweraku ?

### FATSAL VI.

- 1 Samuringu ene i Jesus nēbuuae dingangu dimakie su danongu Galilea, enee kai danongu
- 2 Tiberias ; \* dan mauli taumata timuhue si Sie, sebab i sire nakasilo tanda-tanda heran ene, ko
- 3 nikaoe su taumata-taumata masaki. \* Woue i Jesus simakae suwowong wulude ene, sewuhu kimaiangke sene dingangu manga murite.
- 4 \* Nau hari-besar u tau Jehudi, mangalene
- 5 paska, kai masandige. \* Woue i Jesus nē-hengke u matane, dingangu nakasilo, seng-gapangu taumata mauli dimenta su koae, ute i Sie nēberae si Filippus : Suapa kapēluangengi
- 6 kite kang, tadeau mapakang i sire ini ? \* (Tetapi ini pinēberane sarung manaluka si sie ene, karna i Sie sesane masingka, apang ko sarung
- 7 koatenge.) \* I Filippus simimbahe si Sie : Kang aregangu dua hasu denare man ta makataun, tadeau senkatau-senkatau bou i
- 8 sire ini mangala pēkadio. \* Woue senkatau bou manga murite, arenge i Andreas, ko anausen-
- 9 kataungi Simon Petrus, nangulie si Sie : \* Sini pia dario-ese senkatau, ko pia limam bau brote u djaw, dingangu kina dadio duang bua ; te-

- tapi apa gunane ene su kalawo u taumata ini ?
- 10 \* Woue i Jesus nēberae : Oroite taumata-taumata ene apákaiang. Nau su tampa ene pia děmpuge mauli. Ute kimaiangke ese-esé
- 11 ene, lěénang lima hiwu. \* Woue i Jesus nangalae brote ene, napatarimakaseh, dingangu namahia u ene su manga murite, dan manga murite namahia u ene si sire ene, ko měmaiang sene ; kerene lai kina dadio ene.
- 12 sengapang kaulie ikapulune. \* Dan sertau i † sire seng niapakalaede, nēberae i Sie su manga murite : Komoleko lěmbene ene, tadeau kum-
- 13 bahan magolo apa-apa. \* Ute i sire nangomolu lěmbengu limam bau brote ene, dingangu namenee mapulo-dua su loto, ko lěmbengu
- 14 nipanganengangi sire ene. \* Nau sedang taumata-taumata ene nakasilo tanda-heran ene, ko seng nikoa i Jesus, ute i sire nēbisarae : Tengade, i Sie ini kai Nabi ene, ko sarung
- 15 dumenta suralungu dunia. \* Nau sedang i Jesus masingka, humoneu i sire sarung dumenta, mangala si Sie dingangu si hasa, tadeau i sire měndui i Sie ipakaratu, ute nēbeho i Sie kapia suwowong wulude ene, i Sie sesane.
- 16 Nau sertau seng masunaube, ute manga mu-
- 17 rite dimesungke su apengu rano ene, \* sewuhu simakee suralungu sakaen, dingangu dimakie su dano ene sorong Kapernaum. Tetapi seng marěndung, dan i Jesus něn ta dimenta su koa
- 18 i sire. \* Dan dano ene něgalumbangke, sebab
- 19 tiniukangu angin maiha. \* Nau se dang i sire seng kasakaenge lěénang duangpulo-lima atou tělum-pulo †stadien, ute i sire nakasilo si Jesus kadalenge su rano ene, dimenta masandigu sa-
- 20 kaen ene ; woue i sire natakue. \* Tetapi i Sie nēberae si sire : Ia kai enee, ariebe kataku !

† 24 stadien = 1 oras.

- 21 \* Woue i sire nanarima i Sie suralungu sakaen dingangu karaluase, ute senkianu sakaen ene nědatingu wanua ene, ko pětatěgalengi sire.
- 22 \* Nau su senkamělone nikasilongu gapangu taumata ene, ko dudarisi su senběkane waline bou rano ene, humoneu paisene takoae lai manga sakaen sulikudu ene, ko sinakenangu manga murite, dan humoneu i Jesus seng tawe simake suralungu sakaen ringangu manga murite, kaiso humoneu samatan manga murite
- 23 seng něbuae bou ene ; \* (tetapi manga sakaen waline bou Tiberias dimentae masandigu tampa ene, suapangi sire seng kimang brote ene, ko
- 24 seng nipěberkate u Mawu kaselahenge.) \* Nau sertau gapangu taumata ene nakasilo, humoneu i Jesus tadise paisene, lai manga murite tadise, ute simakee i sire lai su sakaen-sakaen, sewuhu dimentae su Kapernaum, dingangu
- 25 kapědeae si Jesus ; \* nau sertau i sire seng nakahombang si Sie su senběkane waline bou rano ene, ute nakiwaloe i sire si Sie : O Rabbi ! tempo apa i Kau seng dimenta ramahi sini ?
- 26 \* I Jesus simimbahe si sire dingangu něberae : Tenga-tengade Ia manguli si kumu : i kumu mědea si Sia, waline sebab i kumu seng nakasilo tanda-tanda heran, kaiso sebab i kumu seng kimang brote ene, dan seng niapakalaede.
- 27 \* Kumbahanbe mědea kang ene ko mailang,  
† kaiso pědeae kang ene ko matana suralungu pětatembiahe kakal, apang ko Ahusu-taumata sarung mangonggo si kumu ; karna i Sie ene seng nitantu kahengang bou Ruata Iamang.
- 28 \* Woue i sire něberae si Sie : Apae haruse koatengi kami, tadeau i kami botonge makakoa
- 29 pěkakardjahangu Ruata ? \* I Jesus simimbahe dingangu něberae si sire : Ini kai pěkakardjahangu Ruata, tadeau i kumu pangiman si Sie

- 30 ene, ko seng niroie. \* Woue i sire něberae si Sie : Ute tanda apa koatengu, tadeau i kami wue makasilo ene, sewuhu mangiman si Kau ?
- 31 ute apae koatengu ? \* Jupung-jupungi kite seng kimang manna su tanalinggi, kere kabawohe : I Sie seng nangonggo u brote bou
- 32 langi pakikang si sire. \* Woue i Jesus něberae si sire : Tenga-tengade Ia manguli si kumu : i Musa seng ta nangonggo u brote bouralungu Sorga si kumu ; kaiso i Iamangku mangonggo u brote kahengang ene bouralungu
- 33 Sorga si kumu. \* Karna brote u Ruata kai i Sie ene, ko natentung bouralungu Sorga, ute i Sie ene mangonggo u pětatembiahe su dunia
- 34 ini. \* Woue i sire něberae si Sie : O Mawu !
- 35 onggo ko sentinia brote ene si kami. \* Woue † i Jesus něberae si sire : Ia kai brote u pětatembiahe ene ; i sai ko dumenta su koaku, i sie ene man ta sarung mahutung, dan i sai ko mangiman si Sia, i sie ene ta sarung marou sa-
- 36 rang marengu-rengu. \* Tetapi Ia seng na-  
nguli si kumu, humoneu i kumu lai seng naka-  
silo si Sia, tetapi i kumu ta nangiman.
- 37 \* Patiku ene ko ionggo i Iamang si Sia, enee  
† sarung dumenta su koaku ; dan i sai ko du-  
menta su koaku, i sie ene man ta sarung Daku
- 38 irěme sulikude. \* Karna Ia seng natentung bouralungu Sorga, waline tadeau Ia měkoia kapuluku, kaiso kapulungi Sie ene, ko seng
- 39 něndoi u Ia. \* Ute ini kai kapulungi Iamang  
† ko seng něndoi u Ia, tadeau Ia kumbahan mailang apa-apa, bou patiku ene, ko seng nionggoe si Sia, kaiso tadeau Ia mapěba-
- 40 ngungu enee su ělong herate. \* Karna ini kai  
† kapulungi Sie ene, ko seng něndoi u Ia, tadeau senkatau-senkatau, ko mětěhung Ahuse ene, dingangu mangiman si Sie, managuang pěta-

tembiahe kakal ; dan Ia sarung mapēbangungi  
 41 sie su ēlong-pangingsuenge. \* Woue tau Je-  
 hudi ene nēsugale, sebab i Sie seng nanguli :  
 Ia kai brote ene, ko seng natentung bouri-  
 42 lungu Sorga ; \* ute i sire nēbisarae : Bēgangu  
 i Sie ini kai i Jesus, ana i Josef, ko i jamange  
 dingangu i ninae singka i kite ? kereapa i Sie  
 ini nanguli : Ia seng natentung bouralungu  
 43 Sorga ? \* Tetapi i Jesus simimbahe, dingangu  
 nēberae si sire : Kumbahanbe mēmpēsugale  
 44 sutaloarangi kumu. \* Takoae manga senkatau  
 † botonge makarenta su koaku, kamagengi sie  
 ta wolengangi Iamang ene, ko seng nēndoi u  
 Ia ; woue Ia sarung mapēbangungi sie su  
 45 ēlong-pangingsuenge. \* Kai kabawohe sura-  
 lungu suratu nabi-nabi : I sire patiku sarung  
 tentirongu Ruata. Ute senkatau-senkatau ko  
 seng nakaringihe dingangu nangendung ene  
 bou i Iamang i sie ene dumenta su koaku.  
 46 \* Takoae mangasenka tau seng nakasilo si  
 Iamang ene, melainkan i Sie ene ko kai bou  
 Ruata, i Sie ene seng nakasilo si Iamang ene.  
 47† Tenga-tengade Ia manguli si kumu : i sai ko  
 mangiman si Sia, i sie ene managuang pētatem-  
 48 biahe kakal. \* Ia kai brote u pētatembiahe  
 49 ene. \* Jupung-jupungi kumu seng kimang  
 manna su tana-linggi, dan i sire seng nate ;  
 50 \* ini kai brote ene, ko seng natentung bouri-  
 lungu Sorga, tadeau tau mata kumang ene,  
 51 dan kumbahan mate. \* Ia kai brote ko biahe,  
 † ko seng natentung bouralungu Sorga ; i sai ko  
 kumang bou brote ini, i sie ene arung mēbiahe  
 sarang kakal. Ute brote ene, ko sarung Daku  
 ionggo, ene kai dagingku enee sarung Daku  
 52 ionggo waugu pētatembiahu dunia ini. \* Woue  
 tau Jehudi ene nēmpēdarendeh senkatau su-  
 senkatau, angkunge : Kereapa i Sie ini botonge.

- 53 mangonggo u daging pakikang si kite? \*Tetapi  
 i Jesus nēberae si sire: Tenga-tengade Ia  
 † manguli si kumu: kamagengi kumu ta kumang  
 dagingu Ahusu-taumata ene, dingangu ta  
 manginung dahane, ute i kumu takoae pěta-  
 54 tembiahe suralungu batangengi kumu. \* I sai  
 † ko kumang dagingku, dingangu manginung  
 dahaku, i sie ene managuang pětatembiahe  
 kakal; dan Ia sarung mapěbangungi sie su  
 55 ělong-pangingsuenge. \* Karna dagingku kai  
 † kang kahengang, dan dahaku kai inuman kahe-  
 56 ngang. \* I sai ko kumang dagingku, dingangu  
 † manginung dahaku, i sie ene matana suralungu  
 57 Ia, dan Ia suralungi sie. \* Kere i Iamang ko  
 † biahe seng něndoi u Ia, dan Ia biahe bou I  
 Iamang ene; kerene lai i sie ene, ko kumang si  
 58 Sia, sarung měbiahe bou Ia. \* Ini kai brote  
 ene, ko seng natentung bouralungu Sorga;  
 waline kere manna ene, ko seng kinangi jupung-  
 · jupungi kumu, dan seng nate. I sai ko kumang  
 brote ini, i sie ene sarung měbiahe sarang kakal.  
 59 Enee i Sie seng nanguli suralungu gaheda,  
 60 sedang i Sie nanentiro su Kapernaum. \* Woue  
 mauli taumata boutaloarangu murit-murite, ko  
 nakaringihe ene, něbisarae: Bawera ini kai  
 masekade; i saie botonge mědaringihe ene?  
 61 \* Nau sedang i Jesus masingka suralungu bat-  
 angenge, humoneu manga murite někakurubu  
 wangu ene, něberae i Sie si sire: Ute enee  
 62 mariadi saki u naungi kumu? \* Kereapa wue,  
 kamagengi kumu sarung makasilo Ahusu-  
 taumata ene mapua sorong tampa ene, suapang  
 63 nikatanakenge horo. \* Roch kai enee, ko mak-  
 † apě biahe; daging ene ta měberguna apa-apa;  
 patiku bawera ene, ko Daku iuli si kumu, enee  
 64 kai roch dingangu pětatembiahe, \* Tetapi pia  
 pirangkatau sutaloarangi kumu ko ta mangi-

man. Karna i Jesus masingka bou tētae, i saisai kai i sire ene, ko ta mangiman, dan i sai kai  
 65 i sie ene, ko sarung mētulangi Sie. \* Woue i Sie nēberae : Tagal ene Ia seng nanguli si kumu, humoneu takoae manga senkatau botonge makarenta su koaku, kamagengu enee tawe  
 66 ionggo si sie bou Iamangku. \* Nau bou tempo ene mauli taumata boutaloarangu murit-murite nanoho, dingangu tawe rimaleng lai ringange.  
 67 \* Woue i Jesus nēberae su murite mapulo-dua ene : Ute i kumu lai tawe mapulu matamai ?  
 68 \* Woue i Simon Petrus simimbahe si Sie : O † Mawu ! su koa i sai sarung tamaiangi kami ? I  
 69 Kau pia bawerangu pētatembiahe kakal ; \* ute i kami seng nangiman dingangu nakakirala,  
 † humoneu i Kau kai i Kristus, Ahusu Ruata ko  
 70 biahe. \* I Jesus simimbahe si sire : Bēgangu Ia seng namile si kumu mapulo-dua ? tetapi senkatau sutaloarangi kumu kai senbau setan.  
 71 \* Ute ini niulie bou i Judas Iskariot, ana i Simon ; karna i sie ene sarung mētulangi Sie, dan i sie kai senkatau bou murite mapulo-dua ene.

### FATSAL VII.

- 1 Nau samuringu ene i Jesus dimalengke namepide Galilea, karna i Sie madidi dumaleng su Judea, sebab tau Jehudi ene mēdēdea ma-
- 2 mate si Sie. \* Woue hari-besar u tau Jehudi, mangalene hari-besar u pēkakoa-taka, seng
- 3 masandige. \* Woue manga anausenbaue ese nēberae si Sie : Pēbuae bou ini, dingangu tamaie su Judea, tadeau lai manga muritu ma-
- 4 kasilo pēkakardjahangu, ko koatengu. \* Karna takoae manga senkatau mēkoaa apa-apa suralungu penise, kaise mēdea sesane, tadeau taumata mēbisara malahe-lahe bou i sie. Kamage-

ngi Kau měkoa perkara-perkara ini, ute pěting-  
 5 kalaheengu batangengu su dunia. \* Karna  
 6 lai manga anausenbaue ta nangiman si Sie. \*  
 Woue i Jesus něberae si sire : Kotikaku bo-  
 7 dang ta nědating; tetapi kotikangi kumu  
 sentinia mariah. \* Dunia ini tawotonge mě-  
 binsi i kumu, tetapi Ia ipěběbinsie, karna Ia  
 8 měsaksingi sie, humoneu kakanoae kai dalai. \*  
 Taraie i kumu su hari-besar ini ; Ia bodang ta  
 matamai su hari-besar ini ; karna kotikaku  
 9 bodang ta nědating. \* Nau sertau i Sie seng  
     nanguli u ini si sire, ute natanae i Sie su Gali-  
 10 lea. \* Tetapi sertau manga anausenbaue seng  
     natarai, ute natariae lai i Sie sesane su hari-  
     besar ene, tawe nalahe, kaiso kere měkěku-  
     mbuni.  
 11 Woue tau Jehudi ene nědeae si Sie su hari-  
     besar ene, dingangu něbisarae : Suapa i Sie  
 12 ene ? \* Ute kai mauli himburung sutaloarangu  
     gapangu taumata ene waugu i Sie : Pirangka-  
     tau něbisarae : I Sie kai mapia ; tetapi manga  
     taumata waline něbisarae : Tala, kaiso i Sie  
 13 měmaminsana gapangu umate. \* Tetapi takaoae  
     manga senkatau něbisara ualahe bou i Sie,  
 14 waugu katatakue su tau Jehudi ene. \* Tetapi  
     sedang sutaloara u hari-besar ene, ute nataraie  
 15 i Jesus su kaba, dingangu nanentiroe. \* Ute  
     tau Jehudi ene nananiangke dingangu něberae :  
     Kereapa i Sie ini masingka u Elkitab, sedang i  
 16 Sie seng ta nangěndung ene. \* I Jesus simim-  
     bahe si sire, dingangu něberae : Tentiroku  
     tawe Ia tataguange, kaiso i Sie ene, ko seng  
 17 něndoi u Ia. \* Kamagengu manga senkatau  
 † mapulu měkoa kapulungi Sie ene, ute i sie  
     sarung makaěna, minsang tentiro ini kai bou  
     Ruata, atou minsang Ia měběbera bou watan-  
 18 gengku sesaku. \* I sai ko měběbera bou wa-

tangenge sesane, i sie ene mědědea hormatu watangenge sesane; tetapi i Sai ko mědědea hormati Sie ene, ko seng něndoi i Sie, i Sie ene kai benar kahenggang, dan takoae manga kada-  
 19 durhaka suralunge. \* Běgangu i Musa seng nangonggo u atorangu-tita si kumu? tetapi takoae manga senkatau bou i kumu tumulu atorangu-tita ene. Sebab apa i kumu mědě-  
 20 dea mamate si Sia? \* Simimbahe gapangu taumata ene dingangu něberae: I Kau niwali-  
 uangu setan, i saie mědědea mamate si Kau.  
 21 \* I Jesus simimbahe dingangu něberae si sire: Pěkakardjahang senbau seng Daku nikoa, ute  
 22 i kumu patiku nananiang. \* I Musa seng na-  
 ngonggo u hale u kasasunate si kumu, (baline kere enee kai bou i Musa, kaiso bou jupung-  
 jupung ene); ute i kumu manunate taumata su  
 23 ēlong-sabbat. \* Nau kamagengu manga se-  
 nkatau manarima u sasunate su ēlong-sabbat,  
 tadeau atorangu-titangi Musa kumbahan le-  
 mpangeng, punge apa i kumu lumangehe si Sia, sedang Ia seng napakaule kaselahu tau-  
 24 mata senkatau su ēlong-sabbat? \* Kumbahan  
 † i kumu měhukung ituhu gahie sulikude, kaiso  
 25 pěhukungkengu hukuman ko adil. \* Woue  
 pirangkatau bou i sire ene ko bou Jerusalam,  
 něbisarae: Běgangu i Sie kai enee, ko dudeake-  
 26 ngi sire pateng? \* nau kakellae, i Sie měběbera  
 dingangu karaloahunaung, dan i sire ta maka-  
 wera apa-apa si Sie. Taunki manga těmbo-  
 nangi kite inie makaěna, humoneu i Sie ini  
 27 tengade kai i Kristus? \* Tetapi bou i Sie ini i  
 kite masingka, bou apa i Sie ene; tetapi ka-  
 magengi Kristus dumenta, ute takoae manga  
 senkatau sarung masingka, bou apa i Sie ene.  
 28 \* Woue i Jesus něhengkeengu tingihe sura-  
 lungu kaba, dingangu nanentiroe angkunge:

Ute i kumu makakirala si Sia, dingangu ma-  
singka, bou apa Ia ene ? Ia seng tawe dimenta  
bou batangengku sesaku, kaiso i Sie ene kai  
benar kahenggang, ko seng něndoi u Ia, ko i  
29 kumu ta makakirala. \* Tetapi Ia makakirala  
si Sie, karna Ia kai bou i Sie, dan i Sie seng  
30 něndoi u Ia. \* Woue i sire mědědea maname si  
Sie ; tetapi takoae manga senkatau makapelo u  
lima si Sie, karna orase bodang ta nědating.  
31 \* Nau mauli taumata bou gapang ene nangi-  
manke si Sie, dingangu něberae : Kamagengi  
Kristus dumenta, ute i sie lai sarung měko  
tanda-tanda heran limembongu ini, ko seng  
32 nikoa i Sie ini ? \* Nau sedang tau farisi ene  
nakaringihe, humoneu gapangu tauma+a ene  
mělěhimburung ini bou i Sie, ute tau farisi  
dingangu imam-imam dalabo něndoi u manga  
paprentang, tadeau i sire papaname si Sie.  
33 \* Woue i Jesus něberae si sire : Kate lai senka-  
tempo manimbu Ia kai ringangi kumu, woue  
Ia matamai su koa i Sie ene, ko seng něndoi u  
34 Ia. \* I kumu sarung mědea si Sia, tetapi i  
kumu ta sarung makasombang si Sia ; dan sua-  
35 pang Ia ene, i kumu tawotonge makarenta. \*  
Woue tau Jehudi ene něbisarae senkatau su  
senkatau : I sie ini sarung matamai sorong  
apa, hakiu i kite ta sarung makasombang si  
Sie ? Taunki i Sie sarung matamai su tau  
Junani, ko někaliaese, dingangu manentiro tau  
36 Junani ene ? \* Kereapa bawera ini, ko seng  
niulie : I kumu sarung mědea si Sia, tetapi ta  
sarung makasombang si Sia ; dan suapang Ia  
37 ene, i kumu tawotonge makarenta ? \* Nau su  
† ělong kasuengu hari-besar ene, ko ělo limem-  
bong mawantuge, dimarisie i Jesus dingangu  
něhengkeengu tingihé, angkunge : I sai ko  
marou, i sie ene dentae su koaku dingangu

38 panginungke ! \* I sai ko mangiman si Sia, kere  
 iréuli u Elkitab, saluhu-saluhu ake biahe sarung  
 39 monode bouralunge. \* (Tetapi ini niulie bou  
 Roch ene, ko sarung itarima i sire ene, ko  
 sarung mangiman si Sie ; karna Roch limem-  
 bong susi bodang ta natentung, sebab i Jesus  
 40 bodang ta niapakawantuge.) \* Woue mauli tau-  
 mata bou gapang ene, ko dudaringihe tentiro  
 ene, něbisarae : Tengade, i Sie ini kai Nabi  
 41 ene ! \* Manga taumata waline něbisarae : I  
 Sie ini kai i Kristus ! Tetapi manga taumata  
 něbisarae : Ute i Kristus sarung dumenta bou  
 42 Galilea ? \* Běgangu iréuli u Elkitab, humoneu  
 i Kristus sarung dumenta bou hentongi Daud,  
 dan bou soangu Bethlehem, ko katatanakengi  
 43 Daud. \* Kerene seng timimbule pědararendehe  
 sutaloarangu gapangu taumata ene waugu i Sie.  
 44 \* Nau pirangkatau bou i sire ene mapulu mana-  
 me si Sie; tetapi takoae manga senkatau makap-  
 45 elo u lima si Sie. \* Woue manga paprentang ene  
 nesulee su koa u imam-imam dalabo dingangu  
 tau farisi, tetapi i sire ene něberae si sire : Se-  
 46 bab apa i kumu ta něbawa si Sie ? \* Simim-  
 bahe manga paprentang ene Nen ta sensule  
 manga senkatau seng něbera kere taumata ini.  
 47 \* Woue tau farisi simimbahe si sire : Ute i  
 48 kumu lai kawinsanaan ? \* I saie sutaloarangu  
 těmbonang atou sutalorangu tau farisi nangiman  
 49 si Sie ? \* Tetapi gapangu taumata ini, ko  
 50 běgangu atorangu-tita, kai mupu ! \* Tetapi i  
 Nikodemus, ko seng dimenta si Sie hěbi, ko  
 kai senkatau sutaloarangi sire ene, něberae si  
 51 sire : \* Karakai taumata ihukungu atorangu-  
 titangi kite, horo seng nakaringihe si sie, di-  
 52 ngangu masingka u apang ka koatenge ? \* I  
 sire simimbahe dingangu něberae si sie : Ute i  
 kau lai bou Galilea ? Pamariksako dingangu

53 kakellae, humoneu takoae manga nabi seng  
limeto bou Galilea. \* Woue senkatau-senkatau  
napulee sorong walene.

## FATSAL VIII.

- 1 Tetapi i Jesus natamaie sorong wuludu  
2 Zeiton; \* woue senkamalukade i Sie simue  
kapia suralungu kaba; dan kalawo u umate  
ene dimenta su koae; ute i Sie kimaiangke  
3 dingangu nanentiro si sire. \* Woue manga  
katib dingangu tau farisi nēbawae su koae sen-  
katau bawine, ko nikatangka suralungu kawa-  
4 wuan; \* nau sertau i sire seng napararisi i sie  
ene sutaloarane, ute i sire nangulie si Sie: O  
Guru! bawine ini seng nikatangka suralungu  
5 kakanoa dalai, sedang i sie nawuan; \* tetapi i  
Musa seng timanata si kami suralungu atoran-  
gu-tita, humoneu taumata kerene haruse ēntun-  
6 gangu watu; ute apae ipēberanu? \* Tetapi  
enee niuli i sire ipanaluka si Sie, tadeau i sire  
makahombang apa-apa sarung mapēsalagi Sie.  
Tetapi i Jesus kimakurungke, dingangu namohe  
7 u talimedone su tana. \* Nau sedang i sire  
† mankapakiwalone si Sie, ute i Sie dimarisie  
dingangu nēberae si sire: I sai ko sutaloarangi  
kumu takoae dosane. i sie ene pangēntungu  
8 watu kahorokange si sie ini. \* Woue i Sie  
kimakurungke kapia, dingangu namohe su tana.  
9 \* Tetapi sertau i sire nakaringihe ene, ute simē-  
bangke i sire, sedang singka u naungi sire  
nēsaksingi sire, senkatau-senkatau timuhu sen-  
katau, naneta bou magagurang sarang mangan-  
guda, hakiu i Jesus nitentangke sesane, dingan-  
10 gu bawine ene ko dudarisi sutaloarane. \* Woue  
i Jesus dimarisie; dan sedang i Sie nakasilo  
manga senkatau, melainkan bawine ene, ute i

- Sie něberae si sie : E bawine ! suapawe i sire  
ene, ko nangalake i kau ? ute takoae manga  
11 senkatau seng něhukungi kau ? \* Woue i sie  
simimbahe : O Mawu ! takoae manga senkatau.  
Woue i Jesus něberae si sie : Ute Ia lai ta  
měhukungi kau ; dakoe tamai, dan kumbahan  
lai měberdosa.
- 12 Woue i Jesus něberae kapia si sire, angkunge :  
† Ia kai katatualagu dunia ; i sai ko tumuhu si  
Sia, i sie ene ta sarung rumaleng suralungu ko  
marendung, kaiso sarung managuang katatua-  
13 lagu pětatembiahe ene. \* Woue tau farisi  
něberae si Sie : I Kau měsaksingu batangengu  
14 sesanu ; kasaksiangu ta i katengade. \* I Jesus  
simimbahe dingangu něberae si sire : Maning  
Ia měsaksingu batangengku sesaku, ute kasa-  
ksianku kai benar kahengang ; karna Ia masing-  
ka bou apa Ia seng dimenta, dan suapa Ia mata-  
15 mai. \* I kumu měhukung ituhu kapulungu  
daging ; Ia tawe měhukung manga senkatau.
- 16 \* Dan kamagengu Ia lai měhukung, ute hukum-  
anku kai benar kahengang ; karna Ia tawe ses-  
aku, kaiso Ia dingangu i Iamangku, ko seng  
17 něndoi u Ia. \* Ute kai kabawohe lai suralungu  
atorangu-titangi kumu, humoneu kasaksiangu  
18 duangkatau kai benar kahengang. \* Ia kai enee,  
ko měsaksingu batangengku sesaku, lai i Iamang  
19 ene, ko seng něndoi u Ia, měsaksingu Ia. \* Woue  
i sire něberae si Sie : Suapawe i Iamangu ? I  
Jesus simimbahe : I kumu ta makakirala si Sia,  
dingangu ta makakirala si Iamangku ; kiko i  
kumu makakirala si Sia, ute i kumu lai sarung  
20 makakirala si Iamangku. \* Bawera ini niuli i  
Jesus masandigu kase u kupangu kaba, sedang  
i Sie měmanentiro suralungu kaba ; dan takoae  
manga senkatau, maname si Sie, karna orasé  
nen ta nědating.

- 21 Woue i Jesus něberae kapia si sire : Ia matamai paisene, ute i kumu sarung mědea si Sia, tetapi i kumu sarung mate suralungu dosangi kumu ; suapang ko Daku tamaiang, i kumu tawotonge  
 22 makarenta. \* Woue tau Jehudi ene něbisarae : Taungki i Sie mapulu mamate batangenge, sedang i Sie něbera : Suapang ko Daku tamai-  
 23 ang, i kumu tawotonge makarenta ? \* Woue i Sie něberae si sire : I kumu ene bou wawa, Ia ene bou rasi ; i kumu ene bou dunia ini, Ia tawe  
 24 bou duniai ni. \* Ute Ia seng něbera si kumu, † humoneu i kumu sarung mate suralungu dosa-  
 ngi kumū ; karna kamagengi kumu ta mangi-  
 man humoneu Ia kai enee, ute i kumu sarung  
 25 mate suralungu dosangi kumu. \* Woue i sire něberae si Sie : I saie i Kau ? Ute i Jesus na-  
 ngulie si sire : Ia kai enee, kere Ia seng nanguli  
 26 si kumu bou tetae. \* Ia pia perkara mauli bou i kumu ipěbera dingangu ipěhukung ; tetapi i Sie, ko seng něndoi u Ia, kai benar kahengang ; dan apang ko seng Daku nikaringihe bou i Sie,  
 27 enee Daku ipěbera su dunia. \* Tetapi i sire ta nakaěna, humoneu i Sie nanguli si sire bou i  
 28 Iamang ene. \* Woue i Jesus něberae si sire : Kamagengi kumu sarung mapakarange u Ahu-  
 su-taumata, buhue i kumu sarung makaěna, humoneu Ia kai enee, dan humoneu tawe Daku koateng apa-apa bou batangengku sesaku ; kaiso kere i Iamangku seng nanentiro si Sia,  
 29 kerene Ia měběberangu ene. \* Ute i Sie ene † ko seng něndoi u Ia, koi ringangku. I Iamang ene tawe nanentangu Ia sesaku, karna Ia sen-  
 30 tinia měkěkoa apang ko ikapulune. \* Nau  
 sertau i Sie něberangu enee, ute mauli taumata  
 31 nangimanke si Sie. \* Woue i Jesus něberae su † tau Jehudi ene, ko mangiman si Sie : Kama-  
 gengi kumu matana tatape suralungu baweraku,

32 ute i kumu kai muritku kahengang; \* lai i  
 † kumu sarung makaëna kabenaran, dan kabena-  
 33 ran ene sarung mapakaliwiri kumu. \* I sire  
 simimbahe si Sie : I kami kai hentongi Ibrahim,  
 dingangu man nen ta nahainawu su manga  
 senkatau; kereapa i Kau mëbera : I kumu sar-  
 34 ung maliwire? \* I Jesus simimbahe si sire :  
 † Tenga-tengade Ia manguli si kumu : i sai ko  
 mëkëko a dosa, i sie ene kai ēlangu dosa.  
 35 \* Tetapi ēlang tawe matana suralungu wale  
 marengu-rengu, kaiso ana ene matana marengu-  
 36 † rengu. \* Nau kamagengu Ahuse-ese ene map-  
 akaliwiri kumu, ute i kumu kai maliwire kahen-  
 37 gang. \* Ia masingka, humoneu i kumu kai  
 hentongi Ibrahim ; tetapi i kumu mëdea mam-  
 ate si Sia ; karna baweraku ta nakahombang  
 38 tampa suralungi kumu. \* Ia mëbëberangu apang  
 ko Ia seng nakasilo si Iamangku ; lai i kumu  
 mëkëko a, apang ko i kumu seng nakasilo si  
 39 jamangi kumu. \* I sire simimbahe dingangu  
 nëberae si Sie : I Ibrahim kai i jamangi kami.  
 I Jesus nëberae si sire : Kiko i kumu kai ana-  
 ana i Ibrahim, ute i kumu sarung mëko a kak-  
 40 noa i Ibrahim. \* Tetapi inie i kumu mëdea  
 mamate si Sia, taumata senkatau, ko seng nëbe-  
 rangu kabenaran si kumu, ko Ia seng nakarin-  
 gihe bou Ruata ; enee seng tawe nikoa i Ibra-  
 41 him. \* I kumu mëkëko a kakanoa i jamangi  
 kumu. Woue i sire nëberae si Sie : I kami seng  
 tawe nipahana bou pësasundale ; i kami pia i  
 42 jamang senbau, mangalene Ruata. \* Woue i  
 † Jesus nëberae si sire : Kiko Ruata kai i Iamangi  
 kumu, ute i kumu sarung kumendagu Ia ; karna  
 Ia seng simëbang bou Ruata, dingangu dimenta  
 bou i Sie. Karna Ia lai seng tawe dimenta bou  
 batangengku sesaku, kaiso i Sie seng nëndoi u  
 43 Ia. \* Sebab apa i kumu ta makaëna bahasaku?

- † Sebab i kumu madidi dumaringihe baweraku.
- 44 \* I kumu kai bouralungi jamang ene, mangalene setan, ute i kumu mapulu mēkoia kainginangi jamangi kumu ; i sie ene kai tahapate tau-mata boutetae, dan i sieseng tawe dudarisi tatape suralungu kabenaran, karna suralungi sie ene takoa kabenaran. Kamagengi sie mēberangu leo, ute i sie mēberangu ene bou tētaguanenge, karna i sie ene kai tahaleo, lai i sie kai jamangu ene.
- 45 \* Tetapi i kumu ta mangiman si Sia, sebab Ia mēbēberangu kabenaran si kumu. \* I saie bou † i kumu botonge manengkule si Sia waugu dosa ? Dan kamagengu Ia mēbēberangu kabbenaran, sebab apa i kumu ta mangiman si Sia ?
- 47 \* I sai ko ene bou Ruata, i sie ene dumaringihe † bawerangu Ruata ; tagal ene i kumu ta rumar-48 ingihe, sebab i kumu tawe bou Ruata. \* Woue tau Jehudi ene simimbahe dingangu nēberae si Sie : Bēgangu i kami mēbera betule, humoneu i Kau kai senkatau Samaritaan, dingangu niwa-49 liuangu setan ? \* I Jesus simimbahe : Ia tawe niwaliuangu setan, kaiso Ia mēhormati si Iama-50 ngku ; tetapi i kumu mēhinakan si Sia. \* Tetapi Ia tawe mēdea hormatku sesaku ; pia manga senkatau, ko mēdea ene dingangu mēhukung.
- 51 \* Tenga-tengade Ia manguli si kumu : Kamagengu manga senkatau mēsempu baweraku, i sie ene tawe sarung makasilo papate sarang ka-52 kal. \* Woue tau Jehudi ene nēberae si Sie : Inie i kami makaēna, humoneu i Kau niwaliuangu setan. I Ibrahim seng nate, dingangu nabi-nabi ene ; dan i Kau nanguli : Kamagengu manga senkatau mēsempu baweraku, i sie ene tawe sarung makapundang papate sarang kakal.
- 53 \* Ute i Kau nangilembongi jamangi kami, i Ibrahim ? ko seng nate, lai nabi-nabi ene seng nate ; dingangi saie i Kau manulungu batang-

54 engu ? \* I Jesus simimbahe : Kamagengu Ia  
 měhormati batangengku, ute hormatku ta  
 gunane apa-apa ; tetapi Iamangku kai enee, ko  
 měhormati si Sia, bou i Sai iuli i kumu, humoneu  
 55 i Sie kai Ruatangi kumu ; \* dan i kumu ta  
 makakirala si Sie ; tetapi Ia makakirala si Sie.  
 Dan kamagengu Ia manguli, humoneu Ia ta  
 makakirala si Sie, ute Ia sarung mariadi kere i  
 kumu, mangalene senkatau tahaleo ; tetapi Ia  
 makakirala si Sie, dingangu měsempi bawerane.  
 56 \* I Ibrahim, i jamangi kumu, seng měmening  
 dingangu raliage, sebab i sie sarung makasilo  
 ēloku ; ute i sie seng nakasilo ene, dingangu seng  
 57 limiage. \* Woue tau Jehudi ene něberae si Sie :  
 Umuru nen ta limampulo su taunge, ute i Kau  
 58 seng nakasilo si Ibrahim? \* I Jesus něberae si sire:  
 Tenga-tengade Ia manguli si kumu : horo u i  
 59 Ibrahim seng nariadi, Ia seng ene, \* Woue i  
 sire nangalae batu-batu, tadeau i sire mangěn-  
 tungu ene si Sie ; tetapi i Jesus nětiho u bata-  
 ngenge, dingangu siimbangke Bouralungu  
 kaba, sedang i Sie dimaleng sutaloarangi sire,  
 dingangu natamaie naliu.

### FATSAL IX.

1 Nau sedang i Sie simahe, ute i Sie nakasiloe  
 taumata senkatau, ko buta bou karariadine.  
 2 \* Woue manga murite nakiwaloe si Sie,  
 angkunge : O Rabbi ! i saie seng něberdosa, i  
 sie ini atou gagurange, haku i sie seng pina-  
 3 hana buta ? \* I Jesus simimbahe : Waline  
 sebab i sie ini seng něberdosa, atou gagurange,  
 kaiso enee seng nariadi, tadeau pěkakardja-  
 4 hangu Ruata iapakalahe si sie. \* Ia mambeng  
 † měkardjahang pěkakardjahangi Sie ene, ko  
 seng něndoi u Ia, sengapang dengu u ēlo ;  
 karna hěbi kadentane, suapang manga sen-

5 katau tawotonge makapěkardjahang. \* Se-  
 ngapang dengu u Ia ene suralungu dunia, Ia  
 6 kai katatualagu dunia. \* Nau sertau i Sie  
 seng něberangu ene, ute i Sie nangedue su  
 tana, dingangu neko a lota bou edu ene, se-  
 wuhu nangelogu lota ene su matangu taumata  
 7 buta ene, \* dingangu něberae si sie: Dakoe  
 tamai, pěndemuse suralungu ake-pěndarenong  
 Siloam (ene mangalene, kamagengu ene ite-  
 pase: ni roi). Ute i sie natamai paisene di-  
 ngangu něndemuse, woue i sie něsulee dinga-  
 8 ngu nakasiloe. \* Woue taumata - taumata  
 silampungange, dingangu i sire ene, ko horo  
 seng nakasilo si sie, humoneu i sie kai buta,  
 něbisarae: Karakai i sie ini kai taumata ene,  
 9 ko měmaiang měděedorong? \* Pirangkatau  
 waline nangulie: I sie kai enee, dan manga  
 taumata waline něbisarae: I sie kai sihingi sie  
 ene. Tetapi i sie sesane nangulie: Ia kai enee.  
 10 \* Woue i sire nakiwaloe si sie: Kereapawe  
 11 matanu seng niapakawuka? \* I sie simim-  
 bahe dingangu něberae: Taumata ene, ko isě-  
 sebba si Jesus, seng něko a lota, dingangu na-  
 ngelogu ene su mataku, sewuhu něberae si  
 sia: Dakoe tamai su ake-pěndarenong Siloam,  
 dingangu pěndemuse. Ute ia natamai paisene,  
 dingangu něndemuse, woue ia nariadie maka-  
 12 silo. \* Woue i sire něberae si sie: Suapawe I sie  
 13 ene? I sie simimbahe: Ia běga. \* Woue i sie ko  
 lěnau buta niwawaengi sire su koa u tau farisi.  
 14 \* Tetapi kai ělong - sabbat, tempongi Jesus  
 něko a lota ene, dingangu namuka matane.  
 15 \* Woue tau farisi ene lai nakiwaloe si sie kapia,  
 kereapa i sie seng nariadi makasilo. Ute i sie  
 nangulie si sire: I Sie seng nangelogu lota su  
 mataku, woue ia něndemuse, ute ia nariadie ma-  
 16 kasilo. \* Woue pirangkatau bou tau farisi ene,

- němpěberae : Taumata ene waline bou Ruata, karna i Sie ta něsempi ělong-sabbat. Tetapi manga taumata waline němpěberae: Kereapawe manga senkatau, kamagengi sie kai taumata berdosa, makakoa tanda - tanda heran kerene ? Woue seng timimbule pědararendeh
- 17 17 sutaloarangi sire. \* Něsau i sire něberae si sie ko lěnau buta : I kau ini, ute apae ipěberanu bou i Sie, sedang i Sie seng namuka matanu ? Woue i sie simimbahe : I Sie kai senkatau
- 18 18 Nabi. \* Tetapi tau Jehudi ene ta nangiman bou i sie, humoneu i sie kai lěnau buta, dan seng nariadi makasilo, hakiu i sire nakirea u gagurangi sie ene, ko seng nariadi makasilo ;
- 19 19 \* woue i sire nakiwaloe si redua ene, angkunge : Ute i sie ini kai ana i kumu, ko iuli i kumu, humoneu i sie seng pinahana buta ? Kereapawe
- 20 20 inie i sie botonge makasilo ? \* Simimbahe gagurange ene si sire dingangu něberae : I kami masingka, humoneu i sie ini kai ana i kami, dan humoneu i sie seng pinahana buta ;
- 21 21 \* tetapi kereapa inie i sie botonge makasilo, i kami běga ; atou i saie seng namuka matane, i kami běga ; i sie seng matělang, pakiwaloe si sie sesane ; i sie sarung manguli bou hale u
- 22 22 batangenge. \* Enee nipěberangu gagurange, sebab i rědua nataku u tau Jehudi ene ; karna tau Jehudi ene kěbi-kěbi seng namutuse, kamagengu manga senkatau mangaku, humoneu i Sie ene kai i Kristus, humoneu taumata ene sarung irěme Bouralungu pěkakomolangi sire.
- 23 23 \* Tagal ene gagurange ene něbera : I sie seng
- 24 24 matělang, pakiwaloe si sie sesane, \* Woue su karuan sulene i sire kimui taumata ene, ko lěnau buta, dingangu něberae si sie : Pangonnggo u hormat su Ruata ; i kami masingka, humoneu Taumata ini kai senkatau berdosa.

- 25 \* Woue i sie simimbahe dingangu něberae : Ia  
běga, minsang i Sie ene kai senkatau berdosa ;  
perkara senbau ia masingka, humoneu ia lěnau  
26 buta, dan inie makasilo. \* Woue něsau i sire  
něberae si sie : Apa seng nikaoe si kau ? Ke-  
27 reapawe i Sie seng namuka matanu ? \* I sie  
simimbahe si sire : Ia seng nanguli u ene si  
kumu, ute i kumu ta nakaringihe ene ? Punge  
apa i kumu mapulu měsau dumaringihe ene ?  
ute lai i kumu mapulu mětingkariadi murite ?  
28 \* Woue i sire nědohangke si sie, dingangu ně-  
berae : I kau ini kai murite ; tetapi i kami kai  
29 muriti Musa. \* I kami masingka, humoneu  
Ruata seng něbera si Musa ; tetapi i Sie ene  
i kami běga, minsang i Sie ene bou apa.  
30 \* Simimbahe taumata ene dingangu něberae si  
sire : Enee kai heran, humoneu i kumu běga,  
bou apawe i Sie ene, maning i Sie seng na-  
31 muka matak. \* Tetapi i kite masingka, hu-  
moneu Ruata tawe dumaringihe taumata ber-  
dosa, kaiso kamagengu manga senkatau  
takutangu Ruata, dingangu měkoa kapulune,  
32 ute Ruata dumaringihe si sie ene. \* Bou těta  
u dunia seng tawe nikaringihe, humoneu ma-  
naga senkatau seng namuka matangu manga  
33 senkatau ko seng pinahana buta. \* Kiko i Sie  
ene waline bou Ruata, ute i Sie tawotonge  
34 makakoa apa-apa. \* I sire simimbahe dingangu  
něberae si sie : I kau manseng pinahana sura-  
lungu dosa, ute i kau manentiro si kami ?  
Woue i sire něnděme i sie sulikude.  
35 Woue kinaringihengi Jesus, humoneu i sire  
seng něnděme i sie sulikude, dan sertau i Sie  
nakasombang si sie ene, něberae i Sie si sie :  
36 Ute i kau mangiman su Ahusu-Ruata ? \* I  
sie simimbahe dingangu něberae : O Mawu ! i  
saie i Sie ene, tadeau ia wue mangiman si Sie ?

37 \* Woue i Jesus simimbahe si sie : I kau seng nakasilo si Sie, ute i Sie ko mēbēbisara si kau,  
 38 kai i Sie ene. \* Woue i sie nēberae : O Mawu !  
 39 ia mangiman. Ute i sie nēsubae si Sie. \* Woue  
 † i Jesus nēberae : Ia seng dimenta suralungu dunia ini su hale u hukuman, tadeau i sire ene,  
 ko tawe nakasilo, mariadi makasilo ; dan i sire  
 40 ene ko nakasilo, mariadi buta. \* Bawera ini kinaringihu pirangkatau boutaloarangu tau farisi, ko ene su koae, woue, i sire nēberae si  
 41 Jesus : Ute i kami lai kai buta ? \* I Jesus simimbahe si sire : Kiko i kumu kai buta, ute takoae dosa si kumu ; tetapi inie i kumu manguli : "I kami makasilo !" ute kerene dosangi kumu matatana tatape.

### FATSAL X.

- 1 Tenga-tengade Ia manguli si kumu : I sai ko tawe sumu bou ngara suralungu kuhungudumba ene, kaiso sumu bou tampa waline, i sie ene kai senkatau tahatako dingangu tahalingu.
- 2 \* Tetapi i sai ko sumu bou ngara ene, i sie ene
- 3 kai gombalangu dumba-dumba ene. \* Ute mēralukade ngara ene mamuka si sie ene, dan dumba-dumba ene mēdaringihe tingihé : woue i sie mēkui arengu dumba-dumbane. dingangu
- 4 nangaha i sire.iapasēbang. \* Dan sertau i sie seng napasēbangu dumba-dumbane, ute i sie dumaleng su horone. dan dumba-dumba ene tumuhu si sie, karna i sire makakirala tingihé.
- 5 \* Tetapi i sire man ta tumuhu su tau bēgane, kaiso i sire tumalang bou i sie ; sebab i sire ta
- 6 makakirala tingihu tau bēgane. \* Pinintu ini niuli i Jesus si sire ; tetapi i sire ta nakaēna,
- 7 minsang apa ene, ko niulie si sire. \* Woue i Jesus nēberae kapia si sire : Tenga-tengade Ia manguli si kumu : Ia kai ngarangu dumba-

- 8 dumba ene. \* I sire patiku, ko seng diminta  
 horo u Ia, i sire ene kai tau tahatako dingangu  
 tahalingu; tetapi dumba-dumba ene seng ta  
 9 dimaringihe si sire. \* Ia kai ngara ene; ka-  
 † magengu manga senkatau sumu bou Ia, i sie  
 ene sarung kapaliharang; dan i sie sarung  
 sumu dingangu suměbang, dingangu maka-  
 10 hombang pangaugidope. \* Tau tahatako ene  
 † tawe dumenta su hale waline, melainkan ta-  
 deau i sie manako, dingangu mamate, dingangu  
 mapakawinasa; Ia seng dimenta, tadeau i sire  
 managuang pětatembiahe, dingangu kapapa-  
 liu.
- 11† Ia kai Gombala mapia ene; Gombala mapia  
 ene manarakangu pětatembiahe waugu dumba-  
 12 dumba ene. \* Tetapi taumata-sewa ene, ko  
 waline gombala, ko tawe tataguangu dumba-  
 dumba ene, nakasilo gurk ene dumenta, ute i  
 sie manentangu dumba-dumba ene, dingangu  
 tumalang; woue gurk ene měndaku dingangu  
 13 mangaliaesu dumba-dumba ene. \* Tetapi  
 taumata-sewa ene tumalang, sebab i sie kai  
 senkatau sewa, dingangu tawe měsempi dumba-  
 14 dumba ene. \* Ia kai Gombala mapia ene;  
 † dan Ia makakirala si sire ko tětaguanengku,  
 lai Ia ikakiralangi sire ko tětaguanengku.
- 15 \* Kere i Iamang ene makakirala si Sia, kerene  
 lai Ia makakirala si Iamang; dan Ia manarakan-  
 gu pětatembiaheku waugu dumba-dumba  
 16 ene. \* Ia pia lai dumba-dumba waline, ko  
 † tawe bou kuhung ini; lai i sire ene mambeng  
 Daku iaha ramahi, woue i sire sarung dumari-  
 nighihe tingiheku, ute sarung mariadi gapang  
 17 senbau, dingangu Gombala senbau. \* Tagal  
 † ene i Iamang makindagu Ia, sebab Ia manarakan-  
 gu pětatembiaheku, tadeau Ia mangala ene  
 18 kapia. \* Takoae manga senkatau makaala

- † ene bou Ia, kaiso Ia sesaku manarakangu ene ;  
 Ia kai kawasa manarakangu ene, lai Ia kai  
 kawasa mangala ene kapia. Tita ini seng  
 19 Daku nitarima bou Iamangku. \* Woue naria-  
 di pēdararende he kasau sutaloarangu tau  
 20 Jehudi waugu bawera ini. \* Mauli taumata  
 sutaloarangi sire ene nēmpēbisarae : I Sie  
 niwaliuangu setan, dingangu kai pulu, punge  
 21 apa i kumu mēdaringihe si Sie ? \* Manga  
 taumata waline nēmpēbisarae : Enee waline  
 bawerangu taumata ko niwaliuangu setan ;  
 botongewe setan lai mamuka matangu taumata  
 buta ?  
 22 Woue kai hari-besar pinamuhiangu kaba su  
 23 Jerusalem, ute kai musungu ralending. \* Nau  
 i Jesus dudalengke suralungu kaba, suralungu  
 24 gandariangi Soliman. \* Woue tau Jehudi ene  
 nēliwungke si Sie, dingangu nēberae si Sie :  
 Sēngapang dengue i Kau mapahedongu  
 djiwangi kami ? kamagengi Kau kai i Kristus,  
 25 ute panguli u ene malahe-lahe si kami. \* I  
 Jesus simimbahe si sire : Ia seng nanguli u ene  
 si kumu, tetapi i kumu ta nangiman ene.  
 Patiku pēkakardjahang ene ko Daku nikoa  
 suralungu arengi Iamangku, enee mēsaksingu  
 26 Ia. \* Tetapi i kumu ta nangiman, karna i  
 kumu tawe bou dumba-dumbaku, kere seng  
 27 Daku niuli si kumu. \* Dumba-dumbaku du-  
 † daringihe tingiheku, dan Ia makakirala si sire,  
 28 dan i sire tumuhu si Sia ; \* dan Ia mangonggo  
 † u pētatembiahe kakal si sire ; dan i sire tawe  
 sarung mailang sarang kakal ; dan takoae  
 manga senkatau botonge makaaho si sire bou-  
 29 ralungu limaku. \* I Iamangku, ko seng na-  
 † ngonggo i sire si Sia, kai nangilembongi sire  
 patiku ; dan takoae manga senkatau botonge  
 makaaho si sire Bouralungu limangi Iamangku.

- 30 \* Ia dingangu i Iamangku kai mansenbau.  
 31 \* Woue tau Jehudi ene něsaue nangala batu-  
 32 batu, ipangěntung si Sie. \* I Jesus simimbahe  
     si sire : Mauli pěkakardjahang ko mapia seng  
     Daku niapasilo si kumu bou i lamangku ; ute  
     waugu pěkakardjahang apa bou enee i kumu  
 33 mangěntungu batu si Sia ? \* Simimbahe tau  
     Jehudi ene si Sie : I kami tawe mangěntungu  
     batu si Kau, waugu manga pěkakardjahang ko  
     mapia, kaiso waugu hodate, dan sebab i Kau,  
     ko senkatau taumata, měndui u batangengu  
 34 Ruata. \* I Jesus simimbahe si sire : Běgangu  
     kai kabawohe suralungu atorangu-titangi  
     kumu : Ia seng něbera, i kumu kai ruata-ruata ?  
 35 \* Nau kamagengi sire ene, si sai bawerangu  
     Ruata seng dimenta, seng nisebba ruata-ruata,  
 36 (dan Elkitab tawotonge iapakaromba;) \* kere-  
     apa i kumu měbera si Sia, ko seng tinantu  
     suralungu kasasusi bou i Iamang, dan seng  
     niroie suralungu dunia : I Kau mělěhodate :  
     sebab Ia seng nanguli : Ia kai Ahusu Ruata ?  
 37 \* Kamagengu Ia tawe měkoa pěkakardjahangi  
     Iamangku, ute kumbahan mangiman si Sia ;  
 38 \* tetapi kamagengu Io měkěkoa ene, dan i  
     kumu ta mangiman si Sia, ute pangimangke  
     wue pěkakardjahang ene, tadeau i kumu boto-  
     nge makaěne dingangu mangiman, humoneu i  
     Iamang ene kai suralungu Ia, dan Ia kai  
 39 suralungi Sie. \* Woue i sire něsau mědědea  
     maname si Sie, tetapi i Sie nětingkaliu bou  
 40 limangi sire. \* Woue i Sie natamai kapia  
     limiu Jordan, sorong tampa ene, suapangi  
     Johannes su tetae seng nangonggo u rareno ;  
 41 dan i Sie natanae paisene. \* Dan mauli tau-  
     mata dimentae su koae, dingangu něbisarae :  
     Maning i Johannes tawe někoa manga tanda-  
     heran ; tetapi patiku ene, apangi Johannes

seng nanguli bou i Sie ini, enee kai benar.  
 42 \* Nau senee mauli taumata nangimanke si  
 Sie.

## FATSAL XI.

- 1 Nau pia taumata senkatau ko masaki, arenge i Lazarus su Bethanie, su soangi Maria dingangu
- 2 i Martha, ko anausenkataune. \* Tetapi i Maria kai i sie ene, ko seng nangapungu lana mawengi su Mawu, dan laedu Mawu niémuengu utae ; ute mahuanene i Lazarus kai masaki.
- 3 \* Woue manga bawinene něndoi su koa u Mawu, dingangu nangulie : O Mawu ! kakellae, i sie
- 4 ene ko ikékendagu, kai masaki. \* Nau sertau i Jesus nakaringihe ene, něberae i Sie : Saki ini waline sorong papate, kaiso su kawawantugu Ruata ; tadeau Ahusu Ruata iapakawantuge
- 5 bou enee. \* Tetapi i Jesus kai makendagi Martha, dingangu anausenkataune bawine,
- 6 dingangu i Lazarus. \* Nau sedang i Sie nakaringihe, humoneu i Lazarus kai masaki, ute natanae i Sie lai duang člo su tampa
- 7 kinatanakenge. \* Samuringu ene i Sie něberae su manga murite : Beite i kite měsau tamai
- 8 sorong Judea. \* Simimbahe manga murite si Sie : O Rabbi ! buhu tau Jehudi ene seng mědědea mangěntungu batu si Kau, ute i Kau
- 9 matamai kapia paisene ? \* I Jesus simimbahe :
- † Běgangu singělo kai mapulo-dua su orase ? Kamagengu manga senkatau dumaleng su tualagu-ělo, ute i sie ene tawe masankong, sebab i sie makasilo katatualagu dunia ini ;
- 10 \* tetapi kamagengu manga senkatau dumaleng hěbi, ute i sie ene masankong, sebab katatua-
- 11 lage ene tawe suralunge. \* Enee piněberane ; dan samuringu ene i Sie nangulie si sire : I

- Lazarus, gawengi kite, kai katikie; tetapi Ia matamai paisene, mamuko si sie bou katatikie.
- 12 \* Woue manga murite nēbisarae: O Mawu! kamagengi sie katikie, ute i sie sarung mule.
- 13 \* Tetapi i Jesus nanguli u ene bou papate; tetapi i sire nangēna, humoneu ene niulie bou
- 14 katatiki biass. \* Tempo ene i Jesus nangulie
- 15 malahe si sire: I Lazarus seng nate; \* dan Ia lumuase waugu i kumu, humoneu Ia seng tawe
- 16 paisene, tadeau i kumu mangiman wue; tetapi beite i kite matamai su koae. \* Woue i Thomas, ko isēsebba si Didimus, nēbisarae su
- 17 manga murit ene ko dingange: Beite i kite lai matamai tadeau i kite mate ringange. \* Nau
- sertau i Jesus seng nēdating, ute nikasomba-
- 18 ngenge, humoneu i Lazarus seng ēpa u ēlo
- 19 karengue suralungu kubure. \* Tetapi Bethanie kai masandigu Jerusalem, lēnang mapulo-lima
- stadien karaune. \* Woue mauli taumata
- Jehudi seng dimenta su koa i Martha dingangu i Maria, tadeau i sire mangibore si rēdua ene
- 20 waugu mahuanene. \* Nau sertau i Martha
- nakaringihe, humoneu i Jesus dimenta, ute i sie
- natamaie naningsomahe si Sie; tetapi i Maria
- 21 natana mēmaiang suralungu wale. \* Woue i
- Martha nēberae si Jesus: O Mawu! kiko i Kau
- seng ene sini, ute mahuaneku tawe nate;
- 22 \* tetapi lai inie ia masingka, humoneu patiku
- ene, apang ko pēdorongangu bou Ruata, enee
- 23 sarung ionggoe si Kau. \* I Jesus nēberae si
- sie: Mahuanenu sarung mēbangung kapia.
- 24 \* I Martha simimbahe si Sie: Ia masingka,
- humoneu i sie sarung mēbangung su ēlong-
- 25 pēbawangunang su ēlong-pangingsuenge. \* I
- † Jesus nēberae si sie: Ia kai pebawangung
- dingangu pētatembiahe ene; i sai ko mangiman si Sia, i sie ene sarung mēbiahe, maning i

26 sie seng nate ; \* dan senkatau-senkatau, ko  
 † měbiahe, dingangu mangiman si Sia, sarung  
 tawe mate sarang kakal. Ute i kau mangi-  
 27 man ene ? \* I sie simimbahe si Sie : Ore o  
 Mawu ! ia mangiman, humoneu i Kau kai i  
 Kristus, Ahusu Ruata, ko seng dimenta suralu-  
 28 ngu dunia. \* Nau sertau i sie seng něberangu  
 ene, ute i sie natamaie dingangu nědea masiko-  
 sikome anausenkataune bawine, si Maria, di-  
 ngangu nangulie ; Guru seng ene, dingangu  
 29 makirea i kau. \* Nau sertau i sie ini nakari-  
 ngihe ene, ute dimarisie i sie masahawu, dingan-  
 30 ngu natamaie su koae. \* Karna i Jesus nen  
 ta nasu su soa ene, kaiso i Sie kai su tampa  
 ene, suapang i Martha seng naningsomahe si  
 31 Sie. \* Nau sertau tau Jehudi ene ko ringange  
 suralungu wale, dingangu měmangibore si sie,  
 nakasilo, humoneu i Maria masahawu dimarisi  
 dingangu siměbang, ute timuhue i sire si sie,  
 dingangu něbisarae : I sie matamai sorong  
 32 kubure, tadeau i sie sumangi paisene. \* Nau  
 sertau i Maria nědatingu tampa ene, suapangi  
 Jesus ene, dingangu nakasilo si Sie, ute i sie  
 něsuba su tengongu laede, dingangu něberae  
 si Sie : O Mawu ! kiko i Kau seng ene sini, ute  
 33 mahuaneku tawe nate. \* Nau sertau i Jesus  
 nakasilo si sie kasangie, lai tau Jehudi ene, ko  
 seng dimenta ringangi Maria, kasangie, ute i  
 Sie kimanoae tumanie suralungu roch, dingan-  
 34 ngu nasusa suralungu batangenge ; \* dingangu  
 něberae : I sie niparalokangi kumu suapa ? I  
 sire simimbahe si Sie : O Mawu ! mahie dingan-  
 35 ngu kakellae ene. \* I Jesus simangie.  
 36 \* Woue tau Jehudi ene něbisarea : Kakellae,  
 37 kereapa i Sie seng kimendagi sie ene ! \* Teta-  
 pi manga taumata boutaloarangi sire nebisarae :  
 Ute i Sie ene, koseng namuka matangu tau-

- mata buta, tawo tongewe měkoa, tadeau i sie  
 38 ini tawe nate? \* Woue i Jesus kimanoae  
 kapia tumanie suralungu batangenge, dingan-  
 gu dimenta su kubur ene; tetapi kubure ene  
 kai liang senbau, dan su wowone seng katataka  
 39 u batu senbau. \* I Jesus něberae: Behoko  
 batu ene! Tetapi i Martha, bawinengu taumata  
 nate ene, něberae si Sie: O Mawu! seng pia  
 40 darurune, karna i sie seng ēpa u člo sini. \* I  
 † Jesus něberae si sie: Běgangu Ia seng něbera  
 si kau: kamagengi kau mangiman, ute i kau  
 41 sarung makasilo kawawantugu Ruata? \* Wo-  
 ue niwehoengi sire batu ene bou kuburu tau-  
 mata nate ene. Tetapi i Jesus timatingaraengu  
 matane sorong tarai dingangu něberae: O Ia-  
 mang! Ia mapatarimakaseh si Kau, sebab i Kau  
 42 seng dimaringihe si Sia. \* Tetapi Ia masingka,  
 humoneu i Kau sentinia dudaringihe si Sia;  
 tetapi waugu gapangu taumata ini, ko dudarisi  
 naliku sini, Ia seng něbera ini, tadeau i sire  
 mangiman, humoneu i Kau seng něndoi u Ia.  
 43 \* Nau sertau i Sie seng něberangu ene, ute i  
 † Sie někuie dingangu tingihe labo: E Lazarus,  
 44 mahie sěbang! \* Ute taumata nate ene  
 † siměbangke, mabawekise su limane dingangu  
 laede dingangu heka sapu, dan ghatine kai  
 mapapikungu lenso. I Jesus něberae si sire:  
 Lukako i sie, dingangu balae i sie patamai!  
 45 \* Woue mauli taumata boutaloarangu tau  
 Jehudi ene, ko seng dimenta su koa i Maria,  
 dingangu seng nakasilo, apang ko seng kinoa i  
 46 Jesus, nangimanke si Sie; \* tetapi manga  
 taumata bou i sire natamaie su koa u tau farisi,  
 dingangu nangulie si sire, apang ko seng  
 kinoa i Jesus.  
 47 Woue imam-imam dalabo dingangu tau farisi  
 nakikomolu landraad, dingangu něbisarae:

Apae haruse koatengi kite? karna Taumata  
 48 ini měkěkoa tanda-heran mauli. \* Kamagengi  
 Sie iwalangi kite kerene, ute i sire patiku  
 sarung mangiman si Sie; woue tau Romawi  
 sarung dumenta, dingangu mangala wanua  
 49 dingangu umati kite. \* Woue senkatau su-  
 taloarangi sire, enee i Kajafas, ko kai imam  
 labo su taun ene, něberae si sire: I kumu  
 50 běgangu apa-apa, \* lai i kumu ta nětimbang,  
 humoneu kai měberguna si kite, tadeau taumata  
 senkatau mate ganting umate, tadeau kumba-  
 51 han kalawo u umate mailang. \* Tetapi ini pině-  
 berane tawe bou batangenge sesane, kaiso  
 sedang i sie kai imam labo su taun ene, ute i  
 sie namituae, humoneu i Jesus sarung mate  
 52 ganting umate; \* dan tawe samatan ganting  
 umate ene, kaiso tadeau i Sie lai mangomolu  
 patiku ana u Ruata, ko někaliaese, mariadi  
 53 gapang senbau. \* Ute bou člo ene i sire ně-  
 gagigile kěbi-kěbi, tadeau i sire mamate si  
 54 Sie. \* Woue i Jesus seng tawe dimaleng lai  
 malahe sutaloarangu tau Jehudi ene, kaiso na-  
 tamai bou ene sorong wanua ene ko masandigu  
 kěhu, sorong soa senbau, ko arenge Efraim,  
 sewuhu natanae paisene dingangu manga  
 55 murite. \* Woue paska, ko hari-besar u tau  
 Jehudi kai masandige, dan mauli taumata bou  
 wanua ene na tarai sorong Jerusalem, horo u  
 paska ene, tadeau i sire manusi batangengi  
 56 sire. \* Woue i sire ene nědeae si Jesus, dinga-  
 ngu nahangkiwalo senkatau su senkatau,  
 sedang i sire dudarisi suralungu kaba: Apae  
 ěnangi kumu? minsang i Sie tawe sarung  
 57 dumenta su hari-besar ene? \* Tetapi imam-  
 imam dalabo dingangu tau farisi seng nango-  
 nggo u tita senbau, tadeau, kamagengu manga  
 senkatau masingka, suapa i Sie ene, haruse pě-

habaru ene, tadeau i sire wue maname si Sie.

## FATSAL XII.

- 1 Woue ēnungu ēlo horo u paska, i Jesus' dimentae su Bethanie, suapangi Lazarus ene, ko lēnau nate, ko seng niapē bangunge bou-
- 2 taloarangu taumata nate. \* Nau paisene i sire nanadiangu perdjamuan hēbi si Sie, dan i Martha kai mēsēsiliwire; tetapi i Lazarus kai senkatau bou i sire ene, ko kukaiang su meda
- 3 ringange. \* Woue i Maria nangalae sikati lana mawēngi kahengang, ko tumaniu maarega, dingangu nangapungu ene su laedi Jesus, sewuhu niemuengu utae laede ene; woue wale ene napeneengu darurungu lana mawēngi ene.
- 4 \* Tetapi senkatau bou manga murite, enee i Judas Iskariot, ana i Simon, ko mētulangi Sie,
- 5 nēberae: \* Punge apa lana mawēngi ene seng ta niwalu su argane tēlu hasu denare, dingan-
- 6 ngu ionggo su tau kasian? \* Tetapi enee binerane baline sebab i sie mētētahendung tau kasian, kaiso sebab i sie kai senkatau tahatako, dingangu mēmangumpaede patoka, dingangu
- 7 mēbēbawa, apang ko seng nionggo. \* Woue i Jesus nēberae: Pakawalae i sie; karna i sie seng nēndeso u ene su ēlongu panguburang si
- 8 Sia. \* Karna tau kasian sentinia ene dingangi kumu, tetapi Ia tawe sentinia dingangi kumu.
- 9 \* Nau sedang mauli tau Jehudi nakaringihe, humoneu i Sie kai paisene; ute i sire dimentae, balinebe samatan waugu i Jesus, kaiso lai tadeau i sire kumakella si Lazarus, ko seng niapēbangunge boutaloarangu taumata nate.
- 10 \* Woue imam-imam dalabo ene nēgagigile,
- 11 tadeau i sire lai mamate si Lazarus; \* karna

- mauli tau Jehudi natamai paisene waugu i sie  
ene, sewuhu nangimanke si Jesus.
- 12 Woue sedang senkamělone nikaringihu tau-  
mata mauli, ko seng dimenta su hari-besar ene,  
humoneu i Jesus dumenta sorong Jerusalem,
- 13 \* ute i sire nangalae dakalungu korma, ding-  
angu natamaie siměbang naningsomahe si Sie,  
dingangu něgioe : Hosanna ! bercate si Sie, ko  
dumenta suralungu arengu Mawu kaselahenge,
- 14 i Sie kai Ratungu tau Israel ! \* Tetapi i Jesus  
nakasombangke kalide manguda senbau, di-  
ngangu naiang suwowone, kere kabawohe :
- 15 \* Kumbahanbe mataku, ei anabawinengu  
Zion ! kakellako, Ratūnu dumenta, měmaiang
- 16 suwowong kalide manguda senbau. \* Tetapi  
himotonge manga murite ta nakaěna ene, kaiso  
tempongi Jesus seng niapakawantuge, ute i  
sire nakatahendum, humoneu enee seng  
binohe bou hale i Sie, dan humoneu i sire seng
- 17 někoa ene si Sie. \* Nau gapangu taumata  
ene, ko kai dingange něbersaksie, humoneu i  
Sie seng kimui si Lazarus bouralungu kubure ;  
dingangu seng napěbangungi sie boutaloara-
- 18 ngu taumata nate. \* Tagal ene lai mauli tau-  
mata natamaie naningsomahe si Sie, sedang i  
sire seng nakaringihe, humoneu i Sie seng ně-
- 19 koa tanda-heran ene. \* Woue tau farisi ene  
něbisarae sutaloarangi sire : Kakellae wue,  
humoneu i kumu man ta tumendang ; pěkakel-  
lako, kalawo u dunia tumuhu si Sie.
- 20 Nau pia manga taumata Iunani boutaloarangi  
sire ene, ko seng dimenta, tadeau i sire mě-
- 21 kaliomaneng tempongu hari-besar ene. \* Ute  
i sire ene himaungke si Filippus, ko bou  
Bethsaida su Galilea, dingangu nědorongke si  
sie, angkunge : E tuan ! i kami mapulu mětě-
- 22 hung si Jesus. \* I Filippus dimentae dinga-

- ngu nanguli u ene si Andreas, dan i Andreas  
dingangu i Filippus nanguli u ene si Jesus.  
 23 \* Tetapi i Jesus simimbahe si sire, angkunge :  
Orase ene seng nědating, tadeau Ahusu-tau-  
 24 mata sarung iapakawantuge. \* Tenga-ten-  
gade Ia manguli si kumu : kamagengu baki u  
gendom tawe inawo suralungu tana, sewuhu  
mate, ute ene natana bakie senbau samatan ;  
tetapi kamagengu ene mate, ute ene měběbua  
 25 mauli. \* I sai ko kumendagu pětatěmbiahé, i  
† sie ene sarung mailang ene ; dan i sai ko mě-  
binsi u pětatěmbiahé suralungu dunia ini, i sie  
ene sarung měpalihara ene su pětatěmbiahé  
 26 kakal. \* I sai ko mahamawu si Sia, i sie ene  
† tuhue si Sia ; dan suapang Ia ene, senee haruse  
ene lai paprentangku. Nau kamagengu ma-  
nга senkatau mahamawu si Sia, si sie ene  
 27 sarung hormatiangi Iamangku. \* Inie djiwa-  
ku kai masusa ; ute apae haruse Daku iwera ?  
O Iamang! liuko Ia bou orase ini ? Tetapi  
waugu sebab ene Ia seng dimenta su orase ini.  
 28 \* O Iamang ! pakawantugeko Arengu ! Ute  
dimentae tingihe senbau bouralungu Sorga,  
angkunge : Ia seng napakawantugu ene, dan  
Ia sarung měsau mapakawantugu ene.  
 29 \* Woue gapangu taumata ene, ko dudarisi  
sene, dingangu nakaringihe ene, něberae : Kai  
dělu ! Manga taumata waline něberae : Malai-  
 30 kat senbau seng něbisara si Sie. \* I Jesus  
simimbahe dingangu něberae : Tingihe ini  
seng nariadi waline waugu Ia, kaiso waugu i  
 31 kumu. \* Inie kai hukumangu dunia ini ; inie  
pangaha u dunia ini sarung irěme sulikude.  
 32 \* Woue kamagengu Ia sarung iapakarange  
† bou bumi, ute Ia sarung mamoleng si sire  
 33 patiku su koaku. \* (Tetapi ini piněberane,  
sarung manuladangu papate ene, kereapa i sie

- 34 sarung mate.) \* Simimbahe gapangu taumata  
 ene si Sie : I kami seng nakaringihe bouralun-  
 gu atorangu-tita, humoneu i Kristus matana  
 sarang kakal ; kereapawe i Kau nanguli, hu-  
 moneu Ahusu-taumata ene mambeng iapakara-  
 35 nge ? I saie kai Ahusu-taumata ene ? \* Woue  
 † i Jesus něberae si sire : Kate senkatempo man-  
 imbu Katatualage ene kai dingangi kumu ;  
 dalengke, sedang i kumu pia Katatualage ene,  
 tadeau kumbahan ko marěndung manaka si  
 kumu. I sai ko dumaleng suralungu ko marě-  
 ndung, i sie ene běga, sorong apa tamaiange.  
 36 \* Sedang i kumu pia Katatualage, ute pan-  
 gimangke su Katatualage ene, tadeau i kumu  
 mariadi wue ana-ana u Katatualage ene.  
 Enee niwerangi Jesus ; woue i sie natamaie  
 dingangu nětingkalempingu batangenge bou i  
 37 sire. \* Dan maning i Sie někoa tanda heran  
 mauli sutengongi sire, ute i sire man ta na-  
 38 ngiman si Sie ; \* hakiu maganape bawerangi  
 nabi Iesaias, ko seng binerane : O Mawu ! i  
 saie seng nangiman pangadjaran i kami ?  
 dan si saie takiahu Mawu kaselahenge niapa-  
 39 kalahe ? \* Tagal ene i sire tawotonge mangi-  
 40 man, sedang nipěberangi Iesaias kapia : \* I Sie  
 † seng napakabutangu matangi sire ; hakiu i sire  
 ta makasilongu matangi sire, dingangu ta ma-  
 kaěnangu naungi sire, dingangu mětobate,  
 41 tadeau Ia wue mapakaulengi sire. \* Enee  
 niwerangi Iesaias, tempongi sie nakasilo kawa-  
 wantugu Ruata, dingangu něbera bou hale i  
 42 Sie. \* Lai mauli taumata sutaloarangu těm-  
 bonang nangimanke si Sie ; tetapi waugu  
 sebab tau farisi, i sire tawe nangaku ene,  
 tadeau i sire kumbahan irěme bouralungu pě-  
 43 † kakomolange ; \* karna i sire seng kimendagu  
 hormatu taumata limembongu hormatu Ruata.

44 \* Woue i Jesus něhengke u tingihe, dingangu  
 něberae: I sai ko mangiman si Sia, i sie ene  
 tawe (samatan) mangiman si Sia, kaiso si Sie  
 45 ene, ko seng něndoi u Ia; \* dan i sai ko  
 makasilo si Sia, ute i sie makasilo si Sie ene, ko  
 46 seng něndoi u Ia. \* Ia kai katatualage ene,  
 † ko seng dimenta suralungu dunia, tadeau sen-  
 katau-senkatau, ko mangiman si Sia, kumba-  
 47 han matana suralungu ko marěndung. \* Dan  
 kamagengu manga senkatau seng nakaringihe  
 baweraku, dingangu ta nangiman, Ia tawe  
 měhukungi sie, karna Ia tawe dimenta, tadeau  
 Ia měhukungu dunia, kaiso tadeau Ia mapa-  
 48 kasalamatu dunia. \* I sai ko měnděme u Ia,  
 † dingangu tawe manarima u baweraku, ute i sie  
 pia enee, ko měhukungi sie su ělong-kasuenge.  
 49 \* Karna seng tawe Daku binera bou bata-  
 ngengku sesaku; kaiso i Iamang ene, ko seng  
 něndoi u Ia, i Sie ene seng nangonggo u tita  
 senbau si Sia, apang ko haruse Daku iuli di-  
 50 ngangu iwera. \* Dan Ia masingka, humoneu  
 titane kai pětatěmbiahe kakal. Nau apang ko  
 Daku iuli, enee Daku iuli kerene, kere i Iamang  
 seng nanguli si Sia.

## FATSAL XIII.

1 Woue horo u hari-besar paska, i Jesus masi-  
 ngka, humoneu orasé seng nědating, tadeau i  
 Sie mangaling bou dunia ini su koa i Iamang:  
 ute kere i Sie seng kimendagi sire ko tětagu-  
 anenge, ko ene suralungu dunia, kerene i Sie  
 2 kimendagi sire sarang kasuenge. \* Nau sertau  
 perdjamuan hěbi ene seng nasadia (sertau seng  
 nionggo u setan suralungu naungi Judas  
 Iskariot, ana i Simon, tadeau i Sie mětulangi  
 3 Sie), \* sedang i Jesus masingka, humoneu i

Iamang ene seng nangonggo u patiku perkara  
 suralungu limane, dan humoneu i Sie seng  
 simébang bou Ruata, dingangu mapule su koa  
 4 u Ruata, \* ute i Sie dimarisie bou perdjamuan  
 hēbi, dingangu nameloengu pakeange, sewuhu  
 nangala heka senpēdi, dingangu namegong  
 5 kaluwaenge; \* woue i Sie nanatungu ake  
 suralungu pasoh, dingangu nanetae nanguhase  
 laedu manga murite, dingangu niémuengu  
 6 heka ene, ko mapapegong si Sie. \* Ute i Sie  
 himaungke si Simon Petrus; tetapi i sie ene  
 nēberae si Sie: O Mawu! i Kau mapulu ma-  
 7 nguhase laedeku? \* I Jesus simimbahe di-  
 ngangu nēberae si sie: Apang ko Daku  
 koateng, inie i kau ta makaëna, tetapi samu-  
 8 rine i kau sarung makaëna ene. \* I Petrus  
 nēberae si Sie: Sarang kakal kumbahan i Kau  
 † manguhase laedeku! I Jesus simimbahe si  
 sie: Kamagengu Ia tawe manguhase si kau,  
 ute i kau ta makahombang bagian dingangku.  
 9 \* I Simon Petrus nēberae si Sie: O Mawu!  
 ariebe samatan laedeku, kaiso lai limaku di-  
 10 ngangu tēmboku! \* I Jesus nēberae si sie:  
 I sai ko seng nireno, i sie ene ta wahaluas-  
 uhaseng apa-apa, melainkan laede, karna i sie  
 kai susi kahenggang. Ute i kumu kai susi,  
 11 tetapi tawe i kumu patiku. \* Karna i Sie ma-  
 singka, i sai ko sarung mētulangi Sie; tagal  
 ene i Sie nēbera: Tawe i kumu patiku kai  
 12 susi. \* Nau sertau i Sie seng nanguhase  
 laedi sire, sewuhu sengnangala pakeange, ute i  
 Sie kimaiangke kasau su meda, dingangu nē-  
 berae si sire: Ute i kumu makaëna, apang ko  
 13 seng Daku kinoa si kumu? \* I kumu mēsēseb-  
 ba u Ia Guru dan Mawu; dan enee binerangi  
 14 kumu betule, karna Ia kai enee. \* Nau kama-  
 gengu Ia, ko kai Mawu dan Guru, seng nangu-

hase laedi kumu, ute i kumu lai haruse panguha-  
 15 se laedu senkatau su senkatau. \* KarnaIa seng  
     nangonggo u tulada senbau si kumu, tadeau  
     I kumu pěkoia kerene, kere Ia seng někoia si  
 16 kumu. \* Tenga-tengade Ia manguli si kumu :  
     senkatau člang tawe nangilembongu mawune,  
     lai senkatau daroi tawe nangilembongi sie ene,  
 17 ko seng něndoi i sie. \* Kamagengi kumu ma-  
     singka u hale ini, kasasalamate si kumu, kama-  
 18 gengi kumu měkoia ene. \* Ini tawe Daku bi-  
     nera bou i kumu patiku ; Ia masingka, i sai-sai  
     ko Daku pinile ; tetapi enee mariadi, tadeau  
     bawerangu Elkitab maganape : I sie ene, ko  
     kumang brote ringangku, seng něhengke u  
 19 pakele ilawan si Sie. \* Enee Daku iuli si  
     kumu, horo u ene mariadi, tadeau kamagengu  
     ene seng nariadi, i kumu mangiman, humoneu  
 20 Ia kai enee. \* Tenga-tengade Ia manguli si  
     † kumu : kamagengu Ia měndoi u manga senka-  
     tau, ute i sai ko manarima i sie, i sie ene  
     manarima u Ia ; dan i sai ko manarima u Ia, i  
     sie ene manarima i Sie, ko seng něndoi u Ia.  
 21 Sertau i Jesus seng něberangu ene, i Sie na-  
     susae suralungu Roch dingangu něsaksie,  
     angkunge : Tenga-tengade Ia manguli si ku-  
     mu, homoneu senkatau bou i kumu sarung mě-  
 22 tulangu Ia. \* Woue manga murite nětatěhu-  
     ngke senkatau su senkatau, dingangu něbim-  
 23 bang, minsang si saie piněberane ene. \* Tetapi  
     senkatau bou manga murite, ko ikěkendagi  
     Jesus, kukaiang nangunsade su rokongi Jesus.  
 24 \* Woue i Simon Petrus kimere si sie ene,  
     tadeau i sie makiwalo, minsang si saie piněbe-  
 25 rane ene. \* Ute i sie ene něndanie su rokongi  
     Jesus, dingangu nakiwaloe si Sie : O Mawu ! i  
 26 saie enee? \* I Jesus simimbahe : I sie ini kai  
     enee, si sai ko Daku onggolangu kang senka-

mohong ini, sewuhu Daku iuno ene. Nau  
sertau i Sie seng nangunongu kang senkamo-  
hong ene, ute nionggoe ene si Judas Iskariot.

27 ana i Simon. \* Nau sertau i sie ene seng  
nëndae kang senkamohong ene, ute setan simue  
suralungi sie. Woue i Jesus nëberae si sie:  
Apang ko ikapulunu koateng, koaete ene paka-  
liga. \* Tetapi takoae manga senkatau bou i  
sire ene, ko kukaiang su meda, nakaëna, sebab  
28 apa i Sie nëberangu ene si sie. \* Karna pira-  
ngkatau nangëna, sedang i Judas mëmangum-  
paede patoka, humoneu i Jesus nëbera si sie:  
Pëluangke apang ko kurang si kite su hari-  
besar ene; atou, tadeau i sie pangonggo u apa-  
30 apa su tau kasian. \* Nau sertau i sie seng  
† nëndae kang senkamohong ene, simëbangke  
i sie su orase ene. Ute kai hëbi.

31 Nau sertau i sie seng simëbang, ute i Jesus ne-  
berae: Inie Ahusu-taumata niapakawantuge,  
dan Ruata kai niapakawantuge suralungi Sie.

32 \* Kamagengu Ruata kai niapakawantuge sura-  
lungi Sie, ute Ruata lai sarung mapakawantugi  
Sie suralungu batangenge sesane, dan bou mën-  
tëhang ini Ruata sarung mapakawantugi Sie.

33 \* E ana-ana ko ikëkendage! kate senkatempo  
manimbu Ia ene dingangi kumu. I kumu sa-  
rung mëdea si Sia, dan kere seng Daku binera  
su tau Jehudi ene: Suapang ko Daku tamaiang,  
i kumu tawotonge makarenta; enee lai Daku

34 iuli si kumu inie. \* Tita senbau ko buhu  
† Daku ionggo si kumu, tadeau i kumu pëkaken-  
dage senkatau su senkatau, kere Ia seng kimen-  
dagi kumu, tadeau i kumu lai pëkakendage

35 senkatau su senkatau. \* Bou enee i sire patiku  
sarung makaëna, humoneu i kumu kai muritku,  
kamagengi kumu mëkakendage senkatau su

36 senkatau. \* I Simon Petrus nëberae si Sie: O

Mawu! sorong apa tamaiangu? I Jesus simimbahe si sie: Suapang ko Daku tamaiang, i kau inie tawotonge makatuhu si Sia; tetapi  
 37 samurine i kau sarung makatuhu si Sia. \* I Petrus nēberae si Sie: O Mawu! sebab apa inie ia tawotonge makatuhu si Kau? Ia mapulu manarakangu pētatembiaheku waugu i  
 38 Kau. \* I Jesus simimbahe si sie: Ute i Kau mapulu manarakangu pētatembiahu waugu Ia? Tenga-tengade Ia manguli si Kau; Manu nen ta kumuku, sarang i kau tēlu sule nēsunialu Ia.

## FATSAL XIV.

1 † Kumbahan naungi kumu dindenganeng; i kumu mangiman su Ruata, pangimanke lai si  
 2 Sia. \* Suralungu walengi Iamangku pia † tampa katatanakeng mauli; kamagengu tawe kerene, ute Ia seng nanguli u ene si kumu. Ia  
 3 matamai mēndiahingu tampa si kumu. \* Nau kamagengu Ia seng natamai, dingangu nēn- † diahingu tampa si kumu, ute Ia sarung dumenta kapia, dingangu mangala si kumu su koaku, tadeau i kumu lai kai sene wue, suapang Ia  
 4 ene. \* Nau suapang ko Daku tamaiang, i kumu masingka, lai daralengang ene i kumu  
 5 masingka. \* I Thomas nēberae si Sie: O Mawu! i kami bēga, sorong apa tamaiangu, dan kereapawe i kami botonge masingka u  
 6 daralengang ene? \* I Jesus nēberae si sie: Ia kai daralengang, dan kabenaran, dan pētatem- † biahe ene; takoae manga senkatau makarenta  
 7 su koa i Iamang ene, melainkan bou Ia. \* Ka- † magengi kumu makakirala si Sia, ute i kumu lai makakirala si Iamangku; dan bou mēntē- hang ini i kumu makakirala si Sie, dan seng  
 8 nakasilo si Sie. \* I Filippus nēberae si Sie: O

Mawu ! tuladako i Iamang ene si kami, ute  
 9 měketae si kami. \* I Jesus něberae si sie : E  
 Filippus ! kerene karengue Ia ene dingangi  
 kumu, ute i kau seng ta nakakirala si Sia ? I sai  
 ko seng nakasilo si Sia, i sie ene seng nakasilo  
 si Iamang ; kereapawe i kau měbera : Tulada-  
 10 ko i Iamang ene si kami ? \* Ute i kau ta mangi-  
 man, humoneu Ia kai suralungi Iamang ene,  
 dan i Iamang ene kai suralungu Ia ? Patiku  
 bawera, ko Daku binera si kumu, enee tawe  
 Daku binera bou batangengku sesaku ; kaiso i  
 Iamang ene, ko kai suralungu Ia, i Sie ene  
 11 měkěkoa patiku pěkakardjahang ene. \* Pang-  
 † manke si Sie, humoneu Ia kai suralungi Iamang,  
 dan i Iamang ene kai suralungu Ia; dan kama-  
 gengu tala, ute pangimanke si Sia waugu patiku  
 12 pěkakardjahang ene. \* Tenga-tengade Ia man-  
 † guli si kumu ; i sai ko mangiman si Sia, i sie ene  
 sarung měkoia pěkakardjahang ene ko Daku  
 kinoa, lai i sie sarung měkoia apang ko limem-  
 bongu ini : karna Ia matamai su koa i Iamang-  
 13 ku ; \* dan apang ko sarung pědorongangi  
 † kumu, suralungu Arengku, enee sarung Daku  
 koateng ; tadeau i Iamang ene iapakawantuge  
 14 † suralungu Ahuse. \* Kamagengi kumu sarung  
 mědorong apa-apa suralungu Arengku, enee  
 15 † sarung Daku koateng. \* Kamagengi kumu  
 16 kumendagu Ia, ute pěsempie tita-titaku ; \* dan  
 † Ia sarung mědorong si Iamang, ute i Sie sarung  
 mangonggo u Mangangibore waline si kumu,  
 tadeau i Sie ene matana dingangi kumu sarang  
 17 kakal ; \* mangalene Roch kabeanaran ene, ko  
 † dunia tawotonge makatarima, karna dunia ta  
 makasilo si Sie, dingangu ta makakirala si Sie ;  
 tetapi i kumu makakirala si Sie, karna i Sie  
 matana dingangi kumu, lai sarung ene sura-  
 18 † lungi kumu. \* Ia tawe maněntangi kumu kere

manga ana kasisi, Ia dumenta kapia su koa i  
 19 kumu. \* Kate senkatempo manimbu, ute dunia  
 sarung ta makasilo si Sia ; tetapi i kumu sarung  
 makasilo si Sia : karna Ia biahe, lai i kumu  
 20 sarung mēbiahe. \* Nau su ēlo ene i kumu  
 sarung makaēna, humoneu Ia kai suralungi  
 Iamangku, dan i kumu suralungu Ia, dan Ia  
 21 suralungi kumu. \* I sai ko pia tita-titaku,  
 dingangu mēsempi ene, i sie ene kukendagu  
 Ia ; dan i sai ko kukendagu Ia, i sie ene sarung  
 ikendagi Iamangku, lai Ia sarung kumendagi  
 sie, dan Ia sarung mapakalahe u batangengku  
 22 si sie. \* Woue i Judas, waline i Iskariot,  
 nēberae si Sie : O Mawu ! nakoa kereapa,  
 humoneu i Kau sarung mapakalahe u batan-  
 23 gengu si kami, dan tawe su dunia ? \* I Jesus  
 simimbahe dingangu nēberae si sie : I sai ko  
 † kumendagu Ia, i sie ene sarung mēsempi ba-  
 weraku ; dan i Iamangku sarung kumendagi  
 sie, dan i kami sarung dumenta su koae, din-  
 24 gangu matana dingange. \* I sai ko ta kumen-  
 † dagu Ia, i sie ene tawe mēsempi baweraku ; dan  
 bawera ene, ko nikaringihi kumu, enee tawe  
 Ia tataguange, kaiso i Iamang ene, ko seng  
 25 nēndoi u Ia. \* Enee seng Daku niuli si kumu,  
 26 sedang Ia kai ringangi kumu. \* Tetapi Man-  
 † gangibore ene, manga lene Roch limembong  
 susi, ko sarung iroi i Iamang ene suralungu  
 Arengku, i Sie ene sarung manintirongu patiku  
 ene si kumu, lai i Sie sarung mapētahendumg  
 patiku apang ko seng Daku niuli si kumu.  
 27 \*Ia manēntangu pēdarame si kumu, pēdarameku  
 † Daku iongo si kumu, tawe kere iongo u  
 dunia, Ia mangonggo u ene si kumu. Kumba-  
 han naungi kumu diudenganeng, dan kumba-  
 28 han mataku. \* I kumu seng nakaringihe,  
 humoneu seng Daku binera si kumu : Ia ma-

tamai paisene, sewuhu dumenta kapia su koa i kumu. Kiko i kumu kumendagu Ia, ute i kumu sarung mahuluase, sebab Ia seng nanguli : Ia matamai su koa i Iamang ; karna Iamangku 29 kai limembongu Ia. \* Dan inie Ia seng nanguli u ene si kumu, horo u ene mariadi, tadeau, kamagengu ene mariadi, i kumu mangiman 30 wue. \* Ia ta sarung mēbera lai mauli si kumu : karna pangaha u dunia ini dumenta, tetapi i sie 31 takoaē apa-apa si Sia ; \* tetapi tadeau dunia ene makaēna, humoneu Ia kukendagi Iamang ene, dingangu mēkēko, kere i Iamaṅ ene seng timanata si Sia : darisie, beite i kite matamai bou ini.

## FATSAL XV.

1 Ia kai pungu-anggor kahengang, dan Iamangku kai tataguangu tatanaman ene.  
 2 \* Patiku lelange, ko ta mēbua suralungu Ia, † enee alakenge iliu, tetapi patiku ene ko mēbua, enee taluahenge, tadeau ene mahēntinamba 3 mēbua. \* Inie i kumu kai susi waugu bawera 4 ene, ko seng Daku binera si kumu. \* Katanae † suralungu Ia, dan Ia suralungi kumu. Kere lelange ene tawotonge mēbua bou batangenge sesane, kamagengu ene tawe matana suralungu pungu-anggor ; kerene lai i kumu tawotonge. kamagengi kumu tawe matana suralungu Ia : 5 \* Ia kai pungu-anggor, dan i kumu kai lela- † lelange ; i sai ko matana suralungu Ia, dan Ia suralungi sie, i sie ene mēbua hape : karna sulikudu Ia i kumu tawotonge makakoa apa- 6 apa. \* I sai ko tawe matana suralungu Ia, i † sie ene irēme sulikude, kere lelange ene, ko mahegu ; dan enee komolang, dingangu irēme suralungu putung, dingangu iapakatutung.

- 7 \* Kamagengi kumu matana suralungu Ia, dan  
 † baweraku matana suralungi kumu, ute i kumu  
 sarung makapēdorong, apang ko ikapulungi  
 kumu, dan enee sarung ionggo si kumu.  
 8 \* Suralungu hale ene i Iamangku iapakawan-  
 † tuge, kamagengi kumu mēbua hape; ute i  
 kumu sarung mariadi muritku.  
 9† Keri i Iamang ene kukendagu Ia, kerene lai  
 Ia kumendagi kumu; pakatana suralungu  
 10 kakenda geku ini. \* Kamagengi kumu  
 mēsempi tita-titaku, ute i kumu sarung matana  
 suralungu kakendageku; kere Ia seng nēsempi  
 tita-titangi Iamangku, dingangu matana sura-  
 11 lungu kakendagé. \* Enee seng Daku binera si  
 † kumu, tadeau daliageku matana suralungi kumu,  
 dan tadeau daliagi kumu sarung iapakasuku.  
 12 \* Ini kai titaku, tadeau i kumu pēkakendage  
 † senkatau su senkatau, kere Ia kumendagi  
 13 kumu. \* Takoae manga senkatau pia kaken-  
 † dage limembongu ini, humoneu i sie manara-  
 kangu pētatembiahe gantingu gawe-gawene.  
 14† \* I kumu kai gawe-gaweku, kamagengi kumu  
 15 mēko a apang ko Daku ioro si kumu. \* Ia  
 tawe lai mēsebba i kumu ēlang: karna ēlang  
 bēgangu apang ko koatengu mawune, kaiso Ia  
 mēsebba i kumu gawe-gawe: karna patiku ene,  
 ko Daku kinaringihe bou i Iamangku, enee seng  
 16 Daku nihabare si kumu. \* I kumu seng tawe  
 † namile si Sia, kaiso Ia seng namile si kumu,  
 dingangu nanantu, tadeau i kumu matamai,  
 dingangu mēbua, dan tadeau buangi kumu  
 matana; tadeau apaṅg ko dorongangi kumu si  
 Iamang suralungu Arengku, enee ionggoe si  
 17 kumu. \* Enee Daku ioro si kumu, tadeau i  
 kumu pēkakendage senkatau su senkatau.  
 18† Kamagengi dunia mēbinsi i kumu, ute kasi-  
 ngkae, humoneu dunia seng nēbinsi u Ia horo i

- 19 kumu. \* Kiko i kumu ene bou dunia, ute  
 † dunia sarung kumindagu apang ko tētaguane-  
 nge; tetapi sedang i kumu tawe bou dunia,  
 kaiso Ia seng namile si kumu bouralungu dunia,  
 20 tagal ene dunia mēbinsi i kumu. \* Pētahen-  
 † dungke bawera ene, ko seng Daku binera si  
 kumu : Elang tawe limembongu mawune.  
 Kamagengi sire seng nēbawatu si Sia, ute i  
 sire lai sarung mēbawatu si kumu ; kamage-  
 ngi sire seng nēsempi baweraku, ute i sire lai  
 21 sarung mēsempi bawerangi kumu. \* Tetapi i  
 sire sarung mēko a patiku perkara ini si kumu,  
 sebab i sire tawe makakirala si Sie, ko seng  
 22 nēndoi u Ia. \* Kiko Ia seng ta dimenta  
 dingangu nēbera si sire, ute takoae dosa si  
 sire; tetapi inie i sire takoae apa-apa sarung  
 23 † makataka dosangi sire. \* I sai ko mēbinsi u  
 24 Ia, i sie ene lai mēbinsi i Iamangku. \* Kiko Ia  
 seng tawe mēko a patiku pēkakardjahang ene  
 sutaloarangi sire, ko ta ikakoa u manga senka-  
 tau waline, ute takoae dosa si sire; tetapi inie  
 i sire seng nakasilo ene, dan lai mēbēbinsi i  
 25 kami dua, Ia dingangu i Iamangku. \* Tetapi  
 kerene maganape bawera ene, ko kai kabawohe  
 suralungu atorangu-titangi sire : I sire  
 seng, nēbinsi u Ia, takoae manga sebabpee.  
 26 \* Tetapi kamagengu Mangangibore ene sarung  
 † dumenta, ko sarung Daku iroi bou i Iamang su  
 koa i kumu, mangalene Roch kabenaran ene,  
 ko sumēbang bou i Iamang, ute i Sie ene  
 27 sarung mēsaksingu Ia. \* Dan i kumu lai  
 † sarung mēsaksi, karna i kumu kai ringangku  
 bou tētae.

## FATSAL XVI.

- 1 Enee seng Daku binera si kumu, tadeau i kumu  
 2 kumbahan masaki naung. \* Karna i sire  
 † sarung měnděme i kumu bouralungu pěkakomo-  
 lange ; ore orase ene dumenta, humoneu  
 senkatau-senkatau ko mamate si kumu, sarung  
 mangěna, humoneu i sie kerene mahamawu su  
 3 Ruata. \* Ute enee sarung koatengi sire si  
 † kumu, sebab i sire ta makakirala si Iamang  
 4 dingangu si Sia. \* Tetapi enee seng Daku  
 binera si kumu, tadeau, kamagengu orase ene  
 dumenta, i kumu makatahendung, humoneu  
 enee seng Daku binera si kumu. Tetapi enee  
 seng ta Daku binera si kumu bou tetae, sebab  
 Ia kai ringangi kumu.  
 5 Tetapi inie Ia matamai su koa i Sie ene, ko  
 seng něndoi u Ia, ute takoae manga senkatau  
 sutaloarangi kumu makiwalo si Sia : I Kau  
 6 matamai sorong apa ? \* kaiso sebab Ia seng na-  
 nguli u ene si kumu, ute kasasusa seng namene  
 7 naungi kumu. \* Tetapi Ia manguli u kabena-  
 † ran si kumu : enee měberguna si kumu, humo-  
 neu Ia matamai paisene ; karna kamagengu Ia  
 ta matamai paisene, ute Mangangibore ene  
 tawe dumenta su koa i kumu ; tetapi kamage-  
 ngu Ia matamai paisene, ute Ia sarung měndoi  
 8 i Sie su koa i kumu. \* Nau kamagengi Sie  
 † ene dumenta, ute i Sie sarung manengkule  
 dunia bou dosa, bou karaadile, dan bou huku-  
 9† man ; \* bou dosa ene, sebab i sire ta mangi-  
 10 man si Sia ; \* bou karaadile ene, sebab Ia  
 † matamai su koa i Iamang, ute i kumu ta sarung  
 11† makasilo lai si Sia ; \* dan bou hukuman ene,  
 sebab pangaha u dunia ini seng nihukung.  
 12 \* Pia lai perkara mauli, ko haruse Daku iwera  
 si kumu, tetapi inie i kumu tawotonge makatang-

- 13 gung ene. \* Tetapi kamagengi Sie ene  
 † dumenta, mangalene Roch kabenaran, i Sie ene  
 sarung mangaha i kumu suralungu patiku  
 kabenaran; karna i Sie tawe sarung manguli  
 bou batangenge sesane, kaiso apang ko i Sie  
 seng nakaringihe, enee sarung iulie, dan apang  
 ko sarung mariadi, enee sarung ihabari Sie si  
 14 kumu. \* I sie ene sarung mapakawantugu  
 † Ia, karna i Sie sarung mangala ene bou tē-  
 taguanengku, dingangu mēhabaru ene si kumu.  
 15 \* Patiku apang ko tētaguanengi Iamang, enee  
 † Ia tataguange; tagal ene seng Daku binera,  
 humoneu i Sie sarung mangala ene bou tē-  
 taguanengku, dingangu mēhabaru ene si  
 kumu.  
 16 Kate senkatempo manimbu, ute i kumu ta  
 sarung makasilo si Sia; dan mēsau senkatempo  
 manimbu, ute i kumu sarung makasilo si Sia:  
 17 karna Ia matamai su koa i Iamang. \* Woue  
 pirangkatau boutaloarangu manga murite  
 nēbisarae senkatau su senkatau: Apae ma-  
 ngalengu ene, ko niulie si kite: Kate senka-  
 tempo manimbu, ute i kumu ta sarung maka-  
 silo si Sia; dan mēsau senkatempo manimbu,  
 ute i kumu sarung makasilo si Sia; lai: Karna  
 18 Ia matamai su koa i Iamang? \* Ute i sire  
 nēberae: Apae mangalengu ene: ko niulie:  
 Senkatempo manimbu? i kite bēgangu apang  
 19 ko niulie. \* Nau sedang i Jesus nakaēna,  
 humoneu i sire mapulu makiwalo si Sie, ute i  
 Sie nēberae si sire: Ute i kumu mahangkiwalo  
 senkatau su senkatau, sebab seng Daku binera:  
 Kate senkatempo manimbu, ute i kumu ta  
 sarung makasilo si Sia; dan mēsau senkatempo  
 manimbu, ute i kumu sarung makasilo si Sia?  
 20 \* Tenga-tengade, Ia manguli si kumu; hun-  
 oneu i kumu sarung sumangi dingangu mēpaung-

- guang, tetapi dunia ene sarung mahuliage ;  
 tetapi i kumu sarung masusa ; tetapi kasasusangi  
 21 kumu sarung mariadi daliage. \* Senkatau  
 bawine, kamagengi sie měhana, makapundang  
 kasasusa, sebab orasé seng dimenta ; tetapi  
 kamagengi sie seng něhana u ana ene, ute i sie  
 tawe lai mětahendung kasasusa ene waugu  
 daliage ene. humoneu taumata senkatau seng  
 22 pinahana su dunia. \* Ute inie i kumu lai  
 † makapundang kasasusa ; tetapi Ia sarung  
 makasilo si kumu kapia, dan naungi kumu  
 sarung lumiage, dan takoae manga senkatau  
 sarung mangala daliage ene bou i kumu.  
 23 \* Ute su ēlo ene i kumu ta sarung mahaungki-  
 † walongu apa-apa si Sia.  
 Tenga-tengade, Ia manguli si kumu : Patiku  
 apang ko dorongangi kumu bou i Iamang  
 suralungu Arengku, enee sarung ionggoe si  
 24 kumu. \* Sarang inie i kumu neu ta nědorong  
 † apa-apa suralungu Arengku ! Pěedorongke, ute  
 i kumu sarung makatarima, tadeau daliagi  
 25 kumu iapakasuku. \* Enee seng Daku binera  
 si kumu dingangu manga pinintu ; tetapi  
 orase ene dumenta, suapang Ia tawe lai  
 sarung měbera si kumu dingangu manga  
 pinintu, kaiso sarung měhabare malahe si kumu  
 26 bou i Iamang ene. \* Su ēlo ene i kumu  
 sarung mědorong suralungu Arengku ; dan Ia  
 tawe manguli si kumu, humoneu Ia sarung  
 27 mědorong si Iamang waugu i kumu : \* karna  
 Iamang sesane makendagi kumu, sebab i  
 kumu kumendagu Ia, dingangu mangiman,  
 28 humoneu Ia seng siměbang bou Ruata. \* Ia  
 seng siměbang bou i Iamang dingangu dimenta  
 suralungu dunia ; měsau Ia manentangu dunia,  
 29 dingangu matamai su koa i Iamang. \* Woue  
 manga murite něberae si Sie : Kakellae, inie i

Kau nēbera malahe, dingangu tawe nangufi u  
 30 pinintu; \* inie i kami masingka humoneu i  
 Kau masingka u patiku perkara, dingangu ta  
 wahaluasu, tadeau manga senkatau makiwalo  
 si Kau. Sebab ene i kami mangiman, humo-  
 31 neu i Kau seng simēbang bou Ruata. \* I  
 Jesus simimbahe si sire: Ute inie i kumu  
 32 mangiman? \* Panginate, orase ene dumen-  
 ta, dan inie seng nēdating, suapangi kumu  
 sarung mēkaliaese, senkatau-senkatau su koae  
 sesane, haku i kumu sarung manentangu Ia  
 sesaku; tetapi Ia tawe sesaku, karna Iamang  
 33 ene kai ringangku. \* Enee seng Daku binera  
 si kumu, tadeau i kumu managuang pēdarame  
 suralungu Ia. Suralungu dunia ini i kumu  
 sarung makahombang kasasusa; tetapi paka-  
 luase, Ia seng nakawata u dunia.

## FATSAL XVII.

1 Enee binerangi Jesus, dingangu timatingarae-  
 † ngu matane sorong langi, dingangu nēberae:  
 O Iamang! orase ene seng nēdating, apaka-  
 wantuge Ahusu, tadeau lai Ahusu mapaka-  
 2 wantugi Kau. \* Kere i Kau seng nangonggo  
 † u kawasa si Sie suwowong patiku daging, ta-  
 deau i Sie mangonggo u pētatembiahe kakal  
 si sire patiku, ko seng nionggo u si Sie.  
 3 \* Ute enee kai pētatembiahe kakal, tadeau i  
 sire makakirala si Kau, ko kai Ruata mansen-  
 bau ko benar kahenggang, dingangu si Jesus  
 4 Kristus, ko seng nirci u. \* Ia seng napaka-  
 † wantugi Kau suwowong bumi; Ia seng nēng-  
 ganape pēkakardjahang ene, ko seng niong-  
 5 go u pakikoa si Sia; \* ute inie, o Iamang!  
 † apakawantuge Ia su koa u sesanu, dingangu

kawawantuge ene, ko Ia seng měmanaguang  
 6 su koau horo u karariadingu dunia. \* Ia seng  
 † napakalahe u Arengu su taumata ene, ko seng  
 nionggo u si Sia bouralungu dunia. I sire ene  
 kai tētaguanengu, dan i Kau seng nangonggo  
 i sire si Sia; dan i sire seng nēsempi baweranu.  
 7 \* Inie i sire seng nakaěna, humoneu patiku  
 † apang ko seng nionggo u si Sia, enee kai bou  
 8 i Kau. \* Karna bawera ene, ko seng nionggo  
 † u si Sia, enee seng Daku nionggo si sire, dan i  
 sire seng nanarima u ene, dingangu nakaěna  
 kahengang, humoneu Ia seng siměbang bou i  
 Kau, dan i sire nangiman, humoneu i Kau seng  
 9 něndoi u Ia. \* Ia mědorong waugu i sire ene;  
 † Ia tawe mědorong waugu dunia, kaiso waugu  
 i sire ene, ko seng nionggou si Sia, karna i sire  
 10 ene kai tētaguanengu. \* Dan patiku apang  
 † ko tētaguanengku, enee kai tētaguanengu, dan  
 apang ko tētaguanengu, enee kai tētaguanen-  
 ngku; dan Ia nipakawantuge suralungi sire.  
 11 \* Ia tawe lai suralungu dunia, tetapi i sire ene  
 † kai suralungu dunia, dan Ia dumenta su koa u.  
 O Iamang ko limembong susi! tintanudeko i  
 sire suralungu Arengu, i sire ene ko seng nio-  
 nggo u si Sia, tadeau i sire kai mansenbau,  
 12 kere i Kite. \* Tempo Ia kai ringangi sire su-  
 † ralungu dunia, ute Ia seng nanintanude si sire su-  
 ralungu Arengu. I sire ene ko seng nionggo u si  
 Sia, seng Daku nitanudang, dan takoae manga  
 senkatau bou i sire ene seng nailang, melainkan  
 ana u kawawinasa ene, tadeau bawerangu  
 13 Elkitab maganape. \* Tetapi inie Ia dumenta  
 † su koa u, dingangu něberangu ini suralungu  
 dunia, tadeau i sire managuang daliageku ma-  
 14 suku suralungu batangengi sire. \* Ia seng  
 † nangonggo u baweranu si sire; woue i sire  
 ene ipěběbinsi u dunia, sebab i sire tawe bou

15 dunia, kere lai Ia tawe bou dunia. \* Ia tawe  
 † mědorong, tadeau i Kau mangala si sire bou-  
 ralungu dunia, kaiso tadeau i Kau panintanude  
 16 si sire maliungu daralai ene. \* I sire ene tawe  
 17 † bou dunia, kere lai Ia tawe bou dunia. \* Pa-  
 kasusiko i sire suralungu kabeneranggu; ba-  
 18 weranu ene kai kabeneran. \* Kere i Kau seng  
 † něndoi u Ia suralungu dunia, kerene lai Ia  
 19 měndoi i sire suralungu dunia. \* Ia manaraka-  
 † ngu batangengku susi waugu i sire, tadeau  
 lai i sire iapakasusi suralungu kabeneran.  
 20 Tetapi Ia tawe mědorong samatan waugu i  
 † sire ini, kaiso lai waugu i sire ene, ko sarung  
 21 mangiman si Sia bou bawerangi sire; \* ta-  
 † deau i sire patiku kai mansenbau, kere i Kau.  
 o Iamang! suralungu Ia, dan Ia suralungi Kau:  
 tadeau lai i sire kai mansenbau suralungi Kite;  
 tadeau dunia mangiman, humoneu i Kau seng  
 22 něndoi u Ia. \* Dan Ia seng naunggong si sire  
 † kawawantuge ene, ko seng nionggo u si Sia,  
 tadeau i sire kai mansenbau, kere i Kite kai  
 23 mansenbau; \* Ia suralungi sire, dan i Kau  
 † suralungu Ia; tadeau i sire kai mansenbau  
 masuku-suku, dan tadeau dunia makaěna, hu-  
 moneu i Kau seng něndoi u Ia, dingangu ku-  
 mendagi sire ene, kere i Kau makendagu Ia.  
 24 \* O Iamang! Ia mapulu, tadeau i sire ene, ko  
 † seng niouggoo u si Sia, lai matatana ringangku,  
 suapang Ia ene; tadeau i sire makasilo kawa-  
 wantugeku, ko seng nionggo u si Sia; karna i  
 Kau seng kimendagu Ia horo u karariadingu  
 25 dunia. \* O Iamang ko adil! dunia ini seng  
 tawe nakakirala si Kau; tetapi Ia seng naka-  
 kirala si Kau, dan i sire ini seng nakaěna,  
 26 humoneu i Kau seng něndoi u Ia. \* Ute Ia  
 † seng napakalahe u Arengu si sire, dan sarung  
 mapakalahe u ene; tadeau kakendage ene, di-

ngangu ko apangi Kau seng kimendagu Ia,  
kai suralungi sire, dan Ia suralungi sire.

### FATSAL XVIII.

- 1 Nau sertau i Jesus seng něberangu ene, ute i Sie siměbangke dingangu manga murite limiu salu u Kedron ; nau paisene pia darukutang senbau, suapangi Sie simue dingangu manga murite. \* Tetapi i Judas Iskariot, ko nětulangi Sie, lai masingka u tampa ene, sedang i Jesus dingangu manga murite seng masau někomole paisene. \* Nau sertau i Judas seng namaringangu wuntungu suldato, dingangu manga paprentangu imam-imam dalabo dingangu tau farisi, dimentae i sie paisene, něbawa lanteralantera, lautu-lautu, dingangu nahia u aghide.
- 4 \* Nau sedang I Jesus masingka u patiku apang  
† ko sarung dumenta suwowongi Sie, ute i Sie siměbangke, dingangu něberae si sire : I saie  
5 rědeakengi kumu ? \* I sire simimbahe si Sie : I Jesus bou Nazareth ! I Jesus něberae si sire : Ia kai i Sie ene ! Tetapi i Judas, ko nětulangi Sie, dudarisi lai ringangi sire ene. \* Nau ser  
† tau i Sie nanguli si sire : Ia kai i Sie ene ! ute i sire nanohoe sorong likude, dingangu nahaka
- 7 su tana. \* Woue i Sie nakiwaloe kapia si sire : I saie rědeakengi kumu ? ute i sire simimbahe :
- 8 I Jesus bou Nazareth ! \* I Jesus simimbahe : Ia seng nanguli si kumu, humoneu Ia kai i Sie ene ; nau kamagengi kumu mědea si Sia, ute
- 9 walae i sire ini patamai. \* Tadeau maganape bawera ene, ko seng piněberane : Ia seng ta nangilang, manga senkatau bou i sire ene, ko
- 10 seng niongan u si Sia. \* Tetapi i Simon Petrus, ko dingangu wara senbau, nanawue ene, sewuhu namilie ēlangu imam labo, dingangu nasahing tuline kuaneng ; nau arengu

- 11 ēlang ene kai i Malchus. \* Woue i Jesus  
 † nēberae si Petrus: Tahoe wara u su homane!  
 Ute Ia tawe sarung manginung panganginu-  
 mang ene, ko seng nionggo i Iamang si Sia?
- 12 Woue wuntungu suldado ene, dingangu  
 tēmbonangu-sihiwu, dingangu manga papren-  
 tangu tau Jehudi nanamee si Jesus, dingangu
- 13 nēhapuse si Sie, \* sewuhu nangentudi Sie  
 horo su koa i Annas: karna i sie ene kai i ja-  
 mangu kawingi Kajafas, ko imam labo su taun
- 14 ene. \* Nau i Kajafas kai i sie ene, ko seng  
 nanegu su tau Jehudi, humoneu kai mēber-  
 guna, tadeau taumata senkatau pateng ganti-
- 15 ngu umate. \* Tetapi i Simon Petrus timuhue  
 si Jesus, dingangu senkentau murit ko waline.  
 Nau murit ene kai nahangkiralangu imam labo  
 ene, ute i sie ene simue dingangi Jesus sura-  
 lungu gandariangu walengu imam labo ene.
- 16 \* Tetapi i Petrus dudarisi sulikude su tengo-  
 ngu ngara. Woue murit ko waline ene, ko  
 nahangkiralangu iman labo, simēbangke di-  
 ngangu nēbisarae su bawine ene, ko mēluhapa
- 17 ngara, sewuhu napasuengi Petrus. \* Woue  
 ēlang bawine ene, ko mēluhapa ngara, nēberae  
 si Petrus: Bēgangu i kau Iai boutaloarangu  
 manga muritu Taumata ini? I sie simimbahe:
- 18 Ia tala. \* Tetapi manga ēlang dingangu ma-  
 nga paprentang ene dudarisi sene, sedang i  
 sire seng nēndiko u putung su woheng, dingan-  
 gu mēndundarangu batangengi sire, karna kai  
 matahēnuge. Lai i Petrus dudarisi dingangi  
 sire, dingangu mēndundarangu batangenge.
- 19 \* Tetapi imam labo ene nakiwaloe si Jesus bou  
 20 manga murite, dan bou tentirone. \* I Jesus  
 simimbahe si sie: Ia seng nēberangu malahe-  
 lahe su dunia; Ia seng nanentiro sentinia tem-  
 po suralungu gaheda dingangu suralungu

- kaba, suapang tau Jehudi měkěkomole bou  
 patiku tampa; Ia seng tawe něbera apa-apa  
 21 suralungu penise; \* sebab apa i kau makiwalo  
 si Sia? pakiwaloe si sire ene, ko seng nědari-  
 ngihe apang ko seng Daku binera si sire; ka-  
 kellae, i sire ene masingka u apang ko seng  
 22 Daku binera. \* Nau sedang i Sie něberangu  
 ene, ute senkatau bou manga paprentang ene,  
 ko dudarisi sene, namerue si Jesus, dingangu  
 něberae: Ko kerene i Kau simimbahe su imam  
 23 labo? \* I Jesus simimbahe si sie: Kamagengu  
 Ia seng něberangu salage, ute tuladako salage  
 ene; tetapi kamagengu Ia seng něbera betulee,  
 24 sebab apa i kau mameru si Sia? \* (Tetapi i  
 Annas seng něndoi i Sie malahapuse su koa i  
 25 Kajafas, ko imam labo.) \* Nau i Simon Petrus  
 dudarisi dingangu měndundarangu batangenge.  
 Woue i sire němpěbisarae si sie: Běgangu i  
 kau lai boutaloarangu manga murite? Tetapi i  
 sie něsunialu ene, dingangu něberae: Ia tala.  
 26 \* Woue senkatau bou manga ělangu imam labo  
 ko mětětinggé i sie ene, ko tuline seng nisa-  
 hingi Petrus, něberae: Běgangu ia seng naka-  
 silo si kau ringangi Sie suralungu darukutang  
 27 ene? \* Tetapi i Petrus něsau něsunialu ene.  
 Ute su tempo ene manu kimukue.  
 28 Woue i sire nangentudi Jesus bou koa i Kajafas  
 sorong walengu pělahukunang. Nau kai ma-  
 lukade. Tetapi i sire ene tawe simu suralungu  
 walengu pělahukunang, tadeau i sire kumba-  
 han makotore, kaiso tadeau i sire botonge ma-  
 29 kakang paska. \* Woue i Pilatus siměbangke  
 su koa i sire, dingangu něberae: Kalake apa  
 binawa i kumu ilawan Taumata ini? I sire  
 30 simimbahe dingangu něberae si sie: \* Kiko i Sie  
 ini tawe senkatau tahapěhoa-dalai, ute i kami  
 31 tawe manarakangi Sie si kau. \* Woue i

Pilatus nēbera si sire: Alaengi kumu i Sie, dingangu hukungke i Sie ituhu atorangu-titangi kumu. Tetapi tau Jehudi ene nēberae si sie: I kami takoaē kawasa mamate manga 32 senkatau. \* Tadeau maganape bawerangi Jesus, ko seng pinēberane, sarung mēmanula-dangu papate ene, kereapangi Sie sarung mate.

33 \* Woue i Pilatus simue kapia suralungu walengu pēlahukunang, dingangu nēkui si Jesus, dingangu uēberae si Sie: Ute i Kau kai ra-34 tungu tau Jehudi? \* I Jesus simimbahe si sie: Ute i kau mēberangu ene bou batangengu sesanu, atou pia manga taumata waline, ko 35 seng nanguli u ene si kau bou Ia? \* I Pilatus simimbahe: Nue ia kai senkatau Jehudi? umatu dingangu imam-imam dalabo seng na-36 narakangi Kau si sia; apae seng kinoa u? \* I † Jesus simimbahe: Karadjaanku baline bou dunia ini. Kiko karadjaanku bou dunia ini, ute paprentang-paprentangku sarung mēseke, tadeau Ia kumbahan isarakang su tau Jehudi; 37 tetapi inie karadjaanku baline bou ini. \* Woue † i Pilatus nēberae si Sie: Ute i Kau kai senkatau Ratu? I Jesus simimbahe: Kere bineranu, Ia kai senkatau Ratu. Su hale ene Ia seng pinahana, dan su hale ene Ia seng dimenta suralungu dunia, tadeau Ia mēsaksiñgu kabeanaran. Senkatau-senkatau ko kai bouralungu kabeanaran, i sie ene mēdaringihe tingihedu.

38 \* I Pilatus nēberae si Sie: Apae kabeanaran! Nau sedang i sie seng nēberangu ene, simēbangke i sie kapia su koa u tau Jehudi ene, dingangu nēberae si sire: Ia ta nakahombang 39 salage si Sie. \* Tetapi kai biasa senbau si kumu, tadeau ia mēleso u manga senkatau si kumu su ēlong-paska. Ute i kumu mapulu, tadeau ia mēleso u Ratungu tau Jehudi si

40 kumu? \* Woue i sire patiku něsau senkagio, angkunge: Kumbahan i Sie ini, kaiso i Barabbas! Tetapi i Barabbas kai senkatau tahapate.

### FATSAL XIX.

1† Tempo ene i Pilatus nangala si Jesus, dingang  
2 ngu nipakipukule i Sie. \* Woue manga sul-  
† dado ene nělawungkengu makota-wulanta sen-  
bau, sewuhu nětaho u ene su těmboe, dingangu  
3 něloho u laku mahamu si Sie, \* dingangu  
† něberae: Tabea, ei Ratungu tau Jehudi!  
Woue i sire němpamerue si Sie.

4 Woue i Pilatus siměbangke kasau sulikude,  
† dingangu něberae si sire: Kakellae, ia měbawa  
si Sie niapasěbang su koa i kumu, tadeau i  
kumu masingka, humoneu ia ta nakahombang  
5 salage si Sie. \* Ute i Jesus siměbangke suli-  
† kude, měpěpake u makotawulanta dingangu  
laku mahamu ene. Ute i Pilatus něberae si  
6 sire: Kakellako Taumata ini! \* Nau sedang i  
Sie nikasilongu imam-imam dalabo dingangu  
manga paprentang ene, ute něgioe i sire, ang-  
kunge: Gantongke, gantongke i Sie su kalu  
kruis! I Pilatus něberae si sire: Alaengi kumu  
i Sie dingangu gantongke i Sie su kalu kruis;  
7 karna ia ta nakahombang salage si Sie. \* Tau  
Jehudi ene simimbahe si sie: Pia tita senbau si  
kami, ute ituhu titangi kami ini i Sie mambeng  
pateng; karna i Sie seng něndui u batangenge  
8 Ahusu Ruata. \* Nau sedang i Pilatus nakari-  
ngihe bawera ini, ute nahuntinambaengu ka-  
9 tatakue; \* woue i sie simue kasau suralungu  
walengu pělahukunang, dingangu něberae si  
Jesus: I Kau ene bou apa? Tetapi i Jesus  
10 ta simimbahe si sie. \* Woue i Pilatus něberae

- si Sie : Ute i Kau ta manguli si sia ? ute i Kau  
 bēga, humoneu ia kai kawasa makigantongi  
 Kau su kalu kruis, lai ia kai kawasa mēliungi  
 11 Kau ? \* I Jesus simimbahe : I kau takoae  
 kawasa si Sia, kamagengu ene ta nionggo si  
 kau bou rasi ; tagal ene, taumata ene, ko seng  
 nanarakangu Ia si kau, nēberdosa limembong  
 12 labo. \* Bou tempo ene i Pilatus nēdeae mēliungi  
 Sie ; tetapi tau Jehudi ene nēgioe, angku-  
 nge : Kamagengi kau mēliungi Sie ini, ute i  
 kaue tawe gawengi kaisar ; karna i sai ko  
 mēndui u batengenge ratu, i sie ene lumawan  
 13 si kaisar. \* Nau sedang i Pilatus nakaringihe  
 bawera ene, ute i sie nēbawae si Jesus niapasē-  
 bang sulikude, sewuhu kimaiangke su kaderan-  
 gu-hakim, su tampa ene, ko isēsebba Litho-  
 strotes, dan su bahasang Ibrani Gabbatha.  
 14 \* Tetapi ēlo ene kai ēlong-pēndariahiangu  
 paska, dan kai masandigu orase kaēnunge ;  
 woue i sie nēberae su tau Jehudi ene : Kakel-  
 15 lako Ratungi kumu ! \* Tetapi i sire nēgioe :  
 Behoe, behoe, gantongke i Sie su kalu kruis :  
 I Pilatus nēberae si sire : Ute i kumu mapulu,  
 tadeau ia makigantongu Ratungi kumu su  
 kalu kruis ? Simimbahe imam-imam dalabo :  
 16 I kami takoae ratu, melainkan i kaisar. \* Nau  
 su tempo ene i Pilatus nanarakangi Sie si sire,  
 tadeau i Sie pakigantong su kalu kruis. Woue  
 i sire nangalae si Jesus dingangu nangentudengi  
 Sie niapasēbang.  
 17 Nau i Sie namasangke kalu-kruisé, dingangu  
 † simēbangke sorong tampa u darang-tembo, ko  
 18 isēsebba su bahasang Ibrani Golgotha ; \* senee  
 † i sire nēnggantong si Sie su kalu-kruis, lai  
 ruangkatau waline ringange su ruang beka,  
 19 ute i Jesus sutaloarane. \* Woue i Pilatus lai  
 † namoheengu sarakange senbau, dingangu nipa-

- kirekae ene su kalu-kruis; ute kai binohe sene :  
 I Jesus bou Nazareth, Ratungu tau Jehudi.
- 20 \* Nau mauli taumata Jehudi nēbasangu sarakange ene, karna tampa ene, suapangi Jesus nigantong su kalu-kruis, kai masandigu soa ; dan enee kai binohe su bahasang Ibrani, su bahasang Iunani, dan su bahasang Romawi.
- 21 \* Woue imam-imam dalabo bou tau Jehudi nēbisarae si Pilatus: Kumbahanbe mamohé u : Ratungu tau Jehudi; kaiso humoneu i Sie seng nanguli : Ia kai Ratungu tau Jehudi.
- 22 \* I Pilatus simimbahe : Apang ko seng daku  
 23 binohe, enee seng daku binohe. \* Tetapi  
 † manga suldato ene, sertau i sire seng nēnggantong si Jesus su kalu-kruis, nangalae pakeange, (dingangu pinahia ēpa u kamonang, su pēsenkatau suldato senkamonang), dingangu laku ene. Tetapi laku ene takoae gagepee, kaiso seng nisala antero bou rasi sarang
- 24 bawa. \* Ute i sire nēbisarae senkatau su senkatau : Kumbahanbe i kite mēnggehe enee, kaiso beite i kite mamahungu lahuri, minsang i sai sarung makahombang ene ; tadeau bawerangu Elkitab maganape, angkunge : I sire seng nēpapahia u pakeangku sutaloarangi sire, lai i sire seng namahungu lahuri waugu lakuku. Ute enee seng nikoa u manga suldato ene.
- 25 \* Tetapi masandigu kalu-kruis i Jesus dudarisi i ninae, dingangu anausenbau i ninae, i Maria, kawingi Kleopas, dingangu i Maria
- 26 Magdalena. \* Nau sedang i Jesus nakasilo si  
 † ninae, dingangu murit ene, ko ikēkendagé, dudarisi masandige, ute nēberae i Sie si ninae :
- 27 E bawine ! kakellae, ene kai ana u ese. \* Sa-  
 † muringu ini i Sie nēberae su murit ene : kakellae, ene kai i nina u. Nau bou orase enie
- 28 murit ene seng nangala si sie su koae. \* Sa-

muringu ene, sedang i Jesus masingka, humo-  
 † neu patiku ene seng natamate, tadeau bawerangu Elkitab maganape, něberae i Sie: Ia  
 29 narou! \* Nau paisene pia bumbantuang senbau ko lohongu haise, ute i sire nangungkengu bungang sage su haise ene, dingangu nitatu ene su kalu hisop, sewuhu nitenggunge  
 30 ene su mohonge. \* Nau sertau i Jesus seng  
 † nanginung haise ene, něberae i Sie: Seng natamate! Ute i Sie kimakurungkengu těmboe,  
 31 dingangu nanarakangu Roche. \* Woue tadeau badan-badan ene kumbahan matana su kalu-kruis su ēlong-sabbat, sedang kai pěndariiang (karna ēlong-sabbat ene kai labo), ute tau Jehudi ene nědorongke si Pilatus, tadeau duhingi sire ene papědiang, sewuhu alakeng  
 32 iliu. \* Woue manga suldato dimentae, dingangu namamedie duhingi sie ene ko himotong dingangu i sie ene ko waline, ko seng  
 33 nigantong su kalu-kruis ringange; \* tetapi  
 † sertau i sire dimenta su koa i Jesus, ute kinasi-longi sire, humoneu i Sie seng nate, tagal ene  
 34 i sire tawe namedi duhine, \* kaiso senkatau  
 † bou manga suldato ene něleangkengu budiake su sindihange, ute senkaměntěhange siměba-  
 35 ngke daha dingangu ake. \* Nau i sie ene ko  
 † seng nakasilo ene, i sie ene seng něsaksingu ene, ute kasaksiange kai benar kahengang; karna i sie masingka, humoneu i sie nanguli u kabenaran, tadeau i kumu lai mangiman.  
 36† \* Karna hale ini seng nariadi, tadeau bawerangu Elkitab maganape: Takoae ruhine  
 37 sarung pědiang. \* Lai kai kabawohe su  
 † surate waline: I sire sarung makasilo, si Sai ko seng nileangi sire.  
 38 Nau samuringu ene i Josef bou Arimathea (ko kai senkatau muriti Jesus, tetapi měkěkumbuni

waugu sebab takue su tau Jehudi ene), nědorongke si Pilatus, tadeau i sie wue mangala badangi Jesus; ute i Pilatus namalaengu ene. Woue i sie natamaie dingangu nangalae badan  
 39 ene. \* Lai i Nikodemus (ko lěnau seng dimenta hěbi su koa i Jesus), dimentae dingangu něbawae mirre dingangu aloe ko nipěda-  
 40 lau, lěnang mahasu su katine. \* Ute i sire ene nangalae badangi Jesus, sewuhu pinikungkengu heka mawira dingangu rampa-rampa, kere narangu tau Jehudi su hale u mělebing.  
 41 \* Tetapi su tampa ene, suapangi Sie nigantong  
 † su kalu-kruis, pia darukutang senbau, dan suralungu darukutang ene pia senbau kubure buhu, suapangu bodang ta niaparaloka manga  
 42 senkatau. \* Senee i sire naparalokangi Jesus,  
 † sedang kubure ene kai masandige.

## FATSAL XX:

- 1 Nau su ělo himotonge bou senkamisa ene, nen kaělonge, sedang bodang marěndung, natamaie i Maria Magdalena sorong kubure ene, sewuhu nakasilo. humoneu batu ene naweho bou kubure.
- 2 \* Woue i sie timalangke, dingangu dimentae su koa i Simon Petrus dingangu su koa u murit ko waline, ko ikěkendagi Jesus, dingangu nangulie si sire: Mawu seng niala i sire buralungu kubure, ute i kami běga, suapa i Sie
- 3 niaparalokangi sire. \* Woue i Petrus siměbangke, dingangu murit ko waline ene, sewuhu
- 4 dimentae su kubure. \* I rědua ene timalangke senkahindo; tetapi murit ko waline ene timala-  
 ngke nakahoro si Petrus, dingangu dimentae
- 5 horo su kubure. \* Nau sertau i sie kimakuru-  
 ngke, ute i sie nakasilo heka sapu ene mapape-  
 lo, tetapi i sie tawe simu suralunge. \* Woue
- 6

- i Simon Petrus dimentae nakatuhu si sie, se-wuhu simue suralungu kubure ene, lai nakasilo  
 7 heka sapu ene mapapelo; \* tetapi lenso ene, ko seng pinanaka tēmboe, ta nikasilone mapapelo dingangu heka sapu waline, kaiso enee kai mararulung sesane su tampa waline.  
 8 \* Woue simue lai murit ko waline, ko seng dimenta horo su kubure, dingangu nakasilo  
 9 ene, sewuhu nangimanke; \* karna i sire bodang ta nakaëna Elkitab, humoneu i Sie mambeng měbangung bou taloarangu taumata  
 10 nate. \* Woue murit darua ene napulee sorong walene.  
 11 Tetapi i Maria dudarisi sulikude masandigu † kubure dingangu kasangie. Nau sedang i sie kasangie, ute i sie kimakurungke suralungu  
 12 kubure, \* dingangu nakasiloe Malaikat darua dingangu pakean mawira, ko měmaiang senkatau su patehu tēmbo, dan senkatau su patehu laede, suapang seng niparalokangu badangi  
 13 Jesus. \* Woue irēdua ene něberae si sie: E bawine! sebab apa i kau kasangie? I sie simimbahe si rēdua: Sebab Mawuku seng niala i sire, dan ia běga, suapa i Sie niparalokangi  
 14 sire. \* Nau sertau i sie seng něberangu ene, ute i sie něbihue sulikude, dingangu nakasilo si Jesus dudarisi, tetapi i sie běga, humoneu i  
 15 Sie ene kai i Jesus. \* I Jesus něberae si sie: † E bawine! Sebab apa i kau kasangie? i saie dudeakengu? Nau sedang lěnange, humoneu i Sie ene kai mělalukadu kobon ene, ute něberae i sie si Sie: E tuan! kamagengi kau seng něbawa si Sie bou ini, uliko si sia, suapa i Sie niparalokanu, ute ia mapulu mangala si Sie  
 16 bou ene. \* I Jesus něberae si sie: E Maria! Ute i sie něbihu, dingangu něberae si Sie: O  
 17 Rabbuni! ko mangalene, Guru. \* I Jesus

- † něberae si sie : Kumbahanbe mamisile si Sia,  
 karna Ia bodang ta natarai su koa i Iamangku !  
 Tetapi dakoe tamai su koa u ana-anausenbau-  
 ku, dingangu ulie si sire : Ia matarai su koa i  
 Iamangku dingangu i Iamangi kumu, su Rua-  
 18 taku dingangu Ruatangi kumu. \* I Maria  
 Magdalena natamaie dingangu něhabare su ma-  
 nga murit, humoneu i sie seng nakasilo Mawu,  
 dan humoneu i Sie seng něberangu ene si sie.  
 19 Nau sertau seng nahěbi su ělo himotonge bou  
 senkamisa ene, sertau ngara-ngara seng maka-  
 kunsi, suapang ko pinukomolangu manga  
 murite, waugu katataku su tau Jehudi ene,  
 dimentae i Jesus dingangu dudarisie sutaloa-  
 rane, dingangu něberae si sire : Pědarame si  
 20 kumu ! \* Nau sertau i Sie seng něberangu  
 † ene, ute i Sie napasilongu limane dingangu  
 sindihange si sire. Ute manga murit ene  
 21 nahuluase, sedang i sire nakasilo Mawu. \* Wo-  
 † ue i Jesus něberae kapia si sire : Pědarame si  
 kumu ! kere i Iamang seng něndoi u Ia, kerene  
 22 Ia lai měndoi i kumu. \* Dan sertau i Sie  
 † seng něberangu ene, ute i Sie nětiue dingangu  
 něberae si sire : Tarimae Roch limembong  
 23 susi ! \* Kamagengi kumu mangonggo u  
 † ampungu dosa-dosangu manga senkatau, ute  
 dosa-dosane kai kaampungan si sie ene ; dan  
 kamagengi kumu tawe mangonggo u ampungu  
 dosa-dosangu manga senkatau, ute dosa-dosane  
 tawe kaampungan si sie ene.  
 24 Tetapi i Thomas, ko isěsebba si Didimus, ko  
 senkatau bou murit mapulo-dua ene, tadie  
 25 ringangi sire, su tempo nirintangi Jesus. \* Wo-  
 ue manga murit ko waline nangulie si sie : I kami  
 seng nakasilo Mawu ! Tetapi i sie něberae si  
 sire : Kamagengu ia tawe makasilo tandangu-  
 paku ene su limane, dingangu měloho u tali-

medoku su tandangu-paku ene, dingangu  
 měloho u limaku su sindihange, ute ia man ta  
 26 mangiman ene. \* Woue kualung ēlone samuri-  
 ngu ene, sertau manga murit ene seng něsau  
 němpěkomole, lai i Thomas ringangi sire,  
 dimentae i Jesus, sertau ngara-ngara seng  
 makakunsi, dingangu dudarisi su taloarane,  
 27 dingangu něberae: Pědarame si kumu! \* Samu-  
 ringu ene i Sie něberae si Thomas: Mahiko  
 talimedonu, dingangu kakellako limaku, dan  
 mahiko limanu, dingangu lohoe ene su sindi-  
 hangku; dan kumbahanbe ta mangiman, kaiso  
 28 pangimanke! \* Ute i Thomas simimbahe  
 dingangu něberae si Sie: O Mawuku dingangu  
 29 Ruataku! \* I Jesus něberae si sie: E Thomas!  
 sebab i kau seng nakasilo si Sia, ute i kau  
 mangiman; kasasalamate si sire ene, ko ta  
 30 nakasilo, tetapi mangiman wue. \* Lai mauli  
 tanda waline, ko ta winohe suralungu kitab  
 ini, seng nikoa i Jesus sutengongu manga  
 31 murite; \* tetapi ini seng binohe, tadeau i  
 kumu pangiman, humoneu i Jesus kai i Kristus,  
 Ahusu Ruata; dan tadeau i kumu ko mangi-  
 man, managuang pětatembiahe ene suralungu  
 Arenge.

### FATSAL XXI.

- 1 Samuringu ene i Jesus napakalahe u batangenge kapia su manga murit ene masandigu  
 danongu Tiberias. Ute i Sie napakalahe u
- 2 batangenge kereini: \* Senee seng komoko-  
 mole i Simon Petrus, dingangu i Thomas, ko  
 isěsebba si Didimus, dingangu i Nathanael, ko  
 ene bou Kana, wanua Galilea, dingangu ana-  
 ana i Zebedeus, lai ruangkatau waline bouta-
- 3 loarangu manga murite. \* I Simon Petrus

- něberae si sire : I matamai manoma. I sire  
 něberae si sie : I kami lai matamai ringangu.  
 I sire siměbangke dingangu simakee su sakaen  
 su orase ene, tetapi su hěbi ene i sire ta na-  
 4 kaala apa-apa. \* Nau sertau seng kaělonge,  
 dudarisi i Jesus su apang ene; tetapi manga  
 murit ene běga, humoneu ene kai i Jesus.  
 5 Woue i Jesus něberae si sire : E manga ana !  
 † ute takoae darěling kang si kumu ? I sire  
 6 simimbahe si Sie : Takoae ! \* Woue i Sie  
 něberae si sire : Peloe soma su kuanengu sa-  
 kaen, ute i kumu sarung makaala. Woue i  
 sire nameloe ene, sewuhu i sire tawotonge lai  
 makawoleng ene waugu kakěpalu kina ene.  
 7 \* Woue murit ene ko ikěkendagi Jesus, něberae  
 si Petrus : Enee kai Mawu ! Nau sedang i  
 Simon Petrus nakaringihe, humoneu enee kai  
 Mawu, ute i sie namekisengu lakue, (karna i  
 sie kai tintalang) sewuhu timumpae su ake.  
 8 \* Tetapi manga murit ko waline ene hima-  
 ungke dingangu sakaen, dingangu namolengke  
 soma dingangu lohongu kina ene, karna i sire  
 tawe marau bou rulunge, lěnang rua hasu su  
 9 tipange. \* Nau sertau i sire seng nanangkile  
 su rulunge, ute i sire nakasilo tětuhu putung  
 matatampung, dingangu kina matatongka, lai  
 10 brote. \* I Jesus něberae si sire : Pěbawako  
 apa-apa bou kina ene ko buhu naala si kumu.  
 11 \* I Simon Petrus natamaie, dingangu namo-  
 lengke soma ene su rulunge, napene u kina  
 dalabo, něrating mahasu-limanpulo-tělu su  
 wuae; dan maning kerene kahapee, ute soma  
 12 ene man ta natingkase. \* I Jesus něberae si  
 † sire : Mahie sini paměda. Tetapi takoae ma-  
 nga senkatau bou manga murit ene nanuka  
 nakiwalo si Sie : I saie i Kau ? karna I sire  
 13 masingka, humoneu enee kai Mawu. \* Woue

- i Jesus hiinaungke dingangu nangalae brote  
ene sewuhu nangonggo u ene si sire, dan kerene  
14 lai kina ene. \* Inie kai su katēlu sulene, hu-  
moneu i Jesus nětingkalahe su manga murite,  
samuringi Sie seng něbangung boutaloarangu  
taumata nate.
- 15 Nau sertau i sire seng bou kimang, něberae i  
† Jesus si Simon Petrus : E Simon, ana i Iona !  
ute i kau kumendagu Ia limembongi sire ini ?  
I sie simimbahe si Sie : Ore, o Mawu ! i Kau  
masingka, humoneu ia kumendagi Kau. I Sie  
něberae si sie : Lukadeko ana-ana u dumba-  
16 dumbaku ! \* Něsau su karuang sulene i Sie  
† něberae si sie : E Simon, ana i Iona ! ute i kau  
kumendagu Ia ? I sie simimbahe si Sie : Ore,  
o Mawu ! i Kau masingka, humoneu ia kume-  
ndagi Kau. I Sie něberae si sie : Lukadeko  
17 dumba-dumbaku ! \* I Sie něberae si sie su  
† katēlu sulene : E Simon, ana i Iona ! ute i kau  
kumendagu Ia ? I Petrus nasusae, sebab i  
Sie su katēlu sulene něbera si sie : Ute i kau  
kumendagu Ia ? woue i sie simimbahe si Sie :  
O Mawu ! i Kau masingka u patiku perkara, i  
Kau masingka, homoneu ia kumendagi Kau.  
I Jesus něberae si sie : Lukadeko dumba-dum-  
18 baku ! \* Tenga-tengade Ia manguli si kau :  
tempongi kau nen manguda, ute i kau namě-  
gong batangengu sesanu, dingangu rimaleng  
suapang ko nikapulunu ; tetapi kamagengi kau  
magurang, ute i kau sarung manegongu lima-  
nu, dan senkatau waline sarung měhapuse si  
kau, dingangu měbawa si kau, suapang ko ta-  
19 ikapulunu. \* Tetapi ini niulie, sarung měma-  
nulada papate ene, kereapangi sie sarung ma-  
pakawantugu Ruata. Nau sertau i Sie seng  
nanguli u ene něberae i Sie si sie : Tuhue si  
20 Sia ! \* Tetapi i Petrus něbihue dingangu na-

kasilo, humoneu murit ene ko ikēkendagi Jesus, katuhue, ko lai su perdjamuan hēbi seng nangunsade su rokongi Jesus, dan seng nakiwalo si Sie : I sai enee, ko sarung mētulangi Kau ?

- 21 \* Nausertau i Petrus nakasilo si sie ene, nēberae i sie si Jesus : O Mawu ! ute kereapa i  
 22 sie ini ? \* I Jesus nēberae si sie : Kamagengu Ia mapulu, tadeau i sie matana sarang Ia du-  
 menta, enee baline hale u, tuhue i kau si Sia.  
 23 \* Nau bawera ini nimenee sutaloarangu ana-  
 anausenbau, humoneu murit ini tawe sarung  
 mate. Tetapi i Jesus seng tawe nanguli, hu-  
 moneu i sie tawe sarung mate ; kaiso : Kama-  
 gengu Ia mapulu, tadeau i sie matana, sarang  
 24 Ia dumenta, enee baline hale u. \* I sie ini kai  
 murit ene, ko mēsaksingu hale ini, dan seng  
 namohe u perkara-perkara ini ; dan i kami  
 masingka, humoneu kasaksiange kai benar  
 25 kahengang. \* Pia lai mauli perkara waline, ko  
 seng nikoa i Jesus, hakiu, kamagengu ene  
 sarung iwohe senbau-senbau sesane, ia ma-  
 ngēna, humoneu lai dunia ini ta sarung ma-  
 kaēna kitab-kitab ene, ko botonge iwohe.  
 Amin.
-



# TAMBAHAN.

---

## I JESAIAS, FATSAL 55.

- 1 E i kumu patiku, ko měmadou, mahiete su pungu ake! dan i kumu, ko takoae kupang, mahiete pěluangke, dingangu kangke, e mahiete pěluangke ake u anggor dingangu ake u susu, tawe dingangu kupang, dan tawe dingā-
- 2 ngu wawaeh ! \* Sebab apa i kumu mamaehu kupang waugu hale ene ko waline kang, lai pěkakardjahangi kumu waugu hale ene ko tawotonge makalaede ? Daringihe dingangu pakatatahěndung si Sia, dingangu kangke enee ko mapia ; ute djiwangi kumu sarung
- 3 lumuase suralungu kapapaliu. \* Tainke tulingi kumu, dingangu mahiete su koaku ; daringiheko, ute djiwangi kumu sarung měbiahe ; karna Ia mapulu měkoa pědariandi kakal dingangi kumu, tadeau Ia mangonggo si kumu patiku nimet ene ko matatape, ko seng pině-
- 4 diandi si Daud. \* Kakellae, Ia seng nangongo i Sie su umate-umate, tadeau i Sie kai Saksi, Ratu dan Měpaparenta umate-umate.
- 5 \* Kakellae, i kau sarung kumui umate ene, ko seng ta kinakiralanu ; dan umate ene ko seng ta nakakirala si kau, sarung mahuntalang su koa u ; waugu sebab Mawu Ruatanu, dan waugu sebab Pungu-kasasusingu tau Israel : karna i Sie seng napakawantugi kau.
- 6 Pědeae Mawu kaselahenge, sedang i Sie

kasombange ; pěkaliomanengke si Sie, sedang  
 7 i Sie kai masandige. \* Tau durhaka ene panen-  
 tangkengu daralengange dan tau dalai ene  
 panentangkengu pěkakarakine ; dan i sie pě-  
 tobate su Mawu kaselahenge, ute i Sie sarung  
 tumalentu si sie, dan su Ruatangi kite, karna  
 měmapaliu i Sie mangonggo u ampung.  
 8 \*Karna pangangěnaku kai balinebe pangangě-  
 nangi kumu, dan daralengangi kumu kai  
 balinebe daralengangku, piněberangu Mawu  
 9 kaselahenge. \* Karna kere langi kai marange  
 limembongu bumi, kerene daralengangku kai  
 marange limembongu daralengangi kumu, dan  
 pangangěnaku limembongu pangangěnangi  
 10 kumu. \* Karna kere tahiti dingangu tzaldju  
 rumasehe bou langi, sewuhu ta masule tarai,  
 kaiso makananta tana, dingangu měkoa,  
 tadeau tana mapatuwo dingangu mapatim-  
 bulu apang ko mariadi bine ko isěsuang,  
 11 dan kang ko kěkanengan ; \* kerene lai ba-  
 weraku ko masěbang bou mohongku, tawe  
 sarung masule kossong su koaku, kaiso  
 sarung makakoa apang ko Daku ikěkapulu,  
 dan sarung měberuntung su hale ene, sua-  
 12 pang ko Daku piněndoikangu ene. \* Karna  
 i kumu sarung suměbang dingangu daliage,  
 dan i kumu sarung ientude dingangu pědara-  
 me ; bulude-bulude dingangu běnkue-běnkue  
 sarung kumaka, dingangu měgantare u raluase  
 su tengong ghatingi kumu ; dan kalawo u  
 13 kalu su kěhu sarung mětaloka. \* Gantingu  
 kalu mawulanta sarung tuwongu kalu-sano-  
 bar, gantingu sahai sarung tuwongu kalu-  
 mired ; enee sarung mariadi areng senbau  
 su Mawu kaselahenge, dingangu tanda kakal  
 ko ta malailang.











